

नमो नमो विष्णवे संसृजस्त
पंचम रागवर श्री सुधर्मास्वामिने नमः

३९ महानिशीथं - छेदसूत्रं

[मूलम्]

कण्ठं शेषं सूत्रं

★ मूलम् एव (सधन तपास पछी पक्ष अभने आ सूत्र ७५२ को ७४ वृत्ति-भूषि
निर्भुक्ति आदि भजेव नथी भाटे मात्र मूल ४ आपेव छे

अध्ययन-१-शल्योद्धरणम्

मू. (१) ओम् नमो तित्थस्स, ओम् नमो अरहंताणं, सुयं मे आउसं तेनं भगवया एवमक्खायं-
इह खलु छउमत्थ-संजम-किरियाए वट्टमाणे जे णं केइ साहू वा साहूणी वा से णं इमेणं परमत्थ-
तत्त-सार-सब्बूयत्थ-पसाहग-सुमहत्थातिसय-पवर-वर-महानिशीह-सुयक्खंध-सुयानुसारेणं तिविहं
तिविहेणं सव्व-भाव-भावंतरंतरेहि णं नीसल्ले भवित्ताणं आयहियद्वाए अद्यंत-धोर-वीरुग्ग-कड्ड-
तव-संजमानुड्डाणेसु सव्व-पमाया-लंबण-विप्पमुक्के अनुसमयमहिन्नसमनालसत्ताए सययं अनि-
व्विन्ने अनन्न-परम-सद्धा-संवेग-वेरग्ग-मग्गए निन्नियाणो अनिगूहिय-बल-वीरिय-पुरिसक्कार-
परक्कमे अगिलानीए वोसट्ट चत्त-देहे सुणिच्छि-एग्गगधित्ते-अभिकखणं अभिरमेज्जा ।

मू. (२) नोणं राग-दोस-मोह-विसय-कसाय-नाणालंबणानेग-पमाय-इहि-रस-साया गारवरोद्ध-
इज्झाण-विगहामिच्छत्ताविरइ-दुड्ड-जोग-नाययणसेवणा-कुसीलादि-संसग्गी-पेसुल्ल ऽब्बक्खाण-
कलह-जातादि-मय-मच्छरामरीस-ममीकार-अहंकारादि-अणेग-भेय-भिन्न-तामस-भाव-कलु-
सिएणं हियएणं हिंसालिय-चोरिक्क-मेहुण-परिग्गहारंभ-संकप्पादि-गोयर-अज्झवसिए-धोर-पयंड-
महारोद्ध-घन-चिक्कणं-पावकम्म-मल-लेव-खवल्लिए असंबुडासव-दारै ।

मू. (३) एक्क-खण-लव-मुहुत्त निमिस-निमिसद्धब्भंतरमदि ससल्ले विरत्तेज्ज तंजहा -

मू. (४) उवसंते सव्वभावेणं विरत्ते य जया भवे ।

सव्वत्थ विसए आया रागेयर-मोह-वज्जिरे ॥

मू. (५) तथा संवेगमावन्ने पारलोइय वत्तणि ।

एग्गगेनेसती सम्मं हा मओ कत्थ गच्छिहं ॥

मू. (६) को धम्मो को वओ नियमो को तवो मेऽनुचिद्धिओ ।

किं सीलं धारियं होज्जा को पुन वानो पयच्छिओ ॥

मू. (७) जस्सानुभाव ओअत्थ हीन-मज्झुत्तमे कुल्ले ।

सग्गे वा मनुय-लोए वा सोक्खं रिद्धिं लमेज्जहं ॥

मू. (८) अहवा किंथ विसाएण सव्वं जाणामि असियं ।

- दुस्सरियं जारिसो याहं जे मे दोसा य जे गुणा ॥
 मू. (९) घोरंधयार-पायाले गमिस्सेऽहमनुसरे ।
 जत्य दुक्ख-सहस्साई अनुभविस्सं चिरं बहू ॥
 मू. (१०) एवं सव्वं वियाणंते धम्माधम्मं सुहासुहं ।
 अत्येगे गोयमा पाणी जे मोहायहियं न चिह्वए ॥
 मू. (११) जे यावाय-हियं कुळा कत्यई पारलोइयं ।
 मायाडंभेण तस्सावी सयमवी तं न भावए ॥
 मू. (१२) आया सयमेव अत्ताणं निउणं जाणे जहडियं ।
 आथा चेव दुपत्तिजे धम्ममवि य अत्त-सविजयं ॥
 मू. (१३) जं जस्सानुमयं हियए सो तं ठावेइ सुंदर-पएसु ।
 सदूली निय-तणए तारिसकूरे वि मन्नइ विसिद्धे ॥
 मू. (१४) अत्तत्तीया समेक्षा सयल-पाणिणो कप्पयंतऽप्पणप्पं ।
 दुहं वइ-काय-चंडं मणांसिय-कलुस जुंजयते धरंते ॥
 निदोसे तं य सिद्धे ववगय-कलुसे पक्खवायं विमुद्धा ।
 विक्खंतऽञ्जंतपावे कलुसिय-हिययं दोस-जालेहिं नद्धं ॥
 मू. (१५) परमत्थ-तत्त-सिद्धं सम्भूयत्य पसाहंग ।
 तब्भणियानुद्धाणेणं जे आया रंजए सकं ॥
 मू. (१६) तेसुत्तमं भवे धम्मं उत्तमा तव-संपया ।
 उत्तम सील-चारित्तं उत्तमा य गती भवे ॥
 मू. (१७) अत्येगे गोयम पाणी जे एरिसमवि कोडिं गते ।
 ससल्ले चरती धम्मं आयहियं नाव बुज्झइ ॥
 मू. (१८) ससल्लो जइ वि कहुगं घोर-वीर-त्तवं घरे ।
 दिव्वं वाससहस्सं पि ततो वी तं तस्स निष्फलं ॥
 मू. (१९) सल्लं पि भन्नई पावं जं नालोइय-निदियं ।
 न गरहियं न पच्छित्तं कयं जं जह य भाणियं ॥
 मू. (२०) माया-डंभमकत्तव्वं महापच्छन्न-पावया ।
 अयज्ज-मनाथारं च सल्लं कम्महु-संगहो ॥
 मू. (२१) संजम-अहम्मं च निस्सील-व्वतता वि य ।
 सकुलसत्तमसुद्धी य सुकयनासो तहेव य ॥
 मू. (२२) दुग्गइ-गभन मनुत्तारं दुक्खे सारीर-भानसे ।
 अव्वोच्छिन्ने य संसारे विग्गोवण्णया महंतिया ॥
 मू. (२३) केसं विरूध-रूवत्तं दारिदं-दोहगया ।
 हा हा-भूयसवेयणया-परिभूयं च जीवियं ॥
 मू. (२४) निग्घिण-निसिंस-कूरत्तं निहय-निक्खिवावि य ।

- मू. (२५) निखल-गूढहियतं वंक-विवरीय-चित्तया ॥
रागो दोसो य मोहो य मिच्छतं धन-चिक्कणं ।
सम्पग्गनासो तह य एगे ऽजस्सितमेव य ॥
- मू. (२६) आणा-भंगमबोही य ससल्लत्ता य भवे भवे ।
एमादी पाव-सल्लस्स नामे एगट्ठिए बहू ॥
- मू. (२७) जे णं सल्लिय-हिययस्स एगस्सी बहू-भवंतरे ।
सव्वंगोवंग-संधीओ पसल्लंती पुणो पुणो ॥
- मू. (२८) से य दुविहे समक्खए सल्ले सुहुमे य बायरे ।
एक्केक्के तिविहे नेए घोरुग्गुग्गतरे तह ॥
- मू. (२९) घोरं घउव्विहा माया घोरुग्गं माणं-संजुया ।
माया लोभो य कोहो य घोरुग्गुग्गतरे मुने ॥
- मू. (३०) सुहुम-बायर-मेएणं सप्पमेयं पिमं भुनी ।
अइरा समुद्धरे खिप्पं ससल्ले नो वसे खणं ॥
- मू. (३१) खुड्डलगे वि अहिपोए सिद्धत्थयतुल्ले सिही ।
संपल्लगे खयं नेइ नर-पुरे विंझाडइं ॥
- मू. (३२) एवं तनु-तनुभयर पावसल्लभमुद्धियं ।
भव-भवंतरकोडीओ बहु संतायपदं भवे ॥
- मू. (३३) भयवं सुदुद्धरे एस पावसल्ले दुहण्णए ।
उद्धरिउं पि न याणंती बहवे अह बुद्धरिअइं ॥
- मू. (३४) गोयमा निम्भूलमुद्धरणं निययमे तस्सं मासियं ।
सुदुद्धरस्सावि सल्लस्स सव्वंगोवं-भेदिनो ॥
- मू. (३५) सम्मदंसणं पढमं सम्मन्नाणं बिइअयं ।
तइयं य सम्मचारित्तं एगभूययमिमं तिगं ॥
- मू. (३६) खेत्तीभूते वि जे जित्ते जे गूढे ऽदंसणं गए ।
जे अत्थीसु ठिए केई जेतियमब्भंतरं गए ॥
- मू. (३७) सव्वंगोवं-संखुत्ते जे सव्वंतर-बाहिरे ।
सल्लंती जे न सल्लंती ते निम्भूले समुद्धरे ॥
- मू. (३८) हयं नाणं कियाहीनं हया अन्नाणतो किया ।
पासंतो पंगुलो दहो धावमाणो य अंधओ ॥
- मू. (३९) संजोग-सिद्धीअ उ गोयमा फलं नहु एगचक्केन रहो पयाई ।
अंधो य पंगू य लक्खणे समिच्चा ते संपउत्ता नगरं पविट्ठा ॥
- मू. (४०) नाणं पयासयं सोहओ तवो संजमो य गुत्तिकरो ।
तिण्हं पि समाओगे गोयम मोक्खो न अन्नहा उ ॥
- मू. (४१) ता नीसल्ले भवित्ताणं सव्वसल्ल-विवअिए ।

- जे धम्मसमनु चिद्धेआ सव्व-भूयऽपकपि वा ॥
 मू. (४२) तस्स णं सफलं होआ जम्म-जम्मंतरेसु वि ।
 विउला संपय-रिद्धी य लभेआ सासयं सुहं ॥
 मू. (४३) सल्लमुद्धरिउ-कामेणं सुपसत्ये सोहणे दिने ।
 तिहि-करण-मुहुत्त नक्खत्ते जोगे लग्गे ससी-बले ॥
 मू. (४४) कायच्चाऽऽयंबिल-क्खमणं दस दिने पंचमंगलं ।
 परिजवियव्वेऽड्डसयं सयहा तदुवरिं अड्डमं करे ॥
 मू. (४५) अड्डम-भत्तेण पारेत्ता काउणायंबिलं तओ ।
 चेइय-साहू य वंदित्ता करिअ खंतपरिसियं ॥
 मू. (४६) जे केइ दुड्ड संलत्ते जस्सुवरिं दुड्ड-यित्तिथं ।
 जस्स य दुड्ड कयं जेन पडिदुड्ड वा कयं भवे ॥
 मू. (४७) तस्स सव्वस्स तिविहेण वाय मनसा य कम्मुणा ।
 नीसल्लं सव्वभावेणं दाउं मिच्छा मि दुक्कडं ॥
 मू. (४८) पुणो वि वीथरागाणं पडिमाओ चेइयालए ।
 पत्तेयं संघुणे वंदे एगगो भत्ति-निब्भरो ॥
 मू. (४९) वंदितु चेइए सम्मं छड्डमभत्तेण परिजवे ।
 इमं सुयदेवयं विअं लक्खहा चेहयालए ॥
 मू. (५०) उवसंतो सव्वभावेणं एगथित्तो सुनिच्छिओ ।
 आउत्तो अव्ववक्खित्तो रागरइ-अरइ-वड्ढिओ ॥

- मू. (५१) अउम् न् अम् ओ क् ओ इ अ व् उ ऋ ई ण् अम्,
 अउम् न् अम् ओ प् अ य् आ न् उ स् आ र् ई ण् अम्,
 अउम् न् अम् ओ स् अम् भ् इ ण् अस् ओ ई ण् अम्,
 अउम् न् अम् ओ ख् ई र् आ स व्व ल् ऋ ई ण् अम्,
 अइम् न् अम् ओ स ध्व् ओ सहि ल् ऋ ई ण् अम्,
 अउम् न् अम् ओ अक् ख् ई न् अम् अह् आ न् स ल् ऋ ई ण् अम्,

अउम् न् अम् ओ भगवओ अरहओ महइ महावीरवद्धमाणस्स धम्मतित्थंकरस्स
 अउम् न् अम् ओ सव्व धम्मतित्थंकराणं अउम् न् अम् ओ सव्व सिद्धाणं अउम् न् अम् ओ सव्व साहूणं
 अउम् न् अम् ओ भगवतो मइ न् आ णस्स अउम् न् अम् ओ भगवओ सुय न् आणस्स अउम् न् अम् ओ
 भगवओ ओहइन् आणस्स अउम् न् अम् ओ भगवओ मनपञ्चव न् आ णस्स अउम् न् अम् ओ
 भगवओ क् ए वल न् आ णस्स अउम् न् अम् ओ भगवतीए सुय द् ए व् अ य् आ ए सिज्झउ म् ए सु य्
 आ हि वा (एसा महा) विज्जा अउम् न् अम् ओ भगवओ अउम् न् अम् ओ व् अम् अउम् न् अम् ओ
 अउम् न् अम् ओ आ औ अभिवत्तीलक्खणं सम्मइंसणं अउम् न् अम् ओ अइआ र स् अ स् ई ल् अम् ग-
 सहस्साहिद्वियस्स न् ई स् अम ग न् इ ब्रइ य् आ न् अ न् ई सल्ल न् इ मय सल्लगतण स् अ र् अ न्न
 सव्वदुक्खनिम्महण-परमनिव्वुइकरस्स णं पवयणस्स परमपवित्तुमस्सेति

मू. (ॐ नमो कोट्युद्धीणं ॐ नमो पयानुरारीणं ॐ नमो संभिन्नसोईणं ॐ नमो खीरासवलद्धीणं
ॐ नमो सब्बोसहिलद्धीणं ॐ नमो अक्खीणमहानसलद्धीणं ॐ नमो भगवओ अरहओ महइमहावीर
वद्धमाणस्स धम्मतित्थंकरस्स ॐ नमो सब्बधम्मतित्थंकराणं ॐ नमो सब्बसिद्धाणं ॐ नमो
सब्बसाहूणं ॐ नमो भगवतो मइनाणस्स, ॐ नमो भगवओ सुधनाणस्स, ॐ नमो भगवओ
ओहिनाणस्स ॐ नमो भगवओ मनपअवनानाणस्स ॐ नमो भगवओ केवलनाणस्स नमो भगवतीए
सुयदेवयाए सिज्झउ मे सुयाहिवा विज्जा ॐ नमो भगवओ ॐ नमो वं ॐ नमो ॐ नमो आ औ
अभिवत्ती लक्खणं सम्मइंसणं ॐ नमो अट्ठारससीलंगसहस्साहिट्ठियस्स नीसंगनिनियान
नीसल्लनिभय-सल्लगतण सरण्ण सब्बदुक्ख-निम्महण-परम-निब्बुइकरस्स णं पवयणस्स परम
पवित्तुत्तमस्सेति ॥

मू. (५२) एसा विज्जा सिद्धंतिएहिं अक्खरेहिं लिखिया एसा य सिद्धंतिया लीवी अमुणिय-
समयसम्भावाणं सुयधरेहिं णं न पन्नवेव्वा तह य कुसीलाणं च ॥

- मू. (५३) इमाए नवर-दिआए इव्वहाउ अस्सत्तां ।
अहिमंतेऊण सोवेज्जा खंतो दंतो जिइंदिओ ॥
- मू. (५४) नवरं सुहासुहं सम्भं सिविणगं समवधारए ।
जं तत्थ सिविएगे पासे तारिसगं तं तहा भवे ॥
- मू. (५५) जइ णं सुंदरगं पासे सिमिणगं तो इमं महा ।
परमत्थ-तत्त-सारत्थं सल्लुद्धरणं सुणेत्तुणं ॥
- मू. (५६) देज्जा आलोयणं सुद्धं अट्ठ-मय-ट्ठाण-विरहिओ ।
रंजेंतो धम्मतित्थयरे सिद्धे लोग्ग-संठिए ॥
- मू. (५७) आलोएत्ताण नीसल्लं सामन्नेण पुणो विय ।
वंदिता चेइए साहू विहि-पुव्वेण खमावए ॥
- मू. (५८) खामेत्ता पाव-सल्लस्स निम्मूलुद्धरणं पुणो ।
करेज्जा विहि-पुव्वेणं रंजेंतो ससुरासुरं जगं ॥
- मू. (५९) एवं होऊण नीसल्लो सब्ब-भावेण पुनरवि ।
विहि-पुव्वं चेइए वंदे खामे साहम्मिए तहा ॥
- मू. (६०) नवरं जेन समं वुत्थो जेहिं सद्धिं पविहरिओ ।
खर-फरुसं चोइओ जेहिं सयं वा जो य चोइओ ॥
- मू. (६१) जो वि य कज्जमकजे वा भणिओ खर-फरुस-निद्धरं ।
पडिभणियं जेन वी किंचि सो जइ जीवइ जई मओ ॥
- मू. (६२) खामेयव्वो सब्ब-भावेणं जीवंतो जत्थ चिद्धइ ।
तत्थ गंतुण विनएन मओ वी साहुसिक्खयं ॥
- मू. (६३) एवं खामण-मरिसामणं काउं तिहुयणस्स वि भावओ ।
सुद्धो मत्त-अइ-काएहिं एयं घोसेअ निच्छिओ ॥

- मू. (६४) खामेमि अहं सव्वे सव्वे जीवा खमंतु मे ।
मिती मे सव्वभूएसुं वेरं मज्झं न केणई ॥
- मू. (६५) खमामि हं पि सव्वेसिं सव्व-भावेण सव्वहा ।
भवमवेसु वि जंतूण वाया-मनसा य कम्मणा ॥
- मू. (६६) एवं घोसेतु वंदिआ चेइय-साहू विहीय इ ।
गुरुस्सावि विही-पुव्वं खामण-मरिसामणं करे ॥
- मू. (६७) खमावेत्तु गुरु सम्मं तान-महिमं स-सत्तिओ ।
काऊणं वंदिऊणं च विहि-पुव्वेण पुणो वि य ॥
- मू. (६८) पमत्थ-तत्त-सारत्थं सल्लुद्धरणमिमं सुणे ।
सुणिता तहमालोए जह आलोयंतो चेव उप्पए केवलं नाणं ॥
- मू. (६९) दिन्नेरिस-भावत्थेहिं नीसल्ला आलोयणा ।
जेनालोयमाणानं चेव उप्पन्नं तत्थेव केवलं ॥
- मू. (७०) केसिं चि साहिमो नामे महासत्ताण मोयमा ।
जेहिं भावेनालोययंतहिं केवलनाणमुप्पाइयं ॥
- मू. (७१) हा हा दुइ-कडे साहू हा हा दुइ विचिंतिरे ।
हा हा दुइ-भणिरे साहू हा हा दुइमनुमते ॥
- मू. (७२) संवेगालोयगे तह य भावालोयण-केवली ।
पय-खेव-केवली चेव मुहंनंतग-केवली तहा ॥
- मू. (७३) पच्छित्त-केवली सम्मं महा-वेरग्ग-केवली ।
आलोयणा केवली तह य हा हं पावि त्ति-केवली ॥
- मू. (७४) उस्सुत्तुम्मग्ग-पन्नवए हा हा अनायार-केवली ।
सावज्जं न करेमि त्ति अवखंडिय-सील-केवली ॥
- मू. (७५) तव-संजम-वय-संरक्खे निंदण-गरिहणे तहा ।
सव्वन्तो सील-संरक्खे कोडी-पच्छित्तए वि य ॥
- मू. (७६) निप्परिकम्मे अकंडुयणे अनिमिसच्छी य केवली ।
एग-पासित्त दो पहरे मूणव्वय-केवली तहा ॥
- मू. (७७) न सल्लो काउ सामन्नं अनसने ठामि केवली ।
नयकारकेवली तह य निम्मालोयण-केवली ॥
- मू. (७८) निसल्ल-केवली तह य सल्लुद्धरणकेवली ।
धन्नेमि त्ति सपुन्नो स ता हं पी किं न केवली ॥
- मू. (७९) ससल्लो हं न पारेमि घल्ल-कड्ड-पय-केवली ।
पक्ख-सुद्धाभिहाणे य चाउम्मासी य केवली ॥
- मू. (८०) संवच्छर-मह-पच्छित्ते हा चल-जीविते तहा ।
अनिच्चे खण-विच्छंसी मनुयत्ते केवली तहा ॥

- मू. (८१) आलोय-निंद-वंदियए घोर-पच्छित्त-दुक्करे ।
लक्खोवसग्ग-निवासे य अड्ढकवलासि केवली ॥
- मू. (८२) हत्थोसरण-निवासे य अड्ढकवलासि केवली ।
एग-सित्थ-पच्छित्तो षस-वा से केवली तहा ॥
- मू. (८३) पच्छित्ताढवगे येव पच्छित्तद्ध-कय-केवली ।
पच्छित्त-परिसमत्ती य अड्ढ-स-उक्कोस-केवली ॥
- मू. (८४) न सुद्धी वि न पच्छित्ता ता वरं खिप्प केवली ।
एगं काऊण पच्छित्तं बीयं न भवे जह येव केवली ॥
- मू. (८५) तं चायरामि पच्छित्तं जेनागच्छइ केवली ।
तं चायरामि जेन तवं सफलं होइ केवली ॥
- मू. (८६) किं पच्छित्तं चरंतो हं चिट्ठं नो तय-केवली ।
जिणाणमाणं न लंघे हं पान-परिस्सयण-केवली ॥
- मू. (८७) अन्नं होही सरीरं मे नो बोही येव केवली ।
सुलद्धमिणं सरीरेण पाव-निद्धुहण-केवली ॥
- मू. (८८) अनाइ-पाव-कम्म-मलं निद्धोवेमीह केवली ।
बीयं तं न समायरियं पमाया केवली तहा ॥
- मू. (८९) दे दे खवओ सरीरं मे निज्जरा भवउ केवली ।
सरीरस्स संजमं सारं निक्कलंक तुं केवली ॥
- मू. (९०) मनसा वि खंडिए सीले पाणे न धरामि केवली ।
एवं बइ-काय-जोगेणं सीले रक्खे अहं केवली ॥
- मू. (९१) एवमादी अनादीया कालाओ नंते मुनी ।
केइ आलोयणा सिद्धे पच्छित्ता केइ गोयमा ॥
- मू. (९२) खंता दंता विमुत्ता य जिइंदी सच्च-भासिणो ।
छक्काय-समारंभाओ विरते तिविहेण उ ॥
- मू. (९३) ति-दंडासव-विरया य इत्थि-कहा-संग-वज्जिया ।
इत्थी-संलाव-विरया य अंगोवंग-ऽनिरिक्खणा ॥
- मू. (९४) निम्भमत्ता सरीरे वि अप्पडिबद्धा महायसा ।
भीया छि-छि-गम्मवसहीणं बहु-बुक्खउ भवाउ तहा ॥
- मू. (९५) तो एरिसेण भावेणं दायव्वा आलोयणा ।
पच्छित्तं पि य कायव्वं तहा जहा येवेएहिं कयं ॥
- मू. (९६) न पुणो तहा आलोएयव्वं माया-हुंभेण केणई ।
जह आलोएमाणाणां येव-संसार-बुद्धी भवे ॥
- मू. (९७) अनंते ऽ नाइकालाओ अत्त-कम्मेहिं दुम्मई ।
बहुविकल्प-कल्लोले आलोएंतो वी अहोगए ॥

- मू. (९८) मोयम केसिं चि नामाइं साहिमो तं निबोधय ।
जे साऽऽलोयण-पच्छित्ते भाव-दोसेक-कलुसिए ॥
- मू. (९९) ससल्ले घोर-महं दुक्खं दुरहियास सु-दूसहं ।
अनुहवन्ति वि चिह्णंति पाव-कम्मे नराहमे ॥
- मू. (१००) गुरुगा संजमे नाम साहू निद्धंधसे तहा ।
दिट्ठि-वाया-कुसीले य मन-कुसीले तहेव य ॥
- मू. (१०१) सुहमालोयगे तह य परववएसालोयगे तहा ।
किं किंचालोयगे तह य न किंचालोयगे तहा ॥
- मू. (१०२) अकयालोयणे घेव जन-रंजवणे तहा ।
नाहं काहामि पच्छित्तं छम्भालोयणमेव य ॥
- मू. (१०३) माया-ईभ-पवंची य पुर-कड-तव-चरणं कहे ।
पच्छित्तं नत्थि मे किंचि न कया लोयनु सरे ॥
- मू. (१०४) आसन्नालोयणक्खाई लह-तह-पच्छित्तं-जायगे ।
अम्हानालोइयं चिट्ठे मुहबंधलोयगे तहा ॥
- मू. (१०५) गुरु-पच्छित्ताऽहमसकेव गिलाणालंबणं कहे ।
अरडालोयगे साहू सुन्नाऽसुन्नी तहेव य ॥
- मू. (१०६) निच्छिन्ने वि य पच्छित्ते न काहं बुद्धिजायगे ।
रंजवण-मेत्तलोगाणं वाया-पच्छित्ते तहा ॥
- मू. (१०७) पडिवज्जण-पच्छित्ते चिर-याळ-पवेसगे तहा ।
अननुट्ठिय-पायच्छित्ते अनुभणियऽन्नहाऽऽयरे तहा ॥
- मू. (१०८) आउट्ठीय महा-पावे कंदप्पा-दप्पे तहा ।
अजयणा-सेवणे तह य सुयाऽसुय-पच्छित्ते तहा ॥
- मू. (१०९) दिट्ठ-पोत्थय-पच्छित्ते सयं पच्छित्त-कप्पगे ।
एवइयं एत्थ पच्छित्तं पुव्वालोइय-मनुसरे ॥
- मू. (११०) जाती-मय-संकिए घेव कुल-मय-संकिए तहा ।
जाती-कुलोभय-मयासंके सुत-लामिस्सरिय-संकिए तहा ॥
- मू. (१११) तथो-मया-संकिए घेव पंडिच्च-मय-संकिए तहा ।
सक्कार-मय-लुद्धे य गारव-संदूसिए तहा ॥
- मू. (११२) अपुज्जो वा विहं जम्मे एगजम्मेव चित्तगे ।
पाविट्ठाणं पि पावतरे सकलुस-चित्तालीयगे ॥
- मू. (११३) पर-कहावगे घेव अक्खिनयालोयगे तहा ।
अविहि-आलोयगे साहू-एवमादी दुरप्पणो ॥
- मू. (११४) अनन्तेऽनाइ-क्खलेणं गोयमा अत्त-दुक्खिया ।
अहो अहो जाव सत्तामियं भाव-दोसेकओ गए ॥

मू. (११५)

गोयम नंते चिद्धंति जे अनादोए ससल्लिए ।

निय-भाव-दोस-सल्लाणं भुंजते विरसं फलं ॥

मू. (११६)

चिद्धइसंति अज्जावि तेनं सल्लेण सल्लिए ।

अनंतं पि अनागयं कालं तम्हा सल्लं न धारए खणं मुणि ति ॥

मू. (११७)

गोयम समणीण नो संखा जाओ निकलुस-नीसल्ल-विसुद्ध-मुनिम्मल-विमल-मानसाओ अज्झप्पविसोहिए आलंइत्ताय सुपरिदुल्लं-भीरंकिं निरिदुल्लं निरद्वयं इति य-दुल्ल-रिक्कादीयं सव्वं पि भावसल्लं अहारिहं तवो-कम्मं पायच्छित्तमनुचरित्ताणं निदोयपाव-कम्म-मल-लेव-करंकाओ उप्पन्न-दिव्व-वर-केवलनाणाओ महानुभागाओ महायसाओ महा-सत्त-संपन्नाओ-सुगहिय-नामधेज्जा अनंतुमत्तम-सोक्ख-मोक्खं पत्ताओ

मू. (११८)

कासिंचि गोयमा नामे पुअ-भागाण साहिमो ।

जासिमालोयमाणीणं उप्पन्नं समणीण केवलं ॥

मू. (११९)

हा हा हा पाव-कम्मा हं पाया पावमती अहं ।

पाविट्ठाणं पि पावयरा हा हा हा दुद्धिंचित्तिमो ॥

मू. (१२०)

हा हा इत्थि भावं मे ताविह-जम्मे उवहिंयं ।

तहादी न धोर-वीरुग्गं कट्ठं तव-संजमं धरं ॥

मू. (१२१)

अनंता-पाव-रासीओ सम्मिलियाओ जया भवे ।

तइया इत्थित्तणं लब्धे सुद्धं पावाण कम्माण ॥

मू. (१२२)

एगत्थपडी भूताणं समुदय तनुतं सह ।

करेमि जह न पुणो इत्थिहं होमि केवलि ॥

मू. (१२३)

दिट्ठे वि न खंडामि सीलं हं समणि-केवलि ।

हा हा मनेन मे किं पि अत्त-दुहत्त-चित्तिं ॥

मू. (१२४)

तमालोइत्ता लहुं सुद्धिं गेण्हे हं समणि-केवलि ।

दइण मज्झ लावन्नं रुवं कंतिं दित्तिं सिरिं ॥

मू. (१२५)

मा नर-पर्यंगाहमा-जंतु खयं अनसनं समणि य केवली ।

वा तं मोत्तूण नो अन्नो निच्छयं मह तनूच्छीवे ॥

मू. (१२६)

छक्काय-समारंभं न करे हं समणि-केवली ।

पोग्गल-कवखेरु-गुज्झं तं नाहिं जहनंतरे ताह ॥

मू. (१२७)

जननीए वि नं दंसेमि सुसंगुत्तंगोवंगा समणी य केवली ।

बहु-भवंतर-कोडीओ धोरं गळ्म-परंपरं ॥

मू. (१२८)

परियट्ठंतीए सुलद्धं मे नाण-चारित्त-संजुयं ।

मानुसजम्मं स-सम्मत्तं पाव-कम्म-खयंकरं ॥

मू. (१२९)

ता सव्व-भाव-नीसल्ला आलोएमि खणे खणे ।

पायच्छित्तमनुट्ठामि दीयं तं न समारंभं ॥

मू. (१३०)

जेनागच्छति पच्छित्तं वाया भनसा य कम्मुणा ।

- पुढवि-दगागनि-चाऊ-हरिय-कायं तहेव य ॥
 मू. (१३१) विय-काय-सभारंभं वि-ति-चउ-पंचिदियाण य ।
 मुसापुंणि य गालेमि ससत्तखं पि जइदिअं ॥
 मू. (१३२) ने गेण्हं सिमिणंते वि न पत्थं मनसा वि मेहुणं ।
 परिग्गहं न काहामि मुलुत्तर-गुण-खलणं तहा ॥
 मू. (१३३) मय-मय-कसाय-दंडेसु गुत्ती-समितिंदिएसु य ।
 तह अट्टारस-सीलंग-सहस्साहिट्टिय-तनु ।
 मू. (१३४) सज्झाय-झाण-जोगेसुं अभिरमं समणि-केवली ॥
 तेलोक्क-रुग्गणक्खंभ-धम्म-तित्थंकरेण जं ॥
 मू. (१३५) तमहे लिंगं धरेमाणी जइ वि हु जंते निफीलियं ।
 मज्झोमज्झी य दो खंडा फालिआमि तहेव य ॥
 मू. (१३६) अह पक्खिअप्यामि दित्तिगिं अहवा छिअे जई सिरं ।
 तो वी हं नियम-वय-भंगं-सील-चारित्त-खंडणं ॥
 मू. (१३७) मनसा वी एक्क-जन्म-कए न कुणं समणि-केवली ।
 खरुट्ट-साण-जईसुं सरागा हिंडिया अहं ॥
 मू. (१३८) विकम्मं पि समायरि अनंते भव-भवंतरे ।
 तमेव खरकम्ममहं पव्वआपट्टिया कुणं ॥
 मू. (१३९) घोरंघयारपायाला जेणं नो नीहरं पुणो ।
 वे दियहे मानुसं जम्मं तं च बहुदुक्ख-मायणं ॥
 मू. (१४०) अनिद्धं खण-विद्धंसी बहु-दंडं दोस-संकरं ।
 तत्थावि इत्थी संजाया-सधल-तेलोक्क-निंदिया ॥
 मू. (१४१) तहा वि पावियं धम्मं निज्जिग्घमनंतराइयं ।
 ता हं तं न विराहेमी पाव-दोसेण केणई ॥
 मू. (१४२) सिंगर-राग-सविगारं साहिलासं न चेट्ठिमो ।
 पसंताए वि दिट्ठीए भोतुं धम्मोवसएसंगं ॥
 मू. (१४३) अन्नं पुरिसं न निज्झायं नालवं समणि-केवली ।
 तं तारिसं महापावं काउं अक्कहनीययं ॥
 मू. (१४४) तं सल्लमवि उपपन्नं जह दत्तालोयण-समणि-केवली ।
 एमादि-अनंत-समणीओ दाउं सुद्धालोयणं ॥
 मू. (१४५) निसल्ला केवलं पप्पा सिद्धाओ अनादी-कालेण गोयमा ।
 खंता दंता विमुत्ताओ जिइंदियाओ सच्च-माणिरीओ ॥
 मू. (१४६) छ-क्काय-समारंभा विरया तिविहेण उ ।
 ति-दंडासव-संवुत्ता पुरिस-कहा-संगवज्जिया ॥
 मू. (१४७) पुरीस-संलाव-विरयाओ पुरिसंगोवंग-निरिक्खणा ।

निम्ममत्ताउ स-सरीरे अपडिबद्धाउ महा-यसा ॥

मू. (१४८) भीया छि-छि-गम्म-वसहीणं बहु-दुक्खाओ भवसंसरणाओ तहा ।

ता रुद्धिसेण भावेण दायव्वा अ'लोयणा ॥

मू. (१४९) पायच्छित्तं पि कायव्वं तह जह ख्याहिं समणीहिं कयं ।

न उनं तह 'लोएयव्वं माया-डंभेण केणई ॥

मू. (१५०) तह जह लोएयव्वं माया-डंभेण केणई भवे ।

अनंतानाइ-कालेणं माया-डंभ-छम्म-दोसेण ॥

मू. (१५१) कवडालोयणं काजं समणीओ ससझाओ ।

आभिओग-परंपरेणं छट्ठियं पुट्ठविं गया ।

मू. (१५२) कासिंघि गोयमा नमो साहिमो तं निबोधय ।

जाओ आलोयमाण्णाओ भाव-दोसेण ॥

मू. (१५३) सुद्धतरणं पाव-कम्म-मल-खवलिय-तव-संजम-सीलंगाणं ।

निसल्लत्तं पसंसियं तं परम भाव-विसोहिणं विणाखणद्धंपिनो भवे ॥

मू. (१५४) ता गोयमकेसिमित्थीणं चित्त-विसोहि सुनिम्मला ।

भवंतरे वि नो होही जेन नीसल्लया भवे ॥

मू. (१५५) छट्ठ-डम-दसम-दुवालसेहिं सुक्खंति के वि समणीओ ।

तह वि य सराग-भावं नालोयंती न छट्ठंति ॥

मू. (१५६) बहु-विह-विकम्प-कल्लोल-भाला-उल्ललिगाहिणं ।

वियरंत ते न लक्खेओ दुरहगाह-मन-सागारं ॥

मू. (१५७) ते कहमालोयणं देतु जासिं चित्तं पि नो वसे ।

सल्लं जो ताणमुद्धरएस-वंदनीओ खणे खणे ॥

मू. (१५८) असिनेह-पीड-पुल्लेणं धम्म-सुद्धुल्ल-सावियं ।

सीलंग-गुणेद्धाणेसुं उत्तमेसुं धरेइ जो ॥

मू. (१५९) इत्थी बहुबंधणम्मुकं गिह-कलत्तादि-चारगा ।

सुविसुद्ध-सुनिम्मल-चित्तं नीसल्लं सो महायसो ॥

मू. (१६०) दट्ठव्यो वंदनीओ य देविंदाणं स उत्तमो ।

दीनत्थी सव्व-परिभूयं विरइद्धाणे जो उत्तमे धरे ॥

मू. (१६१) नालोएमी अहं समणी दे कहं किंचि साहुणी ।

बहुदोसं न कहं समणी जं दिइं समणीहिं तं कहं ॥

मू. (१६२) असावज्ज-कहा समणी बहु आलंबणा कहा ।

पमायखावगा समणी पाविडा बल-मोडी-कहा ॥

मू. (१६३) लोग-विरुद्ध-कहा तह य परववएसऽऽलोयणी ।

सुय-पच्छित्ता तह य जायादी-मय-संकिया ॥

मू. (१६४) मूसगार-भीरुया चेव गारव-तिय-दूसिया तहा ।

- એવમાદિ-અનેગ-ભાવ-દોસ-વસગા પાવલેહિં પૂરિયા ॥
 મૂ. (૧૬૫) નિરંતરા અનંતેનં કાલ-સમણ ગોયમા ।
 અઙ્કંતેનં અનંતાઓ સમણીઓ બહુ-દુઃખઝાવસહં ગયા ।
 મૂ. (૧૬૬) ગોયમ અનંતાઓ ચિઘંતિ જા અનાદી-સલ્લ-સલ્લિયા ।
 માવ-દોસેક-સલ્લેહિં મુંજમાળીઓ કડુ-વિરસં ઘોરગુગ્ગતરં ફલં ॥
 મૂ. (૧૬૭) ચિઘ્ઘસ્સંતિ અઙ્ગવિ તેહિં સલ્લહિં સલ્લિયા ।
 અનંત પિ અનાગયં કાલં તન્હા સલ્લં સુસુદ્ધમં પિ ॥
 સમણી નો ધારિજ્ઞા ધર્મં તિ ॥
 મૂ. (૧૬૮) ધગ-ધગ-ધમ્મસ્સ પઙ્ગલિયે જાલમાલાઉલે દઢં ।
 હુયવહે વિ મહામીમે સ સરીરં દુઙ્ગાએ સુહં ॥
 મૂ. (૧૬૯) પયલિંતિગાર-રાસીએ એગસિ ઇંપં પુણો જલે ।
 ધલિંતો ગિરિતો સરિરં જં મરિજ્ઞેય પિ સુક્કર ॥
 મૂ. (૧૭૦) ળંઠિય-ળંઠિય-સહત્થેહિં એકેકમંગાવયવં ।
 જં હોમિઙ્ગઇ અમ્મીએ અનુ-દિયહેયં પિ સુક્કર ॥
 મૂ. (૧૭૧) ળર-ફરુસ-તિવ્વ-કરવત્ત-દંતેહિં ફાલાવિઙ્ ।
 લોણૂસ-સઙ્ગિયા-ળારં જં ધત્તાવેયં પિ સ-સરીરેઽઘંત-સુક્કર ॥
 જીવંતો સયમવી સઘ્ઠં ળાલ્લં ઉત્તારિઙ્ગ ન ય ॥
 મૂ. (૧૭૨) જવ-ળાર-હલિદ્ધાદીહિં જં આલિંપે નિયં તણુમેયં પિ સુક્કર ।
 ળિંદેઁણં સહત્થેણં જો ધત્તે સીસં નિયં ॥
 મૂ. (૧૭૩) એયં પિ સુક્કરમલીહં દુક્કરં તવ-સંજમં ।
 નીસલ્લં જેણં તં મણિયં સલ્લો ય નિય-દુઁલ્લિઓ ॥
 મૂ. (૧૭૪) માથા-દંધેણ પચ્છન્નો તં પાયઢિઁં ન સઘ્ઠા ॥
 રાયા દુઁલ્લરિયં પુચ્છે અહ સાહહ દેહ સવ્વસ્સં ॥
 મૂ. (૧૭૫) સવ્વસ્સં પિ પેળ્ઞા ઁ નો નિય-દુઁલ્લરિયં કહે ।
 રાયા દુઁલ્લરિયં પુચ્છે સાહ પુહ્ઠં પિ દેમિ તે ॥
 મૂ. (૧૭૬) પુહ્ઠવી રઙ્ગં તણં મપ્પે નો નિય દુઁલ્લરિયં કહે ।
 રાયા જીયં નિકિંતામિ અહ નિય-દુઁલ્લરિયં કહે ॥
 મૂ. (૧૭૭) પાનેહિં પિ ળયં જંતો નિય-દુઁલ્લરિયં કહેઙ્ગ નો ।
 સવ્વસ્સહરણં ય રઙ્ગં ય પાને વી પરિઘાએસુ ણં ॥
 મૂ. (૧૭૮) મયા વિ જંતિ પાયાલે નિય-દુઁલ્લરિયં કહિંતિ નો ।
 જે પાવાહમ્મ-સુલ્લિયા કાઁરિસા એગજમ્મિણો ॥
 તે ગોચંતિ સ-દુઁલ્લરિયં નો સપ્પુરિસા મહામતી ॥
 મૂ. (૧૭૯) સપ્પુરિસા તે ન વુલ્લંતિ જે દાનવ ઇહ દુઁલ્લને ।
 સપ્પુરિસા ણં ચરિતે મણિયા જે નિસલ્લા ગોયમા ॥

- मू. (१८०) आया अनिच्छमाणो वि पाव-सल्लेहिं गोयमा ।
निमिसद्धान्त-गुणिएहिं पूरिजे निय-दुक्किया ॥
- मू. (१८१) ताइ च ज्ञाण-सज्झाय-घोर-तव-संजमेन य ।
निदंभेण अमाएणं तक्खणं जो समुद्धरे ॥
- मू. (१८२) आलाएत्ताण नीसल्लं निदेउ गरहेउ दढं ।
तह चरती पायच्छित्तं जह सल्लानमंतं करे ॥
- मू. (१८३) अन्न-जम्म-पहुत्ताणं खेत्ती-भूयाण वी दढं ।
निमिसद्ध-खण-मुहुत्तेणं आजम्मे नेव निच्छिओ ॥
- मू. (१८४) सो सुहडो सो य सम्पुरिसो सो तवस्ती स-पंडिओ ।
खंतो दंतो विमुत्तो य सहलं तस्सेय जीवियं ॥
- मू. (१८५) सूरु य सो सलाहो य दडुव्वो य खणे खणे ।
जो सुद्धालोयणं दंतो निय-दुच्चरियं कहे फुडं ॥
- मू. (१८६) अत्थेगे गोयमा पाणी जे सल्लं अद्धउद्धियं ।
माया-लज्जा-भया मोहा झसकारा-हियए धरे ॥
- मू. (१८७) तं तस्स गुरुतरं दुक्खं हीन-सत्तस्स संजणे ।
से चिंते अन्नाण-दोसाओ नोद्धरं दुक्खिज्झिहं किल ॥
- मू. (१८८) एग-धारो दु-धारो वा लोह-सल्लो अनुद्धिओ ।
सल्लेगच्छाम जम्मेगं अहवा संसी भवे इमो ॥
- मू. (१८९) पाव-सल्लो पुणासंख-तिक्ख-धारो सुदारुणो ।
बहु-भवंतर-सव्वंगे भिंदे कुलिसो गिरि जहा ॥
- मू. (१९०) अत्थेगे गोयमा पाणी जे भव-सय-साहस्सिए ।
सज्झाय-ज्झाण-जोगेणं घोर-तव-संजमेण य ॥
- मू. (१९१) सल्लाइ उद्धरेऊण धिरयाला दुक्ख-केसओ ।
पमाया विउण-तिइणेहिं पूरिजंती पुणो वि य ॥
- मू. (१९२) जम्मंतरेसु बहुएसु तवसा निदुह-कम्मुणो ।
सल्लुद्धरणस्स सामत्थं भवती कह वि जंतुणो ॥
- मू. (१९३) तं सामग्गिं लभित्ताणं जे पमाय-वसंगए ।
ते मुसिए सव्व-भावेणं कल्लाणाणं भवे भवे ॥
- मू. (१९४) अत्थेगे गोयमा पाणी जे पमाय-वसं गए ।
घरंते वी तवं घोरं ससल्लं गोवेति सव्वहा ॥
- मू. (१९५) नेयं तत्थ वियानंति जहा किम्मेहिं गोवियं ।
जं पंच-लोगपालप्पा-पंचेदियाणं च न गोवियं ॥
- मू. (१९६) पंच-महालोग-पालेहिं अप्पा-पंचेदिएहि य ।
एकारसेहिं एतेहिं जं विदुं स-सुरासुरे जगे ॥

- मू. (१९६) तं गेह्यं गाव-दोसेणं आगा वंचिअइ परं ।
जेणं चउ-गइ-संसारे हिंछए सोक्खेहि वंचिओ ॥
- मू. (१९८) एवं नाऊण कायव्वा निच्छिय-दढ-हियय-धीरिया ।
मह-उत्तिम-सत्त-कुंतेनं भिंदेयव्वा माया-रक्खसी ॥
- मू. (१९९) बहवे अज्जव-भावेणं निम्महिऊणं अनेगहा ।
विनयातीहं कुसेणं पुणो मानवाइंद वसीथरे ॥
- मू. (२००) मदव-मुसलेन ता यूरे वसियरिऊं जाव दूरओ ।
दइणं कोह-लोहाही-मयरे निंदे संघडे ॥
- मू. (२०१) कोहो य मानो य अनिगहीया माया य लोभो य पवहमाना ।
चत्तारि एए कसिणा कसाया पायंति सल्ले सुदुरुद्धरे बहुं ॥
- मू. (२०२) उवसमेन हने कोहं मानं मदवया जिने ।
मायं घज्जव-भावेणं लोहं संतुट्टिए जिने ॥
- मू. (२०३) एवं निजिय-कसाए जे सत्त-भयट्ठाण-विरहिए ।
अट्ठमय-विप्पमुक्के य देआ सुद्धालोयणं ॥
- मू. (२०४) सु-परिफुडं जहावत्तं सव्वं निय-दुक्कियं कहे ।
नीसंके य असंखुद्धे निब्बीए गुरु-संतियं ॥
- मू. (२०५) भूणे मुद्धङगे थाले जह पलवे उज्जु-पद्धरं ।
अविं उप्पन्नं तहा सव्वं आलोयव्वं जहडियं ॥
- मू. (२०६) जं पायाले पविसित्ता अंतरजलमंतरे इ वा ।
कय मह रातोंधकारे वा जननीए वि समं भवे ॥
- मू. (२०७) तं जहवत्तं कहेयव्वं सव्वमन्नं पि निक्खिलं ।
निय-दुक्किय-सुक्कियमादी आलोयंतेहिं गुरुयणे ॥
- मू. (२०८) गुरु वि तित्थयर-मणियं जं पच्छित्तं तहिं कहे ।
नीसली भवति तं काउण जइ परिहरइ असंजमं ॥
- मू. (२०९) असंजमं भन्नती पावं तं पावभनेगहा मुने ।
हिंसा असहं चोरिकं मेहुणं तह परिग्गहं ॥
- मू. (२१०) सदा इंदिय-कसाए य मण-वइ-तनु-दंडे तहा ।
एते पावे अछुंती नीसलो नो य णं भवे ॥
- मू. (२११) हिंसा पुढवादि-छब्बीया अहवा नव-दस-चोइसहाउ ।
अहवा अनेगहा नेया काय-भेदंतरेहि णं ॥
- मू. (२१२) हिओवदेसं पभोत्तूण सव्वुत्तम-पारमत्थियं ।
तत्त-धम्मस्स सव्वसल्लं मुसावायं अनेगहा ॥
- मू. (२१३) उग्गम-उप्पायणे सणया-बायालिसाए तह य पंचेहिं ।
दोसेहिं दूसियं जं भंडोवगरण-पानमाहरं ॥

- नव कोडीहिं असुखं परिभुंजतो भवे तेनो ॥
 मू. (२१४) दिव्यं काम-रई-सुहं तिविहं अहव ओरालं ।
 मनसा अज्झवसंतो अबंभयारी मुणेयव्वो ॥
- मू. (२१५) नव-वंमचेर-गुत्ती-विराहए जो य साहु समणी वा ।
 दिट्ठिमहवा सरागं पउंजमाणो अइयरे बंभे ॥
- मू. (२१६) स कसाय-कूर-भावेणं जा वाणी कलुसिया भवे ॥
 ससरक्खमवि अविदिन्नं जं गिण्हे तं चोरिक्कयं ॥
- मू. (२१७) सावज्ज-वइ-दोसेसुं जा पुट्ठा तं भुसा मुणे ।
 ससरक्खमवि अविदिन्नं जं गिण्हे तं चोरिक्कयं ॥
- मू. (२१८) मेहुण-कर-कम्मेणं सदादीण-वियारणे ।
 परिगहं जहिं मुच्छा लोहो कंखा मभत्तयं ॥
- मू. (२१९) अनुणोयरियमाकंठण मंजे राई-भोयणं ।
 सइस्सानिड्ड-इयरस्स रुव-रस-गंध-फरिसस्स वा ॥
- मू. (२२०) न रागं न प्पदोसं वा गच्छेज्जा उ खणं मुनी ।
 कसाय-घउ-घउक्कस्स मनसि विज्झावणं करे ॥
- मू. (२२१) दुट्ठे मनो-वती-काया-दंढे नो णं पउंजए ॥
 अफासु-पानं-परीभोगं वीय-काय-संघट्ठणं ॥
- मू. (२२२) अछट्ठेत्तो इमे पावे नो णं नीसल्लो भवे ।
 एएसिं महंत-पावाणं देहत्थं जाव कत्थई ॥
- मू. (२२३) एकं पि चिट्ठए सुहुमं नीसल्लो ताव नो भवे ।
 तम्हा आलोयणं दाऊं पायच्छित्तं करेऊणं ॥
 (निखिलं तव-संजमं धम्मं नीसल्लमनुचिट्ठियव्वयं) ॥
 एयं निक्कवड-निदंभं नीसल्लं काउं तवं ॥
- मू. (२२४) जत्थ जत्थोयज्जेज्जा देवेषु मानुसेसु वा ।
 तत्थ तत्थुत्तमा-जाई उत्तमा रिद्धि-संपया ।
 लभेज्जा उत्तमं सुवं सोहगं जइ णं नो सिज्जेज्जा तब्भवे ति बेमि
पढमं अज्झयणं समत्तं

०-×-०-×-०

मू. (२२५) एयस्स य कुलिहिय-दोसो न दायव्वो सुयहरेहिं किंतु जो चेव एयस्स पुव्वायरिसो
 आसि तत्थेव कत्थइ सिलोगो कत्थइ सिलोगद्धं कत्थइ पयक्खरं कत्थइ अक्खर-पंतिया कत्थइ
 पन्नग-पुट्ठिया कत्थइ एग तिन्नि पन्नगाणि एवमाइ-बहुगंधं परिगलियं ति ।

०-×-०-×-०

अध्ययनं-२, कर्मविपाकं

उद्देशकः :-१

- मू. (२२६) निम्बुलुद्धिय-सल्लेणं सव्व-भावेन गोयमा ।
ज्ञाणे पविसित्तु सम्मेयं पच्चक्खं पासियव्वयं ॥
- मू. (२२७) जे सन्नी जे वि याऽसन्नी मव्वाभव्वा उ जे जगे ।
सुहत्थी-तिरियमुहाऽहं इहमिहाडंति दस-दिसिं ॥
- मू. (२२८) असन्नी दुविहे नेए वियलिदी एगिंदिए ।
वियले किमि-कुंथु-मच्छादी पुढवादी-एगिंदिए ॥
- मू. (२२९) पसु-पक्खी-मिगा-सत्री नेरइया मनुयामरा ।
मव्वाभव्वा वि अत्थेसु नीरए उभय-वज्जिए ॥
- मू. (२३०) धम्मत्ता जंति छायाए वियलिदी-सिसिरायवं ।
होही सोक्खं किलम्हाणं ता दुक्खं तत्थ वी भवे ॥
- मू. (२३१) सुकुमालंगत्ताओ खण-दाहं सिसिरं खणं ।
न इमं न इमं अहियासेउं सक्कीन्नं एवमादियं ॥
- मू. (२३२) मेहुण-संकप्प-रागाओ मोहा अन्नाण-दोसओ ।
पुढवादिसु गएगिंदी न याणंती दुक्खं सुहं ॥
- मू. (२३३) परिवत्तंते अनंते वि काले बेइंदियत्तणं ।
केइ जीवा न पावेंति केइ पुणाऽनादि पावियं ॥
- मू. (२३४) सी-उण्ह-वाय-विज्झडिया मिय-पसु-पक्खी-सिरीसिवा ।
सिमिणंते वि न लभंते ते निमिसद्धब्भंतरं सुहं ॥
- मू. (२३५) खर-फरुस-तिक्ख-करवत्ताइएहिं फालिअत्ता खण खण ।
निवसंति नारया नरए तेसिं सोक्खं कुओ भवे ॥
- मू. (२३६) सुरलोए अमरया सरिसा सव्वेसिं तत्थिमं दुहं ।
उवट्टिए वाहणत्ताए एगो अन्नो तत्थमारुहे ॥
- मू. (२३७) सम-तुल्ले पाणि-पादेनं हा हा मे अत्त-वेरिणा ।
माया-दंभेण धि छि छि परितप्पे हं आयवंचिओ ॥
- मू. (२३८) सुहेसी किसि-कम्मत्तं सेवा-वाणिअ-सिप्पयं ।
कुब्बंताऽहन्निसं मनुया धुप्पंते एसिं कुओ सुहं ॥
- मू. (२३९) पर-घरसिरीए दिट्ठाए एगे डज्जंति बालिसे ।
अन्ने अपहुप्पमाणीए अन्ने खीणाए लच्छिए ॥
- मू. (२४०) पुत्तेहिं वट्ठमाणेहिं जस-कित्ती-लच्छी य वट्ठइ ।
पुत्तेहिं हायमाणेहिं जस-कित्ती-लच्छी-खीयइ ॥
- मू. (२४१) वास-साहसियं केइ मन्नंते एगं दिनं पुणो ।

- कालं गर्मेति दुक्खेहिं मनुया पुत्रेहिं उज्झिया ॥
 मू. (२४२) संखेयत्तमिमं भणियं सव्वेसिं जग-जंतुणं ।
 दुक्खं मानुस-जाईणं गोयम जं तं निबोधय ॥
 मू. (२४३) जनुसमयमनुभवन्ताणं सयहा उव्वेवियाण वि ।
 निव्विन्नाणं पि दुक्खेहिं वेरगं न तहा वी भवे ॥
 मू. (२४४) दुविहं समासओ मुणसु दुक्खं सारीर-मानसं ।
 घोर-पयंड-महारोहं तिविहं एक्केकंभवे ॥
 मू. (२४५) घोरं जाण मुहुत्तंतं घोर-पयंडं ति समय-वीसामं ।
 घोर-पयंड-महारोहं अनुसमय-विस्सामगं मुणे ॥
 मू. (२४६) घोरं-मनुस्स-जाईणं घोर-पयंडं मुणे तिरिच्छासुं ।
 घोर-पयंडमहारोहं नारय-जीवाण गोयमा ॥
 मू. (२४७) मानुस्सं तिविहं जाणे जहन्न-मज्झुत्तमं दुहं ।
 नत्थि जहन्नं तिरिच्छाणं दुह-मुक्कोसं तु नारयं ॥
 मू. (२४८) जं तं जहन्नं दुक्खं मानुस्सं तं दुहा मुणे ।
 सुहुम-धादर-भेदेनं निव्विभागे इतरे दुवे ॥
 मू. (२४९) सम्मुच्छिमेसु मनुएसुं सुहुमं देवेषु बायरं ।
 धवगचाले माहेहिं आअम्मन्नामिआगियाणं उ ॥
 मू. (२५०) सारीरं नत्थि देवाणं दुक्खेणं मानसेन उ ।
 अइबलियं वज्जिमं हिययं सय-खंडं जं न वी फुडे ॥
 मू. (२५१) निव्विभागे य जे भणिए दोन्नि मज्झुत्तमे दुहे ।
 मनुयाणं ते समक्खए गब्बवक्कंतियाणं उ ॥
 मू. (२५२) असंखेयाऊ मनुयाणं दुक्खं जाणे वि मज्झिमं ।
 संखेयाउ मनुस्साणं तु दुक्खं चैयुक्कोसगं ॥
 मू. (२५३) असोक्खं वेयणा बाहा पीडा दुक्खमणेव्वुई ।
 अणरागमरई केसं एवमादी एगड्डिया बहू ॥

अध्ययन-२, उद्देशकः १, समाप्तः

—: उद्देशकः २ :—

- मू. (२५४) सारीरेयर-भेदमियं जं भणियं तं पवक्खई ।
 सारीरं गोयमा दुक्खं सुपरिफुडं तमवधारय ॥
 मू. (२५५) बालग-कोडि-लक्ख-मयं भागमेत्तं छिवे धुवे ।
 अथिर-अन्नन्नपदेससरं कुंधुं मनह वित्तिं खणं ॥
 मू. (२५६) तेन वि करकत्ति सल्लेउं हिययमुद्धसए तनू ।
 सीयंती अंगमंगाईं गुरु उवेई ॥
 सव्वसारीरस्सऽब्भंतरं कंपे धरधरस्सय ॥

- मू. (२५७) कुंयु-फरीसियमेतस्स जं सलसले-तनु ।
तमवसं मिन्न-सव्वंगे कलयल-इज्झंत-मानसे ॥
- मू. (२५८) चित्तितो हा किं किमेयं बाहे गुरु-पीडाकरं ।
दीहुण्ह-मुक्कनीसासे दुक्खं दुक्खेण नित्थरे ॥
- मू. (२५९) किमेयं कियच्चिरं बाहे कियच्चिरेणेव निट्ठिही ।
कहं वा हं विमुक्कीसं इमाओ दुक्खसंकडा ॥
- मू. (२६०) गच्छं चिट्ठं सुवं उट्ठं धावं नासं पलामि उ ।
कंडुगयं किं व पक्खोडं किं वा एत्थं करेमि हं ॥
- मू. (२६१) एवं तियग्गवावारं चिट्ठोरु-दुक्ख-संकडे ।
पविट्ठो बाढ-संखेआ आदलियाओ किलिस्सिउं ॥
- मू. (२६२) मुणे हुं कंडुयमेस कंडूये अन्नहा नो उवस्समे ।
ता एयज्झवसाएणं गोयम निसुणेसुं जं करे ॥
- मू. (२६३) अहं तं कुंयुं वावाए जइ नो अन्नत्थ गयं भवे ।
कंडुएमाणोऽहं भित्तादी अनुघसमाणो किलम्मए ॥
- मू. (२६४) जइ वावाएअ तं कुंयुं कंडुयमाणो व इयरहा ।
तो तं अइरोहज्झाणम्मि पविट्ठं निच्छयओ मुणे ॥
- मू. (२६५) अहं किलामे तओ भयणा रोहज्झाणेयरस्स उ ।
कंडुयमाणस्स उण देहं सुद्धमहज्झाणं मुणे ॥
- मू. (२६६) समजे रोहज्झण्हो उक्खेसं नारगाउयं ।
दुभ-गित्थी-पंड-तेरिच्छं अहज्झाणा समज्जिणे ॥
- मू. (२६७) कुंयु-पद-फरिस-जणियाओ दुक्खाओ उवसमिच्छया ।
पच्छा-रुल्लप्फलीभूते जमवत्थंतरं वए ॥
- मू. (२६८) विवन्न-मुहलावन्ने अइदीने विमण-दुम्मणे ।
सुत्ते वुत्ते य मूढ-विसे मंद-दर-दीह-निस्ससे ॥
- मू. (२६९) अविस्साम-दुक्खहेऊयं असुहं तेरिच्छा-नारयं ।
कम्मं निबंध्यताणं भमिही भव-परंपरं ॥
- मू. (२७०) एवं खओवसमाओ तं कुंयुवइयरजं दुहं ।
कह कह वि बहु किलेसेणं जइ खणमेक्कं तु उवसमे ॥
- मू. (२७१) ता मह किलेसमुत्तिणं सुहियं से अत्ताणयं ।
मन्नंतो पमुइओ हिट्ठो सत्थवित्तो वि चिट्ठई ॥
- मू. (२७२) चित्तइ किल निव्वुओमि अहं निहलियं दुक्खं पि मे ।
कंडुयणादीहिं सयमेव न मुणे एवं जहा मए ॥
- मू. (२७३) रोहज्झणगएणं इहं अहज्झाणे तहेव थ ।
संवग्गइत्ता उ तं दुक्खं अनंतानंतगुणं कडं ॥

- मू. (२७४) जं चानुसमयमनवरयं जहा राई तहा दिनं ।
दुहमेवानुभवमाणस्स वीसामो नो भवेज्जमो ॥
- मू. (२७५) खणं पि नरय-तिरिएसु सागरोवम-संखया ।
रस-रस-पिडिज्जए हिमयं जं वाउण्णं ता न दि ॥
- मू. (२७६) अहवा किं कुंधु-जणियाओ मुक्खो सो दुक्ख-संकहा ।
खीणट्ठ-कम्म-परीणामो भवेजे जनुमेत्तेजेव उ ॥
- मू. (२७७) कुंधुमुवलक्खणं इहइं सव्व पच्चक्ख-दुक्खदं ॥
अनुभवमाणो वि जं पाणी न याणंती तेन वक्खई ॥
- मू. (२७८) अन्ने वि उ गुरुयरे दुक्खे सव्वेसिं संसारिणं ।
सामन्ने गोयमा ता किं तस्स तेनोदए गरु ॥
- मू. (२७९) हन मर जं अन्नजम्मेसुं वाया वि उ केइ भाणिरे ।
तमवीहं जं फलं देआ पावं कम्मं पवुज्जयं ॥
- मू. (२८०) तस्सुदया बहुभवग्गहणे जत्थो ववज्जती ।
तत्थ तत्थ स हम्मंतो मारिज्जंतो भमे सया ॥
- मू. (२८१) जेन पुन अंगुवंगं वा कीड-पर्यगाइ-पाणिणं ।
कडि-अडि-पडिभंगं वा कीड-पर्यगाइ-पाणिणं ॥
- मू. (२८२) कयं वा कारियं वा वि कज्जंतं वाऽह अनुमयं ।
तस्सुदया चक्कनालिवहे पीलीही सो तिले जहा ॥
- मू. (२८३) न एकं नो दुवे तिन्निं वीसं तीसं न यावि य ।
संखेजे वा भवग्गहणे लभते दुक्ख-परंपरं ॥
- मू. (२८४) असुय-मुसा-अनिट्ठ-वयणं जं पमाय-अन्नाण-दोसओ ।
कंदप्प-नाहवाएणं अभिनिवेसेण वा पुरो ॥
- मू. (२८५) भणियं भणावियं वा वि भन्नमाणं च अनुमयं ।
कोहो लोहा मया हासा तस्सुदया एयं भवे ॥
- मू. (२८६) मूगो पूति-मुहो मुक्खो कल्लविल्लो भवे-भवे ।
विहल-वाणी सुयट्ठो वि सव्वत्थऽअक्खणे लभे ॥
- मू. (२८७) अवितह-भणियं नु तं सच्चं अलिय-वयणं पि नलियं ।
जं छज्जीव-निकाय-हियं निदोसं सच्चं तयं ॥
- मू. (२८८) घोरीका निष्फलं सव्वं कम्मरंभं किसावियं ।
लद्धत्थस्सा वि भवे हानी अन्न-जम्म-कया इहं ॥

अध्ययन - २, उद्देशक :- २ समाप्त

—: उद्देशक : ३ :—

- मू. (२८९) एवं मेहुण-दोसेणं वेदिता धावरत्तणं ।
केसेणमनंत-कालाओ मानुस-जोणि समागया ॥

- मू. (२९०) दुःखं जरीते आहारं जीहेयं स्थितं पि भुंजेयं ।
पीडं करेइ तेसिं तु तण्हाबाहे खणे खणे ॥
- मू. (२९१) अद्धाण-मरणं तेसिं बहुजयं कद्धासणं ।
थाणुव्वालं निविन्नाणं निद्दाए जंति नौ वणिं ॥
- मू. (२९२) एवं परिग्गहारं भवोसेणं नरगाउयं ।
तेत्तीसं-सागरुक्कोसं वेइत्ता इह समागया ॥
- मू. (२९३) खुहाए पीडिअंति भुत्त-भुत्तुत्तरे विय ।
चरंता अहन्निसं तित्तिं नो गच्छंती पसवे जहा ॥
- मू. (२९४) कोहादीणं तु वोसेणं घोरमासीविसत्तणं ।
वेइत्ता नारयं भूओ रोद्धा मेच्छा भवन्ति ते ॥
- मू. (२९५) सढ-कूड-कवड-नियडीए दंभाओ सुइरं गुरुं ।
वेइत्ता चित्त तेरिच्छं मानुस जोनिं समागया ॥
- मू. (२९६) कोइ बहुवाहि-रोगाणं दुक्ख-सोगाण भायणं ।
दाहि-कलहमभिभूया खिसणिआ भवन्तिहं ॥
- मू. (२९७) तक्कम्मोदय-दोसेणं निच्चं पञ्जलिय-बोदिणं ।
ईसा-विसाय-जालाहि धग-धग-धग-धगस्स उ ॥
- मू. (२९८) जम्मं पि गोयमा बोले-बहु-दुहसंघक्कियाण य ।
तेसिं सदुच्चरिय-दोसो कस्स रुसंतु ते इहं ॥
- मू. (२९९) एवं वय-नियम-मंगेणं सीलस्स उ खंडनेन वा ।
असंजम-पवत्तणया उस्सुत्तमुगायरणा ॥
- मू. (३००) नेगेहिं वितहायरणेहिं पमाया सेवणेहिं य ।
मणेणं अहव वायाए अहवा काएण कथइ ॥
कय-कारिगाऽनुमएहिं पमाय सेवणेन वा ? ॥

मू. (३०१) तिविहेणमनिंदियमगरहियमनालोइयमपेहिं कंतामकयपायच्छित्तमविसुद्धसयं-
दोसओ ससल्ले आमगव्वेसुं पच्चिय पच्चिय-अनंतसो विवहेते-दुत्ति-चउ-पंच-छण्हं मासाणं
असंबद्धीकर-सिर-चरणच्छवी ।

- मू. (३०२) रुद्धे वि मानुसे जम्मे कुद्धादी-वाहि-संजुए ।
जीवन्ते चेव किमिएहिं खजंती मच्छियाहि य ॥
अमुदियहं खंड-खंडेहिं सडहडस्स सडे तनुं ॥
- मू. (३०३) एवमादी-दुक्खमभिभूए लज्जणिअे खिसणिअे निंदणिअे गरहणिअे ।
उव्वेयणिज्जे अपरि-भोगेनिय-सुहि-सयण-बंधवार्णापि भवन्ती ते दुरप्पणे ॥
- मू. (३०४) अज्झवसाय-विसेसं तं पडुद्धा केइ तारिसं ।
अकाम-निअराए उ भूय-पिसायत्तं लभते ॥
- मू. (३०५) तण्णुव्व-सल्ल-दोसेणं बहु-मवंतर-त्थाइणा ।

- अज्झवसाय-विसेसं तं पडुच्चा केई तारिसं ॥
 मू. (३०६) दससु वि दिसासु उद्धद्धो निच्च दूरप्पिए दढं ।
 निरुच्छल्ल-निरुस्सासे निराहारे न पाणिए ॥
- मू. (३०७) संपिंडियंगमंगे य मोह-मदिराए धम्मरिए ।
 अदिट्ठगमन-अत्थमणे भवे पुढवीए गोलया किमी ॥
- मू. (३०८) भव-काय-ट्ठितीए वेएत्ता तं तेहिं किमियत्तणं ।
 जइ कह वि लहंति मनुयत्तं तओ ते होति नपुंसगे ॥
- मू. (३०९) अज्झवसाय-विसेसं तं पवहंते अइकूर-घोर-रोहं तु तारिसं ।
 वम्मइ-संधुक्किया मरित्तुं जम्मं जंति वणस्सई ॥
- मू. (३१०) वणस्सई गए जीवे उट्ठपाए अहोमुहे ।
 चिट्ठंतिऽनंतयं कालं नो लभे वेइंदियत्तणं ॥
- मू. (३११) भव-काय-ट्ठितीए वेइत्ता तमेग-वि-ति-चउरिंदियत्तणं ।
 तप्पुव्व-सल्ल-दोसेणं तेरिच्छेसूववज्जिउं ॥
- मू. (३१२) जइ णं भवे महामच्छे पक्खीवसह-सीहादयो ।
 अज्झवसाय-विसेसं तं पडुच्चा अद्यंत-कूरयरं ॥
- मू. (३१३) कुणिममहारात्ताए पंचेदियवहेणं य ।
 अहां अहो पविस्सांते जाव पुढवीए सत्तमा ॥
- मू. (३१४) तं तारिसं महाघोरं दुक्खमनुभवित्तं चिरं ।
 पुणो वि कूरतिरिएसु उववज्जिसु नरयं वए ॥
- मू. (३१५) एवं नरय-तिरिच्छेसुं परियट्ठंते विचिट्ठंति ।
 वासकोडिए वि नो सक्का कहिउं जं तं दुक्खं अनुभवमानगे ॥
- मू. (३१६) अह खरुट्ठ-वइल्लेसुं भवेआ तद्धवंतरे ।
 सगडायहण-भरुव्वहण-खु-तण्ह-सीयायवं ॥
- मू. (३१७) वह-बंधणंकणं डहणं नास-भेद-निलंछणं ।
 जमलाराईहिं कुच्चादिहिं कुच्चिअंताण य ॥
- मू. (३१८) जहा राई तहा दियहं सब्बद्धा उ सुवारुणं ॥
 एमादी-दुक्ख-संघइं अनुहवंति चिरेण उ ।
 पाणे पयहिंति कह कह वि अट्ठज्झाण-दुहट्ठिए ॥
- मू. (३१९) अज्झवसाय-विसेसं तं पडुच्चा केइ कह कह वि लब्भंती माणसुत्तणं ।
 तप्पुव्व-सल्ल-दोसेणं मानुसत्ते वि आगया ॥
- मू. (३२०) भवंति जम्म-दारिद्दा-वाही-खस-पाम-परिगया ।
 एवं अदिट्ठ-कल्लाणे सब्ब-जनस्स सिरि-हाइउं ॥
- मू. (३२१) संतप्पंते दढं मनसा अकयतवे गिहणं वहं ।

अज्झवसाय-विसेसं तं पडुद्या केइ तारिसं ॥

मू. (३२२) पुणो वि पुढविमाईसुं भमंती ते दु-ति-चउरो पंचिदिएसु वा ।

तं तारिसं महा-दुक्खं सुरोइं घोर-दारुणं ॥

मू. (३२३) चउगइ-संसार-कंतारे-अनुहमाणे सुदूसहं ।

भवकाय-द्वितीए हिंडंते सब्बजोणीसु गोयमा ॥

मू. (३२४) चिट्ठंति संसरेमाणे जम्म-जर-मरण-बहु-वाहि वेयणा-रोग-सोग-दारिद-कल-हम्मकखाण-संताव-गम्मवासादि-दुक्खसंधुक्किए तप्पुव्वसल्ल-दोसेण निञ्चाणंद-महूसव-याम-जोम-अट्टारस-सीलंग-सहस्साहिडियस्स सब्बासुह-पावकम्मद्व-रासि-निदहण-अहिंसा-लक्खण-समण-धम्मस्स बोहिं नो पावित्ति ।

मू. (३२५) अज्झवसाय-विससं तं पडुद्या केइ तारिसं ।

पोग्गल-परियट्ठलक्खेसुं बोहिं कह कह वि पावए ॥

मू. (३२६) एवं सुदुल्लहं बोहिं सब्ब-दुक्ख-खयं करं ।

लद्धुणं जे पमाएआ तयहुतं सो पुणो वए ॥

मू. (३२७) तासुं तासुं च जोनीसुं पुव्वुत्तेण कमेण उ ।

पंचेण तेण्ण तेण्ण दुक्खे जे चेह अनुधवे ॥

मू. (३२८) एवं भव-काय-द्वितीए सब्ब-भावेहिं पोग्गले ।

सब्बे सपज्जवे लोए सब्ब वन्नंतरेहिं य ॥

मू. (३२९) गंधत्ताए रसत्ताए फासत्ताए संठाणत्ताए ।

परिणामित्ता सरीरेणं बोहिं पावेअ वा न वा ॥

मू. (३३०) एवं वय-नियम-भंगं जे कज्जमाणमुवेक्खए ।

अह सीलं खंडिज्जंतं अहवा संजम-विराधनं ॥

मू. (३३१) उम्मग्ग-पवत्तणं वा वि उसुत्ताधरणं पि वा ।

सो वि य अनंतरुत्तेणं कमेणं चउगई भमे ॥

मू. (३३२) रुसउ तुसउ परो मा वा विसं वा परियत्तउ ।

भासियव्वा हिया भास सपक्ख-गुणकारिया ॥

मू. (३३३) एवं लद्धामवि बोहिं जइ णं नो भवइ निम्मला ।

ता संवुद्धासव-द्वारे पणति-द्विय-पएसानुभावियबंधो ॥

नो हासो नो य निज्जरे ॥

मू. (३३४) एमादी-धोर-कम्मद्वजालेणं कसियाण भो ।

सब्बेसिपवि सत्ताणं कुओ दुक्ख-विमोयणं ॥

मू. (३३५) पुव्वि दुक्कय-दुचिन्नाणं दुप्पडिकंताणं नियय-कम्मार्णं न ।

अवेइयाणं मोक्खे घोरतवेण अज्झोसियाण वा ॥

मू. (३३६) अनुसमयं बज्झए कम्मं नत्थि अबंधो उ पाणिणो ।

मोत्तुं सिद्धे अजोगी य सेलेसी संठिए तहा ॥

- मू. (३३७) सुहं सुहज्जवसाएणं असुहं दुद्धज्जवसायओ ।
तिव्वयरेणं तु तिव्वयरं मंदं मंदेन संधिणे ॥
- मू. (३३८) सव्वेसिं पावकम्माणं एगीभूयाणं जेतियं रासिं भवे तमसंखगुणं वय-ताव-संजम-
चारित्तखंडण-विराधनेनं उस्सुत्तुम्भग-पन्नवण-पवत्तण-आयरणोवेक्खणेण य समञ्जिणे
- मू. (३३९) अपरिमाणगुरुत्तुंगा महंता घन-निरंतरा ।
पाव-रासी खयं गच्छे जहा तं सव्वोवाएहिमायरे ॥
- मू. (३४०) आसवदारे निरुंभित्ता अप्पमादी भवे जया ।
बंधे सयं बहु वेदे जइ सम्मत्तं सुनिम्मलं ॥
- मू. (३४१) आसवदारे निरुंभित्ता आणं नो खंडए जया ।
दंसण-नाण-चरित्तसुं उज्जुतो जो दढं भवे ॥
- मू. (३४२) तया वेए खणं बंधे पोराणं सव्वं खवे ।
अनुइन्नमवि उईरित्तो निञ्जिय-घोर-परीसहो ॥
- मू. (३४३) आसवदारे निरुंभित्ता सव्वासायण-विरहिओ ।
सज्जाय-ज्झाण-जोगेसुं धोर-वीर-तवे रओ ॥
- मू. (३४४) पालेआ संजमं कसिणं वाया मनसा उ कम्मुणा ।
जया तया न बंधेआ उक्कोसमनंतं च निज्जरे ॥
- मू. (३४५) सव्वावस्सगमुज्जुत्तो सव्वालंबणविरहिओ ।
विमुक्को सव्वसंगेहिं सबज्जब्भंतरेहि य ॥
- मू. (३४६) गय-राग-दोसमोहे य निञ्जियाणे भवे जया ।
नियत्ते विसयत्तत्तीए मीए गब्भपरंपरा ॥
- मू. (३४७) आसवदारे निरुंभित्ता खंतादी धम्मं ठिते ।
सुक्कज्झाणं समारुहिय सेलेसिं पडिवज्जए ॥
- मू. (३४८) तया न बंधए किंचि चिरवद्धं असेसं पि निहुहियज्झाण-जोग-अग्गीए भसमी
करे दढं लहु पंचक्खरुगिरण मेत्तेणं कालेणं भवोवगाहियं ।
- मू. (३४९) एवं सजीव-विरिय-सामत्थ-पारंपरएण गोयमा ।
पविमुक्क-कम्म-मल-कवया-समएणं जंति पाणिणो ॥
- मू. (३५०) सासय-सोक्ख-अनावाहं रोग-जर-मरण-विरहियं ।
अदिट्ठ-दुक्ख-दारिदं निञ्जाणंदं सिवालयं ॥
- मू. (३५१) अत्येगे गोयमा पाणी जे एवं मन्नए विसं ।
आसव-दार-निरोहादी-इयर-हेइ-सोक्खं घरे ॥
- मू. (३५२) ता जाव कसिण-हु कम्मामि घोर-तव-संजमेण उ ।
नो निइहे सुहं ताव नत्थि सिविणे वि पाणिणं ॥
- मू. (३५३) दुक्खमेवमवीसामं सव्वेसिं जगजंतुणं ।
एकं समयं न सम-भावे जं सम्मं अहियासिउं तरे ॥

- मू. (३५४) धेवमवि धेवतरं धेवयरस्सावि धेवयं ।
जेणं गोयम ता पेच्छ कुंथुं तस्सेव य तनू ॥
- मू. (३५५) पाय-तलेसु न तस्सावि तेसिमेगदेसं पुण ।
फरिसंतो कुंथु जेणं चरई कस्सइ सरीरगे ॥
- मू. (३५६) कुंथूण सय-सहस्सेणं तेलियं नो पलं भवे ।
एगस्स केत्तियं गतं किं लवा तोलं भवेअ से ॥
- मू. (३५७) तस्स वि पायतल देसेणं तो णं इमं सुणे ।
पुव्वुत्तं गोयमा गच्छे पाणी तो णं इमं सुणे ॥
- मू. (३५८) ममंत-संचरंतो हिंङि नो मइले तणुं ।
न करे कुंथुं खयं ताणं न यावासी य चिरं वसे ॥
- मू. (३५९) अह चिद्धे खणमेगं तु बीयं नो परिवसे खणं ।
अह बीयं पि विरत्तेअ ता बुजेयं तु गोयमा ॥
- मू. (३६०) रागेणं नो पओसेणं मच्छरेणं न केणई ।
न यावि पुव्ववेरेणं खेइतो कामकारओ ॥
- मू. (३६१) कुंथु कस्सइ देहिस्स आरुहेइ खणं तणुं ।
वियलिदी भूण-पाणे जलंतगी वावी विसे ॥
- मू. (३६२) न चित्तेवं जहा मे स पुव्ववेरीऽहवा सुही ।
ता किंची खेम-पावं वा संजणेमि एयस्सऽहं ॥
- मू. (३६३) पुव्व-कड-पाव-कम्मस्स विरसे भुंजतो फले ।
तिरि-उह्वाह-दिसानु दसं कुंथु हिंङे वराय से ॥
- मू. (३६४) धरंतेवमबाहाए सारीरं दुक्खमानसं ।
कुंथु वि दूसहं जल्ले रोहं-दृ-ज्झाण-वह्णं ॥
- मू. (३६५) ता उ सल्लमारभेत्ताणं मन-जोगं अन्नयेरेण वा ।
समयावलिय-मुहुत्तं वा सहसा तस्स विवागयं ॥
- मू. (३६६) कह सहिहं बहु-भव-गहणे दुहमनुसमयमहन्निंसं ।
घोर-पयंडं-महारोहं हा-हा-कंद-परायणा ॥
- मू. (३६७) नारय-तिरिच्छ-जोणीसु अत्ताणासरणा वि य ।
एगागी ससरीरणं असहाया कडु-विरसं धनं ॥
- मू. (३६८) असिवण-वेयरणी जंते करवत्ते कूडसामलिं ।
कुंभी-यायासा-सीहे एमादी नारए दुहे ॥
- मू. (३६९) नत्थं कण-वह-बंधे य पउलुकंत-विकत्तणं ।
सगडा-कह्ण भरुव्वहणं जमला य तण्हा छुहा ॥
- मू. (३७०) खर-खुर-यमठण-सत्थगी-खोभण-मंजणमाइए ।
परयत्तावस-नित्तिसे दुक्खे तेरिच्छे तहा ॥

- मू. (३७१) कुंथू-पय-फरिस-जणियं पि दुक्खं न अहियासिउं तरे ।
ता तं मह-दुक्ख-संघट्टं कह नित्थरिह सुदारुणं ॥
- मू. (३७२) नारय-तेरिच्छ-दुक्खाओ कुंथु-जाणियाउ अंतरं ।
मंदरगिरि-अनंत-गुणियस्स परमानुस्सा वि नो घडे ॥
- मू. (३७३) चिरयाले संसुहं पाणी कंखंतो आसाए निव्वुओ ।
भवे दुक्खमईयं पि सरंतो अस्संत-दुक्खिओ ॥
- मू. (३७४) बहु-दुक्ख-संकडट्ठेत्थं आवया-लक्ख-परिगए ।
संसारे परिवसे पाणी अयडे बहु-बिंदू जहा ॥
- मू. (३७५) पत्थापत्थं अयाणंते कज्जाकज्जं हियाहियं ।
सेव्वो सेव्वमसेव्वं च चरणिज्जा चरणिज्जं तहा ॥
- मू. (३७६) एवइयं गइक्खं तोच्चा दुल्लभत्तां-गदेसिये ।
इत्थी-परिग्गहारंभे चेच्चा घोरं तवं चरे ॥
- मू. (३७७) ठियासणत्था सइया परंमुही सुयलंकरिया वा अनलंकरिया वा ।
निरक्खमाणापमयाहिदुब्बलं मनुस्समालेह-गयाविकरिस्सई ॥
- मू. (३७८) चित्त-भित्तिं न निज्झए नारिं वा सुयलंकरियं ।
भक्खरं पि व दइणं दिट्ठिं पडिसमाहरे ॥
- मू. (३७९) हत्थ-पाय-पडिच्छिन्नं कग्र-नासोड्ढि-वियप्पियं ।
सडमाणी-कुड्ढवाहीए तमवित्थीयं दूरयरेणं बंभयारी विवज्जाए ॥
- मू. (३८०) धेर-भज्जा य जा इत्थी पच्चंगुल्लमड-जोव्वणा ।
जुन्न-कुमारिं पउत्थवई बाल-विहवं तहेव य ॥
- मू. (३८१) अंतेउरवासिनी चेव स-पर-पासंड-संसियं ।
दिविद्धयं साहुणी वा वि वेसं तह य नपुंसगं ॥
- मू. (३८२) कण्हि गोणि खरिं चेव वडवं अविलं अवि तहा ।
सिप्पित्थि पंसुलि वा वि जम्मरोगि-महिलं तहा ॥
- मू. (३८३) चिरे संसड्ढमचेल्लिकं-एमादीपावित्थिओ ।
पगमंती जत्थ रथणीए अह पइरिके दिनस्स वा ॥
- मू. (३८४) तं वसहिं सन्निवेसं वा सव्वोवाएहिं सव्वहा ।
दूरयर-सुदूर-दूरेणं बंभयारी विवज्जाए ॥
- मू. (३८५) एएसिं सद्धिं संलावं अद्धाणं वा वि गोयभा ।
अन्नासुं वा वि उत्थीसुं छणद्धं पि विवज्जाए ॥

मू. (३८६) से भयवं किमित्थीणं नो णं निज्झाएज्जा गोयमा नो णं निज्झरुज्जा से भयवं किं
सुनियत्थं वत्थालंकरिय-विहूसियं इत्थीयं नो णं निज्झाएज्जा उयाहुणं विनियंसणिं गोयमा उभयहा
विणं नो निज्झाएज्जा से भयवं किमित्थीयं नो आलवेज्जा गोयमा नो णं आलवेज्जा से भयवं किमित्थीसुं
सद्धिं छणद्धमवि नो संवसेज्जा गोयमा नो णं संवसेज्जा से भयवं किमित्थीसुं सद्धिं नो अद्धाणं

पडिवजेजा गोयमा एगं बंमथारी एंगेत्याए सद्धिओ पडिवजेजा ।

मू. (३८७) से भयवं केणं अट्टेणं एवं बुद्धइ जहा णं नो इत्थीणं निज्झएजा नो नमालवेजा नो णं तीए सद्धि परिवसेजा नो णं अट्टाणं पडिवजेजा गोयमा सब्ब-पयारेहिं णं सव्वित्थीयं अच्चत्थं मउक्कडत्ताए रागेणं संधुक्किज्जमाणी कामग्गिए संपलित्ता सहावओ चेव विसएहिं बाहिज्जइ तओ सब्ब-पयारेहिं णं सव्वत्थियं अच्चत्थं मउक्कडत्ताए रागेणं संधुक्किज्जमाणी कामग्गिए संपलित्ता सहावओ चेव विसएहिं बाहिज्जमाणी अनुसमयं सब्ब-दिसि-विदिसासुं णं सव्वत्थ विसए पत्थेजा जावं णं सव्वत्थ-विसए पत्थेजा ताव णं सब्ब-पयारेहिं णं सव्वत्थ सब्बहा पुरिसं संकप्पिजा जाव णं पुरिसं संकप्पेजा ताव णं सोइंदियोवओगत्ताए चक्खुरिंदिओवओगत्ताए रसनिंदिओव-आगत्ताए धाणिंदिओवओगत्ताए फासिंदिओवओगत्ताए जत्थ णं केइ पुरिसे कंत-रूवे इ वा अकंत-रूवे इ वा पडुप्पन्नजोव्वणे इ वा अपडुप्पन्न-जोव्वणे इ वा गय-जोव्वणे इ वा दिङ्ग-पुव्वे इ वा अदिङ्ग-पुव्वे इ वा इट्ठिमंते इ वा अनिट्ठिमंते इ वा इट्ठिपत्ते इ वा अनिट्ठी पत्ते इ वा विसयाउरे इ वा निव्विन्न-काम भोगे इ वा उद्धय-बोदीए इ वा अनुद्धयबोदीए इ वा महासत्ते इ वा हीन-सत्ते इ वा महा-पुरिसे इ वा कापरिसे इ वा समणे इ वा माहणे इ वा अन्नवरे इ वा निदियाहम-हीनजाईए वा तत्थ णं इहा पोह-वीमंसं पडंजित्ताणं जाव णं संजोग-संपत्ति झाएजा जाव णं संजोग-संपत्तिं परिकप्पे ताव णं से चित्ते संखुद्धे भवेजा जाव णं से चित्ते संखुद्धे भवेजा ताव णं से चित्ते विसंवएजा जाव णं से चित्ते विसत्वएजा ताव णं से देहे मएणं अट्टासेजा जाव णं से देहे मएणं अट्टासेजा ताव णं से दरविदरे इह-परलोगावाए पण्डुसेजा जाव णं से दर-विदरे —

इह परलोगावाए पण्डुसेजा ताव णं चिच्चा लज्जं भयं अयसं अकित्तिं मेरं उच्च-ठाणाओ नीय-ट्ठाणं ठाएजा जाव णं उच्च-ठाणाओ नीय-ट्ठाणं ठाएजा ताव णं वच्चेजा असंखेयाओ समयावलियाओ जाव णं नीइंति असंखेजाओ समयावलियाओ ताव णं जं पढम समयाओ कम्मट्ठिइं तं बीयसमयं पडुच्चा तइया दियाणं समयाणं संखेज्जं असंखेज्जं अनंतं वा अनुक्कमसो कम्मट्ठिइं संचिणिजा जाव णं अनुक्कमसो अनंतं कम्मट्ठिइं संचिणिइ ताव णं असंखेजाइं अवसप्पिणी-ओसप्पिणी-कोडिलक्खाइं जावएणं कालेणं परिवत्तंति तावइयं कालं दोसुं चेव निरयतिरिच्छासुं गतीसुं उक्कोस-ट्ठितीयं कम्मं आसंकलेजा जाव णं उक्कोसट्ठितीयं कम्ममासंकलेजा ताव णं से विवन्न-जुइं विवन्न-कंति वियलिय-लावन्न-सिरीयं निज्झइदित्ति-तेयं बोदी भवेजा जाव णं चुय-कंति-लावन्न-सिरियं नित्तेय नित्तेय-बोदी भवेजा ताव णं सीएजा फरिसिंदिए जाव णं सीएजा फरिसिंदिए ताव णं सब्बट्ठा विवहेजा सब्बत्थ चक्खुरागे जाव णं सब्बत्थ विवहेजा चक्खुरागे ताव णं रागारुणे नयण-जुयले भवेजा जाव णं रागारुणे य नयनजुयले भवेजा ताव णं रागंधत्ताए न गणेजा सुमहंत-गुरु-दोसे वयभंगे न गणेजा सुमहंत-गुरु दोसे नियम-भंगे न गणेजा सुमहंत-घोर-पाव-कम्म-समायरणं सील-खंडणं न गणेजा सुमहंत-सव्व-गुरु-पाव-कम्म-समायरणं संजमविराहणं न गणेजा घोरंधयारं परलोग-दुक्खभयं न गणेजा आयई न गणेजा सकम्म-गुणट्ठाणगं न गणेजा ससुरासुरस्सा वि णं जगस्स अलंघणिज्जं आणं न गणेजा—

अनंतहुत्तो चुलसीइजोणिलक्ख-परिवत्त-गब्ब-परंपरं अलच्छणिमि-सद्ध-सोक्खं-चउगउ-संसार-दुक्खं न पासिजा जं पासणिज्जं न पासिजा जं अपासणिज्जं सब्ब-जण-समूह-मज्झ-सत्तिविट्ठुट्ठियाणि-

वन्नघक्रमिय-निरिक्खिज्जमाणी वा दिप्पंत-किरण-जाल-दस-दीसी-पयासिय-तवंत-तेयरासी-सूरिरु-
वि तहा वि णं पासेज्जा सुन्नंधयारे सव्वे दिसा भाए जाय णं रागंधत्ताए न गणेज्जा सुमहल्लशुरु-
दोसे-वय-भंगे नियम-भंगे सील-खंडणे संजम-विराधने परलोग-भए-आणा-भंगाइक्कमे अनंत-
संसार-भाए पासेज्जा आससणिजे सव्वज्ज-एयल्ल दिनधरे ति णं यन्निज्जा णं सुन्नंधयारे सव्वे दिसा
भाए (जाव णं भवे न गणेज्जा सुमहल्लशुरुदोसे वय-भंगे सील-खंडणिज्जा) ताव णं भवेज्जा अच्चंत-
निब्बट्ठ-सोहंगाइसइ विच्छाए रागारुण-पंडुरे दुहंसणिजे अनिरिक्खणिजे अनिरिक्खणिजे वयण-
कमले भवेज्जा जाव णं अच्चंत निब्बट्ठ-सोहंगाइसए विच्छा ए रागारुण-पंडुरे दुहंसणिजे वयण-
कमले भवेज्जा ताव णं फुरुफुरेज्जा सणियं सणियं बोंद-पुड-नियंब-वच्छोरुह-बाहुलइ-उरु-कंठ-
पएसे जाव णं फुरफुरेति बोंद-पुड-नियंब-वच्छोरुह-बाहुलइ-उरु-कंठपएसे ताव णं मोहयमाणी
अंगपालियहिं निरुवलक्खे वा सोवलक्खे वा भंजेज्जा सव्वंगोवंगे जाव णं मोहयमाणी अंगपालियाहिं
भंजेज्जा सव्वंगोवंगे ताव णं मयणसरसन्निवाएणं जज्जरियसंभिन्ने सव्वरोम-कूवे तणू भवेज्जा जाव
णं मयणसर-सन्निवाएणं विद्धसिए बोंदी भवेज्जा ताव णं तहा परिणमेज्जा तनू जहा णं मणगं
पयलंति धातूओ जाव णं मणगं पयलंति धातूओ ताव णं अच्चत्थं बाहिज्जंति पोगल-नियंबोरु-
बाहुलइयाओ जाव णं अच्चत्थं बाहिज्जइ नियंबो ताव णं दुक्खेणं धरेज्जा गत्त-जड्ढिं जाव णं दुक्खेणं
धरेज्जा गत्त-यड्ढिं ताव णं से नोवलक्खेजा-

— अत्तीयं सरीरावत्थं जाव णं नोवलक्खेज्जा अत्तीयं सरीरावत्थं ताव णं दुवालसेहिं समएहिं
दर-निच्चेट्ठं भवे बोंदी जाव णं दुवालसेहिं दर-निच्चेट्ठं भवे बोंदी ताव णं पडिखलेज्जा से ऊसासा-
नीसासे जाव णं पडिखलेज्जा ऊसासा-नीसासे ताव णं मंदं मंदं ऊससेज्जा मंदं मंदं नीससेज्जा जाव
णं एयाइं एत्तियाइं भावंतरं अवत्थतराइं विहारेज्जा ताव णं जहा गहग्घत्थे केइ पुरिसे इ वा इत्थि इ
वा विसुंठुलाए पिसायाए भारतीए असंवद्धं संलवियं विसंखुलंतं अव्वत्तं उल्लवेज्जा एवं सिया णं
इत्थीयं विसामावत्त-मोहन-मम्मनुल्लावेणं पुरिसे दिड्ड-पुव्वे इ वा अदिड्ड पुव्वे इ वा कंतरूवे इ वा
अंकतरूवे इ वा गय जोव्वणे इ वा पडुप्पन्न-जोव्वणे इ वा महासत्ते इ वा हीनसत्ते इ वा सप्पुरिसे
इ वा कापुरिसे इ वा इट्ठिमंते इ वा अनिट्ठिमंते इ वा विसयाउरे इ वा निव्विन्नकामभोगे इ वा
समणे इ वा माहणे इ वा जाव णं अन्नयरे वा केई निंदियाहम-हीणजाईए इ वा अज्झत्थेणं आमंतेमाणी
उल्लावेज्जा जाव णं संखेज्ज-भेदभिन्नेणं सरागेणं सरेणं दिट्ठीए इ वा पुरिसे उल्लावेज्जा निज्जाएज्ज वा
ताव णं जं तं असंखेज्जाइं अवसप्पिणी-ओसप्पिणी-कोडी-लक्खाइं दोसुं नरय-तिरिच्छासुं गतीसुं
उक्कोस-द्वितीयं कम्मं आसंकलियं आसिओ तं निबंधेज्जा नो णं बद्ध-पुट्ठं करेज्जा से वि णं जं समयं
पुरिसस्स णं सरिरावयव-फरिसणाभिमुहं भवेज्जा नो णं फरिसेज्जा तं समयं चेव तं कम्म-ठिइं बद्ध-
पुट्ठं करेज्जा नो णं बद्ध-पुट्ठनिकायं ति

मू. (३८८) एवायसरम्मि उ गोयमा संजोगेणं संजुजेज्जा से वि णं संजोए पुरिसायत्ते पुरिसे वि
णं जे णं न संजुजे से धन्ने जे णं संजुजे से अधन्ने ।

मू. (३८९) से भयवं केणं अट्ठेणं एवं बुद्धइ जहा पुरिसे वि णं जे णं न संजुजे से णं धन्ने जे णं
संजुजे से अधन्ने गोयमा जे य णं से तीए इत्थीए पावाए बद्ध-पुट्ठ-कम्म-ठिइं चिड्डइ से णं पुरिससंगेणं
निकाइज्जइ तेनं तु बद्ध-पुट्ठ-निकाइएणं कम्मणं सा वराइं तं तारिसं अज्झवसायं पडुच्चा एगिंदियत्ताए

पुढवादीसुं गया समाणी अनंत-काल-परियट्टेण वि णं नो पावेज्जा वेइंदियत्तणं एवं कह कह वि बहुकेसेणं अनंत-कालाओ एगिंदियत्तणं खविय वेइंदियत्तं एवं तेइंदियत्तं चउरिंदियत्तमवि केसेणं वेयइत्ता पंचिंदियत्तेणं आगया समाणी दुब्भित्थिय-पंड-तेरिच्छ-वेयमाणी हा-हा-भूय-कट्ट-सरणा सिविणे वि अदिट्ट-सोक्खा निच्चं संतावुवेविया सुहिसयण-बंधव-विवज्जिया आजम्मं कुच्छणिज्जं गरहणिज्जं निंदणिज्जं खिसणिज्जं बहु-कम्मतेहिं अनेग-घाडु-सएहिं लद्धोदरभरणा सव्व-लोग-परिभूया चउ-गतीए संसरेज्जा अन्नं च णं गोयमा जावइयं तीए पावइत्थीए बद्ध-पुट्टनिकाइयं कम्म-डिइं समज्जियं तावइयं इत्थियं अभिलसिउ-कामे पुरिसे उक्किट्टकिट्टयरं अनंतं कम्म-डिइं बद्ध-पुट्ट-निकाइयं समज्जिणेज्जा एतेनं अट्टेणं गोयमा एवं वुच्चइ जहा णं पुरिसे वि णं जे णं नो संजुजे से णं धन्ने जे णं संजुजे से णं अधन्ने ।

मू. (३९०) भयवं केसेणं पुरिसे स णं पुच्छा जाव णं धन्नं वयासि गोयमा छव्विहे पुरिसे नेए तं जहा-अहमाहमे अहमे विमज्झिमे उत्तमे उत्तमुत्तमे सव्वुत्तमुत्तमे ।

मू. (३९१) तत्थ णं जे सव्वुत्तमुत्तमे पुरिसे से णं पंचंगुल्लज्जोव्वण-सव्वुत्तम-रुव-लावन्न-कंति-कलियाए वि इत्थीए नियंबारुद्धो वाससयं पि चिट्ठिज्जा नो णं मनसा वि तं इत्थियं अभिलसेज्जा

मू. (३९२) जे णं तु से उत्तमुत्तमे से णं जइ कहवि तुडी-तिहाएणं मनसा समयमेक्के अभिलसे तहा वि बीयं समये मणं सन्निरुंभिय अत्ताणं निंदेज्जा गरहेज्जा न पुणो बीएणं तज्जम्मे इत्थीयं मनसा वि उ अभिलसेज्जा जे णं से उत्तमे से णं जइ कह वि खणं मुहुत्तं वा इत्थियं कामिज्जमाणिं पेक्खेज्जा तओ मनसा अभिलसेज्जा जाव णं जामद्ध-जामं वा नो णं इत्थीए समं विकम्मं समायरेज्जा ।

मू. (३९३) जइ णं बंधयारी कयपच्चक्खाणाभिग्गहे अहा णं नो बंधयारी नो कयपच्चक्खाणा-भिग्गहे तो णं निय-कलत्तभयणा न तु णं तिव्वेसु कामेसु अभिलासी भवेज्जा तस्स एयस्स णं गोयमा अत्थि बंधो किंतु अनंत-संसारियत्तणं नो निबंधेज्जा ।

मू. (३९४) जे णं से विमज्झिमे से णं निय-कलत्तेणं सद्धिं विकम्मं समायरेज्जा नो णं पर-कलत्तेणं एसे य णं जइ पच्छा उग्ग-बंधयारी नो भवेज्जा तो णं अज्झवसाय-विसेसं तं तारिसमंगी-काऊणं अनंत-संसारियत्तणे भयणा जओ णं जे केइ अभिगय-जीवाइ-पयत्थे सव्वसत्ते आगमानु-सारेणं सुसाहूणं धम्मोवट्ठम-दानाइ-दान-सील-तत्त-भावणामइए चउव्विहे धम्म-खंधे समनुट्टेज्जा से णं जइ कहवि नियम-वयभंगं न करेज्जा तओ णं साय-परंपरणं सुभानुसत्त-सुदेवत्ताए जाव णं अपरिवडिय-सम्मत्ते निसग्गेन वा अभिगमेणन वा जाव अट्टारससीलंग-सहस्सधारी भवित्ताणं निरुद्धासवदारे विहूय-रयमले पावयं कम्मं खवित्ताणं सिज्जेज्जा ।

मू. (३९५) जेयणं से अहमे से णं स-पर-दारासत्त-माणसे अनुसमयं कूरज्झव-सायज्झवसिय-चित्ते हिंसारंभ-परिग्गहाइसु अभिरए भवेज्जा तहा णं जे य से अहमाहमे से णं महापाव-कम्मे सव्वाओ इत्थीओ वाया मनसा य कम्मुणा तिविहं तिविहेणं अनुसमयं अभिलसेज्जा तहा अच्चंतकूरज्झवसाय-अज्झवसिएहिं चत्ते हिंसारंभ-परिग्गहासत्ते कालं गमेज्जा एएसिं दोण्हं पि णं गोयमा अनंत-संसारियत्तणं नेयं ।

मू. (३९६) भयवं जे णं से अहमे जे वि णं से अहमाहमे पुरिसे तेसिं य दोण्हं पि अनंत-संसारियत्तणं समक्खायं तो णं एगे अहमे एगे अहमाहमे एतेसिं दोण्हं पि पुरिसावत्थाणं के

पइविसेसे गोयमा जे णं से अहम-पुरिसे से णं जइविउ स-पर-दारासत्त-माणसे कूरज्झवसायज्झव-
सिएहिं चित्ते हिंसारंभ-परिग्गहासत्त-चित्ते तहा वि णं दिक्खियाहिं साहुणीहिं अन्नयरासुं च सीलं-
संरक्खण-पोसहोववास-निरयाहिं दिक्खियाहिं गारत्थीहिं वा सद्धिं आयडिय-पेल्लियामंति ए वि
समाणे नो वियम्मं समायरेआ ते णं चेव से महा-पाव-कम्मे सब्बाहमाहमे समक्खाए से णं गोयमा
पइ-विसेसे तहा य जे णं से अहम्म-पुरिसे से णं अनंतेन कालेणं बोहिं पावेआ जे य उ न से
अहमाहमे महा-पावकारी दिक्खियाहिं पि साहुणीहिं पि समं वियम्मं समायरिआ से णं अनंत-
हुत्तो वि अनंत-संसारमाहिं डिऊणं पि बोहिं नो पावेआ एसे य गोयमा बित्ति ए पइ-विसेसे ।

मू. (३९७) तत्थ णं जे से सव्वुत्तमे से णं छउमत्थ-वीयरामे नेए जेणं तु से उत्तमुत्तमे से णं
अनिद्धि पत्त-पभितीए जाव णं उवसामग-खवए ताव णं निओयणीए जेणं च से उत्तमे से णं
अप्पमत्तसंजए नेए एवमेएसिं निरुवणा कुआ ।

मू. (३९८) जेउ न मिच्छदिट्ठी भवित्ताणं उग्गबंभयारी भवेआ हिंसारंभ-परिग्गहाईणं विरए
से णं मिच्छ-दिट्ठी चेव नेए नो णं सम्मदिट्ठी तेसिं च णं अविइय जीवाइ-पयत्थ-सब्बावाणं गोयमा
नो णं उत्तमतो अभिनंदणिजे पसंसणिजे वा भवइ जओ तेन ते अनंतर-भविए दिव्वोरालिए
विसए पत्थेरेआ अन्नं च कयादी ते दिव्वित्थियादओ संचिक्खिय तओ णं बंभव्याओ परिभंसेआ
नियाणकडे वा हवेआ ।

मू. (३९९) जे य णं से विमज्झिमे से णं तं तारिसमज्झवसायमंदीकिच्चाणं विरयाविरए
दट्ठवे ।

मू. (४००) तहा णं जे से अहमे जे य णं से अहमाहमे तेसिं तु णं एगंतेन जहा इत्थीसुं तहा णं
नेए जाव णं कम्म-ट्ठिई समजेआ नवरं पुरिसस्स णं संचिक्खणगेसु वच्छरुहोवरतल-पक्खएसुं
लिंगे य अहिययरं रागमुप्पजे एवं एते चेव सव्वेसिमित्थीणं ।

मू. (४०१) कासिं चि इत्थीणं गोयमा भव्वत्तं सम्मत्त-दट्ठत्तं च अंगी-काऊणं जाव णं सव्वुत्तमे
पुरिसविभागे ताव णं चिंतणिजे नो णं सव्वेसिमित्थीणं ।

मू. (४०२) एयं तु गोयमा जीए इत्थीए-ति कालं पुरिससंजोग-संपत्ती न संजाया अहा णं
पुरिस-संजोग-संपत्तीए वि साहीणाए जाव णं तेरसमे चोइसमे पन्नरसमे णं च समएणं पुरिसेणं
सद्धिं न संजुत्ता नो वियम्मं समायरियं से णं जहा धन-कट्ठ-तण-दारु-समिद्धे केई गामे इ वा नगरे
इ वा रत्ने इ वा संपलित्ते चंडानिल-संधुक्खिए पयलित्ताणं पयलित्ताणं निडज्झिय निडज्झिय दिरेणं
उवसमेआ एवं इगवीसमे बावीसमे जाव णं सत्ततीसइमे समए जहा णं पदीव-सिहा दावन्ना
पुनरवि सयंवा तहाविहेणं चुन्न-जोगेणं वा पयलिआ वा एवं सा इत्थी-पुरिस-दंसणेन वा पुरिसालावग-
सवणेण वा मदेणं कंदप्पेणं कामगि ए पुनरवि उ पयलेआ ।

मू. (४०३) एत्थं च गोयमा जं इत्थीयं भएण वा लआए वा कुलंकुसेण वा जाव णं धम्म-
सद्धाए वा तं वेयणं अहियासेआ नो वियम्मं समायरेआ से णं धन्ना से णं पुत्रा से य णं वंदा से णं
पुआ से णं दट्ठव्वा से णं सव्व-लक्खणा से णं सव्व-कल्लाण-कारया से णं सव्वुत्तम-मंगल-निहि से
णं सुयदेवता से णं सरस्सती से णं अंबहंडी से णं अच्चुया से णं इंदानीं से णं परमपवित्तुत्तमा सिद्धी
मुत्ती सासया सिवगए ति ।

मू. (४०४) जमित्थियं तं वेयणं नो अहियासेज्जा वियम्मं वा समायेज्जा से णं अधव्वा से णं अपुत्रा से णं अवंदा से णं अपुज्जा से णं अदड्ढव्वा से णं अलक्खणा से णं भग्ग-लक्खणा से णं सब्ब अमंगल-अकल्लाण-भायणा से णं भट्ठ-सीला से णं भट्ठायास से णं परिभट्ठ-धारित्ता से णं निंदनीया से णं गरहणीया से णं खिसणिज्जा ते णं पुच्छणिज्जा से णं पावे से णं पाव-पावे से णं महापावे-से णं महापाव-पावे से णं भट्ठ-सीले से णं भट्ठायासे से णं निब्भट्ठधारित्ते महा-पाव-कम्मकारी जइ णं पायच्छित्त-मब्भुट्ठेज्जा तओ णं मंदरतुंगेणं वड्ढेणं सरिरेणं उत्तमेणं संघयणेणं उत्तमेणं पोरुसेणं उत्तमेणं सत्तेणं उत्तमेणं तत्त-परिन्नाणेणं उत्तमेणं वीरियसामत्थेणं उत्तमेणं संवेगेणं उत्तमाए धम्म-सद्धाए उत्तमेणं आउक्खएणं ते पायच्छित्तमनुचरेज्जा ते णं गोयमा साहूणं महानुभागणं अट्टारस-परिहारट्ठणाइं नव-बंधे-गुत्तीओ वागरिज्जंति ।

मू. (४०५) से भयवं किं पच्छित्तेणं सुज्जेज्जा गोयमा अत्थेगे जे णं सुज्जेज्जा अत्थेगे जे णं नो सुज्जेज्ज से भयवं केणं अट्ठेणं एवं वुच्चइ जहा णं गोयमा अत्थेगे जे णं सुज्जेज्ज अत्थेगे जे णं नो सुज्जेज्जा गोयमा अत्थेगे जे णं नियडी-पहाणे सट्ठ-सीले वंक्क-समायारे से णं ससल्ले आलोइउत्ताणं ससल्लेणं चेव पायच्छित्तमनुचरेज्जा से णं अविमुद्ध-सकलुसासए नो सुज्जेज्जा अत्थेगे जे णं उज्जु पद्धर-सरल-सहावे जहा-वत्तं नीसल्लं नीसकं सुपरिफुडं आलोइत्ताणं जहोवड्ढं चेव पायच्छित्त-मनुचिहेज्जा से णं निम्मल-निक्कलुस-विमुद्धसए वि सुज्जेज्जा एतेनं अट्ठेणं एवं वुच्चइ जहा णं गोयमा अत्थेगे जे णं सुज्जेज्जा अत्थेगे जे णं नो सुज्जेज्जा ।

मू. (४०६) तहा णं गोयमा इत्थीयं नाम पुरिसाणं अहमाणं सब्ब-पाव-कम्माणं वसुहारा तमरय-पंक्क-खाणी सोग्गइ-मग्गस्स नरयावधारस्स णं समोयरण-वत्तणी, अभूमयं विसकंदल्लिं अनग्गियं चड्ढल्लिं अमोयणं विसुइयं अनामियं वाहिं अवैयणं मुच्छण अनोवसग्गं भारिं अणियल्लिं गुत्तिं अरल्लुए पासे अहेइए मच्चू तहा य णं गोयमा इत्थि-संभोगे पुरिसाणं मनसा वि णं अचित्तिणिजे अणज्झवसिणजे अपत्थणिजे अनीहणिजे अविषयणिजे असंकप्पणिजे अनभिलसणिजे असंभरणिजे तिविहं तिविहेणं ति जओ णं इत्थियं नाम पुरिसस्स णं गोयमा सब्बप्पगारेसुं पि दुस्साहिय-विजं पिव दोसुप्पायणि सारंभ-संजणं पि व पुणो असंजमायरणं अपुड्ढधम्म खलियचारित्तं पिव अनालोइयं अनिदियं अगरहियं अकय-पायच्छित्तज्झवसायं पडुच्च अनंत-संसार-परियट्ठण-

तदुक्खसंदोहं कय-पायच्छित्त-विसोहिं पि व पुणो असंजमायरणं महंत-पाव-कम्म-संचयं हिंसं व सयल-तेलोक-निंदियं अदिट्ठ-परलोक-पच्चवाय-घोरंधयार-नरय-वासो इव-निरंतरागेण-दुक्ख-निहिं ति ।

मू. (४०७)

अंग-पच्चंग-संठाणं चारुल्ल विय-पेहियं ।

इत्थीणं तं न निज्झाए काम-राग-विवहणं ॥

मू. (४०८) तथा य इत्थीओ नाम गोयमा पलय-काल-रयणी-मिव सव्व-काललंतमोवलित्ताओ भवन्ति विज्जु इव खणदिट्ठ-नहु-पेम्माओ भवन्ति सरणागय-धायगो इव एक-जम्मियाओ तक्खणपसूय-जीवंत-मुद्ध-निय-सिसु-भक्खीओ इव महा-पाव-कम्माओ भवन्ति खर-पवणुञ्जालिय-लवणोवहि-वेलाइव बहु-विह-विकप्प-कल्लोलमालाहिं णं खणं पि एगत्य हि असंठिय-मानसाओ भवन्ति सयंभुरमणोवहिममिव दुरवगाह-कइतवाओ भवन्ति पवणो इव चहुल-सहावाओ भवन्ति अग्गी इव सव्व-भक्खाओ वाऊ इव सव्व-फरिसाओ तक्करो इव परत्थलोलाओ साणो इव दानमेत्तीओ मच्छो इव हव्व-परिचत्त-नेहाओ एवमाइ-अनेग-दोस-लक्ख-पडिपुत्त-सव्वंगोवंग-सव्वितर-बाहिराणं महापाव-कम्माणं अविनय-विस-मंजरीणं तत्थप्पन्न-अनत्थ-गय-पसुईणं इत्तीणं अनवरय-निज्झरंतदुगंधाऽसुइ-चिलीणं-कुच्छ-निज्ज-निंदणिज्ज-खिसणिज्ज-सव्वंगोवगाणं सव्वितर-बाहिराणं परमत्थओ महासत्ताण निव्विन्नकाम-भोगाणं गोयमा सव्वुत्तमुत्तमपुरिसाणं के नाम सयन्ने सुविन्नाय-धम्महम्मे खणमवि अभिलासं गच्छिज्ज ।

मू. (४०९) जासिं च णं अभिलासिउकामो पुरिसे तज्जोणिं समुच्छिप-पंचिदियाणं एकपसंगेणं चेव नवण्हं सय-सहस्साणं नियमाओ उद्वगे भवेज्जा ते य अच्चंत-सुहुमत्ताओ मंसचक्खुणो न पासिया ।

मू. (४१०) एए णं अट्ठेणं एवं वुच्चइ जहा णं गोयमा नो इत्थीयं आलवेज्जा नो संलवेज्जा नो उल्लवेज्जा नो इत्थीणं अंगोवंगाई संनिरिक्खेज्जा जाव णं नो इत्थीए सद्धि एगे वंभयारी अद्धाणं पडिचजेज्जा ।

मू. (४११) से भयवं किमित्थिए संलावुल्लावंगोवंग-निरिक्खणं वजेज्जा से णं उयाहु मेहुणं गोयमा उभयमवि से भयवं किमित्थि-संजोग-समावरणे मेहुणे परिवज्जिया उयाहु णं बहुविहेसु सधाचित्तवत्थु-विसएसु मेहुण-परिणामे तिविहं तिविहेणं मनो-वइ-काय-जोगेणं सव्वहा सव्वकालं जावजीवाए ति गोयमा सव्वहा विवजेज्जा ।

मू. (४१२) से भयवं जे णं केई साहू वा साहुणी वा मेहुणमासेवेज्जा से णं वंदेज्जा गोयमा जे णं केई साहू वा साहुणी वा मेहुणं सयमेव अप्पणा सेवेज्ज वा परेहि उवइसेत्तुं सेवावेज्जा वा सेविज्जमाणं समनुजाणेज्जा वा दिव्वं वा मानुसं वा तिरिक्ख-जोणियं वा जाव णं करकम्माइं सचित्ताचित्तं-वत्थुविसयं वा दूरंत-पत-लक्खण-अदड्ढवे अमग्ग-समायारे महापाव-कम्मे नो णं वंदेज्जा नो णं वंदावेज्जा नो णं वंदिज्जमाण वा समनुजाणेज्जा तिविहं जाव णं विसोहिकालं ति से भयवं जे वंदेज्जासे किं लभेज्जा गोयमा जे तं वंदेज्जा से अट्टारसण्हं सीलंग-सहस्सधारीणं महानुभागाणं तित्थयरादीणं महती आसायणं कुज्जा जे णं तित्थयरादीणं आसायणं कुज्जा से णं अज्झवसायं पडुच्चा जाव णं अनंत-संसारियत्तणं लभेज्जा ।

- મૂ. (૪૧૩) વિષ્ણુચિત્તિયં સમ્પં સવ્વહા મેહુણં પિ ય ।
અત્યેગે ગોયમા પાળી જે નો ચયડ્ પરિગ્ગહં ॥
- મૂ. (૪૧૪) જાવડયં ગોયમા તસ્સ સદ્ધિત્તાવિત્તોયત્તગં ।
પમ્પુયં ચાનુજીવસ્સ ભવેજ્ઞા ઉ પરિગ્ગહં ॥
- મૂ. (૪૧૫) તાવડેણં તુ સો પાળી સસંગો મોક્ક-સાહણં ।
નાણાદિ-તિગં ન આરાહે તન્હા વજ્ઞે પરિગ્ગહં ॥
- મૂ. (૪૧૬) અત્યેગે ગોયમા પાળી જે પયહિત્તા પરિગ્ગહં ।
આરંભ નો વિવજ્ઞેજ્ઞા જં ઘીયં ભવપરંપરા ॥
- મૂ. (૪૧૭) આરંભે પત્તિયસ્સેગ-વિયલ-જીવસ્સ વડ્યરે ।
સંઘટ્ટણાડયં કમ્મં જં વહ્નં ગોયમા સુણં ॥

મૂ. (૪૧૮) એગે વેદિદિએ જીવે એગં સમયં અનિચ્છમાણે બલાભિઓરેણં હત્યેણ વા પાણેણ વા અન્નયરેણ વા સલાગાડ-ઉવગરણ-જાણેણ જે કેડ પાળી અગાઠં સંઘટ્ટેજ્ઞા વા સંઘટ્ટાવેજ્ઞ વા સંઘટ્ટિજ્ઞમાણં વા અગાઠં પરેહિં સમનુજાણેજ્ઞા સે પં ગોયમા જયા તં કમ્મં ઉદયં ગચ્છેજ્ઞા તયા પં મહયા કેસેણં છમ્માસેણં વેદેજ્ઞા ગાઠં દુવાલસહિં સંવચ્છરેહિં તમેવ અગાઠં પરિયાવેજ્ઞા વાસ-સહસ્સેણં ગાઠં વસહિં વાસ-સહસ્સેહિં તમેવ અગાઠં ગિત્તાણેજ્ઞા વાસ-સહસ્સેણં ગાઠં વસહિં વસ-સહસ્સેહિં અજ્ઞા ગં ઉદવેજ્ઞા તઓ વાસ-કોડિએ એવં તિ-ચડ-પંચિદિએસુ વટ્ટવ્વ ।

- મૂ. (૪૧૯) સુહુમસ્સ પુઢવિ-જીવસ્સ જત્તેગસ્સ વિરાધનં ।
અપ્પારંભં તયં વેતિ ગોયમા સવ્વ-કેવલી ॥
- મૂ. (૪૨૦) સુહુમસ્સ પુઢવિ-જીવસ્સ વાવત્તી જત્થ સંભવે ।
મહારંભં તયં વેતિ ગોયમા સવ્વ-કેવલી ॥
- મૂ. (૪૨૧) એવં તું સમ્મિલંતેહિં કમ્મુક્કુરુડેહિં ગોયમા ।
સે સોઢ્ઢમેઅનંતેહિં જે આરંભે પવત્તએ ॥
- મૂ. (૪૨૨) આરંભે વટ્ટમાણસ્સ બહ્ન-પુટ્ટ-નિકાડયં ।
કમ્મં વહ્નં ભવે જન્હા તન્હારંભં વિવજ્ઞએ ॥
- મૂ. (૪૨૩) પુઢવાડ-અજીવ-કાયં તા સવ્વ-ભાવેહિં સવ્વહા ।
આરંભા જે નિયટ્ટેજ્ઞા સે અડરા જન્મ-જરા-મરણ ।
સવ્વ-દારિદ્-દુવચ્છાણં વિમુચ્છાઈ તિ ॥
- મૂ. (૪૨૪) અત્યેગે ગોયમા પાળી જે એયં પરિબજ્જિહં ।
એગંત-સુહ-તલ્લિચ્છે ન લભે સમ્મગ્ગવત્તણિં ॥
- મૂ. (૪૨૫) જીવે સમ્મગ્ગ-મોહને ઘોર-વીરત્તવં ચરે ।
અચયંતો ઇમે પંચ કુજ્ઞા સવ્વં નિરત્થયં ॥
- મૂ. (૪૨૬) કુસીલીસન્ન-પાસત્યે સચ્છંદે સબલે તહા ।
દિટ્ઠીએ વિ ઇમે પંચ ગોયમા ન નિરિક્કણે ॥
- મૂ. (૪૨૭) સવ્વન્નુ-વેસિયં મગ્ગં સવ્વ-દુક્ક-પનાસગં ।

- साया गारव-गरुए वि अन्नहा भणिउमुज्झए ॥
 मू. (४२८) पयमक्खरे पि जो एगं सब्बन्नूहिं पवेदियं ।
 न रोएअ अन्नहा भासे मिच्छ-दिट्ठी स निच्छियं ॥
- मू. (४२९) एयं नाऊण संसग्गि दसिणालाव-संथवं ।
 सवासं च हियाकंखी सब्बोवाएहिं बज्जए ॥
- मू. (४३०) भयवं निब्बट्ठ-सीलाणं दरिसणं तं पि नेच्छसि ।
 पच्छित्तं वागरेसी य इति उभयं न जुज्जए ॥
- मू. (४३१) गोयमा भट्ठ-सीलाणं दुत्तरे संसार-सागरे ।
 धुवं तमनुकंपिता पायच्छित्ते पदरिसिए ॥
- मू. (४३२) भयवं किं पायच्छित्तेणं छिंदिआ नारगाउयं ।
 अनुचरिऊण पच्छित्तं बहवें दुग्गहं गए ॥
- मू. (४३३) गोयमा से समझेआ अनंत-संसारियत्तणं ।
 पच्छित्तेणं धुवं तं पि छिंदे किं पुणा नरयाउयं ॥
- मू. (४३४) पायच्छित्तस्स भुवणेत्य नासज्झं किं चि विज्जए ।
 बोहिलाभं पमोत्तूणं हारियं तं न लब्भए ॥
- मू. (४३५) तं चाउकाय-परिभोगे तेउकायस्स निच्छियं ।
 अबोहिलाभियं कम्मं बज्जए महुणेन य ॥
- मू. (४३६) मेहुणं आउ-कार्यं च तेउ-कार्यं तहेव य ।
 तन्हा तओ वि उत्तेणं वझेआ संजईदिए ॥
- मू. (४३७) से भयवं गारत्थीणं सब्बमेवं पवत्तइ, ता जई अबोही ।
 भवेअ एसु तओ सिक्खा-गुणाऽनुव्वयधरणं तु निष्फलं ॥
- मू. (४३८) गोयमा दुविहे पहे अब्बए सुस्समणे य सुसावए ।
 महव्वय-धरे पढमे वीएऽनुव्वय-धारए ॥
- मू. (४३९) तिविहं तिविहेणं समणेहिं सब्ब-सावज्जमुज्झियं ।
 जावजीवं वयं धोरं पडिवज्जियं मोक्ख-साहणं ॥
- मू. (४४०) दुविहेग-विहं तिविहं वा थूलं सावज्जमुज्झियं ।
 उद्धिद्ध-कालियं तु ययं देसेणं न संबसे गारत्थीहिं ॥
- मू. (४४१) तहेव तिविहं तिविहेणं इच्छारंभ-परिग्गहं ।
 वोसिरंति अनगारे जिनलिगं तु धरेति ते ॥
- मू. (४४२) इयरे उणं अनुज्झिता इच्छारंभ-परिग्गहं ।
 सदाराभिरए स गिही जिन-लिगं तु पूयए न धारयंति ॥
- मू. (४४३) तो गोयमेग-देसस्स पडिक्कंते गारत्थे भवे ।
 तं वयमनुपालयंताणं नो सिं आसादनं भवे ॥
- मू. (४४४) जे पुन सब्बस्स पडिक्कंते धारे पंच-महव्वए ।

- जिनलिंगं तु समुब्वहइ तं तिगं नो विवज्जए ॥
 मू. (४४५) तो महयासायणं तेसिं इत्थि-ग्गी-आउ-सेवणे ।
 अनंतनाणी जिने जम्हा एयं मनसा वि नाऽभिलसे ॥
- मू. (४४६) ता गोयमा सहियएणं एवं वीमसिउं दढं ।
 विभावय अइ बंधेज्जा गिहि नो उ अबोहिलाभियं ॥
- मू. (४४७) संजए पुन निबंघेज्जा एयाहिं हेऊहिं य ।
 आणाइक्कम-वय-बभंगा तह उम्मग्ग-पवत्तणा ॥
- मू. (४४८) मेहुणं चायुकायं च तेउकायं तहेव य ॥
 हवइ तम्हा तितयं ति जत्तेणं वज्जेज्जा सब्वहा मुनी ॥
- मू. (४४९) जे घरंते व पच्छित्तं मनेनं संकिलिस्सए ।
 जइ भणियं वाहणानुद्धे निरयं सो तेन वच्चए ॥
- मू. (४५०) भयवं मंदसद्धेहिं पायच्छित्तं न कीरई ।
 अह काहिंति किलिङ्ग-मने तो अनुकंप विरुज्जए ॥
- मू. (४५१) नारायादीहिं संगामे गोयमा सल्लिए नरे ।
 सल्लुद्धरणे भवे दुक्खं नानुकंपा विरुज्जए ॥
- मू. (४५२) एवं संसार-संगामे अंगोवंगंत-बाहिरं ।
 भाव-सल्लुद्धरित्ताणं अनुकंपा अनोयमा ॥
- मू. (४५३) भयवं सल्लम्मि देहत्थे दक्खिए होति पाणिणो ।
 जं समयं निष्किडे सल्लं तक्खणा सो सुही भवे ॥
- मू. (४५४) एवं तित्थयरे सिद्धे साहू-धम्मं विवंचिउं ।
 जमकज्जं कयं तेनं निसिरिएणं सुही भवे ॥
- मू. (४५५) पायच्छित्तेणं को ततय कारिएणं सुही भवे ।
 जेणं थेवस्स वी देसि दुक्करं दुरनुच्चरं ॥
- मू. (४५६) उद्धरिउं गोयमा सल्लं वण-भंगं जाव नो कये ।
 वण-पिंडीपइ-बंधं च ताव नो किं परुज्जए ॥
- मू. (४५७) भावसल्लस्स वण-पिंडिं पइ-भूओ इमो भवे ।
 पच्छित्तो दुक्खरोहं पि पाव-वणं खिप्पं परोहए ॥
- मू. (४५८) भयवं किमनुविज्जंते सुव्वंते जाणिए इवा ।
 सोहेइ सव्व-पावाइं पच्छित्ते सव्वन्नु-देसिए ॥
- मू. (४५९) सुसाउ-सीयले उवगे गोयमा जाव नो पिवे ।
 नरे गिम्हे वियाणंते ताव तण्हा न उवसमे ॥
- मू. (४६०) एवं जाणित्तु पच्छित्तं असद-भावे न जा चरे ।
 ताव तस्स तयं पावं वहुए उ न हायए ॥
- मू. (४६१) भयवं किं तं वज्जेज्जा जं पमादेन कत्थई ।

- आगयं पुणो आउत्तस्स तेतियं किं न द्वायए ॥
 मू. (४६२) गोयमा जह पमाएणं अनिच्छंतोऽवि-डंकिए ।
 आउत्तस्स जहा पच्छा विसं वट्ठे तह चेव पायगं ॥
 मू. (४६३) भयवं जे विदिय-परमत्थे सब्ब-पच्छित्त-जाणगे ।
 ते किं परेसिं साहिति नियम-कज्जं जहद्वियं ॥
 मू. (४६४) गोयमा-मंत-तंतैहिं दियहे जो कोडिमुट्ठवे ।
 से वि दट्ठे विमिच्छेद्वे धारियन्नेहिं मल्लिए ॥
 मू. (४६५) एवं सीलुज्जले साहु पच्छित्तं तु ददव्वए ।
 अत्रेसिं निउण-लुद्धं सोहे ससीसं व ण्हावीओ जह ति ॥

अध्ययन-२ उद्देशक : ३ समाप्त :

अध्ययन : २ - समाप्तम्

०-x-०-x-०

- मू. (४६६) एएसिं तु दोणं पि अज्झयणाणं विहिपुव्वगेणं सब्ब-सामन्नं वायणं ति

०-x-०-x-०

अध्ययन-३ - "कुशील लक्षणं"

- मू. (४६७) अओ पर चउक्कन्नं सुमहत्थाइसयं परं ।
 आणाए सद्दहेयव्वं सुत्तत्थं जं जह-द्वियं ॥
 मू. (४६८) जे उग्घाडं परुवेज्जा देज्जा व अजोगस्स उ ।
 वाएज्ज अबंभयारी वा अविहीए अनुदिट्ठं पि वा ॥
 मू. (४६९) उम्मायं व लभेज्जा रोगायकं व पाउणे दीहं ।
 भंसेज्ज संजमाओ समरनंते वा नया वि आराहे ॥
 मू. (४७०) एत्थं तु जं विही-पुव्वं पढमज्झयणे परुवियं ।
 तीए चव विहिए तं वाएज्जा सेसाणिमं विहिं ॥
 मू. (४७१) बीयज्झयणेम्बिले पांच-नबुद्देसा तहिं भवे ।
 तइए सोलस उद्देसे अट्ठ-तत्थेव अंबिले ॥
 मू. (४७२) जं तइए तं चउत्थे वि पंचमम्मि छायंबिले ।
 छट्ठे दो सत्तमे तिन्नि अट्ठमे आयंबिले दस ॥
 मू. (४७३) अनिक्खित्तं-भत्त-पानेन संघट्ठेणं इमो महा ।
 निसीह-वर-सुयक्खंधं दोढव्वं च आउत्तग-पानगेणं ति ॥
 मू. (४७४) गंभीरस्स महा-मइणो उज्जुयस्स तवो-गुणे ।
 सुपरिक्खियस्स कालेणं सय-भज्जेगस्स वायणं ॥
 मू. (४७५) खेत्त-सोहीए निक्खं तु उवउत्तो भविया जया ।
 तया वाएज्जा एयं तु अग्रहा उ छलिअई ॥

- मू. (४७६) संगोवंग-सुधस्सेयं नीसंदं तत्तं-परं ।
महा-निहिव्य अविहीए गिण्हंते णं छलिअए ॥
- मू. (४७७) अहवा सव्वाइं सेयाइं बहु-विग्धाइं भवन्ति उ ।
सेयाण परं सेयं सुयक्खंधं निव्विग्धं ॥
- मू. (४७८) जे धम्मे पुत्रे महानुभागे से वाइया ।
से भयवं केरिसं तेसिं कुसीलादीण लक्खणं ॥
सम्मं विज्जाय जेणं तु सव्वहा ते विवअए ॥
- मू. (४७९) गोयमा सामन्नओ तेसिं लक्खणमेयं निबोधय ।
जे नच्चा तेसि संसग्गी सव्वहा परिवअए ॥
- मू. (४८०) कुसीले ताव दुस्सयहा ओसन्ने दुविहे मुणे ।
पसत्थे नाणमादीणं सबले वाइसइं विहे ॥
- मू. (४८१) तत्थ जे ते उ दुसयहा उ वोच्छं तो ताव गोयमा ।
कुसीले जेसिं संसग्गीदोसेणं मस्सईं मुनी खणा ॥

मू. (४८२) तत्थी कुसीले ताव समासओ दुविहे नेए-परंपर-कुसीले य अपरंपर-कुसीले य तत्थ णं जे ते परंपर-कुसीले ते वि उ दुविहे नेए-सत्त-इ-गुरु-परंपर-कुसीले एग-दु-ति-गुरु-परंपर-कुसीले य ।

मू. (४८३) जे विय ते अरपरंपर-कुसीले त वि उ दुविहे नेए-आगमओ नो आगमओ य ।

मू. (४८४) जे तत्थ-आगमओ गुरु-परंपरणं आवलियाए न केई कुसीले आसी उ ते चेव कुसीले भवन्ति ।

मू. (४८५) नो-आगमओ अनेग विहा तं जहा-नाण-कुसीले दंसण-कुसीले चरित्त-कुसीले तव-कुसीले वीरइ-कुसीले ।

मू. (४८६) तत्थ णं जे से नाण-कुसीले से णं तिविहे नेए पसत्थापसत्थ-नाण-कुसीले अपसत्थनाण-कुसीले सुपसत्थनाण-कुसीले ।

मू. (४८७) तत्थ जे से पसत्थापसत्थ-नाण-कुसीले से दुविहे नेए-आगमओ नोआगमओ य तत्थ आगमओ-विहंगनाणी पन्नविय-पसत्थाऽपसत्थयत्थ-जाल-अज्झयणऽज्झावण-कुसीले नो आगमओ अनेगहा-पसत्थापसत्थ-पर-पासंड-सत्थ-जालाहिअण-अज्झावण-वायणाऽनुपेहण-कुसीले ।

मू. (४८८) तत्थ जे ते अपसत्थ-नाण-कुसीले ते एगूणतीसइविहे दइव्वे तं जहा-सावअ-वायविज्जा-मंत-तंत-पउंजन-कुसीले विज्जा-मंत-तंतहिअन-कुसीले वत्थु-विज्जा पउंजणाहिअन-कुसीले गहरिक्ख-चार-जोइस-सत्थ-पउंजणाहिअण-कुसीले निमित्त-लक्खण-पउंजणाहिअन-कुसीले सउण-लक्खण - पउंजणाहिअन - कुसीले हत्थि-सिक्खा - पउंजणाहिअण-कुसीले धनुव्वेय-पउंजना - हिअन-कुसीले गंधव्वेय-पउंजनाहिअन-कुसीले पुरिस-इत्थी-लक्खण-पउंजणज्झा-वण-कुसीले काम-सत्थ-पउंजणाहिअन-कुसीले कुहुगिंद जाल-सत्थ-पउंजणाहिअन-कुसीले आलेक्ख-विज्जाहिअन-कुसीले लेप्प-कम्म-विज्जा-हिअण-कुसीले वमन-विरेयन-बहुवेस्सि जाल-

समुत्तरण-कढण-काढण-वणस्सइ-वलि-मोडण-तच्छणाइ-बहुदोस-विज्जग-सत्थ-पउंजणा-
हिज्जणज्झावण-कुसीले एवं जाण-जोग-पाडेजोग-चुन्न-वन्न-धाउव्वाय-राय-दंडणीई-सत्थ-
असणियव्व-अग्घकंड-रयणपरीक्खा-रसवेह-सत्थ-अमग्ग-सिक्खा गूढ-मंत-तंत-काल-देस-संधि-
धिग्गहो-वएस-सत्थ-सम्म-जाण-ववहार-निरुवणऽत्थ-सत्थ-पउंजणाहिज्जण-अपसत्थ-नाणकुसीले
एवमेएसिं चेव पाव-सुयाणं वायणा पेहणा परावत्तना अनुसंधना सवणाऽयन्नण-अपसत्थ-
नाणकुसीले ।

मू. (४८९) तत्थ जे य ते सुपसत्थ-नाण-कुसीले ते विय दुविहे नेए-आगमतो नोआगमओ य
तत्थ य आगमओ-सुपसत्थं पंच-प्पयारं नाणं असायंते सुपसत्थ-नाण-धरेइ वा आसायंते सुपसत्थ-नाण-
कुसीले ।

मू. (४९०) नो आगमओ य सुपसत्थ-नाण-कुसीले अट्ठहा नेए तं जहा-अकालेणं सुपसत्थ-
नाणाहिज्जणऽज्झावण-कुसीले अविनएणं सुपसत्थ-नाणाहिज्जणज्झावण कुसीले अबहुमानेनं
सुपसत्थ-नाणाहिज्जणकुसीले अनोवहाणेणं सुपसत्थ-नाणाहिज्जणऽज्झावण-कुसीले जस्स य सयासे
सुपसत्थ-सुत्तत्थोभयमहीयं तं निरुवण-सुपसत्थ-नाण-कुसीले सर-वंजण-हीनक्खरिय-ऽक्ख-
रिया हीयऽज्झावण-सुपसत्थ-नाण-कुसीले विवरीय-सुत्तत्थोभयाहीयज्झावण-सुपसत्थ-नाण-
कुसीले संविद्ध-सुत्तत्थोभयाहीय ज्झावण-सुपसत्थ-नाण-कुसीले ।

मू. (४९१) तत्त एएसिं अट्ठहं पि पयाणं गोयमा जे केइ अनोवहाणेणं सुपसत्थं नाण-
महीयंति अज्झावयंति वा अहीयंते इ वा अज्झावयंते इ वा समनुजाणंति या ते णं महा-पावकम्मे
महत्ती सुपसत्थ-नाणस्सासायणं पकुव्वंति ।

मू. (४९२) से भयवं जइ एवं ता किं पंच-मंगलस्स णं उवधानं कायव्वं गोयमा पढमं नाणं
तओ दया दयाए य सव्व-जग-जीव-पान-भूय-सत्ताणं-अत्तसमय-दरिसित्तं सव्व-जग-जीव-पाण-
भूयसत्ताणं अत्तसमं दंसणाओ य तेसिं चेव संघट्ठण-परियावण-किलावणोद्दावणाइ-दुक्खु-पायणं-
भय-वियज्जणं तओ अनासवाअ अनासवाओ य संवुडासवदारत्तं संवुडासव-दारत्तेणं च दमो
पसमो तओ य सम-सत्तु-मित्त-पक्खया सम-सत्तु-मित्त-पक्खयाए य अराग-दोसत्तं तओ य अकोहया
अमानया अमायया अलोभया अकोह-मान-माया-लोभयाए य अकसावत्तं तओ य सम्मत्तं समत्ताओ
य जीवाइ-पयत्थ-परिभ्राणं तओ य सव्वत्थ-अपिडबद्धत्तं सव्वत्थापिडबद्धत्तेन य अग्राण-मोह-
मिच्छत्तक्खयं तओ विवेगो विवागाओ य हेय-उवाएय-वत्थु-वियालेणे-गंत-बद्ध-लक्खत्तं तओ
य अहिय-परिच्चाओ हियायरणे य अद्यंतमब्भुज्जमो तओ य परम पवित्तुत्तम-खंतादिवसविह-
अहिंसा-लक्खण-धम्मनुट्ठानिक-करण-कारावणा-सत्तधित्तयाए य सव्वुत्तमा खंती सव्वुत्तमं
मिउत्तं सव्वुत्तं अज्जव-भावत्तं सव्वुत्तमं सबज्जब्भंतरे सव्व-संग-परिच्चाणं सव्वुत्तमं सबज्जब्भंतरे-
दुवालसविह-अद्यंत-घोर-वीरुग्ग-कट्ठ-लक्खत्तं सव्वुत्तमं सच्चगिरणं छक्काय-हियं अनिगूहिय-
बलवीरिय-पुरिसक्कार-परक्कमपरि-तोलणं य सव्वुत्तम-सज्झायझाण-सलिलेणं पावकम्म-मललेव-
पुरिसक्कार-परक्कमपरि-तोलणं च सव्वुत्तम-सज्झायझाण-सलिलेणं पावकम्म-मललेव-पक्कालणं
ति सव्वुत्तमुत्तमं आकिचनं सव्वुत्तमुत्तमं परम-पवित्तुत्तम-सव्व-भाव-भावंतरेहि णं सुविसुद्ध-

सव्व दोस विष्णु-मुक्क-नवगुत्ती-सनाह-अट्टारस-परिहारद्वान्-परिवेदिय-सुद्धुद्धर

—घोर-बंभवय-धारणंति तओ एएसिं घेव सव्वुत्तम-खंती-मइव-अज्जव-मुत्ती-तव-संजम-सस-सोय-आकिंचन-सुद्धुद्धर-बंभवय-धारण-समुद्धानेणं च सव्व-समारंभ-विवज्जणं तओ य पुढवि दगागनि-वाऊ-यणफई बि-ति-चउ-पंचिदियाणं तहेव अजीव-कायसंरंभ-समारंभारंभाणं च मनोवइ-काय-तिएणं तिविहं तिविहेणं सोइणदि-संवरण-आहारादि-सन्ना विष्णजडत्ताए वोसिरणं तओ य अट्टारस-रीसंग-सहस्स-धारितं तमडिभ-ज्जुद्धर-सोसंग-राइरस-धारणेणं च अखलिय-अखंडिय-अमलिय अविराहिय-सुद्धुग्गुग्गयर-विचित्ताभिग्गह-निव्वाहण तओ य सुर-मनुय-तिरिच्छोईरिय-घोर परिसहोवसग्गाहियासणं समकरणेणं तओ य अहोरायाइ-पडिमासुं महा-पयत्तं तओ निष्पडिकम्म-सरीरया निष्पडिकम्म-सरीरत्ताए य सुक्कज्जाणे निष्पकंपत्तं तओ य अनाइभव-परंपर-संचिय-असेस-कम्मइ-रासि-खयं अनंत-नाण-धारितं च चउगइ-भव-चारगाओ निष्फेडं सव्व-दुक्ख-विमोक्खं भोक्ख-गमणं च तत्थ अदिइ-जम्मजरा-मरणानिइ-संपओगिइ-वियोय-संतावुव्वेवगय-अयसम्भकज्जाणं महवाहि-वेयणा-रोग-सोग-दारिइ-दुक्ख-भय-वेमणस्सत्तं

—तओ य एगंतिय तओ य एगंतियं अच्चंतियं सिव-मलयमक्खयं धुवं परम-सासयं निरंतरं सव्वुत्तमं सोक्खं ति ता सव्वमेवेयं नाणाओ पवत्तेआ ता गोयमा एगंतिय-अच्चंतिय-परम-सासय-धुव-निरंतरं-सव्वुत्तम-सोक्ख-कंखुणा पढमधरमेव तावाघरेणं सामाइयमाइयं लोग-बिंदुसार-पज्जवसाणं दुवालसंगं सुयनाणं कालंबिलादि-जहुत्त-विहिणोवहाणेणं हिंसादीयं च तिविहं तिविहेणं पडिक्खंतेन य सर-बंजण-मत्ता-बिंदुपयक्खरानूनगं पयच्छेद-घोस-बद्धयाणुपुव्वि-पुव्वानुपुव्वी अनानुपुव्वीए सुविसुद्धं अधोरिक्कायएणं एगत्तणेणं सुविन्नेयं तं च गोयमा अनिहणोरपार-सुविच्छिन्न-चरमोयहि मियसुदुरवगाहं सयल-सोक्ख-परम-हेउ-भूयं च तस्स य सयल-सोक्ख-हेउ-भूयाओ न इइ-देवया-नमोक्खरविहिहिए केई पारं गच्छेआ इइ-देवयाणं च नमोक्खरं पंचमंगलमेव गोयमा नो न मन्नंति ता नियमओ पंचमंगलस्सेव पढमं ताव विनओवहाणं कायव्वं ति ।

मू. (४९३) से भयवं कयराए विहिहिए पंच-मंगलस्स णं विनओवहाणं कायव्वं गोयमा इमाए विहिहिए पंचमंगलस्स णं विनओवहाणं कायव्वं तं जहा-सुपसत्थे घेव सोहणं तिहि-करण-मुहुत्त-नक्खत्त-जोग-लग्ग-ससीवले विष्णुमुक्क-आयाइमयासंकेण संजाय-संवेग-सुतिव्वतर-भहंतुल्लसंत-सुहज्झवसायाणुगयभत्ती-बहुमाण-पुव्वं निन्निघाण-दुवालस-भत्त-ट्टिएणं थेइयालये जंतविर-हिओगासे भत्ति-भर-निब्भरुद्धुसिय-ससीसरोमावली-पप्फुल्ल-वयण-सयवत्त-पसंत-सोमधिर-दिट्ठी नय-नव-संवेग-समुच्छलंत-संजाय-बहल-घन-निरंतर-अचित्त-परम-सुह-परिणाम-विसेसुल्लासिय-सजीव-वीरियाणुसमय-विवहंत-पामोय-सुविसुद्ध-सुनिम्मल-विमल-धिर-दढयरं-तकरणेण खित्तिणिहिय-जाणु न सि-उत्तमंग-कर-कमल-मउल-सोहंजलि-पुडेणं सिरि-उसभाइ-पवर-वर-धम्म-तित्थयर-पडिमा-बिंब-विनिवेसिय-नयन-मानसेग्ग-तग्गयज्झवसाएण समथन्नु-दढ-चरित्तादि-गुण-संपओववेय-गुरु-सहत्थत्थाणुद्धान्-करणेक्क-बद्ध-लक्ख-तवाहिय-गुरुवयण-दिनिगयंथिनयादि-बहुमान-परिओसाऽनु-कपोवलइं अनेग-सोग-संतावुव्वेवग-महवाधिवेयणा-घोर-दुक्ख-दारिइ-किलेस-रोग-जम्म-जरा-मरण-गब्भ वास-निवासाइ-दुइ-सावगागाह-भीम-भवोदहि-तरंडग-भूयं इणमो सयलागम-मज्झ-वत्तगस्स मिच्छत्त-दोसावहय-विसिइ-बुद्धीपरि-

कपिय-कुमणिय-अघडमान-असेस-हेउ-दिहुंत-जुती-विहुंस-निह-पयल पोढस्स-

—पंचमंगल-महासुयकखंधस्स पंचज्झयणे-चूला-परिक्खित्तस्स पवर-पययण-देवयाहिद्धियस्स तिण्ह-परिच्छिन्नेगालवग-सत्तक्खर-परिमाणं अनंतगम-पञ्चवत्थ-पसाहगं सव्व-महामंत-पयर-विआणं परम-बीय-भूयं नमो अरहंताणं ति पढमज्झयणं अहिज्जेयव्वं तद्दिहये य आयंबिलेणं पारेयव्वं तद्देव बीय-दीने अनोगाइ-सय-गुण-संपओववेयं अनंतर-भणियत्थ-पसाहगं अनंतऽत्तेनेव कमेणं दुपय-परिच्छिन्नेगालवग-पंचक्खर-परिमाणं नमो सिद्धाणं ति बीयमज्झयणं अहिज्जेयव्वं ति तद्दिहये य आयंबिलेण पारेयव्वं एवं अनंतर-भणिएणेव कमेणं अनंतरुत्तत्थ-पसाहगं ति-पय-परिच्छिन्ने-गालवग-सत्तक्खर-परिमाणं नमो उवज्झायाणं ति चउत्थं अज्झयणं चउत्थ-दिने आयंबिलेण एव तद्देव अनंतर भणियत्थ पसाहगं पंचपय-परिच्छिन्नेगालवग-नवक्खरपरिमाणं नमो लोए सव्वसाहूणं ति पंचमज्झयणं पंचम दिने आयंबिलेण तद्देव तं अत्थानुगामियं एक्कारस-पय-परिच्छिन्न-तियालावगा-तेत्तीस अक्खर-परिमाणं एसो पंचनमोक्कारो सव्व-पाव-प्पणासणो मंगलाणं च सव्वेसि पढमं हवइ मंगलं इति चूलं ति छट्ठ-सत्तम-इम-दिने तेनेव कम-विभागेन आयंबिलेहिं अहिज्जेयव्वं एवमेयं पंचमंगल-महा-सुयकखंधं सर-वत्तय-रहियं पयक्खर-दिंदु मत्ताविसुद्धं गुरु-गुणोववेय-गुरुवड्डं कसिणमहिज्जिता णं तहा कायव्वं जहा पुब्बानुपुब्बीए पच्छानुपुब्बीए अनानुपुब्बीए जीहगं तरेआ तओ तेनेवाणंतरभणिय-तिहिकरण-मुहुत्त-नक्खत्त-जोग-लग्ग-ससी-बल-जंतु-विहोओगासे चेइयाल-गाइकमेणं अहम-भत्तेणं समनुजाणा-विऊणं गोयमा महया पबंधेणं सुपरिफुडं निउणं असंदिद्धं सुत्तत्थं अनेगहा सोऊण अवधारेयव्वं एयाए विहीए पंचमंगलस्स णं गोयमा विनओवहाणे कायव्वे ।

मू. (४९४) से भयवं किमेयस्स अचित्त-चित्तमणि-कप्प-भूयस्स णं पंचमंगल-महासुयकखंधस्स सुत्तत्थं पत्रत्तं गोयमा इयं एयस्स अचित्त-चित्तमणी-कप्प-भूयस्स णं पंचमंगल-महासुयकखंधस्स णं सुत्तत्थं-पत्रत्तं तं जहा-जे णं एस पंचमंगल-महासुयकखंधे से णं सयलगमंतरो ववत्तीतिल-तेल-कमल-मरयंद-व्व-सव्वलोए पंचत्थिकायमिव जहत्थ किरियानुगय-सब्भूय-गुणुक्कित्तणे जहिच्छिआय-फल-पसाहगे चेव परम-युइवाए से य परमयुई केसिं कायव्वा सव्व-जगुत्तमाणं सव्वजगुत्तभुत्तमे य जे केई भूए जे केई भविसु जे केई भविस्संति ते सव्वे चेव अरहंतादओ चेव नो नमन्ने ति ते य पंचहा अरहंते सिद्धे आयरिए उवज्झए साहवो य तत्थ एएसिं चेव गब्भत्थ-सब्भावो इमो तं जहा-स-नरामरासुस्स णं सव्वस्सेव साहवो य एत्थ एएसिं चेव गब्भत्थ-सब्भावो इमो तं जहा-स-नरामरासुस्स णं सव्वस्सेव जगस्स अह-महा-पाडिहेराई-पूयाइस-ओवलकिद्धयं अनन्-सरिसमचित्तपमप्पमेयं केवलहिद्धियं पवरुत्तमत्तं अरहंति ति अरहंता असेस-कम्म-क्खएणं निदह-भवंकुरत्ताओ न पुणेह भवंति जम्मं ति उव्वअंति वा अरुहंता निम्महिय निहय-निदहिय-विलूय-निद्विय-अभिभूय-सुदुअयासेस-अह-पयारकम्मरिउत्ताओवा अरिहंतेइ वा एवमेते अनेगहा पत्रविज्जंति महक्खण-निरुवम-सोक्खणि निप्पकंप-सुक्कज्झाणाइअचित्त-सत्ति-सामत्थओ सजीववीरिएयं जोग-निरोहाइणा मह-पयत्तेणित्ति सिद्धा अहपयार-कम्मक्खएण वा सिद्धं सज्जमेतेसिं ति सिद्धा सिय-माज्झायमेसिभिति वा सिद्धि सिद्धे निद्विए पहीणे सयल-पओयण-काय-कयंबमेतेसिभिति वा सिद्धा-

— एवमेते इत्थी-पुरिस-नपुंस-सलिंग-अन्नलिंग-गिहिलिंग-पत्तेय बुद्ध-बुद्ध बोहिय-जाव णं कम्म-वखय-सिद्धा य भेदेहि णं अनेगहा पत्रविजंति तहा-अद्वारस-सीलंग-सहस्साहिडिय-तनू छत्तीसइविहमायारं जह-द्वियम-गिलाए-महन्निसाणुसमयं आयरंति पवत्तयंति त्ति आयरिया परमप्पणय हियमायरंति त्ति आयरिया भव्व सत्त-सीस-गणाणं वा हियमायरंति आयरिया पान-परिच्चाएवि उ पुढवादीणं समारंभं नायरंति नायरंभंति नानुजार्णंति वा आयरिया सुमहावरद्धे वि न कस्सई मनसा वि पावमायरंति त्ति वा आयरिया एवमेते नाम-ठवणादीहिं अनेगहा पत्रविजंति तहा-सुसंवुडासव-दारे-मनो-चइ-काय-जोगत्त-उवउत्ते विहिण्ण सर-वंजण-मत्ता-बिंदु-पयक्खर-विसुद्ध-दुवालसंग-सुय-नाणज्झयण-ज्झावणेणं परमप्पणो य मोक्खेवायं ज्झायंति त्ति उवज्झाए थिर-परिधि यमनंत-गम-पज्जवत्थेहिं वा दुवालसंगं सुयनाणं चिंतंति अनुसरंति एयग्ग-मानसा ज्झायंति त्ति वा उवज्झाए एवमेते हि अनेगहा पत्रविजंति तहा-अच्चंत-कट्ठ-उग्गुगयर-घोरतव-चरणाइ-अनेगवय-नियमोववास-नानाभिग्गह-विसेस-संजम-परिवालण-सम्म-परिसहोव-सग्गाहि-यासणेणं सव्व-दुक्खविमोक्खं मोक्खं साहयंति त्ति साहवो अयमेव इमाए चूलाए भाविज्जइ एतेसिं नमोक्कारो

— एसो पंच नमोक्कारो त्ति करेज्जा, सव्वं एवं नाणावरणीयत्ति-कम्म-विसेसं तं पयरिसेणं दिसोदिसं नासयइ सव्व-पाव-प्पणासणो एस चूलाए पढमो उहेसओ एसो पंच नमोक्कारो सव्वपाव-प्पणासणो किं विहेउ मंगो निव्वाण-सुह-साहणेक्क-खमो सम्म-इंसणाइ आराहओ अहिंसा-लक्खणो धम्मो तं मे लाएज्जा त्ति मंगल ममं भवाओ संसारओ गलेज्जा तारेज्जा वा मंगलं बद्ध-पुट्टनिकाइय-ट्टप्पगार-कम्म-रासिं मे गलेज्जा विलेजे त्ति वा मंगलं एएसिं मंगलाणं अन्नेसिं च मंगलाणं सव्वेसिं किं पढमं आदीए अरहंताइणं थुई धेव हवइ मंगलं एस समासत्थो वित्थरत्थं तु इमं तं जहा-त्ते णं काले णं ते णं समए णं गोयमा जे केइ पुब्बि वावन्निय-सइत्ते अरहंते भगवंते धम्म-तित्थकरे भवेज्जा से णं परमपुज्जाणं पि पुज्जयरे भवेज्जा जओ णं ते सव्वे वि एयलक्खण-समन्निए भवेज्जा तं जहा-अचित्त-अप्पमेय-निरुवमाणन्नसरिस-पवर-वरुत्तम-गुणोहाहिडियत्तेणं तिण्हं पि लोगाणं संजणिय-गरुय-महंत-मानसानंदे तहा य जम्मतंतर-संचिय-गरुय-पुत्र-पब्भार-संविट्त-तित्थयर-नाम-कम्मोदएणं दीहर-गिम्हायव-संताव-किलंत-सिहि-उलाणं वा पढम-प्पाउस-धारा-भर-वरिसंत-घण-संघायमिव परम-हिओवएस-पयाणाइणा घण-राग-दोस-मोह-मिच्छत्ताविरति-पमाय-दुद्ध-किलिडुज्झवसायाइ-समज्झियासुह-घोर-पावकम्मायव-संतावत्स निन्नासगे भव्व-सत्ताणं अनेग-जम्मंतर-संविट्त-गुरुय-पुत्र-पब्भाराइसय-बलेणं समज्झियाउल बल-वीरिए सरियं-सत्तं-परक्कमाहि-डियतनू सुकंत-दित्त-चारु-पायंगुडुग्ग-रूवाइसएणं सयलगह-नक्खत्त-चंदपंतीणं सूरिए इव पयड पयाव-दस-दिसि-पयास-विप्फुरंत-किरण-पब्भारेण नियतेयसा विच्छायगे सयल सविज्जाहर-नरामराणं सदेव-दानविंदाणं सुरलोगाणं सोहग्ग-कंति-दित्ति-लावन्न-रूव-समुदय-सिरिए साहाविय-कम्मवखय-जनिय-दिव्वकय-पवर-निरुवमाणन्न सरिसविसेस साइसयाइ-सयसयल कला-कलाव-विच्छङ्ग-परिदंसणेणं —

भवनवइ-वानमंतर-जोइस-वेमाणियाहभिंद-सईदच्छरा-सकिन्नर-नर-विज्जाहरत्स ससुरा-सुरत्सा विणं जगत्स अहो अहो अहो अज्ज अदिड्ढुप्पवं दिड्ढमहेहिं इणमो सविसेसाउल-महंताचित्त-

परमच्छेरय-संदोहं सम-याल मेवेगडसमुद्रयं दिड्ढ ति तक्खणुप्पन्न-धण-निरंतर-बहल्लम्पमेयाचित-
अंतोसहरिस-पीयाणुसयवस-पवियंभंतानु समय-अणित्थं हिंय-परिणा-विहेसत्तेणं मह मह
महं ति जंपिर-परोप्पराणं विसायमुवगयं ह ह ह धी धिरत्थु अधन्ना अपुन्ना वयं इइ निंदिर-
अत्ताणगम नंतर-संखुहिय-हियय-मुच्छिर-सुल्ल-धेयण सुन्न-वुन्न-सिद्धिलिय-सगत-आउंचन-
पसारणा-उम्मेस-निमेसाइ-सारिरिय-वावार-मुक्क-केवलं अनोवलक्ख-खलंत-बंद-मंद-दीह-हूहुंकार-
विमिस्स-मुक्क-दीहुणह-बहल-नीसासेगत्तेणं अइअभिनिविड्ढ-बुद्धीसुनिच्छिंय-मनस्स णं जगस्स किं
पुन तं तवमनुचेहेमो जेनेरिसं पवररिच्छि लभेअ ति तग्गय-मनस्स णं दंसणा चेव निय-निय-
वच्छत्थल-निहिप्पंत-करयलुप्पाइय-महंत-माणस-चमक्कारे ता गोयमा णं एवमाइ-अनंत-गुणगणा-
हिड्ढिय-सरीराणं तेसिं सुगहिय-नामधेज्जाणं अरहंताणं भगवताणं धम्मतित्थगराणं संतिए गुण-
गणो-हरयण-संदोहोह-संधाए अहन्निसाणुसमयं जीहा-सहस्सेणं पि वागरंतो सुरवई वि अन्नयरे
वा केई चइनाणी माइसईय-छउमत्थेणं सयंभुरमणोवहिस्स व वास-कोडीहिं पि नो पारं गच्छेज्जा
जओ णं अपरिमिय-गुण-रयणे गोयमा अरहंते भगवंते धम्मतित्थगरे भवंति ता किमित्थं भन्नउ
जत्थ य णं -

-तिलोग-नाहाणं जग-गुरुणं-भुवणेक्क-बंधूणं तेलोक्क-रुग्गणखंभ-पवर-वर-धम्मतित्थगराणं
केइ सुरिदाइ-पायंगुड्ढग-एग-देसाओ अनेगगुणगणालंकरिंथाओ भत्ति-भरणिअरिक्क-रसियाणं
सव्वेसिं पि वा सुरीसाणं अनेग-भवंतर-संचिय-अणिड्ढ-दुड्ढ-ड्ढकम्म-रासी-जणिय-जोगह-दोमन-
सादि-दुक्खदारिह-किलेस-जम्म-जरा-मरण-रोग-सोपग-संतावुव्वेग-वाहिवेयणाईण खयड्ढाए एग-
गुणस्साणंत-भागमेगं भणमाणणं जमग-समगमेव दिनयरकरे इ वाणेग-गुण-गणोहे जीहगे वि
फुरंति ताइं च न सक्कासिंदा वि देवगणा समकालं भाणिऊणं किं पुन अक्केवली मंस-चक्खुणो ता
गोयमा णं एस एत्थ परमत्थे विधाणेयव्वां जहा-णं जइ तित्थगराणं संतिए गुण-गणोहे तित्थयरे
चेव वायरंति न उण अन्ने जओ णं सातिसया तेसिं भारती, अहवा गोयमा किमेत्थ पभूय-वागरणेणं
सारत्थं भन्ने । (तं जहा) -

मू. (४९५) नामं पि सयल-कम्मड्ढ-मल-कलंकेहिं विप्पमुक्काणं ।

तियसिद छिय-धलणाण जिन-वरिंदाण जो सरइ ॥

मू. (४९६) तिविह-करणोवउत्तो खणे खणे सील-संजमुसुत्तो ।

अविराहिय वय-नियमो सो वि हु अइरेण सिज्जेज्जा ॥

मू. (४९७) जो उन दुह-उव्विग्गो सुह-तण्हालू अलि व्व कमल-वणे ।

यय-थुइ-मंगल-जय-सद्द-वावडो रुणु रुणे किंछि ॥

मू. (४९८) भत्ति-भर-निअरो जिन-वरिंद-पायारविंद-जुग-पुरओ ।

भूमी-निड्ढविय-सिरो कयंजली-वावडो चरित्तहो ॥

मू. (४९९) एकं पि गुणं हियए धरेअ संकाइ-सुद्ध-सम्मतो ।

अक्खंडिय-वय-नियमो तित्थयरत्ताए सो सिज्जे ॥

मू. (५००) जेसिं वणं सुगहिय-नामग्गहणाणं तित्थयराणं गोयमा एस जग्ग-पायडे महच्छेरयमूए
भुयणस्स वि पयडपायडे महंताइसए पवियंभे तं जहा

मू. (५०१) खीणह-कम्प-पाया मुक्ता बहु-दुक्ख-गम्भवसहीणं ।

पुनरवि अ पसेकेवल-मनपञ्जव-नाण-चरित्तनू ॥

मू. (५०२) मह जोइणो वि बहु दुक्ख-मयर-भव-सागरस्स उब्बिगा ।

इङ्गणहाइसए भवहुत्तमणा खणं जंति ॥

मू. (५०३) अहवा चिहुत्ताव सेसवागरणं गोयभा एयं चेव धम्मतित्थंकरे त्ति नाम-सन्निहितं
पवरक्खरुव्वहणं तेसिमेव सुगहियनाम-धेज्जाणं भुवणेक्कबंधूणं अरहंताणं भगवंताणं जिणवरिंदाणं
धम्मतित्थंकारणं छजे न अन्नेसिं जओ य नेगजम्भंतरऽब्भत्थ-महोवसम-संवेग-निव्वेयानुकंपा-
अत्थित्ताभिवत्तीसल्लणक्खण-पवर-सम्म-इंसणुल्लसंत-विरियाणिगूहिय-उग्ग-कट्ठ-धोरदुक्कर-तव
निरंतरज्जिय-उत्तुंग-पुन्न-खंध-समुदय-महपब्भार-संविद्धत-उत्तम-पवर-पवित्त-विस्स-कसिण-बंधु-
नाह-सामिसाल-अनंत-वत्त-भव-भाव-छिन्न-भिन्न-पावबंधणेक्क-अविइअ-तित्थयर-नामकम्म-
गोयणिसिय-सुकंत-दित्त-आरु-रुव-दस-विसि-पयास-निरुवमट्ठ-लक्खण-सहस्समंडियजगुत्त-
मुत्तम-सिरि निवास-वासवाइ-देव-मनुय-दिट्ठ-मेत्तत-क्खणंतं-करण-लाइय-यमक्क-समचउरंस-
पवर-वर-पढम-वज्ज-रिसम-नाराय-संघयणाहिड्डिय-परम-पवित्तुत्तम-मुत्तिधरे ते चेव भगवंते
महायसे महासत्ते महानुभागे परमेद्धी-सद्धम्म-तित्थकरे भवंति ।

मू. (५०४) सयल-नरामर-तियसिंद-सुंदरी-रुव-कंति-लावन्नं ।

सव्वं पि होअ एगरासिं-सर्पिडियं कह वि ॥

मू. (५०५) ता तं जिन-वल्लणंगुट्ठग-कोडि-देसेग-लक्ख-भागस्स ।

सज्जिम्मे वि न सोहइ छार-उडं कंघनगिरिस्स ति ॥

मू. (५०६) अहवा नाऊण गुणतराई अत्रेसिऊण सव्वत्थ ।

तित्थयर-गुणाणमनंत-भागमलब्भंतमन्नत्थ ॥

मू. (५०७) जं तिहुयणं पि सयलं एगीहोऊणमुब्भमेणदिसं ।

भागे गुणाहिओऽहं तित्थयरे परमपुजे त्ति ॥

मू. (५०८) ते छिय अच्चे वंदे पूए आराहे गइ-मइ-सरन्ने य ।

जम्हा तम्हा ते चेव भावओ नमह धम्मतित्थयरे ॥

मू. (५०९) लोगे वि नाम-पुर-नगर-विसय-जनवय-समग्ग-भरहस्स ।

जो जेतियस्स सामी तस्साणत्तिं ते करिंति ॥

मू. (५१०) नवरं गामाहिवई सुट्ठ-सुत्तुट्ठेक्क-गाम-मज्झाओ ।

किं देअ जस्स नियगं-छेलाए तेत्तियं पुंछं ॥

मू. (५११) चक्कहरो लीलाए सुट्ठ-सुत्तुट्ठेक्क-गाम-मज्झाओ ।

तेन य कमागय-गुरु-वरिइ-नामं न नासेइ ॥

(सयलबंधु-वग्गस्स ति)

मू. (५१२) सामंता चक्कहरं चक्कहरो सुरवइत्तणं कंखे, इंदो तित्थयरत्तं ।

तित्थयरे उण जगस्सा वि जहिच्छिय-सुह-फलए ॥

मू. (५१३) तम्हा जं इंदेहिं वि कंखिअइ एग-वद्ध-लक्खेहिं ।

अइसानुराय-हियएहिं उत्तमं न संवेहो ॥

मू. (५१४) ता सयल-देव-दानव-गह-रिक्ख-सुरिंद-चंदमादीणं ।

तित्थयरे पुअयरे ते श्रिय पावं षणासेंति ॥

मू. (५१५) तेसि य तिलोग-महियाण धम्मसित्थंकराणं जग-गुरूणं ।

भावच्चण-दव्वच्चण-भेदेण बुहउच्चणं भणियं ॥

मू. (५१६) भावच्चण-चारित्तनुज्झाण-कट्ठुग-घोर-त्तव-चरणं ।

दव्वच्चणविरयाविरय-सील-पूया-सक्कार-दानादी ॥

मू. (५१७) ता गोयमा णं एसेऽत्थ परमत्थे तं जहा- ।

भावच्चणमुग्ग-विहारया य दव्वच्चणं तु जिन-पूया ॥

पढमा जतीण दोन्नि वि गिहीण पढम श्रिय पसत्था ॥

मू. (५१८) एत्थं च गोयमा केई अमुणिय-समय-सम्भावे ओसन्न-विहारी नीयवासिणो अदिट्ठ-परलोग-पच्चवाए सयंमती इड्ढि-रस-साय-गारवाइमुच्छिए राग-दोस-मोहाहंकार-ममी-कारइसु पडिबद्धे कसिण संजम-सक्काम्म-परम्मुहे निदय-नेतिस-नेत्तिवण-अदुल्लण-निक्खि वे पावायरणेक्क-अभिनिविट्ठ-बुद्धी एगंतेनं अइचंड-रोह-कूराभिगहिय-मिच्छ-दिट्ठिणो कय-सव्व-सावज्ज-जोग-पच्चवज्जाणे विप्पमुक्कासेस-संगारंभ परिगहे तिविहं तिविहेणं पडिवन्न-सामाइए य दव्वत्ताए न भावत्ताए नाम-मेत्तमुंडे अनगारे महव्वयधरी समणे वि भवित्ता णं एवं मन्नामाणे सव्वहा उम्मग्गं पवत्तंति जहा-किल अम्हे अरहंताणं भगवंताणं गंध-मल्ल-पदीव-सम्मज्जणोवलेवण-विचित्त-वत्थ-बलि-धूयाइ-तेहिं पूया-सक्कारेहिं अनुदियहमम्मच्चणं पकुव्वाणा तित्थुच्छप्पणं करेमो तं च वायाए वि नो णं तह ति गोयमा समनुजाणेआ से भयवं केणं अट्ठेणं एवं बुद्धइ जहा णं तं च नो णं तह ति समनुजाणेआ गोयमा तयत्थानुसारेणं असंजम-बाहुल्लं असंजम-बाहुल्लेणं च थूलं कम्मसवं थूल-कम्मासवाओ य अज्झवसायं पडुच्चा थूलेचर-सुहासुह-कम्मपयडी-बंधो सव्व-सावज्ज-विरयाणं च वय-भंगो वय-भंगेण च आणा इक्कमे आणाइक्कमेणं तु उम्मग्ग-गामित्तं उम्मग्ग-गामित्तेणं च सम्मग्ग-विप्पलोयणं उम्मग्ग-पवत्तणं (थ) सम्मग्ग-विप्पलोयणेणं उम्मग्ग-पवत्तणेणं च जतीणं महती आसायणा तओ य अनंत-संसारहिंडणं एएणं अट्ठेणं गोयमा एवं बुद्धइ-जहा णं गोयमा नो णं तं तह ति समनुजाणेआ ।

मू. (५१९) दव्वत्थवाओ भावत्थयं तु दव्वत्थ ओ बहु गुणो भवउ तम्हा ।

अबुहजने बुद्धीणं छक्कायहियं तु गोयमाऽनुट्ठे ॥

मू. (५२०) अकसिण-पवत्तगाणं विरयाऽविरयाण एस छलु जुत्तो ।

जे कसिण-संजमविक्क पुप्फादीयं न कप्पए तेसिं (तु) ॥

मू. (५२१) किं मन्ने गोयमा एस वत्तीसिंदाणु थिट्ठिए ।

जम्हा तम्हा उ उभयं पि अनुट्ठेअत्थ नु बुद्धसी ॥

मू. (५२२) विनिओगमेवं तं तेसिं भावत्थवासंभवो सहा ।

भावच्चणा य उत्तमयं दसन्नभदेण पायडे ॥

जहेव दसन्नभदेणं उयाहरणं तहेव य ॥

- मू. (५२३) चङ्कहर-भानु-ससि-दत्त-दमगादीहिं विनिहिसे ।
पुष्पं ते गोयमा ताव-जं सुरिदेहिं भतिओ ॥
- मू. (५२४) सच्चिद्विष्टि ए अनन्न-समे पूया-सङ्कारे कए ॥
ता किं तं सव्व-सावअं तिविहं विरएहिऽनुद्धियं ॥
- मू. (५२५) उयाहु सव्व-धामेसुं सव्वहा अविअएसु उ ।
मनु भयवं सुगवरिदेहिं सव्व-धामेसु सव्वहा ॥
- मू. (५२६) अविरएहिं सुभत्तीए पूया-सङ्कारे कए ।
ता जइ एवं तओ बुद्ध गोयमा नीसंसयं ॥
- मू. (५२७) समयेव सव्व-तित्थं करेहिं जं गोयमा-समाथरियं ।
कसिण्ड-कम्मक्खय-कारयं तु भावत्थयमनुद्धे ॥
- मू. (५२८) भव-भीओ गमागम-जंतु-फरिसणाइ-पमइणं जत्थ ।
स-पर-हिओवरयाणं न मनं पि पवत्तए तत्थ ॥
- मू. (५२९) ता स-परहिओवरएहिं सव्वहाऽनेसियव्वं विसेसं ।
जं परमसारभूयं विसेसवंतं च अनुद्धेयं ॥
- मू. (५३०) ता परमसार-भूयं विसेसवंतं च साहुवग्गस्स ।
एगंत-हियं पत्थं सुहावहं पयडपरमत्थं ॥
- मू. (५३१) तं जहा मेरुत्तुंगे मणि-मंडिएक्क-कंचनगए परमरम्मे ।
नयन-मनाऽऽनंदयरे पभूय-विन्नाण-साइसए ॥
- मू. (५३२) सुसिलिद्ध-विसिद्ध-सुलद्ध-छंद-सुविभत्त-मुनि-वेसे ।
बहुसिंघयन्न-घंटा-धयाउले पवरतीरण-सनाहे ॥
- मू. (५३३) सुविसाल-सुवित्थिन्ने पए पए पेच्छियव्व-सिरीए ।
मघ-मघ-मघेत्त-उज्झंत-अगलु-कप्पूर-घंदनामोए ॥
- मू. (५३४) बहुविह-विचित्त-बहुपुप्फमाइ-पूयारुहे सुपूए य ।
निच्च-पणच्चिर-नाडय-सयाउले महुर-मुख-सद्दाले ॥
- मू. (५३५) कुदंत-रास-जन-सय-समाउले जिण-कहा-खित्त-चित्ते ।
पकहंत-कहग-नद्धंत-छत्त-गंधव्व-तूर-निग्घोसे ॥
- मू. (५३६) एमादि-गुणोवेए पए पए सव्वेमेइणी वट्ठे ।
निय-भूय-विद्धत्त-पुत्रजिएण नायागएण अत्थेण ॥
- मू. (५३७) कंचन-मणिसोमाणे धम्म-सहस्सुसिए सुवन्नतले ।
जो कारवेज्ज जिनहरे तओ वि तव-संजमो अनंत-गुणो ॥
- मू. (५३८) तव-संजमेण बहु-भव-समज्जियं पाव-कम्म-मल-लेवं ।
निद्धोविऊण अइरा अनंत-सोक्ख वए मोक्खं ॥
- मू. (५३९) काउं पि जिनाययणेहिं मंडियं सव्वमेइणी-वट्ठं ।
दाणाइ-चउक्केणं सुद्ध वि गच्छेज्ज अश्रुयगं ॥

- मू. (५४०) न परओ गोयमा गिहि ति ।
जइ ता लवसत्तम-सुर-विमानवासी वि परियडंति सुरा ॥
ससं चित्तिजंत संसारे सासयं कयरं ॥
- मू. (५४१) कह तं भन्नउ सोक्खं सुचिरेण वि जत्थ दुक्खमल्लियइ ।
जं च मरणावसानं सुयेव-कालीय-तुच्छं तु ॥
- मू. (५४२) सव्वेण वि कालेणं जं सयल-नरामराणं भवइ सुहं ।
तं न घडइ सयमनुभूयामोक्ख-सोक्खस्सऽनंत-भागे वि ॥
- मू. (५४३) संसारिय-सोक्खाणं सुमहंताणं पि गोयमा नेगे ।
मज्झे दुक्ख-सहस्से घोर-पयंडेनुभुंजति ॥
- मू. (५४४) ताइं घ साय-वेओयएण न याणंति मंदधुद्धीए ।
मणि-कनगसेलमयलोढ-गंगले जह व वणि-धूया ॥
- मू. (५४५) मोक्ख-सुहस्स उ धम्मं सदेव-मनुयासुरे जगे एत्थं ।
नो भाणिऊण सक्का नगर-गुणे जहेव य पुलिंदो ॥
- मू. (५४६) कह तं भन्नउ पुत्रं सुचिरेण वि जस्स दीसए अंतं ।
अं च विरसावसाणं अ संसारानुब्बंथ च ॥
- मू. (५४७) तं सुर-विमान-विहवं चित्तिव-धवणं च देवलोगाओ ।
अइवलियं चिय हिययं जं न वि सय-सिक्करं जाइ ॥
- मू. (५४८) नरएसु जाइं अइदूसहाइं दुक्खाइं परम-तिक्खाइं ।
का वन्नेह ताइं जीवंतो वास-कोडिं पि ॥
- मू. (५४९) ता गोयम दसविह-धम्म-घोर-तव-संजमानुठाणस्स ।
भावत्थवमिति नामं तेनेव लभेअ अक्खयं सोक्खं-ति ॥
- मू. (५५०) नारग-भव-तिरिय-भवे अमर-भवे सुरइत्तणे वा वि ।
नो तं लब्भइ गोयम जत्थ व तत्थ व मनुय-जम्मे ॥
- मू. (५५१) सुमहऽघंत-पहीणेसु संजमावरण-नामघेजेसु ।
ताहे गोयम पाणी भावत्थय-जोगयमुवेइ ॥
- मू. (५५२) जम्मंतर-संचिय-गरुय-पुत्र-पब्बार-संविढत्तेण ।
मानुस-जम्मेण विना नो लब्भइ उत्तमं धम्मं ॥
- मू. (५५३) जस्सानुमायओ सुचिरियस्स निस्सल्ल दंभरहियस्स ।
लब्भइ अइलमनंतं अक्खय-सोक्खं तिलेयग्गे ॥
- मू. (५५४) तं बहु-भव-संचिय-तुंग-पाव-कम्महु-रासि-दरुणहुं ।
लद्धं मानुस-जम्मं विवेगमादीहिं संजुतं ॥
- मू. (५५५) जो न कुणइ अत्तहियं सुयानुसारेण आसवनिरोहं ।
छ-तिग्ग-सीलंग-सहस्स-धारणेणं तु अपमत्ते ॥
- मू. (५५६) सो दीहर-अव्योच्छिन्न-घोर-दुक्खग्गि-दाव-पज्जलिओ ।

- उब्धेविय संततो अनंतहुतो सुबहुकालं ॥
- मू. (५५७) दुग्गंधाऽमेज्ज-चिलीण-खार-पित्तोज्ज-सिंभ-पडहच्छे ।
वस-जलुस-पूय-दुद्धिण-चिलिद्धिहे रुहिर-चिक्खल्ले ॥
- मू. (५५८) कढ-कढ-कढंत घल-घल-घलस्स टल-टल-टलस्स रज्जंतो ।
संरियंमंगो लोणी-लोणी बहो जल्ले ॥
एक्केल्ल-गम्भ-वासेसु जंतियंगो पुनरवि भमेआ ॥
- मू. (५५९) ता संतावुब्धेग-जम्भ-जरा-मरण-गम्भ-वासाई ।
संसारिय-दुक्खाणं विचित्त-रूपाण भीएणं ॥
- मू. (५६०) भावत्यवानुभावं असेस-भव-भय-खयंकरं नाउं ।
तत्थेव महंता भुज्जमेणं दढमसंतं पयइयव्वं ॥
- मू. (५६१) इय विआहर-किन्नर-नरेण ससुराऽसुरेण वि जगेण ।
संयुव्वंते दुविहत्यवेहिं ते तिहुयणेक्कीसे ॥
- मू. (५६२) गोयमा धम्मतिथ्यकरे जिने अहरंते ।
अह तारिसे वि इही-पवित्थरे सयल-तिहुयणाउलिए ॥
साहीणे जग-खंधू मनसा वि न जे खणं लुद्धे ॥
- मू. (५६३) तेसिं परमीसरियं रुव-सिरी-वन्न-बल-पमाणं च ।
सामत्थं जस-कित्ती सुर-लोग-चुए जहेह अवयरिए ॥
- मू. (५६४) जह काउणऽअ-भवे उग्गतवं देवलोगमनुपत्ते ।
तिथ्यर-नाम-कम्भं अह बद्धं एगाइ-वीसइ-थाणेसु ॥
- मू. (५६५) जह सम्मत्तं पत्तं सामन्नाराहणा य अन्न-भवे ।
जह य तिसला उ सिद्धत्थ-धरिणी खोइस-महा-सुमिण-लंभं ॥
- मू. (५६६) जह सुरहि-गंध-पक्खेवगम्भ-वसहीए असुहमवहरणं ।
जह सुरनाहो अंगुडपव्वं नमियं महंत-भत्तीए ॥
- मू. (५६७) अमयाहारं भत्तीए देइ संयुणइ जाव य पसूओ ।
जह जाय-कम्भ-विनिओग-कारियाओ दिसा कुमारीओ ॥
- मू. (५६८) सव्वं निय कत्तव्वं निव्वसंती जहेव भत्तीए ।
वत्तीस-सुर-वरिंदा गरुय-पमोएण सव्व-रिद्धीए ॥
- मू. (५६९) रोमंच-कंचु-पुलइय-भत्तिअर-मोइय-सगत्ते ।
मन्नंते सकयत्थं जम्भं अम्हाण मेरुगिरि-सिहरे ॥
- मू. (५७०) होही खणं अण्फालिय-सूसर-गंभीर-दुंदुहि-निग्घोसा ।
जय-सह-मुहल-मंगल-कयंजली जह य खीर-सलिलेणं ॥
- मू. (५७१) बहु-सुरहिं-गंधवासिय-कंचण-मणि-तुंग-कलसेहिं ।
जम्भाहिसेय-महिमं करेति जह जिनवरो गिरिं चाले ॥
- मू. (५७२) जह इंदं वायरणं भयवं वायरइ अह-वरिसो वि ।

जह गमइ कुमारत्तं परिणे बोहिति जह व लोगंतिया देवा ॥

मू. (५७३) जह-वय-निक्खमण-महं करेति सव्वे सुरीसरा मुइया ।

जह अहियासे घोरे परीसहे दिव्व-मानुस-तिरिच्छे ॥

मू. (५७४) जह धन-धाइ-घउळं कम्मं वइइ घोर-तव-ज्झाण-जोग्ग-अग्गीए ।

लोगाऽलोग-पयासं उप्पाए जहव केवलन्नाणं ॥

मू. (५७५) केवल-महिमं पुनरवि काऊणं जह सुरीसराइया ।

पुच्छंति संसए धम्म-नाय-तव-घरणमाइए ॥

मू. (५७६) जह व कहेइ जिणिंदो सुर-कय-सीहासनोवविट्ठो य ।

तं थउविह-देव-निकाय-निम्मियं जह व वर-समवसरणं ॥

तुरियं करेति देवा जं रिट्ठीए जगं तुलइ ॥

मू. (५७७) जत्थ समोसरिओ सो भुवणेक-गुरु महायसो अरहा ।

अट्ठमह-पाडिहेरय-सुद्धिधियं वइइ तित्थयं नामं ॥

मू. (५७८) जह निइलह असेसं मिच्छत्तं चिकणं पि मव्वाणं ।

पडिबोहिऊण मग्गे ठवेइ जह गणहार दिक्खं ॥

मू. (५७९) गिण्हंति महा-मइणो सुत्तं गंधीति जह व य जिणिंदो ॥

भासे कसिणं अत्थं अनंत-गम-पज्जवेहिं तु ।

मू. (५८०) जह सिज्झइ जग-नाहो महिमं नेव्वाण-नामियं जहं य ।

सव्वे वि सुर-वरिंदा असंभवे तह वि मुच्चंति ॥

मू. (५८१) सोगत्ता पगलंतसु-धोय-अंडयल-सरसइ-पवाहं ।

कलुणं विलाव-सइं हा सामि कया अनाह ति ॥

मू. (५८२) जह सुरहि-गंध-गळ्मिण-महतं-गोसीस-चंदन-दुमाणं ।

कट्ठेहिं विही-पुव्वं सक्कारं सुरवरा सव्वे ॥

मू. (५८३) काऊणं सोगत्ता सुन्ने दस-दिसि-वहे पलोयंता ।

जह खीर-सागरे जिन-वराण अट्ठी पक्खालिऊणं च ॥

मू. (५८४) सुर-लोए-नेऊणं आलिपेऊण पवर-चंदन-रसेणं ।

मंदार-पारियायय-सयवत्त-सहस्सपत्तेहिं ॥

मू. (५८५) जह अच्चेऊणं सुरा निय-भवणेषु जह व य धुणति ।

(तं सव्वं महया वित्थरेण अरहंत-चरियाभिहाने)

अंतगडदसाणंत-मज्झाओ कसिणं विप्पेव ॥

मू. (५८६) एत्थं पुन जं पगयं तं मोत्तु जइ भणेह तावेयं ।

हवइ असंबद्धगुरुयं गंधस्स य वित्थरमनंतं ॥

मू. (५८७) एयं पि अपत्थावे सुमहंतं कारणं समुवइस्स ।

जं वागरियं तं जाण मव्व-सत्ताण अनुगहइए ॥

मू. (५८८) अहवा जत्तो जत्तो भविज्जइ मोयगो सुसंगरिओ ।

ततो ततो वि जने अङ्गरुयं मानसं पीडं ॥

मू. (५८९) एवमिह अपत्यावे वि भक्ति-भर-निष्मरण परिओसं ।

जणयइ गरुयं जिण-गुण-गहणेक-रसविखत-चित्ताणं ॥

मू. (५९०) एयं तु जं पंचमंगल-महासुयकबंधस्स वक्खाण तं महया पबंधेणं अनंत-गम-पञ्चवेहिं सुत्तस्स य पिहब्भूयाहिं निञ्जुत्ती-भास-चुन्नीहिं जहेव अनंत-नाण-दंसण-धरेहिं तित्थयरेहिं वक्खाणियं तहेव समासओ वक्खाणिअं तं आसि अहन्नया काल-परिहाणि-दोसेणं ताओ निञ्जुत्ती-भास चुन्नीओ वोच्छिन्नाओ इओ य वद्धंतेनं काल समएणं महिद्धी-पत्ते पयानुसारी वइरसामी नाम दुवालसंगसुयहरे समुप्पन्ने तेने यं पंच-मंगल-महा-सुयकबंधस्स उद्धारो मूल-सुत्तस्स मज्झे लिहिओ मूलसुत्तं पुन सुत्तत्ताए गणहरेहिं अत्थत्ताए अरहंतेहिं भगवंतेहिं धम्म-तित्थंकरेहिं तिलो-महिएहिं वीर-जिनएहिं वीर-जिणिंएहिं वीर-जिणिंदेहिं पन्नविंयं ति एस वुह्मसंपयाओ ।

मू. (५९१) एत्थ य जत्थ पयं पएणाऽनुलगं सुत्तालावणं न संपअइ तत्थ तत्थ सुयहरेहिं कुलिहिय-दोसो न दायव्वो ति किंतु जो सो एयस्स अचित्त-चित्तामणी-कप्पभूयस्स महानिशीह-सुयकबंधस्स पुब्बायरिसो आसि तहिं चेव खंडाखंडीए उद्देहियाइएहिं हेऊहिं बहवे पन्नगा परिसड्डिया तहा वि अद्यंत-सुमहत्थाइसयं ति इमं महानिशीह-सुयकबंधं कसिण-पवयणस्स परमसार-भूयं परं तत्तं महत्थं ति कलिऊणं पवयण-वच्छल्लत्तणेणं दिट्ठं तं सव्वं स-मतीए साहिऊणं लिहियं ति अत्रेहिं पि सिद्धसेन दिवाकर-बुह्मवाइ-जक्खसेन-देवगुत्त-जसवद्धण-खभासभण-सीस-रविगुत्त-नेमिचंद-जिनदासगणि-खमग-सच्चरिसि-पमुहेहिं जुगप्पहाण-सुयहरेहिं बहुमनियमिणं ति ।

मू. (५९२) से भयवं एवं जहुत्तविनओवहाणेणं पंचमंगल-महासुयकबंधमिहिजित्ताणं पुब्बानु-पुब्बीए पच्छानुपुब्बीए अनानुपुब्बीए सर-वज्जण-मत्ता-विंदु-पयक्खर-विसुद्धं थिर-परिवियं काऊणं महया पबंधेणं सुत्तत्थं य विज्ञाय तओ य णं किमहिज्जेआ गोयमा इरियावहियं से भयवं केणं अट्ठेणं एवं वुच्चइ जहा णं पंचमंगल-महासुयकबंधमिहिजित्ता णं पुणो इरियावहियं अहीए गोयमा जे एस आया से णं जया गमनाऽगमनाइ-परिणए अनेग-जीव-पान-भूय-सत्ताणं अनोवउत्त-पमत्ते-संघट्टणअवहावण-किलामणं-काउणं अनालोइय-अपडिक्कंते चेव असेस-कम्मक्खयड्डयाए किंचि चिइ-वंदनसज्झाय-ज्झाणाइएसु अभिरमेआ तया से एम-चित्ता समाही भवेआ न वा जओ णं गमनागमनाइ-अनेग-अन्न-यावार-परिणामासत्त-चित्तत्ताए केई पाणी तमेव भावंतरमच्छट्ठिय-अट्ठ-दुहट्ठज्जवसिए कं चि कालं खणं विरत्तेआ ताहे तं तस्स फलेणं विसंवएआ जया उ न काहिं चि अन्नाण-मोह पमाय-दोसेण सहसा एगिंदियादीणं संघट्टणं परियावणं वा कयं भवेआ तया य पच्छा हाहा हा वुड्ड कयम्महेहिं ति घणराग-दोस-मोह-मिच्छत्त-अघ्राणंघेहिं अदिट्ठ-परलोगपद्धवाएहिं कूर-कम्मनिग्घणेहिं ति परम-संवैगमावन्ने सुपरीफुडं आलोएत्ताणं निदित्ताण गरहेत्ताणं पायच्छित्तमनुयरेत्ताणं नीसल्ले अणाउलचित्ते असुह-कम्मक्खयड्डा किंचि आय-हियं चिइ-वंदनाइ अनुट्ठेआ तया तयइ चेव उवउत्ते से भवेआ जया णं से तयत्थे उवउत्तो भवेआ तया तस्स णं परमेगग-चित्तसमाही हवेआ तया चेव सव्व-जग-जीव-पान-भूय-सत्ताण जहिट्ठ-फलसंपत्ती-भवेआ ता गोयमा णं अप्पडिक्कंताए इरियावहियाए न कप्फइ चेव काउं किंचि चिइवंदनं-सज्झायाइयं फलासायमभिकंखुगाण एतेनं अट्ठेणं गोयमा एवं वुच्चइ-जहा णं गोयमा ससुत्तत्थोभयं पंचमंगल-

धिर-परिधियं-काऊणं तओ इरियावहियं अज्झीए ।

मू. (५९३) से भयवं कयराए विहीए तं इरियावहियमहिए गोयमा जहा णं पंचमंगल-महासुयक्खंधं ।

मू. (५९४) से भयनं इरियावहियमहिज्झित्ता णं तओ किम्महिजे गोयमा सकत्थयाइयं चेइयवंदन-विहाणं नवरं सकत्थयं एगद्धम-वत्तीसाए आयंबिलेहिं अरहंतत्थयं एगेणं चउत्थेणं तिहिं आयंबिलेहिं चउवीसत्थयं एगेणं छट्ठेणं एगेणं य चउत्थेणं पणुवीसाए आयंबिलेहिं नाणत्थयं एगेणं चउत्थेणं पंचहिं आयंबिलेहिं एवं सर-वंजन-मत्ता बिंदु-पयच्छेय-पयक्खर-विसुद्धं अविच्चा-मेलियं अहीएत्ता णं गोयमा तओ कसिणं सुत्तत्थं विन्नेयं जत्थ य संदेहं भवेआ तं पुणो पुणो वीमंसिय नीसंकमवधारेऊणं नीसंदेहं करेआ ।

मू. (५९५) एवं सं सुत्तत्थोभयत्तगं चिइ-वंदना-विहाणं अहिज्जेत्ता णं तओ सुपसत्थे सोहणे तिहि-करण-मुहुत्त-नक्खत्त-जोग-लग्ग-ससी-बले जहा सत्तीए जग-गुरूणं संपाइय-पूओवयारेणं पडिलाहियसाहुवगेण य भत्तिब्बरनिब्बरेणं रोमंघ-कंचुपुलइज्झमाणतनू सहरिसविसइ वयणार-विदेणं सद्धा-संवेग-विवेग-परम-वेरण-मूलं विणिहय-घनराग-दोस-मोह-मिच्छत्त-मलकलंकेण सुविसुद्ध-सुनिम्पल-विमल-सुभ-सुभ-यरऽनुसमय-सुमल्लसंत-सुपसत्थज्झवसाय-मएणं भुवण-गुरु-जिनयंद पडिमा विनिवेसिय-नयन-मानसेणं अनन्न-मानसेगग-चित्तयाए य धन्नो हं पुब्भो हं तिजिन-वंदनाइ-सहलीकयजम्भो ति इइ मन्नमाणेणं विरइय-कर-कमलंजलिणा हरिय-तणवीय जंतु-विरहिय-भूमीएनिहिओभय-जाणुणा सुपरिफुड-सुविइय-नीसंक जहत्थ-सुत्तत्थोभयं पए पए भावेमाणेणं दढचरित्त-समयश्रु-अप्पमायाइ-अनेग-गुण-संपओववेएणं गुरुणा सद्धि साहुसाहुणि-साहम्भिय असेस-बंधु-परिवग्ग-परियरिएणं चेव पढमं चेइए वंदियव्वे तयनंतरं च गुणहे य साहुणो य तहा साहिम्भय-जणस्स णं जहा-सत्तीए पणावाए जाए णं सुमहग्ग मउय-चोक्खवत्थ-पयाणाइणा वा महासम्मणो कायव्वो एयावसरम्भि सुविइय-समय-सारेण गुरुणा पबंधेणं अक्खेव-विकखेवाइएहिं पबंधेहिं संसार-निव्वेय-जणणिं सद्धा संवेगुप्पायगं धम्म-देसणं कायव्वं ।

मू. (५९६) तओ परम-सद्धा-संवेगपरं नाऊणं आजम्माभिग्गहं च दायव्वं जहा णं सहलीकय-सुलद्ध-मनुय भव भो मो देवानुप्पिया तए अऊप्पभितीए जावजीवन्ति-कालियं अनुदिनं अनुला-बलेगग्गचित्तेणं चेइए वंदेयव्वे इणमेव भो मनुयत्ताओ असुइ-असासय-खणभंगुराओ सारं ति तत्थ पुव्वण्हे ताव उदग-धानं न कायव्वं जाव चेइए साहु य न वंदिए तहा मज्झण्हे ताव असन-किरियं न कायव्वं जाव चेइए न वंदिए तहा अवरण्हे चेव तहा कायव्वं जहा अवंदिएहिं चेइएहिं नो संझायालमइक्कमेआ ।

मू. (५९७) एवं चाभिग्गहबंधं काऊणं जावजीवाए ताहे य गोयमा इमाए चेव विज्जा ए अहिमंतियाओ सत्त-गंध-मुट्ठीओ तस्सुत्तमंगे नित्यारग पारगो भवेआसि ति उच्चारमाणेणं गुरुणा धेतव्वाओ अओम् नमो भगवओ अरहओ सुइज्झ उ मए भगवती महा विज्ज आ वई र ए म ह आ वई र ए ज य वई र ए स ए ण् अ वई र ए वद्ध म् आ ण वई र ए ज य् अं त् ए अ प र् आ ज् इ ए स व् आ हा (ओम् नमो भगवओ अरहओ सिज्झ उ मे भगवती महाविज्जा वीरे महावीरे जयवीरे सेणवीरे वद्धमाणवीरे जयंते अपराजिए स्वाहा) उपचारो चउत्थभत्तेणं साहिज्झ एयाए

विज्ञाए सव्वगओ नित्यारगपारगो होइ उवडावणाए वा गणिसस वा अनुन्नाए वा सत्त वारा परिजवेयव्वा नित्यारग-पारगो होइ उत्तिमड्ड-पडिवन्ने वा अभिमंतिअइ आराहगो भवति विग्घविनायगा उवसमंति सूरु संगामे पधिसंती अपराणिओ भवति व-प-समतीए एंगलवल्ती खेमवहनी हवइ ।

मू. (५९८) तथा साहु-साहुणि-समणोवासग-सङ्घिणोऽसेसा-सन्न-साहम्मियजण-चउव्विहेणं पि समण-संघेणं नित्यारग-पारगो भवेआ धन्ने संपुत्र-सलक्खणो सि तुमं ति उच्चारेमाणेणं गंध-मुट्ठीओ धेतव्वाओ तओ जग-गुरुणं जिणिदाणं पूएण-देसाओ गंधहोऽमिलाण-सियमल्लदामं गहाय स-हत्थेणोभय-खंधेसुमारोवयमाणेणं गुरुणा नीसंदेहमेवं भाणियव्वं जहा भो भो जम्मंतर-संचिय-गुरुय-पुत्र-पञ्चार सुलब्ध-सुविदत्त-सुसहल-मनुयजम्मं देवानपिधा ठह्यं च नरय-तिरियगइ-दारं तुज्झं ति अवंधगो य अयस-अकित्ती-नीया-गोत्त-कम्म-विसेसाणं तुमं ति भवंतरं-गयस्सा चिउ न दुलहो तुज्झ पंच नमोक्कारो भावि-जम्मंतरेसु पंच-नमोक्कार-पभावाओ य जत्थ जत्थोदवज्जेआ तत्थ तत्थुत्तमा जाई उत्तम च कुल-रुवरोग-संपयंति एयंते निच्छयओ भवेआ अन्नं च पंचनमोक्कार-पभावओ न भवइ दासत्तं न दारिद-दहूग-हीणजोणियसं न विगल्लिदियत्तं ति किं बहुएणं गोयमा जे केइ एयाए विहीए पंच-नमोक्कारादि-सुयनाण-महीएत्ताण तयत्यानुसारेणं पयओ सव्वावस्सगाइ निञ्चानुड्डणिजेसु अट्टारस-सीलंगसहस्सेसु अभिरमेआ से णं सरागत्ताए जइ णं न निव्वुडे तओ गेवेअऽनुत्तरादीसुं चिरमभिरमेऊणेहउत्तम-कुलप्पसुई उक्किड्डल्लसव्वंगसुंदरत्तं सव्वं-कला-पत्तइ-जनमनानंदयारियत्तणं च पाविऊणं सुरिदि विव महरिद्धए एगंतेनं च दयानुकंपापरे निव्विन्न-काम-भोगे सद्धम्ममनुडेऊणं विहुय-रय-मले सिज्झेआ ।

मू. (५९९) से भयवं किं जहा पंचयमंगलं तथा सामाइयाइयमसेसं पि सुय-नाणमहिअिणेयव्वं गोयमा तथा येव विनओवहाणेणं महीएयव्वं नवरं अहिअिनिउकामेहिं अड्डविहं चेव नाणायारं सव्व-पयत्तेणं कालादी रक्खेआ अन्नहा भहया आसायणं ति अन्नं च दुवालसंगस्स सुयनाणस्स पढम-चरिमजाम-अहन्निमज्झयण-ज्झावणं पंचमंगलस्स सोलसद्धजामियं च अन्नं च पंचय-मंगलं कय-सामाइए इ वा अकय-सामाइए इ वा अहीए सामाइयमाइयं तु सुयं चत्तारंभपरिग्गहे जावजीवं कय-सामाइए अहीअिनेइ न उ णं सारंभ-परिग्गहे अकय-सामाइए तथा पंचमंगलस्स आलावगे आलावगे आर्यबिलं तथा सक्कथवाइसु वि दुवालसंगस्स पुन सुय-नाणस्स उद्देसगऽज्झ-यणेसु ।

मू. (६००) से भयवं सुदुक्करं पंच-मंगल-महासुयक्खंधस्स विनओवहाणं पन्नत्तं महती य एसा नियंतणा कहं बालेहिं कज्झइ गोयमा जे णं केइ न इच्छेआ एयं नियंतणं अविणओवहाणेणं येव पंचमंगलाइं सुय-नाणमहिअिणे अज्झावेइ वा अज्झावयमाणस्स वा अनुन्नं वा पयाइ से णं न भवेआ पिय-धम्मे न हवेआ दद-धम्मे न भवेआ मत्ती-जुए हीलेआ सुत्तं हीलेआ अत्थं हीलेआ सुत्तत्थ-उभए हीलेआ गुरुं जे णं हीलेआ सुत्तत्थेऽभए जावणं गुरुं से णं आसाएआ अतीताऽनागय-वड्डमाणे तित्थयरे आसाएआ आयरिय-उवज्झाय-साहुणो जे णं आसाएआ सुय-नाणमरिहंत-सिद्ध-साहू से तस्स णं सुदीहयालमनंत-संसारसागरमाहिंडेमाणस्स तासु तासु संकुड वियडासु घुलसीइ-लक्ख-परिसंखाणासु सीओ-सिणभिस्सजोणीसु तिमिसंझयारदुग्गंथाऽ-मेज्झचिलीण-

खारमुत्तोज्झ-सिंभ पडहच्छवस-जल्ल-पूय-दुद्धिन-चिलिच्चिल-रुहिर-चिक्खल्ल-दुद्धं-सण-जंवाल-
पंक-वीभच्छघोर-गम्भावासेसु कढ-कढ-कढेत-चलचलचलस्स टल-टल-टलस्स रज्झं-तसंपिंछि-
यंगमंगस्स सुद्धं नियंतणा जे उणं एयं विहिं फासेआ नो णं मणयं पि अइयरेआ जहुत्त-विहाणेणं
घेव पंच-मंगल-पभिइ-सुय-नाणस्स विनओवहाणं करेआ से णं गोयमा नो हीलेआ सुत्तं नो हीलेआ
अत्थं नो हीलेआ सुत्तत्थोभए से णं नो आसाएआ तिकाल-भावी-तिकखरे नो आसाएआ
तिलोगसिहरवासी विसूय-रय-मले सिद्धे नो आसाएआ आयरिय-उवज्झाय साहुणो सुद्धयरं चेव-
भवेआ पिय-धम्म-दढ-धम्म-भत्ती-जुत्ते एगंतेनं भवेआ सुत्तत्थणुरंजियमाणस-सद्धा-संवंगभावने
से एस णं न लभेआ पुणो पुणो भव-चारगे गम्भ-वासाइयं अनेगहा जंतनं ति ।

मू. (६०१) नवरं गोयमा जे णं बाले जाव अविन्नाय-पुत्र-पादाणं विसेसे ताव णं से पंच-
मंगलस्स णं गोयमा एगंतेनं अओगे न तस्स पंचमंगल-महा-सुयक्खंधं दायव्वं न तस्स पंचमंगल-
महासुयक्खंधस्स एगमवि आलावगं दायव्वं जओ अनाइ-भवंतर-समज्झियाऽसुह-कम्म-रासि-
दहण्डमिणं लभित्ता णं बाले सम्मामाराहेआ लहुत्तं च आणेइ ता तस्स केवलं धम्म-कहाए गोयमा
भत्ती समुप्पाइज्जइ तओ नाऊणं पिय-धम्मं दढ-धम्मं भत्ति-जुत्तं ताहे जावइयं पच्चक्खाणं निव्वाहेउं
समत्थो भवति तावइयं कारविज्जइ राइ-भोयणं च दुविह-तिविह-चउव्विहेण वा जहा-सत्तीए
पच्चक्खाविज्जइ ।

मू. (६०२) ता गोयमा णं पणयालाए नमोक्कार-साहियाणं चउत्थं चउवीसाए पोरुसीहिं बारसहिं
पुरिमहेहिं दसहिं अवहेहिं तिहिं निव्वीइएहिं चउहिं एगद्धाणगेहिं दोहिं आयंबिलेहिं एगेणं
रुग्मेवाऽऽयंबिलं मास-खवणं विसेसेआ तओ य जावइयं तवोवहाणं वीसमतो करेआ तावइयं
अनुगणेऊणं जाहे जाणेआ जहा णं एत्तियमेत्तेणं तवोवहाणेणं पंचमंगलस्स जोगीभूओ ताहे
आउत्तो पढेआ न अब्रह ति ।

मू. (६०३) से भयवं पभूयं कालाइक्कमं एयं जइ कदाइ अवंतराले पंचत्तमुवगच्छेआ तओ
नमोक्कार विरहिंए कहमुत्तिमहं साहेआ गोयमा जं सयं घेव सुत्तोवयारनिमित्तेणं असढ-भावत्ताए
जहा-सत्तीए किंचि तवमारभेआ तं समयमेव तमहीय-सुत्तत्थोभयं दट्ठव्वं जओ णं सो तं पंच-
नमोक्कारं सुत्तत्थोभयं न अविहीए गेण्हे किंतु तहा गेण्हे जहा भवंतरेसुं पि न विप्पणस्स
एयज्झवसायत्ताए आराहगो भवेआ ।

मू. (६०४) से भयवं जेनं उणं अन्नेसिमहीयमाणानं सुयायवरणक्खओवसमेणं कन्नहाडि-
त्तणेणं पंचमंगल-महीयं भवेआ से वि उ किं तवोवहाणं करेआ गोयमा करेआ से भयवं केन अट्टेणं
गोयमा सुलभ-बोहि-लभ-निमित्तेणं एवं चेयाई अकुव्वामाणे नाणकुसीले नेए ।

मू. (६०५) तहा गोयमा णं पच्चआ दिवसप्पभिइए जहुत्त-विहिणो वहाणेणं जे केइ साहु वा
साहुणी वा अपुव्व-नाण-गहणं न कुआ तस्सासई चिराहियं सुत्तत्थो भयं सरमाणे एगग-चित्ते
पढम-चरम-पोरिसिसु दिया सओ य नाणु गुणेज्जा से णं गोयमा नाण कुसीले नेए से भयवं जस्स
अइगुरुय नाणावरणो दएणं अहन्निसं पढोसे भाणस्स संवच्छरेण वि सिलोग बद्धमवि नो पिर
परिचियं भवेआ से किं कुआ गोयमा तेना वि जावज्जीयाभिग्गहेणं सज्झाय-सीलाणं वेयावच्चं तहा
अनुदिनं अट्ठाइजे सहस्से पंचमंगलाणं सुत्तत्थोभए सरमाणेगग मानसे पहासेअ से भयवं केणं

अद्वेणं गोयमा जे भिक्खु जावझीवा भिग्गहेणं चाउक्कालियं वायणाइ जहा सत्तीए सज्झायं न करेझा से णं नाण-कुसीले नेए ।

मू. (६०६) अत्रं च-जे केई जावझीवाभिग्गहेणं अपुव्वं नाणाहिमं करेझा तरसासतीए पुव्वाहियं गुणेझा तस्सादियासतीए पंचमगलाणं अद्वाइजे सहस्से परावत्ते से भिक्खू आराहणे तं च नाणावरणं खवेत्तु णं तित्थधरे इ वा गणहरे इ वा भवेत्ता णं सिज्जेआ ।

मू. (६०७) से भयवं केण अद्वेण एवं बुद्धइ जहा णं चाइक्कालियं सज्झायं कायव्वं । (गोयमा)

मू. (६०८) मन-वइ-कायाउत्तो नाणावरणं थ खवइ अनुसमयं ।

सज्झाए वट्ठंतो खणे खणे जाइ वेरगं ॥

मू. (६०९) उहमहे तिरियम्भे य जौइस-वेमानिया य सिद्धी य ।

सब्बो लोयालोगो सज्झाय-विउस्स पच्चक्खा ॥

मू. (६१०) दुवालस-विहम्मि वि तवे सत्थितर-बाहिरे कुसल-दिट्ठे ।

न वि अत्थि न वि य होही सज्झाय-समं तवो-कम्मं ॥

मू. (६११) एग-दु-ति-मास-खमणं सवंच्छरमवि य अनसिओ होआ ।

सज्झाय-झाण-रहिओ एगोवासप्फलं पि न लभेआ ॥

मू. (६१२) उग्गम-उप्पायण-एसणाहिं सुखं तु निम्भ भुंजतो ।

जइ तिविहेणाऽउत्तो अनुसमय-भवेज्ज सज्झाए ॥

मू. (६१३) तो तं गोयम एगग्गमाणसत्तं न उवमिउं सक्का ।

संवच्छरखवणेणं वि जेन तहिं निज्जारानंता ॥

मू. (६१४) पंच-समिओ ति-गुत्तो खंतो दंतो य निज्जरापेही ।

एगग्ग-माणसो जो करेज्ज सज्झायं सो मुनी भन्ने ॥

मू. (६१५) जो वागरे पसत्थं सुयनामं जो सुणेइ सुह-भावो ।

ठइयारसवजदारत्तं तक्कालं गोयमा दोण्हं ॥

मू. (६१६) एगमवि जो दुहत्तं सत्तं पडिबोहिइ ठवियमग्गे ।

ससुरासुरम्भे वि जगे तेन इहं घोसिओ अनाघाओ ॥

मू. (६१७) घाउपहाणो कंचनभावं न य गच्छई किया-हीनो ।

एवं भव्वो वि जिनोवएस-हीनो न बुज्जेआ ॥

मू. (६१८) गय-राग-दोस-मोहा थम्म-कहं जे करंति समयन्नु ।

अनुदियहमदीसंता सब्बपावाण मुञ्चंति ॥

मू. (६१९) निसुणंति य भयणिअं एगंतं निज्जरं कहंताणं ।

जइ अन्नहा न सुत्तं अत्थं वा किंचि दाएआ ॥

मू. (६२०) एएणं अद्वेणं गोयमा एवं बुद्धइ जहा णं जावझीवं अभिग्गहेणं चाउक्कालियं सज्झायं कायव्वंति तथा य गोयमा जे भिक्खू विहीए सुपसत्थनाणमहिज्जेऊण नाणमयं करेझा से वि नाण-कुसीले एयमाइ नाण-कुसीले अनेगहा पन्नविज्जंति ।

मू. (६२१) से भयवं कयरे ते दंसन-कुसीले गोयमा दंसन-कुसीले दुविहे नेए-आगमओ नो

आगमओ य तत्थ आगमओ सम्म-दंसणं संकंते कंखंते विदुगुंछंते दिट्ठीभोहं गच्छंते अनोववूह-
एपरिवडिय-धम्मसद्धे सामन्नमुज्झिउकामाणं अथिरीकरणेणं साहम्मियाणं अवच्छल्लतेणं
अहम्मभावनाए एत्तेहिं अट्ठहिं पि थाणंतरेहिं कुसीले नेए ।

मू. (६२२) नो आगमओ य दंसन-कुसीले अनेगहा तं जहा-चक्खु-कुसीले घाण-कुसीले
सवण-कुसीले जिब्बा-कुसीले सरीर-कुसीले तत्थ चक्खुकुसीले तिविहे नेए तं जहा-पसत्थ-
चक्खुकुसीले पसत्थापसत्थ-चक्खु-कुसीले अपसत्थ-चक्खुकुसीले तत्थ-जे केइ-पसत्थ उसमादि-
तित्थयर-बिंब-पुरओ चक्खु-गोयर-द्वियं तमेव पासेमाणे अन्नं कि पि मनसा अपसत्थमज्झवसे
से णं पसत्थ-चक्खु-कुसीले तहा जे पसत्थापसत्थ-चक्खु-कुसीले तित्थयर-बिंबं हियएणं अच्छीहि-
किं पि पेहेज्जा से णं पसत्थापसत्थ चक्खु-कुसीले तहा पसत्थापसत्थाइं दव्वाइं कागखग-ढेंक-
तित्तिर-मयूराइं सुकंत-दित्तिचित्तियं वा दट्ठणं तयहुत्तं चक्खुं विसज्जे से वि पसत्थापसत्थ-चक्खु-
कुसीले तहा अपसत्थ-चक्खु-कुसीले तिसट्ठिहिं पयारेहिं अपसत्था सरागा चक्खू त्ति से भयवं
कयरे ते अपसत्थे तिसट्ठी-चक्खु-मेए-

गोयमा इमे तं जहा सब्भू कडक्खा तारा मंदा मंदालसा वंका विवंका कुसीला अट्ठिविखया
काणिकिखया भामिया उब्भामिया धलिया धलिया धलधलिया उल्लुम्मिह्हा थिलिभिल मनुहा थारावा
पक्खा सरीसिवा असंता अपसंता अथिरा बहुविगारा सानुरागा रगो ईरणी रगजन्ना मयुप्पायणी
भयणी मोहनी वम्मोहनी भयजन्ना भयंकरी हियय-भेयणी संसयावहरणी चित्त-चमक्कुप्पायणी
निबद्धा अनिबद्धा गया आगया गयागया गय-पट्ठागया निद्धाडणी अहिलसणी अरइकरा अइकरा
दीना दयावणा सूरा धरा हननी भारणी तावणी संतावणी कुद्धापकुद्धा घोरा महा-धोरा चंडा रोदा
सुरोदा हा हा भूयसरणा रुक्खा सणिद्धा रुक्खसणिद्धा त्ति महिला णं चलणंगुट्ठ-कोडि-नह-कर-
सुविलिहिया दिन्नालत्तं गायं च नह-मणिकिरण-निबद्धसक्क-चालवं कुम्मुन्नय-चलणं सम्मग-
निमुग्ग-वट्ट-गूढजाणुं जंघा-पिहुल-कडियड-भोगा-जहण-नियंब-नाही-धण-गुज्जंतर-कट्ठा-भूया-
लट्ठीओ अहरोट्ठ-दसनपंती कन्ननासा नयण-जुयल-भमुहा-निडाल-सिररुह-सीमंतया-मोडया-
पट्टतिलगं-कुंडल-कवोलकज्जल-तमाल-कलाव-हार-कडिय-सुत्तगणेउरर-बहुरक्खग-मणि-रयण-
कडग-कंकण-मुट्ठियाइ-सुकंद-दित्ता-भरण-दुग्गुल्ल-वसण-नेवच्छा कामगि-संधुक्कणी निरय-
तिरिय-गतीसुं अनंत-दुक्ख-दागया एसा साहिलास-सराग-दिट्ठी त्ति एस चक्खु-कुसले ।

मू. (६२३) तहा घाण-कुसीले जे केइ सुरहि-गंधेसु संगं गच्छइ दुरहिगंधे दुगुंछे से णं घाण-
कुसीले तहा सवण-कुसीले दुविहे नेए-पसत्थे अपसत्थे य तत्थ जे भिक्खू अपसत्थाइं काम-राग-
संधुक्खनु दिवन-उज्जालण-पज्जालण-संदिवणाइ-गंधव्व-नट्ट-धनुव्वेद-हत्थिसिक्खा-काम-रती-
सत्थाइंणि गंधाणि सोऊणं नालोएज्जा जाव णं नो पायच्छित्तमनुचरेज्जा से णं अपसत्थ-सवण-
कुसीले नेए तहा जे भिक्खू पसत्थाइं सिद्धंतराचरिय-पुराण-धम्म-कहाओ य अन्नाइं च गंधसत्थाइं
सुणेत्ता णं न किंचि आय-हियं अनुट्ठे नाण-मयं वा करेइ से णं पसत्थ-सवणकुसीले नेए तहा
जिब्बा-कुसीले से णं अनेगहा तं जहा-तित्त-कडुय-कसाय-महुरंबिल-लवणाइं-रसाइं आयायंते
अदिट्ठाऽसुयाइं इह-परलोगो-भय-विरुद्धाइं सदोसाइं मयार-जयारुच्चारणाइं अयसऽब्भक्खाणाऽ-

संतामिओगाई वा भणंते असमयन्नु धम्मदेसणा पवत्तणेण य जिब्भा-कुसीले नेए, से भयवं किं भासाए विभासियाए कुसीलत्तं भयति गोयभा भवइ से भयवं जइ एवं ता धम्म-देसणं-कायव्वं ।

मू. (६२४) सावअऽणवअणं वयणाणं जो न जाणइ विसेसं ।

वोत्तुं पि तस्स न खमं किमंग पुणदेसणं काउं ॥

मू. (६२५) तथा सरीर-कुसीले दुविहे घेडा-कुसीले विभूसा-कुसीले य, तत्थ जे भिक्खू एयं किमि-कुल-निलयं सउण-साणाइ-भत्तं सडण-पडण-विद्धंसण-धम्मं असुइं असासयं असारं सरीरं आहरादीहिं निच्चं चेड्डेजा नो णं इणमो भय-सय-सुलद्ध-नाण-दंसणाइ-समन्निएणं सरीरेणं अञ्चत्त-घोर-वीरुग्ग-कड्ड-घोर-त्तव-संजम-मनुड्डेजा से णं चेडा कुसीले तथा जे णं विभूसा कुसीले से वि अनेगहा तं-जहा तेलाब्भंगण-विमदण संवाहण-सिणाणुव्वइण-परिहसण-तंबोल-धूवण-वासण-दसनुग्घसण-समालहण-पुष्फोमालण-केस-समारण-सोवाहण-दुवियह्मगइभणिरहसिर-उव-विड्डुदिस-सन्निवन्नेवित्तय-विभूसावन्ति-सविगण-नियंसनुन्नीय-पाउरण-दंडग-गहणभाई सरीर-विभूसा-कुसीले नेए एते य पवयण-उट्ठाह-परे दुरंत-पंत-लक्खणे अदड्डव्वे महा पावकम्मकारी विभूसा कुसीले भवन्ति गए दंसन कुसीले ।

मू. (६२६) तथा चारित्तकुसीले अनेगहा-मूलगुण उत्तर-गुणेसुं तत्थ मूलगुणा पंच-महव्वयाणी-राई-भोयण-छड्डाणि तेसुं जे पमत्ते भवेजा तत्थ पाणाइवायं पुढवि-दगागणिमारुय-वणफ्फती-वित्तिचउ-पंचेदियाईणं संघटण-परियावण-किलामणोइवणे मुसावायं सुहुमं बायरं च तत्थ सुहुमं पयलाउल्ला मरुए एवमादि बादरो कन्नालीगादि अदिन्नादानं सुहुमं बादरं च तत्थ सुहुमं तण-हगलच्छार-मल्लगादिणं गहणे बादरं हिरन्न-सुवन्नादिणं मेहुणं दिव्वीरालियं मणोवइ-काय-करण-कारावणानु-मइभेदेणं अट्ठरसहा तथा करकम्मादी सचित्ताचित्त-भेदेणं नवगुत्ति-विराधनेन वां विभूसावत्तिएण वा परिग्गहं सुहुमं बादरं च तत्थ सुहुमं कप्पट्ठगरक्खणममतो बादरं हिरन्नमादीणं गहणे धारणे वा राईभोयणं दिया गहियं दिया भुत्तं दिया गहियं राई भुत्तं राओ गहियं दिया भुत्तं, एवमादि ।

मू. (६२७) पिंडस्स जा विसोहि समितीओ भावणा तवो दुविहो ।

पडिमा अभिग्गहा वि य उत्तरगुण मो विवयाहि ॥

मू. (६२८) — तत्थ पिंडविसोहि —

मू. (६२९) सोलस उग्गम दोसा सोलस उप्पायणा य दोसा उ ।

दस एसणाए दोसा संजोयणं-माइ पंचेव ॥

मू. (६३०) — तत्थ उग्गम-दोसा —

मू. (६३१) आहाकम्मुद्देसिय-पूर्इकम्मे य मीसजाए य ।

ठवणा पाहुडियाए पाओयर-कीय-पामिद्धे ॥

मू. (६३२) परियट्ठिए अभिहडे उब्भियन्ने मालोहडे इ य ।

अच्छेजे अनिसडे अज्झोयरए य सोलसमे ॥

मू. (६३३) — इमे उप्पायणा-दोसा —

मू. (६३४) धाई दूई निमित्ते आजीव-वनीमगे तिगिच्छाय ।

कोहे माने माया लोभे य हवन्ति दस एए ॥

मू. (६३५) पुर्वि पच्छा-संथव-विज्जा-मंते य चुन्न-जोगे य ।
उप्पायणाए दोसा सोलसमे मूल-कम्मे य ॥

मू. (६३६) — एसणादोसा —

मू. (६३७) संकिय-मक्खिय-निक्खित्त-पिहिय-साहरिय-दायगुम्मीसे ।
अपरिणय-लित्त-छड्डिय एसण दोसा दस हवन्ति ॥

मू. (६३८) तत्थुग्गमदोसे गिहत्य-समुत्थे उप्पायणा दोसे साहुसपुत्थे एसणादोसे उभय-
समुत्थे संजोयणा पमाणे इंगाले धूम कारणे पंचमंडलीय दोसे भवन्ति तत्थ संजोयणा-उवगरण
भत्तपान-सव्वन्तर-बहि-भेएणं पमाणं ।

मू. (६३९) बत्तीसं किर-कवले आहारो कुच्छि-पूरओ भणिओ ।
रागेणं सइंगालं दोसेण सधूमगं ति नायव्वं ॥

मू. (६४०) — कारणं —

मू. (६४१) वेयण-वेयावच्चे इरिय-झाए य संजम-झाए ।
तह पान-वत्तियाए छड्डं पुन धम्म-चित्ताए ॥

मू. (६४२) नत्थि छुहाए सरिसिया वियणा भुंजेज्जा तप्पसमणद्धा ।
छाओ वेयावच्चं न तरइ काउं अओ भुंजे ॥

मू. (६४३) इरियं पि न सोहिस्सं पेहाइयं च संजमं काउं ।
धामो वा परिहायइ गुणणऽनुपेहासु य असत्तो ॥

मू. (६४४) पिंडविसोही गया इयाणि समितीओ पंच तं जहा इरिया-समिती भासा-समिई
एसणा-समिई आयाण भंड-मत्त-निकखेवणा-समिती उच्चार-पास-वण-खेल-सिंघाण-जल्लपारिद्धा-
वणिगा-समिती जहा गुत्तीओ तिन्नि-मण-गुत्ती वइ-गुत्ती तहा भावणाओ दुवालस तं जहा अनिच्छत्त-
भावना असरणत्त-भावना एगत्त-भावना-अन्नत्त-भावना असुइ-भावना विचित्त संसार-भावना
कम्मासव-भावना संवर-भावना विनिज्जरा-भावना लोगवित्थरभावना धम्मं सुयक्खायं सुपन्नत्तं
तित्थयरेहिं ति भावना तत्तचित्ता भावना बोहि-सुदुल्लभा-जम्मन्तर-कोडीहिं वि ति भावना एवमादि-
धाणन्तरेसुं जे पमायं कुज्जा से णं चारित्त-कुसिले नेए ।

मू. (६४५) तहा तव-कुसीले दुविहे नेए-बज्झ-तव-कुसीले अब्बिभत्तरतवकुसीले य तत्थ जे
केइ विचित्त-अनसन-ऊनोदरिया-वित्ती-संखेवण-रस-परिच्चाय-कायकिलेस-संलीणयाए ति
छड्डाणेसुं न उज्जमेज्जा से णं बज्झ-तव-कुसीले तहा जे केइ विचित्तपच्छित्त-विनय-वेयावच्च-सज्झाय-
झाण-उसग्गम्मि चेएसुं छड्डाणेसुं न उज्जमेज्जा से णं अब्बिभत्तर-तव-कुसीले

मू. (६४६) तह पडिमाओ बारस तं जहा —

मू. (६४७) मासादी सत्तता एग दुग ति-सत्तराइ दिणा तिन्नि ।

अहराति एगराती भिक्खू पडिमाणं बारसंग ॥

मू. (६४८) तहा अभिग्गहा-दव्वओ खेत्तओ कालओ भावओ तत्थ दव्वे कुम्भासाइयं दव्वं
गहेयव्वं खेत्तओ गामे बहिं वा गामस्स कालओ पढम पोरिसिमाईसु भावओ कोहमाइसंपन्नो जं

देहि इमं गहिस्सामि एवं उत्तर-गुणा संखेवओ सम्मत्ता सम्मत्तो य संखेवेणं चरित्तायारो तवायारो वि संखेवेणेहंतर-गओ तहा विरियायारो एएसु चेव जा अहाणी एएसु पंचसु आयासाइयारेसुं जं आउट्टियाए दप्पओ पमायओ कप्पेण वा अजयणाए वा जयणाए वा पडिसेवियं तं तहेवालोइताण ज मग्ग-विउ-गुरू-उवइसंति तं तहा पायच्छित्तं नाणु चरेइ एवं अट्टारसण्हं सीलंग-सहस्साणं जं जत्थ पए पमत्ते भवेआ से णं तेनं तेनं पमाय-दोसेणं कुसीले नेए ।

मू. (६४९) तहा ओसन्नेहु जाले गिल्लं लिहीणइ तसवे नत्तागणीपं सज्जेदेः सुत्तुगग्गामी सबले नेत्थं लिहिअंति गंथ-वित्थरमयाओ भगवया उण एत्थं पत्थावे कुसीलादी महया पबंधेणं पन्नविए एत्थं च जा जा कत्थइ अन्नन्नवायणा सा सुमुणिय-समय-सारेहिंतो पओसेयव्वा जओ मूलादरिसे चेव बहु गंथं विप्पणइ तहिं च जेत्थ संबंधानुलगं गंथं संबज्झइ तत्थ तत्थ बहुएहिं सुयहरेहिं सम्मिलिऊणं संगोवंग-दुवालसंगाओ सुय-समुदाओ अन्न-मन्न-अंग-उवंग-सुयक्खंध-अज्जयणुद्देसगाण समुच्चिणिऊणं किंचि किंचि संबज्झमाणं एत्थं लिहियं न उन सकव्वं कयं ति

मू. (६५०) पंचेए सुमहा-पावे जे न वज्जेज गोयमा ।

संलवीहिं कुसीलादी भमिही सो सुमती जहा ॥

मू. (६५१)

भव-काय-डितीए संसारे घोर-दुक्ख-समोत्थओ ।

अलमंतो दसविहे धम्मे बोहिमहिंसाइ-लक्खणे ॥

मू. (६५२)

एत्थं तु किर-दिट्ठंतं संसग्गी-गुण-दोसओ ।

रिसि-भिल्ला समलासे णं निप्फन्नं गोयमा मुणे ॥

मू. (६५३)

तम्हा कुसीलसंसग्गी सच्चोवाएहिं गोयमा ।

वज्जेआ य हियाकंखी अंडज-दिट्ठंत-जाणगे ॥

अध्ययनं - ३ - समाप्तम्

अध्ययनं-४- कुशील संसर्गं

मू. (६५४) से भयवं कहं पुन तेन समुइणा कूशील-संसग्गी कया आसी उ जीए अ एरिसे अइदारुणे अवसाने समक्खाए जेन-भव-कायडितीए अनोर-पारं भव-सायरं भमिही से वराए दुक्ख-संतत्ते अलमंतो सव्वन्नुवएसिए अहिंसा-लक्खण खंतादि-दसविहे धम्मे बोहिं ति गोयमा णं इमे ते जहा-अत्थि इहेव भारहे वासे मग्हा नाम जनवओ तत्थ कुसत्थलं नाम पुरं तम्मि य उवल्ल-पुत्र-पावे सुमुणिय-जीवाजीवादि-पयत्थे सुमती-नाइल नामधेज्जे दुवे सहोयरे महिहीए सहगे अहेसि अहन्नया अंतराय-कम्मोदएणं वियलियं विहवं तेसिं न उणं सलत्त-परक्कमं ति एवं तु अचलिय-सत्त-परक्कमाणं तेसिं अच्चंतं परलोग-भीरुणं विरय-कूड-कवडालियाणं पडिवन्न-जहोवइड्ड-दाणाइ-चउक्खंध-उवासग-धम्माणं अपिसलुणाऽमच्छरीणं अमायावीणं किं बहुना गोयमा ते उवासगा णं आवसहं गुणरयणाणं पभवा खंतीए निवासे सुयण-मेत्तीणं एवं तेसिं-बहु-वासर-वन्नणिज्ज-गुण-रयणाणं पि जाहे असुह-कम्मोदएणं न पहुप्पए संपया ताहे न पहुप्पंति अट्टाहिया-महिमादओ इट्ठदेवयाणं जहिच्छिए पूया-सक्कारे साहम्मिय-सम्माणे बंधुयण-संववहारे य ।

मू. (६५५) अह अत्रया अचलंतेसुं अतिहि-सक्कारेसुं अपूरिजमाणेसुं पणइयण-मनोरहेसुं

विहडंतेसु य सुहिसयणमित्त बंधव-कलत्त-पुत्त-नत्तुयगणेसु विसायमुवगएहिं गोयमा चित्तिं
तेहिं सहगोहिं तं जहा -

मू. (६५६) जा विहवो ता पुरिसस्स होइ आणा-वडिच्छओ लोओ ।

गलिओदयं धनं विज्जुला वि दूरं परिच्छइ ॥

मू. (६५७) एवं-चित्तिऊणावरोप्परं भणिइमारुद्धे तत्थ पढमो -

मू. (६५८) पुत्तिसे नाल-धन-वडिच्छण परिहीण भागधिजेणं ।

ते देसा गंतव्वा जत्थ स-वासा न दीसंति ॥

मू. (६५९) - तहा बीओ -

मू. (६६०) जस्स धनं तस्स जनो जस्सत्थो तस्स बंधवा बहवे ।

धन-रहिओ हु मनूसो होइ समो दास-पेसेहिं ॥

मू. (६६१) अह एवमवरोप्परं संजोअेऊण गोयमा कयं देसपरिच्छाय-निच्छंय तेहिं ति जहा
वच्चाओ देसंतरं ति तत्थ णं कयाई पुअंति चिर-चित्ति ए मनोरहे हवइ य पव्वआए सए संजोगो जइ
दिव्वो बहुमन्नेआ जाव न उज्झिऊणं तं कमायं कुसत्थलं पडिवन्नं विदेसगमनं ।

मू. (६६२) अहन्नया अनुपहेणं गच्छमाणेहिं दिट्ठा तेहिं पंच साहुणो छट्ठं समणोवासणं ति
तओ भणियं नाइलेण जहा-भो सुमती भद्दमुह पेच्छ केरिसो साहु सत्थो ता एएणं चेव साहु-सत्थेणं
गच्छामो जइ पुणो वि नूनं गंतव्वं तेन भणियं एव होउ ति तआ सम्भिलिया तत्थ सत्ते-जाव णं
पयाणणं वहंति ताव णं भणिओ सुमती नातिलेणं जहा णं भद्दमुह मए हरिवंस-तिलय-मरगयच्छविणो
सुगहिय-नामधेअस्स बावीसइम-तित्थगरस्स णं अरद्धनेमि नामस्स पाय-मूले सुहनिसत्रेणं
एवमवधारियं आसी जहा जे एवंविहे अनगार-रुवे भवंति ते य कुसीले जे य कुसीले ते दिट्ठीए वि
निरक्खिउं न कप्पंति ता एते साहुणो तारिसे मणाणं न कप्पए एतेसिं समं अम्हाणं गमन-संसग्गी
ता वयंतु एते अम्हे अप्पमसत्थेणं चेव वइस्सामो न कीरइ तित्थयर-वयणस्सातिवक्कमो जओ णं
ससुरासुरस्सा वि जगस्स अलंघणिआ तित्थयर-वाणी अन्नं च-जाव एतेहिं समं गम्भइ ताव णं
चिट्ठउ ताव दरिसणं आलावादी नियमा भवंति ता किमम्हेहिं तित्थयर-वाणि उल्लंघित्ताणं गंतव्वं
रुवं तमनुभाणिऊणं तं सुमति हत्थे गहाय निव्वडिआल्ल नाइलो साहु-सत्थाओ ।

मू. (६६३) निविट्ठो य चक्खु-विसोहिए फासुग-भभू-पएसे तओ भणियं सुमइणा जहा

मू. (६६४) गुरूणो माया-वित्तस्स जेड्ड-भाया तहेव भइनीणं ।

जत्तुत्तरं न दिज्जइ हा देव भणामि किं तत्थ ॥

मू. (६६५) आएसमवीमाणं पमाणपुव्वं तह ति नायव्वं ।

मंगुलममंगुल वा तत्थ वियारो न कायव्वो ॥

मू. (६६६) नवरं एत्थ य मे दायव्वं अज्ज-मुत्तरमिमस्स ।

खर-फरुस-कक्कसाऽनिट्ठ-दुट्ठ-निट्ठर-सरेहिं तु ॥

मू. (६६७) अहवा कह उत्थल्लउ जीहा मे जेड्ड-भाउणो पुरतो ।

जस्सुच्छंगे विनियंसणो हं रमिओऽसुइ-विलित्तो ॥

मू. (६६८) अहवा कीस न लज्जइ एस सयं चेव एव पभणंतो ।

जदं नु कुसीले एते दिङ्गीए वी न दइव्वे ॥

मू. (६६९) साहुणो ति जाव न एवइयं वायर ताव णं इंगियागार-कुसलेणं मुणियं नाइलेणं-
जहा णं अलिय-कसाइओ एस मनगं सुमत्ती ता किमहं पडिभणामि ति चित्तिउं समाढत्तो ।

मू. (६७०) कज्जेण विना अंकडे एस पकुविओ हु तव संचिद्धे ।

संपइ अनुनिजंतो न याणिमो किं च बहु भन्ने ॥

मू. (६७१) ता किं अनुनेमिमिणं उयाहु वोलउ छणद्धतालं वा ।

जेनुवसमिय-कसओ पडिवज्जइ तं तहा सव्वं ॥

मू. (६७२) अहवा पत्थावमिणं एयस्स वि संसयं अवहरेमि ।

एस न याणइ मइ जाव विसेसं नपरिकहियं ॥

मू. (६७३) — ति चिदिऊणं भणिउमाढत्तो ।

मू. (६७४) नो देमि तुब्ब दोसं न यावि कालस्स देमि दोसमहं ।

जं हिय-बुद्धोए सहंयत्ता वि भणिया पकुर्थीते ॥

मू. (६७५) जीवाणं चिय एत्थं दोसं कम्मइ-जाल-कसियाणं ।

जे चउगइ-निष्किडणं हि ओवएसं न बुज्झंति ॥

मू. (६७६) घन-राग-दोस-कुग्गाह-मोह-मिच्छत-खवलिय-मणाणं ।

भाइ विसं कालउडं हिओवएसामय पइन्नं ति ॥

मू. (६७७) एवमायन्निऊण तओ भणियं सुमइणा जहा-तुमं चेव सत्थवादी भणसु एयाइं
नवरं न जुत्तमेयं जं साहुणं अवन्नवायं भासिज्जइ अन्नं तु-किं न पेच्छसि तुमं एएसिं महानुभागाणं
चेड्डियं छट्ठ-डुम-दसम दुवालस-मास-जमणाईहिं आहारगहणं गिम्हायवणइए वीरासण-उकुड्ड-
यासण-नाणाभिग्गाह-धारणेणं च कइ-तवोनुचरणेणं च पसुक्खं मंस-सोणियं ति महाउवासगो
सि तुमं महा-भासा-समिति विइया तए जेणेरिस-गुणोवउत्ताण पि महानुभागाणं साहुणं कुसीले
ति नामं संकप्पियंति तओ भणियं नाइलेणं जहा मा वच्छ तुमं एतेनं परिओसमुवयासु जहा अहयं
“सवारेणं परिमुसिओ अकाम-निज्जराए वि किंचि कम्मक्खयं भवइ किं पुन जं बाल-तवेणं ता
एते बाल-तवस्सिणो दइव्वे जओ णं किं किंचि उस्सुत्तमगयारित्तमेएसिं पइसे अन्नं च-वच्छ
सुमइ नत्थि ममं इमाणोवरिं को वि सुहुमो वि मनसावि उ पओसो जेणाहमेएसिं दोस-गहणं
करेमि किं तु मए भगवओ तित्थयरस्स सगासे एरिसमवधारियं जहा-कुसीले अदइव्वे ताहे भणियं
सुमइणा जहा —

जारिसो तुमं निबुद्धीओ तारिसो सो वि तित्थयरो जेन तुज्झमेयं वायरियंति तओ एवं भणमाणस्स
सहत्थेणं झंपिय मुह-कुहरं सुमइस्स नाइलेणं भणिओ य जहा-भइमुह मा जग्गेक्क-गुरुणो
तित्थयरस्सासायणं कुणसु मए पुन भणसु जहिच्छियं नाहं ते किंचि पडिभणामि तओ भणियं
सुमइणा जहा जइ एते वि साहुणो कुसीला ता एत्थं जगे न कोई सुसीलो अत्थि तओ भणियं
नाइलेणं जहा-भइमुह सुमइ एत्थं जयालंघणिज्ज वक्कस्स भगवओ वयणमायेयव्वं जं चऽत्थिक्क-
याए न विसंवेज्जा नो णं बालतवस्सीणं चेड्डियं जओ णं जिनयंदवयणेणं नियमओ ताव कुसीले
इमे दीसंति पव्वज्जाए-गंधं पि नो दीसए एसिं जेणं पेच्छ पेच्छ तावेयस्स साहुणो विइड्डियं मुहनंतं

दीसइ ता एस ताव अहिग-परिगह-दोसेण कुसीलो न एयं साहुणं भगवयाऽऽइइं जमहिय-परिगह-विधारणं कीरे ता वच्छ हीन-सत्तोऽहन्नो एसेवं मनसाज्जवसे जहा जइ ममेयं मुहनंतगं विप्पणस्सिहिइ ता वीयं कत्थ कहं पावेज्जा न एवं चित्तेइ मूढो जहा-अहिगाऽनुदओग्गेवही-धारणेणं पज्झं परिगह-वयस्स भंगं होही अहवा किं संजमेऽभिरओ-

एस मुहनंतगाअइसंजमोवओगधम्मोवगारणेणं वीसीएआ नियमओ न विसीए नवरमतानयं हीन-सत्तोऽहमिइ पायडेउम्मगायरणं चपयंसेइ पवयणं च मइलेइ ति एसो उ न पेच्छसि सामप्रचत्तो एएणं कल्लं तीए विनियणाइइत्तीए अंगयड्ढिं निज्झाइऊणं जं नालोइयं न पडिक्कंतं तं किं तए न विन्नायं एस उ न पेच्छसि परुद्ध-विप्फोडग-विम्हियाणणो एतेनं संपयं चेव लोयट्ठाए सहत्थेण-मदिन्न-खार-गहणं कयं तए वि दिट्ठमेयं ति एसो उ न पेच्छसि संघट्टिय कल्लो एएणं अनुग्गए सूरिरु उट्ठेह वच्चाओ उग्गयं सिरुयं ति तया विहसियमिणं एसो उ न पेच्छसीमेसिं जिट्ठ-सेहो एसो अज्ज रयणीए अनोवउत्तो पसुत्तो विञ्चुक्काए फुसिओ न एतेनं कप्प-कहणं कयं तहा पभाए हरिय-तण वासा-कप्पचलेणं संघट्टियं तहा बाहिरोदगस्स परिभोगं कयं वीयकायस्सोवरेणं परिसक्किओ अविहिए एस खार-थंडिलाओ म्हुंरं थंडिलं संकमिओ तहा-यह पडिवन्नेण साहुणा कम-सयाइक्कमे इरियं पिक्कामेयव्वं -

तहाचरेयव्वं तहा चिड्डयव्वं तहा भासेयव्वं तहा सएयव्वं जहा छक्कायमइगयाणं जीवाणं सुहुम-बायर-पज्जतापज्जत्त-गमागम-सव्वजीवपाणभूय-सत्ताणं संघट्टण-परियावण-किलामणोइयणं वा न भवेज्जा ता एतेसिं एवइयाणं एयस्स एकमवी न एत्थं दीसए जं पुन मुहनंतगं पडिलेहमाणो अज्जं मए एस चोइओ जहा एरिसं पडिलेहणं करे जे णं वाउक्कायं फडफडस्स संघट्टेआ सारियं च पडिलेहणाए संतियं कारियं ति जस्सेरिसं जयणं एरिसं सोवओगं हुंकाहिसि संजयमं न संदेहं जस्सेरिसमाउत्तत्तणं तुज्झं ति एत्थं च तए हं विणिवारिओ जहा णं भूगोवाहि न अन्हाणं साहुहिं समं किंचि भणेयव्वं कप्पे ता किमेयं ते विसुमरियं ता भद्दमुह एएणं समं संजम-त्थनंतराणं एगमवि नो परिक्खियं ता किमेस साहु भणेज्जा जस्सेरिसं पमत्तत्तणं न एस साहु जस्सेरिसं निद्धम्म-समपलत्तणं भद्दमुह पेच्छ पेच्छ सूणो इव नित्तिसो छक्काय-निमइणो कहाभिरमे एसो अहवा वरं सूणो जस्स णं सुहुमं वि नियम-वय-भंगं नो भवेज्जा एसो उ नियम-भंगं करेमाणो केणं उवमेज्जा ता वच्छं सुमइ भद्दमुह न एरिस कत्तव्यायरणाओ भवन्ति साहु एतेहिं च कत्तव्वेहिं तित्थयर-वयणं सरेमाणो को एतेसिं बंदनगमवि करेज्जा अन्नं च एएसिं संसग्गेणं कयाई अन्हाणं पि चरण-करणेसुं सिद्धिलत्तं भवेज्जा जे णं पुणो पुणो आहिंडेमो धोरं भवपरंपरं तओ भणियं सुमइणा जहा -

जइ एए कुसीले जइ सुसीले तहा वि मए एएहिं समं गंतव्वं जाव एएसिं समं पव्वआ कायव्वा जं पुन तुमं करेसि तमेव धम्मं नवरं को अज्ज तं समायरिउं सक्का ता मुयसु करं मरु एतेहिं समं गंतव्वं जाव णं नो दूरं वयंति से साहुणो द्वित्त तओ भणियं नाइलेणं भद्दमुह सुमइ नो कल्लाणं एतेहिं समं गच्छमाणस्स तुज्झं ति अहयं च तुव्वं हिय-वयणं भणामि एवं ठिए जं चेव बहु-गुणं तमेवानुसेवयं नाहं ते दुक्खेणं धरेमि अह अन्नया अनेगोवाएहिं पि निवारिज्जंतो न ठिओ गओ सो मंद-मागो सुमती गोवमा पव्वइओ य अह अन्नया वच्चेतेनं मास-पंचगेणं आगओ-महारोरवो दुवा-लस-संवच्छरिओ दुब्भिक्खो तओ ते साहुणो तक्कालदोसेणं अनालोइय-पडिक्कंते मरिऊणो-ववत्रे भूय-

जखरखस-पिसायादीणं वाणमंतरदेवाणं वाहणत्ताए तओ वि चविऊणं मिच्छजातीए कुणिमाहार-कूरज्झ-वसाय-दोसओ सत्तमाए तओ उव्वड्डिऊणं तइयाए घउवीसिगाए सम्मत्तं पाविहिंति तओ य सम्मत्तं-लंभ-भवाओ तइय-भवे छउरो सिज्झिहिंति एगो न सिज्झिहिंति जो सो पंचमगो सव्व-जेडो जओ णं सो एगंत-मिच्छ-दिट्ठी-अभव्वो य से भयलवं जे णं सुमती से भव्वे उयाहु अभव्वे गोयमा भव्वे से भयवं जइ-णं भव्वे ता णं मए समाणे कहिं समुप्पन्ने गोयमा परमाहम्मियासुरेसुं ।

मू. (६७८) से भयवं किं भलवेपरमाहम्मियासुरेसुं समुप्पज्जइ गोयमा जे केई घर-राग-दोस-मोह-मिच्छतोदएणं सुववसियं पि परम-हिओवएसं अवमन्नेत्ताणं दुवालसंगं च सुय-नाणमप्पमाणी करीअ अयामित्ता य समय-सब्बावे अनायारं पसंसिया णं तमेव उच्छपेज्जा जहा सुमइणा उच्छपियं न भवति एए कुसीले साहुणा अहा णं एए वि कुसीले ता एत्थं जगे न कोई सुसीलो अत्थि निच्छियं मए एतेहिं समं पव्वज्जा कायव्वा तहा जारिसो तं निबुद्धीओ तारिसो सो वि तित्थयरो ति एवं उच्चारमाणेणं से णं गोयमा महंतं पि तवमनुडेमाणे परमाहम्मियासुरेसु उववजेज्जा से भयवं परमाहम्मिया सुरदेवाणं उव्वडे समाणे से सुमती कहिं उवजेज्जा गोयमा तेनं मंद-भागेणं अनायार-पसंसुच्छप्यनं-करेमाणेणं सम्मग-पणासंगं अभिनंदियं तक्कम्मदोसेणं अनंत-संसारियत्तणमज्जियंतो केत्ति ए उव्वाए तस्स साहेज्जा जस्स णं अणेग-योग्गल-परियट्ठेसु वि नत्थि चउगइ-संसाराओ अवसानं ति तगा तगा वि संखेवओ सुणसु गोयमा इणमेव जंहुदीवे दीवं परिकिखविऊणं ठिए जे एस लवणजलही एयस्स णं जं ठामं सिधू महानदी पविट्ठा तप्पएसओ दाहिणेणं दिसाभगेणं पणपन्नाए जोयणेसु वेइयाए मज्झंतरं अत्थि पडिसंताव-दायगं नाम अद्धतेरस-जोयण-पमाणं हत्थिकुभायारं थलं तयस्स य लवण-जलोवरेणं अद्धुइ-जोयणाणी उस्सेहो तहिं च णं अच्चंत-घोर-तिमिसंघयाराओ घडियालगसंठाणाओ सीयालीसं गुहाओ तासुं च णं जुगं जुगेणं निरंतरे जल्यारीणो मनुया परिवसंति ते य वज्ज-रिसभ-नाराय-संघयणे महाबलपरक्कमे अद्धतेरस-रयणी-पमाणेणं संखेज्ज-वासाऊ महु-मज्झ-मंसप्पिए सहावओ इत्थिलोले परम-दुव्वन्न-सुइमाल-अनिद्ध-खर-फरुसिय-तनू मायंगवइ-कयमुहे सीह-घोरदिट्ठी-कयंत-मीसणे अदाविय पट्ठी असणि व्व निद्धर-पहारी दप्पुद्धरे य भवति तेसिं ति जाओ अंतरंड-गोलियाओ ताओ गहाय चमरीणं संतविअहिं सेय-पुंछवालेहिं गुंथिऊणं जे केइ उभय-कन्नेसुं निबंघिऊणं महग्घुत्तम-जच्च-रयणत्थी सागरमनुपसिवेज्जा—

से णं जलहत्थि-महिस-गोहिग-मयर-महामच्छ-तंतु-सुंसुमार-पभितीहिं दुइ-सावतेहिं अभेसिए चैव सव्वं पि सामर-जलं आहिडिऊणं जहिच्छाए जच्च-रयण-संगहं दारुणं दुक्खं पुव्वज्जिय रोह-कम्म-वसगा अनुभवति से भयवं केण अट्टेणं गोयमा तेसिं जीवमाणेणं कोस-मज्जे ताआ गोलियाओ गहेउं जे जया उणं ते धिप्पंति तथा बहुविहाहिं निर्यतणाहिं महया साहसेणं सन्नद्ध-बद्ध-करवाल-कुंत-थक्काइ-पहरणाडोवेहिं बहु-सूर-धीर-पुरिसेहिं बुद्धीपुव्वगेणं सजी-विय-डोलाए धेप्पंति तेसिं च धेप्पमाणेणं जाइं सारीर-माणसाइं दुक्खाइं भवति ताइं सव्वेसुं नारय-दुक्खेसु जइ परं उवमेज्जा से भयवं को उन ताओ अंतरंड-गोलियाओ गेणहेज्जा गोयमा तत्तेव लवण-समुद्धे अत्थि रयण-दीवं नाम अंतर-दीवं तस्सेव पडिसंताव-दायगाओ थलाओ एगीतसाए जोयण-सएहिं तं निवासिणो मनुया भवति भयवं कयरेणं पओगेणं खेत्त-सभाव-सिद्ध-पुव्वपुरिस-सिद्धेणं च विहाणेणं से भयवं

कयरे उ न से पुव्व-पुरिस-सिद्धे विही तेसिं ति गोयमा तहियं रयण-दीवे अत्थि वीसं-एगूण-वीसं अट्टारस, दसह-सत्तधनू-पमाणाइं धरसंझाणाइं वरयइर-सिला-संपुडाइं ताइं च विघाडेऊणं ते रयणदीवनिवासिणो मनुया पुव्व-सिद्ध-खेत्त-सहस-सिद्धेणं तेव जे मेणं पणुत्त-सिद्धिमा-महूअ अम्मंतरओ अच्चंत-लेवाडाइ काऊणं तओ तेसिं पक्क-मंस-खंडाणि बहूणि जइ-महु-मज्झ-भंडगाणि पक्खिं वंति -

तओ एयाइं करिय सुरुंद-दीह-महहुम-कट्टेहिं आरुंभि-त्ताणं सुसाउ-पोराण-मज्झ-मच्छिगा महुओ य पडिपुत्रे बहूए लाउगे गहाय पडिसंतावदायग-थ-लभागच्छंति जाव णं तत्थादए समाणे ते गुहावासिणो मनुया पेच्छंति ताव णं तेसिं रयणदीवग-निवासिमनुयाणं वहाय पडिधावंति तओ ते तेसिं य महुपडिपुत्रं लाउगं पयच्छिऊणं अल्लत्थ पओगेणं तं कट्ट-जाणं जइणयर-वेगं दुवं खेविऊणं रयणदीवाभिमुहं वच्चंति इयरे य तं महुमासादियं पुणो सुद्धयरं तेसिं पिट्ठीए धावंती ताहे गोयमा जाव णं अस्मासन्ने भवंति ताव णं सुसाउ-महु-गंध-दव्व-सक्करिय-पोराण-मज्झं लाउगमेगं पमोत्तूणं पुणो वि जइणयरवेगेणं रयणदीव-हुत्तो वच्चंति इयरे य तं सुसाउ-महु-गंधदव्व-संसक्करिय पोराण-मज्झामासाइयं पुणो सुदक्खयरे तेसिं पिट्ठीए धावंति पुणो वि तेसिं महु-पडिपुत्र लाउगमेगं मुंचति -

एवं ते गोयमा महु-मज्झ-लोलीए संपल्लगे तावाणयंति जाव न ते घरह-संठाणे वइरसिला-संपुडे ता जाव णं तावइयं भू-भागं संपरावंति ताव णं जमेवासन्नं वइरसिला संपुडं जंभायमाण-पुरिसमुहागारं विहाडियं चिट्ठइ तत्थेव जाइं महु-मज्झ-मंस-पडिपुत्राइं समुद्धरियाइं सेस-लाउगाइं ताइं तेसिं पिच्छमाणाणं ते तत्थ मोत्तूणं निय-निय-निलएसु वच्चंति इयरे य महु-मज्झ-लोलीए जाव णं तत्थ पविसंति ताव णं गोयमा जे ते पुव्व-मुक्के पक्क-मंस-खंडे जे य ते महु-मज्झ-पडिपुत्रे भंडगे जं च महुए चेवालित्तं सव्वं तं सिला-संपुडं पेक्खंति ताव णं तेसिं महंत परिओसं महंत तुड्ढिं महंतं पमोदं भवइ एवं तेसिं महु-मज्झ-मंस परिभुंजेमाणेणं जाव णं गच्छंति सत्तह-दस-पंचेव वा दिनानि ताव णं ते रयणदिव-निवासी-मनुया एगे सन्नद्ध-वद्ध-साउह-करग्गा तं वइरसिलं वेढिऊणं सत्तह-पंतीहिं णं ठंति अन्ने तं घरह-सिला-संपुडमायालित्ताणं एगडं मेलंति तम्मि य मेलिज्जमाणे गोयमा जइ णं कहिं चि तुडित्तिभागओ तेसिं एक्कस्स दोण्हं पि वा निष्फेडं भवेज्जा तओ तेसिं रयणदीवनिवासि-मनुयाणं स-विडवि-पासाय-मंदिरस्स चुप्पयाणं तक्खणा चेव -

तेसिं हत्था संघार-कालं भवेज्जा एवं तु गोयमा तेसिं-तेनं-वज्झ-सिला-घरह-संपुडेणं गिलियाणं पि तहियं चेव जाव णं सव्वट्ठिए दलिऊणं न संपीसिए सुकुमालिया य ताव णं तेसिं नो पाणाइक्कमं भवेज्जा तेय अट्ठी वइरमिव दुहले तेसिं तु तत्थ य वइर-सिला-संपुडं कण्हग-गोणगेहिं आउत्तमादरेणं अरहह-घरह-खर-सण्हिग-चककमिव परि-मंडल ममालियं ताव णं खंडंति जावणं संवच्छरं ताहे तं तारिसं अच्चंत-घोर-दारुणं सारीर-माणसं महा-दुक्ख-सन्निवायं समनुभवेमाणामं पाणाइक्कमं भवइ तहा वि ते तेसिं अट्ठिगे नो फुडंति नो दो फले भवंति नो संदलिज्जंति नो विदलिज्जंति नो थपधरिसंति नवरं जाइं काइं वि संधि-संधाण-बंधनाइं ताइं सव्वाइं विच्छुडेत्ता णं विय जज्जरी भवंति तओ णं इयरुवल-घरहस्सेव परिसवियं चुन्नमिव किंचि अंगुलाइयं अट्ठि-खंडं दट्ठुणं ते रयणदिवगे परिओसमुव्वहंते सिला-संपुडाइं उद्धियाडिऊणं ताओ अंतरंड-गोलियाओ गहाय जे

त्य तुच्छहणे ते अनेग-रित्य संघाएणं विक्किणंति एतेनं विहाणेणं गोयमा ते रयणदीव-निवासिणो मनुया ताओ अंतरंड-गोलियाओ गेण्हंति से भयवं कहं ते वराए तं तारिसं अर्धंतघोर-दारुण-सुदूसहं दुक्ख-नियरं विसहमाणो निराहार-पानगे संवच्छरं जाव पाणे वि धारयंति गोयमा सकय-कम्मानुभावओ सेसं तु पणहावागरणवुद्ध धिवरणादवसेयं ।

मू. (६७९) से भयवं तओ वी मए समाणे से सुमती जीवे कहं उववायं लमेजा गोयमा तत्थेव पिसंतावदायगथले तेनेव कमेणं सत्त-भवंतरे तओ वि दुद्ध-साणे तओ वि कण्हे तओ वि वाणमंतरे तओ विं लिबत्ताए वणस्सईए तओ वि मणसुएसुं इत्थित्ताए तओ वि छट्ठीए तओ वि मनुयत्ताए कुट्ठी तओ वि वानमंतरे तओ वि महाकाए जूहाहिवती गए तओ वि मरिऊणं मेहुणास्से अनंत-वणप्फतीए तओ वि अनंत-कालाओ मनुएसुं संजाए तओ वि मनुए महानेमिती तओ वि सत्तमाए तओ वि महामच्छे चरिमोयहिम्पि तओ सत्तमाए तओ वि गोणे तओ वि मनुए तओ वि विडव-कोइलियं तओ वि जलोयं विमहामच्छे तओ वि तंदुलमच्छे तओ वि सत्तमाए तओ वि रासहे तओ वि साणे तओ वि किमी तओ वि दुरे तओ वि तेउ-काइए तओ वि कुंथू तओ वि भहुयरे तओ वि चडए तओ वि उद्देहियं तओ वि वणप्फतीए तओ वि अनंत कालाओ मनुएसु इत्थीरयणं तओ वि छट्ठीए तओ कणेरु तओ वि वेसामंडियं नाम पट्टणं-तत्थोवज्झाय-गेहासन्ने लिबत्तेणं वणस्सई तओ वि मनुएसुं खुज्जित्थी जआ वि मनुयत्ताए पंडगे तओ वि मनुयत्तेणं दुग्गाए तओ वि दमए तओ वि पुढवादीसुं भव-काय-ट्टितीए पत्तेयं तओ मनुए तओ बाल-तवस्सी तओ वाणमंतरे तओ वि पुरोहिए तओ वि सत्तमीए तओ वि मच्छे वि सत्तमाए तओ वि गोणे तओ वि मनुए महासम्मदिट्ठी ए अलविरए चक्कहरे तओ पढमाए तओ वि इम्मे तओ वि समणे अनगारे तओ वि अनुत्तरसुरे तओ वि चक्कहरे-महा-संघयणी भवित्ता णं निव्विन्न-काम-भोगे जहोवइट्ठं संपुत्रं संजमं काऊण गोयमा से णं सुमइ-जीवे परिनिव्वुडेजा ।

मू. (६८०) तहा य जे भिक्खू वा भिक्खूणीवा परपासंडीणं पसंसं करेजा जे या वि णं निण्हगाणं पसंसं करेजा जे णं निण्हगाणं अनुकूलं भासेजा जे णं निण्हगाणं आययणं पविसेजा जे णं निण्हगाणं गंध-सत्थ-पयक्खरं वा परुवेजा जे णं निण्हगाणं संतिए काय-किलेसाइए तवे इ वा संजमे इ वा नाणे इ वा विन्नाणे इ वा सुए इ वा पंडिस्से इ वा अभिमुह-मुख-परिसा-मज्झ-गए सलाहेजा से वि य णं परमाहम्मिएसुं उववज्जेजा जहा सुमती ।

मू. (६८१) से भयवं तेनं सुमइ जीवेणं तक्कालं समणत्तं अनुपालियं तहा वि एवंविहेहि नारय-तिरिय-नरामर विचित्तोवाएहिं एवइयं संसाराहिंडणं गोयमा णं जमागम-बाहाए लिंगगहणं कीरइ तं दंभमेव केवलं सुदीहसंसारहेऊमूयं नो णं तं परियायं संजमे लिक्खइ तेनेव य संजमं दुक्करं मन्ने अन्नं च समणत्ताए एसे य पढमे संजम-पए जं कुसील-संसङ्गी-निरिहरणं अहा णं नो निरिहरे ता संजममेव न ठाएजा ता तेनं सुमइणा तमेवायरियं तमेव पसंसिय तमेव उस्सप्पियं तमेव सलाहियं तमेवाणुट्ठियं ति एयं च सुत्तमइक्कमित्ताणं एत्थं पए जहा सुमती तहा अन्नेसिमवि सुंदर-विउर-सुदंसण-सेहरणीलभदा-सभोमे य-खग्गधारी तेनग-समण-दुद्धत-देवरक्खिय-मुनि-नामादीणं को संखाणं करेजा ता एयमट्ठं विइत्ताणं कुसीलसंभोगे सब्बहा वज्जणीए ।

मू. (६८२) से भयवं किं ते साहुणो तसंसं णं नाइल-सट्ठगस्स छंदेणं कुसीले उयाहु आगम-

जुत्तीए गोयमा कहं सङ्गस्स वारयस्सेरिसो सामत्थो जो णं तु सच्छंदत्ताए महानुभावानं सुसाहूणं
अवन्नवायं भासे तेनं सङ्गणेणं हरिवसं-तिल्लय-मरगयच्छविणो बावीसइ-धम्म-तित्थयर-अरिङ्कनेमि
नामस्स सयासे वंदन-वत्तिथाए गहणं आधारेणं अनंत-गमपञ्जवेहिं पन्नविज्जमाणं समवधारियं
तत्थ य छत्तीसं आयारे पन्नविज्जंति तेसिं च णं जे केइ साहू वा साहुणी वा अन्नयरमायारमइकमेज्जा
से णं गारत्थीहिं उवमेयं अहन्नहा समनुट्टे वाऽऽयरेज्जा वा पन्नवेज्जा वा तओ णं अनंत-संसारो
भवेज्जा ता गोयमा जे णं मुहनंतगं अहिणं परिग्गहियं तस्स ताव पंचम महव्वयस्स भंगो जे णं तु
इत्थीए अंगोवगाइं निज्झाइऊणं नालोइयं तेनं तु बंभचेरगुत्ती विराहिया तत्विंराहणेणं जहा एग-
देसदट्ठो पडो दट्ठो भन्नइ तहा चउत्थ-महव्वयं भगं जेणं य सहत्थेणुप्पाडिऊणादिन्ना भूइं पडिसाहिया
तेनं तु तइय-महव्वयं भगं जे न य अनुग्गओ वि सूरिओ उग्गओ भणिओ तस्स य बीय-वयं भगं
जेणं उ न अफासुगोदगेण अच्छीणि पडोयाणि तहा अविहीए पड्यंडिछाणं संकमणं कयं बीयं
कायं च अकंतं वासा-कप्पस्स अंचलग्गेणं हरियं संघट्टियं विज्जूए फूसिओ मुहनंतगेणं अजयणाए
फडफडस्स वाउक्कायमुदीरियं ते णं तु पढम-वयं भगं तब्भंगे पंचण्हे पि महव्वयाणं भंगो कओ
ता गोयमा आगमजुत्तीए एते कुसीला साहुणो जे इ णं उत्तरगुणाणं पि भगं न इट्ठं किं पुन जं मूल-
गुणाणं से भयवं ता एय नाएणं वियारिऊणं महव्वए घेतव्वे गोयमा इमे अट्टे समट्टे से भयवं के णं
अट्टेणं गोयमा सुमने इ वा सुसावए इ वा न तइयं भेयंतरं अहवा जहोवइट्ठं सुसमणत्तमनुपालिया
अहा णं जहोवइट्ठं सुसावगत्तमनुपालिया नो समणो सुसमणत्तमइयरेज्जा नो सावए सावगत्तमइयरेज्जा
निरइयारं वयं पसंसे तमेव य समनुट्टे नवरं जे समणधम्मं से णं अच्चंत-घोर-दुद्धरे तेनं असेस-
कम्मक्खयं जहन्नेणं पि अट्ठं भवब्भंतरे मोक्खो इयरेणं तु सुद्धेणं देव-गइं सुमानुसत्तं वा साय-
परंपरेणं मोक्खो नवरं पुणो वि तं संजमाओ ता जे से समण-धम्मं से अवियारे सुवियारे पन्न
वियारे तह ति मनुपालिया उवासगाणं पुन सहस्साणि विधाने जो जं परिवाले तस्साइयारं च न
भवे तमेव गिण्हे ।

मू. (६८३) से भयवं सो उन नाइल-सङ्गो कहिं समुप्पन्नो गोयमा सिद्धीए से भयवं कहं
गोयमा ते णं महानुभागेणं तेसिं कुसीलाणं संसग्गि नितुट्ठेउणं तीए चेव बहु सावय-तरु-संड-
संकुलाए घोर-कंताराडवीए संव्व-पाव-कलिमल-कलंक-विप्पमुक्क तित्थयर-वयणं परमहियं सुदुल्लहं
भवसएसुं पि ति कलिऊणं अच्चंत-विमुद्धासएणं फासुद्धेसम्मि निप्पडिकम्मं निरइयारं पडिवन्नं
पडिवन्नं पायवोगमनमनसनं ति अहन्नया तेमेव पएसेणं विहरमाणो समागओ तित्थयरो अरिङ्कनेमी
तस्स य अनुग्गहट्ठाए तेने य अचलिय-सत्तो भव्वसत्तो ति काऊणं उत्तिमट्ठ-पसाहणी कया साइसया
देसना तमायन्नमाणो सजल-जलहर-निनाय-देव-दुंदुही-निग्घोसं तित्थयर-भारइं सुहज्झवसायमपरो
आरुढो-खवग-सेढीए अउव्वकरणेणं अंतगड-केवली-जाओ एते णं अट्टेणं एवं वुच्चइ जहा णं
गोयमा सिद्धीए ता गोयमा कुसील संसग्गीए विप्पहियाए एवइयं अंतरं भवइ ति ।

अध्ययन-४ - समाप्तम्

०-४-०-४-०

मू. (अत्र चतुर्थाध्ययने बहवः सैद्धान्तिकाः केचिदालापकान् न सन्धक् श्रद्धात्वेनैव तैरश्रद्धानेरस्माकमपि न सन्धक्
श्रद्धानं इत्याह हरिभद्रसूरिः न पुनः सर्वमेवेदं चतुर्थाध्ययनं अन्यानि वा अध्ययनानि अस्यैव कतिपयैः परिमितैराला-

पकैरश्चानमित्यर्थः यत् स्थान-समवाय-जीवाभिगम-प्रज्ञापनादिषु न कथंचिदमावृद्धे यथा प्रतिसंतापक-स्थूलमस्ति तद्गुहावासिनस्तु मनुजास्तेषु च परमाह धार्मिकाणां पुनः पुनः सप्ताष्टवारान् यावदुपपातस्तेषां च तैः परमाह धार्मिकाणां पुनः पुनः सप्ताष्टवारान् यावदुपपातस्तेषां न तैर्दारुणैर्वैज्रशिला-धरद्वै-संपुटै-र्गलितानां परिपीडयमाना-नामपि संवत्सरं यावत् प्राणव्यापसिर्न भवतीति वृद्धवादस्तु पुनर्यथा तावदिदमार्थसूत्रं विकृतिर्न तावन्न प्रविष्ट्य प्रभताश्चात्र श्रुतस्कंधे अर्थाः सुष्ठवतिशयेन सातिश-यानि गणधरोक्तानि चेह वचनानिर्ग तदेव स्थिते न किंचिदाशङ्कनीयम् इति)

०-५-०-५-०

अध्ययनं - ५ - नवनीत सारं

- मू. (६८४) एवं कुसीलं-संसर्गि सब्बोवाएहिं पयहिउं ।
उम्मग्ग-पड्डियं गच्छं जे वासे लिंग-जीविण ॥
- मू. (६८५) से णं निव्विग्घमकिलिडुं सामन्नं संजमं तवं ।
न लभेज्जा तेसिं यामावे मोक्खे दूरयरं ठिए ॥
- मू. (६८६) अत्थेगे गोयमा पाणी जे ते उम्मग्ग-पड्डियं ।
गच्छं संवासइत्ताणं भमती भव-परंपरं ॥
- मू. (६८७) जामद्ध-जाम-दिन-पक्खं पासं संवच्छरं पि वा ।
उम्मग्ग-पड्डिए गच्छे संत्तममाणस्स गोयमा ॥
- मू. (६८८) लीलायऽलसमाणस्स निरुच्छाहास्स धीमणं ।
पेक्खो वक्खीए अन्नसुं महानुभागाणं साहुणं ॥
- मू. (६८९) उज्जमं सव्व-थामेसुं घोर-वीर-तवाइयं ।
ईसक्खा-संक-मय-लज्जा तस्स वीरियं समुच्छले ॥
- मू. (६९०) वीरिएणं तु जीवस्स समुच्छलिएण गोयमा ।
जम्भंतरकए पावे पाणी हियएण निडुवे ॥
- मू. (६९१) तन्हा निउणं मइ भालेउं गच्छं संमग्गपड्डियं ।
निवसेज्ज तत्थ आजम्भं गोयमा संजए मुणी ॥

मू. (६९२) से भयवं कयरे णं से गच्छे जे णं वासेज्जा एवं तु गच्छस्स पुच्छा जाव णं वयासी गोयमा जत्थ णं सम-सत्तु-मित्त-पक्खरे अच्चंत-सुनिम्मल-विसुद्धंत-करणे आसायणा-भीरु सपरो-वयारमब्भुज्जए अच्चंत-छज्जीव-निकाय-वच्छले सव्वालंबण-विष्णुमुक्के अच्चंतमप्पमादी सविसेस-वित्ति-समय-सब्बावेरोद्धट्ट-ज्जाण-विष्णुमुक्के सव्वत्थ अणिगूहिय-बल-वीरिय-पुरिसक्कार-परक्कमे एगंतेनं संजती-कप्प-परिभोग-विरए एगंतेन धम्मंतराय-बल-वीरिय-पुरिसक्कार-परक्कमे एगंतेनं संजती-कप्प-परिभोग-विरए एगंतेन धम्मंतराय-भीरु एगंतेनं तत्त-रुई एगंतेनं जहा सत्तीए अट्टारसण्हं सीलंग-सहस्साणं आराहगे सयलमहन्निसाणुसमयमगिलाए जहोवइड्ड-मग्ग-परुवए बहु-गुण-कलिए मग्गाट्टिए सपरोवयारमब्भुज्जए अच्चंतं अखलिय-खीले महायसे महासत्ते महानुभागे नाण-दंसण-चरण-गुणोववेए गणी ।

मू. (६९३) से भयवं किमेस वासेज्जा गोयमा अत्थेगे जे णं वासेज्जा अत्थेगे जे णं नो वासेज्जा से भयवं केणं अट्टेणं एवं धुच्चइ जहा णं गोयमा अत्थेगे जे णं आणा-विराहगे जे णं आणा-ठिए से

णं सम्मदंसण-नाण-चरित्तराहगे जे णं सम्मदंसण-नाण-चरित्तराहगे से णं गोयमा अद्यंत-विऊ सुपवरकम्मुज्जए भोक्खमग्गे जे य उ णं आणा-विराहगे से णं अनंतानुबंधी कोहे से णं अनंतानुबंधी-माने से णं अनंतानुबंधी कइयवं से णं अनंतानुबंधी लोभं जे णं अनंतानुबंधी कोहा-इकसाय-चउक्के से णं घण-राग-दोस-मोह-मिच्छत्त-पुंजे जे णं घन-राग-दोस-मोह-मिच्छत्त-पुंजे से णं अनुत्तरे घोर-संसारे समुद्दे जे णं अनुत्तर-घोर-संसार-समुद्दे से णं पुणो पुणो जम्मं पुणो पुणो जरा पुणो पुणो मच्चू जे णं पणो पुणो जम्म-जरा-मरणे से न पुणो पुणो बहू भवंतर-परावत्ते जे णं पुणो पुणो बहू भवंतर-परावत्ते से णं पुणो पुणो चुलसीइ-जोगि-लक्खमाहिंडणं जे णं पुणो पुणो चुलसीइ-जोनि-लक्खमाहिंडणं से णं पुणो पुणो सुदूसहे घोर-तिमिसंधयारे रुहिर-चिलिच्चिल्ले वसापूय-वंत-पित्त-सिंभ-चिक्खल-दग्गंधासुइ-चिलण-जंवाल-केस किच्चिसखरंट पडिपुञ्जे अनिद्ध-उच्चियणिञ्ज-अइघोर-चंडमहारोद्धुक्खदारुणे गब्भ-परंपरा-पवेसे जे णं पुणो पुणो दारुणे गब्भ-परंपरा-पवेसे से णं दुक्खे से णं केसे से णं रोगायंके से णं सोग-संतावुच्च्येयगे जे णं दुक्ख-केस-रोगायंक-सोग-संतावुच्च्येयगे से णं अनिव्युत्ती-

जे णं अनिव्युत्ती से णं जहिद्ध-मनोरहाणं असंपत्ती जे णं जहिद्धमनोरहाणं असंपत्ती से णं ताव पंचप्पयार-अंतराय-कम्मोदए जत्थ णं पंचप्पयार-अंतराय-कम्मोदए तत्थ णं सव्व-दुक्खाणं अग्गनीभूए पढमे ताव दारिद्दे जे णं दारिद्दे से णं अयसब्भक्खाण अकित्ती-कलंकरासीणं मेलावगागमे जे णं 'यसब्भक्खाण-अकित्ती-कलंक-रासीणं मेलावगागमे से णं सयल-जण-लज्जणिञ्जे निंदणिञ्जे गरहणिञ्जे खिसणिञ्जे दुगुंछणिञ्जे सव्व-परिभूए जीविए जे णं सव्व-परिभूए जीविए से णं सम्मदंसण-नाण-चारित्ताइ गुणेहिं सुदूरयेरणं विप्पमुक्के चेव मनुय जम्मे अन्नहा वा सव्व परिभूए चेव न भवेज्जा जे णं सम्मदंसण-नाण-चरित्ताइ गुणेहिं सुदूरयेरणं विप्पमुक्के चेव न भवे से णं अनिरुद्धसयदारत्ते चेव जे णं बहल-धूल-पावकम्माययणे जे णं बहल-धूल-पाव-कम्माययणे से णं बंधे से णं बंधी से णं गुत्ती से णं चारगे से णं सव्वमकल्लाणममगंल-जाले दुच्चिमोक्खे कक्खड-धन-बद्ध-पुट्ट-निकाइए कम्म-गंठी जे णं कक्खड-धन-बद्ध-पुट्ट-निकाइय-कम्म-गंठी से णं एण्हियत्ताए बेइंदियत्ताए तेइंदियत्ताए चउरिं-दियत्ताए पंचेइंदियत्ताए नारय-तिरिच्छ-कुमानुसेसुं अनेगविहं सारीर-माणसं दुक्खमनुभवमाणे णं वेइयव्वं एएणं अट्ठेणं गोयमा एवं बुद्धइ जहा जत्थेगे जे णं वासेज्जा अत्थेगे जे णं नो वासेज्जा ।

मू. (६९४) से भयवं किं मिच्छत्ते णं उच्छाइए गेइ गच्छे भवेज्जा गोयमा जे णं से आणा-विराहगे गच्छे भवेज्जा से णं निच्छयओ चेव मिच्छत्तेणं उच्छाइए गच्छे भवेज्जा से भयवं कयरा उ न सा आणा जीए ठिए गच्छे आराहगे भवेज्जा गोयमा संखाइएहिं धाणंतरेहिं गच्छस्स णं आणा पन्नत्ता जीए ठिए गच्छे आराहगे भवेज्जा ।

मू. (६९५) से भयवं किं तेसिं संखातीताणं गच्छमेरा धाणंतराणं अत्थि केइ अन्नयरे धाणंतरेणं जे णं उसग्गेणं वा अववाएण वा कहं चिय पमाय-दोसेणं असई अइक्कमेज्जा अइक्कतेनं वा आराहगे भवेज्जा गोयमा निच्छओ नत्थि से भयवं के णं अट्ठेणं एवं बुद्धइ जहा णं निच्छयआ नत्थि गोयमा तित्थयरे णं ताव तित्थयरे तित्थे पुन चाउवन्ने समणसंघे से णं गच्छेसुं पइडिंए गच्छेसुं पि णं सम्मदंसण-नाण-चारित्ते पइडिंए ते य सम्मदंसण-नाण-चारित्ते परमपुज्जाणं पुज्जयरे परम-सरन्नाणं

सरन्ते परम-सेव्याणं सेव्यारे तां च तत्थ णं गच्छे अन्नयरे ठाणे कत्थइ विराहिजंति से णं गच्छे सम्मग-पणासए उम्मग-देसए जे णं गच्छे सम्मग-पणासगे उम्मग-देसए से णं निच्छयओ चेव अनाराहगे एएणं अट्टेणं गोयमा एवं वुझइ जहा णं संखादीयाणं गच्छ-मेरा ठाणंतराणं जे णं गच्छे एगमन्नयरद्धानं अइक्कमेज्जा से णं एगंतेनं चेव आणाविराहगे ।

मू. (६९६) से णं भयवं केवइयं कालं जाव गच्छस्स णं मेरा पन्नविद्या केवतियं कालं जाव णं गच्छस्स मेरा नाइक्कमेयव्वा गोयमा जाव णं महायसे महासत्ते महानुभागे दुप्पसहे णं अनगारे ताव णं गच्छमेरा पन्नविद्या जाव णं महायसे महासत्ते महानुभागे दुप्पसहे अनगारे ताव णं गच्छमेरा नाइक्कमेयव्वा ।

मू. (६९७) से भयवं कयरेहि णं लिंगेहि वइक्कमियमेरं आसादना-बहुलं उम्मग-पट्टियं गच्छं वियाणेज्जा गोयमा जं असंठवियं सच्छंदयारिं अमुनियसमयसब्भावं लिंगेवजीविं पीढग फलहग-पडिबद्धं अफासु-बाहिर-पानग-परिभोइं अमुणिय-सत्तमंडली-धम्मं सव्वावस्सग-कालाइक्कमयारिं आवस्सग-हाणिकरं ऊणाइरित्ता-वस्सगपवत्तं गणणा-पमाण-ऊणाइरित्त-रयहरण-पत्तदंडग-मुहन्तगाइ-उवगरणधारिगुरुवगरण-परिभोइं उत्तरगणविराहगं गिहत्थच्छंदाणुवित्ताइं सम्मानपवित्तं पुढवि-दगागणि-वाऊ-वणप्फती-वीय-काय-तस-पान-वि-ति-चउ-पंचेदियाणं कारणे वा अकारणे वा असती पमाय-दोसओ संघट्टणादीसुं अदिह-दोसं आरंभ-परिग्गह-पवित्तं अदिन्नालेयणं विगहा-सीलं अकालयारिं अविहि-संगहिओवगहिय-अपरिक्खिय पव्वा वि उवट्ठाविय-असिक्खाविय-दसविह-विनय-सामायारिं लिंगिणं इट्ठि-रस-साया-गारव-जाइयमय-चउक्कसाय-ममकार-अहंकार-कलि-कलह-झंझा-डमर-रोद्धट्टज्झाणोवगयं अठाविय-बहु-मयहरं दे देहि त्ति निच्छोडि-यकरं बहु-दिवस-कय-लोयं विज्जा-मंत-तंत-जोग-जाणाहिज्ज नेक्कबद्धकक्खं अवूढ-मूलजोग-निओगं दुक्कालाई-आलंबणमासज्ज अकप्प-कीयगाइपरिमुंजणसीलं जं किं चि रोगायं कमालंबिय त्ति गिच्छाहिणं दणसीलं जं किं चि रोगायं कमासीय दिय-तुयट्टण-सीलं कुसील संभासणाणु-वित्तिकरणसीलं अगीयत्थ-सुह-विणिग्गय-अनेग-दोस-पायट्ठि-वयणाणुट्ठाण-सीलं असि धणुखग-गंडिव-कोत-चक्काइ पहरण-परिग्गहिया-हिंडणसीलं साहुवेमुज्झिय अन्नवेस पवित्त-कयाहिंडणसीलं एवं जाव णं अद्धुट्ठाओ पयकोडिओ ताव णं गोयमा असंठवियं चेव गच्छं वाय-रेज्जा ।

मू. (६९८) तहा अन्ने इमे बहुप्पगारे लिंगे गच्छस्स णं गोयमा समासओ पन्नविज्जंति एते य णं पयरिसेणं गुरुगुणे विज्जेए तं जहा-गुरु ताव सव्व-जग-जीव-पान-भूय-सत्ताणं माया भवइ किं पुन जं गच्छ से णं सीस-गणाणं एगंतेनं हियं भियं पत्थं इह-परलोग सुहावहं आगमानुसारेणं हिओवएसं पयाइ नो णं वसणाहिभूए अहो णं गहग्घत्थे उम्मत्ते अत्थि एइ वा जहा णं मम इमेणं हिओवएस-पयाणेणं अमुगट्ठ-लाभं भवेज्जा नो णं गोयमा गुरुसीसगाणं निस्साए संसारमुत्तरेज्जा नो णं परकएहिं सुहसुहेहिं कस्सइ संबंध अत्थि ।

मू. (६९९) ता गोयमेत्थ एवं ठियम्मि जइ दढ-चरित्त-गीयत्थे ।

गुरु-गुण-क्कलिए य गुरु भणेज्ज असइ इमं वयणं ॥

मू. (७००) मिणगोणसंगुलीए गणेहिं वा दंत-चक्कलाइं से ।

तं तहमेव करेज्जा कज्जंतु तमेव जाणांति ॥

- मू. (७०१) आगम-विऊ कयाई सेयं कायं भणेऊ आयरिया ।
तं तहा सदहियव्वं भवियव्वं कारणेण तहिं ॥
- मू. (७०२) जो गिण्हइ गुरु-वयणं भन्नंतं भावओ पसन्न-मनो ।
ओसहमिव पिअंतं तं तस्स सुहावहं होइ ॥
- मू. (७०३) पुत्रेहिं चोइया पुर-कएहिं सिरि-भायणा भविय सत्ता ।
गुरुमागमेसि-भद्दा देवयमिव पञ्जुवासंति ॥
- मू. (७०४) बहु-सोक्ख-सय-सहस्साण दायगा मोयगा दुह-सयाणं ।
आयरिया फुडमेयं केसि पएसीए ते हेऊ ॥
- मू. (७०५) नरय-गइ-गमन-परिहत्यए कए तए पएसिणा रत्ता ।
अमर-विमानं पत्तं तं आयरियप्पभावेणं ॥
- मू. (७०६) धम्ममइएहिं अइसुमहुरेहिं कारण-गुणोवणीएहिं ।
पत्थायंतो हिययं सीसं जोएज्जा आयरिओ ॥
- मू. (७०७) एत्थं चारयियाणं पणपत्रं होति कोडि-लक्खाओ ।
कोडि-सहस्से कोडि-सए य तह एत्तिए धेव ॥
- मू. (७०८) एतेहिं मज्झाओ एगे निव्वडइ गुण-गणाइत्रे ।
सव्वुत्तम-भंगेणं तित्थयरस्सानुसरिस-गुरू ॥
- मू. (७०९) से चेय गोयमा देयवयणा सूरित्थ नायसेसाइं ।
तं तह आराहेज्जा जह तित्थरे चउव्वीसं ॥
- मू. (७१०) सव्वमवी एत्थ पए दुवालसंगं सुयं भाणियव्वं ।
भवइ तहा वि मिणमो समाससारं परं भन्ने (तं जहा) ॥
- मू. (७११) मुणिणो संघं तित्थं गण-पवयण-भोक्ख-मग्ग-एगइ ।
दंसण-नाण-चरित्ते घोरुग्ग-तदं चेव गच्छ-नामे य ॥
- मू. (७१२) पयलंति जत्थ धग धगधगस्स गुरुणा वि चोयए सीसे ।
राग-द्वोसेणं अह अनुसएण तं गोयम न गच्छां ॥
- मू. (७१३) गच्छं महानुभागं तत्थ वसंताण निज्जरा विउला ।
सारण-धारण-चोयणामादीहिं न दोस-पडिवत्ती ॥
- मू. (७१४) गुरुणो छंदनुवत्ते सुविनीए जिय-परीसहे धीरे ।
न वि थद्धे न वि लुद्धे न वि गारविए न वि गहसीले ॥
- मू. (७१५) खंतं दंते मुत्ते गुत्ते वेरग्गं-मग्गलीणे ।
दस-विह-सामायारी-’यस्सग-संजमुञ्जुत्ते ॥
- मू. (७१६) खर-फरुस-कक्कसानिद्ध-हुइ-निद्धर-गिराए सयहुत्तं ।
निव्वच्छण-निद्धडणमाईहिं न जे पओसंति ॥
- मू. (७१७) जे य न अकित्ति-जणए नाजस-जनए नऽकज्जकारी य ।
न य पवयण-उद्धाहकरे कंठग्गय-पान-सेसे वि ॥

- मू. (७१८) सज्जाय-ज्ञाण-निए धोरतव-चरण-सोसिय-सरीरे ।
गय-कोह-मान-कइयव-दूरज्झिय-राग-दोसे य ॥
- मू. (७१९) विनओवयारकुसले सोलसविह-वयण-भासणे कुसले ।
निरवज्ज-वयण-भणिरे न य बहु-भणिरे न पुनऽभणिरे ॥
- मू. (७२०) गुरुणा फलमकज्जे खर-ककस-फलस-निद्वरमणिङ्ग ।
भणिरे तह ति इत्थं भणांति सीसे-तयं गच्छं ॥
- मू. (७२१) दूरज्झिय-पत्ताइसु ममत्तए निप्पिहे सरीरे वि ।
जाया-मायाहारे बायालीसेससणा कुसले ॥
- मू. (७२२) तं पि न रुव-रसत्थं भुजंताणं न चेव दप्पत्थं ।
अक्खोवंस-निमित्तं संजम-जोगाण वहणत्थं ॥
- मू. (७२३) वेयण-वेयावच्चे इरियट्ठाए य संजमट्ठाए ।
तह पान-वत्तियाए छट्ठं पुन धम्म-चिंताए ॥
- मू. (७२४) अपुब्ब-नाण-गहणे थिर-परिचिय-धारणेक्कमुञ्जुत्ते ।
सुत्तं अत्थं उभयं जाणंति अनुद्वयंति सया ॥
- मू. (७२५) अट्ठट्ठ-नाण-दंसण-चारित्तायार-नव-अउक्कम्मि ।
अनिगूहिय-बल-विरिए अगिलाए धनियमाउत्ते ॥
- मू. (७२६) गुरुणा खर-फरुसाणिदुदुदु-निद्वर-गिराए सयहुत्तं ।
भणिरे नो पडिसूरिं ति जत्थ सीसे तयं गच्छं ॥
- मू. (७२७) तवसा अचित्त-उप्पन्न-लद्धि-साइसय-रिद्धि-कलिए वि ।
जत्थ न हीलेति गुरु सीसे तं गोयमा गच्छं ॥
- मू. (७२८) तेसट्ठि-ति-सय-पावाउयाण विजया विदत्त-जस-पुंजे ।
जत्थ न हीलेति गुरुं सीसे तं गोयमा गच्छं ॥
- मू. (७२९) जत्थाखलियममिलियं अब्बाइद्धं पि सुय-नाणं ।
विनओवहाण-पुब्बं दुवालसंगं पि सुय-नाणं ॥
- मू. (७३०) गुरु-चरण-भत्ति-भर-निम्भरेक्क-परिओस-लद्धमालावे ।
अज्झीयंति सुसीसा एगग्यमणा स गोयमा गच्छं ॥
- मू. (७३१) सि-गिलाण-सेह-हालाउलस्स गच्छस्स दसविहं विहिणा ।
कीरइ वेयावच्चं गुरु-आणत्तीए तं गच्छं ॥
- मू. (७३२) दस-विह-सामायारी जत्थट्ठिए भव्व-सत्त-संघाए ।
सिज्झंति य बुज्झंति य न य खंडिअइ तयं गच्छे ॥
- मू. (७३३) इच्छा मिच्छा तहकारो आवस्सिया य निसीहिया ।
आउंछणा य पडिपुच्छा छंदना य निमंतणा ॥
उवसंपया य काले सामायारी भवे दस-विहाउ ॥
- मू. (७३४) जत्थ य जिह्व-कनिट्ठो जाणिअइ जेह्व-विनय-बहुमाणं ।

- दिवसेणं वि जो जेहो नो हीलिअइ तयं गच्छं ॥
- मू. (७३५) जत्थ य कज्जा कप्पं पान-झाए वि रोरव-दुब्भिक्खे ।
न य परिभुअइ सहसा गोयम गच्छं तयं भणियं ॥
- मू. (७३६) तत्थ य अज्जाहि समं थेरा वि न उल्लवन्ति गय-दसणा ।
न य निज्झायन्तित्थी-अंगोवंगाई तं गच्छं ॥
- मू. (७३७) जत्थ य संनिहि-उक्खड-आहड-मादीन नाम-नाहणे वि ।
पूई-कम्माभीए आउत्ता कप्प तिप्पंति ॥
- मू. (७३८) जत्थ य जसं-पुब्ब-दुक्ख-जोक्ख-मह-रणेणं ।
वाहिअंता वि मुनी निक्खंति तिलोत्तमं पि तं गच्छं ॥
- मू. (७३९) वाया-भित्तेण वि जत्थ मइ-सीलस्स निग्गहं विहिणा ।
बहु-लद्धि-जुयस्सायी कीअइ गुरुणा तयं गच्छं ॥
- मू. (७४०) मउए निहुय-सहावे हास-दव-वज्जिए विगह-मुक्के ।
असमंजसमकरेंते गोयर-भमूइ विहरंति ॥
- मू. (७४१) मुणिणो नाणाभिग्गह-दुक्कर-पच्छित्तमनुचरंताणं ।
जायइ चित्त-धम्मकं देविंदाणं पि तं गच्छं ॥
- मू. (७४२) जत्थ य वंदन-पडिक्कमणमाइ-मंडलि विहाणनिउण-न्नू ।
गुरुणो अखलिय-सीले सययं कट्ठुग्ग-तव-निरए ॥
- मू. (७४३) जत्थ य उसभादीणं तित्थयराणं सुरिंदमहियाणं ।
कम्मइ-विप्पमुक्खाण आणं न खलिअइ स गच्छो ॥
- मू. (७४४) तित्थयरे तित्थयरे तित्थं पुन जाण गोयमा संघं ।
संघे य ठिए गच्छे गच्छ-ठिए नाण-दंसण-चरित्ते ॥
- मू. (७४५) नादंसणस्स नाणं दंसणनाणे भवंति सब्बत्थ ।
भयणा चारित्तस्स उ दंसण-नाणे धुवं अत्थि ॥
- मू. (७४६) नाणी दंसण-रहिओ चरित्त-रहिओ उ भमइ संसारे ।
जो पुन चरित्त-जुत्तो सो सिज्झइ नत्थि संदेहो ॥
- मू. (७४७) नाणी दंसण-सोहओ तवो संजमो उ गुत्तिकरो ।
तिण्हं पि समाओगे मोक्खो नेक्कस्स वि अभावे ॥
- मू. (७४८) तस्स वि य संकंगाई नाणादि-तिगस्स खंति-मादीणि ।
तेसिं चेक्केक्क-पयं जत्थानुद्धिअ स गच्छो ॥
- मू. (७४९) पुढवि-दगागणि-वाऊ-वणप्फई तह तसाण विविहाणं ।
मरणंत वि न मनसा कीरइ पीडं तयं गच्छं ॥
- मू. (७५०) जत्थ य बाहिर-पानस्स बिंदु-मेत्तं पि गिह-मादीसुं ।
तण्हा-सोसिय-पाणे मरणे वि मुनी न इच्छंति ॥

- मू. (७५१) तत्थ य सुल-विसुइय-अन्नयरे वा विचित्त-मायंके ।
उप्पन्ने जलणुज्जालणाइं न करे मुनी तयं गच्छं ॥
- मू. (७५२) जत्थ य तेरसहत्थे अज्जाओ परिहरंति नाण-धरे ।
मनसा सुय-देवयमिद-सव्वमिवीत्थी परिहरंति ॥
- मू. (७५३) इति-हास-खेडु-कंदप्प-नाह-वादं न कीरए जत्थ ।
धोवण-डेवण-लंघण न मयार-जयार-उच्चरणं ॥
- मू. (७५४) जत्थित्थी-कर-फरिसं अंतरियं कारणे वि उप्पन्ने ।
दिट्ठीविस-दित्तग्गी-विसं व वञ्जिअइ स गच्छो ॥
- मू. (७५५) जत्थित्थी-कर-फरिसं लिप्पी अरहा वि गगगणि करेआ ।
तं निच्छयओ गोयम जाणिआ मूल-गुण-बाहा ॥
- मू. (७५६) मूल-गुणेहिं उ खलियं बहु-गुण-कलियं पि लद्धि-संपन्नं ।
उत्तम-कुले वि जायं निद्धाडिअइ जहिं तयं गच्छं ॥
- मू. (७५७) जत्त हिरन्न-सुवन्ने धण-धन्ने कंस-दूस-फल । हाणं
सयनाणं आसनाणं य न य परिभोगो तयं गच्छं ॥
- मू. (७५८) जत्थ हिरन्न-सुवन्नं हत्थेण परागयं पि नो छिप्पे
कारण-समप्पियं पि हु खण-निमिसद्धं पि तं गच्छं
- मू. (७५९) दुद्धर-बंधव्वय-पालणट्ठ अज्जाण चवल-चित्ताणं ।
सत्त सहस्सा परिहार-ट्ठाण वी जत्थत्थि तं गच्छं ॥
- मू. (७६०) जत्थुत्तरवडपरिडउत्तरेहिं अज्जाओ साहुणा सद्धि ।
पलवंति सुकुद्धा वी गोयम किं तेन गच्छेणं ॥
- मू. (७६१) जत्थ य गोयम बहु विहविकप्प-कल्लोल-चंचल-मनाणं ।
अज्जाणमण्डिअइ भणियं तं केरिसं गच्छं ॥
- मू. (७६२) जत्थेकंग-सरीरो साहू अह साहुणि व्व हत्थ-सया ।
उट्ठं गच्छेअ बहिं गोयम गच्छम्मि का मेरा ॥
- मू. (७६३) जत्थ य अज्जाहि समं संलावुल्लाव-माइ-ववहारं ।
मोत्तुं धम्मवएसं गोयम तं केरिसं गच्छं ॥
- मू. (७६४) मयवमणियत्त-विहारं नियय-विहार न ताव साहुणं ।
कारण नीयावासं जो सेवे तस्स का वत्ता ॥
- मू. (७६५) निम्मम-निरंकारे उज्जुत्ते नाण-दंसण-घरित्ते ।
सयलारभ-विमुक्के अप्पडिबद्धे स-वेहे वि ॥
- मू. (७६६) आधारभायरंते एगव्वेत्ते वि गोयमा मुणियो ।
वास-सयं पि वसंते गीयत्थेऽऽराहगे भणिए ॥
- मू. (७६७) जत्थ समुदेस-काले साहुणं मंडलीए अज्जाओ ।
गोयम ठवंति पादे इत्थी-रज्जं न तं गच्छं ॥

- मू. (७६८) जत्थ य हत्थ-सए वि थ रणयीचारं चउण्हमूणाओ ।
उहं दसन्नयमसइं करेति अज्जाउं नो तयं गच्छं ॥
- मू. (७६९) अववाएणं वि कारण-वसेण अज्जा चउण्हमूणाओ ।
गाऊयमवि परिसक्खंति जत्थ तं केरिसं गच्छं ॥
- मू. (७७०) जत्थ य गोयम साहू अज्जाहि समं पहम्मि अइणा ।
अववाएण वि गच्छेअ तत्थ गच्छम्मि का मेरा ॥
- मू. (७७१) जत्थ य ति-सट्ठि-भेयं चक्खुरागग्गु दीरणि साहू ।
अज्जाओ निरिक्खेअ तं गोयमा केरिसं गच्छं ॥
- मू. (७७२) जत्थ य अज्जा लद्धं पडिग्गहमादि-विविहमुवगरणं ।
परिभुज्जइ साहूहि तं गोयमा केरिसं गच्छं ॥
- मू. (७७३) अइदुलहं भेसजं बल-बुद्धि-विवद्धणं पि पुट्टिकरं ।
अज्जा लद्धं भुज्जइ का मेरा तत्थ गच्छम्मि ॥
- मू. (७७४) सोऊण गई सुकुमालियाए तह ससग-भसग-भइनीए ।
ताव न वीससियच्चं सेयट्ठी धम्मिओ जाव ॥
- मू. (७७५) दद्वचारित्तं मोतुं आयरियं मयहरं च गुण-रासिं ।
अज्जा अज्झावेइ तं अनगारं न तं गच्छं ॥
- मू. (७७६) घण-गज्जिय हय-कुहुकुहुय-विज्जु-दुगेज्ज-मूढ-हिययाओ ।
होआ वावारियाओ इत्थी रज्जं न तं गच्छं ॥
- मू. (७७७) पच्चक्खा सुयदेवी तव-लद्धीए सुराहिव-नुया वि ।
जत्थ रिएजेकज्जा इत्थी-रज्जं तं गच्छं ॥
- मू. (७७८) गोयम पंच-महव्वय गुत्तीणं तिण्हं पंच-समईयं ।
दस-विह-धम्मस्सेकं कहवि खलिअइ न तं गच्छं ॥
- मू. (७७९) दिन-दिक्खियस्स दमगस्स अभिमुहा अज्ज चंदना अज्जा ।
नेच्छइ आसन-गहणं सो विणओ सव्व-अज्जाणं ॥
- मू. (७८०) वास-सय-दिक्खियाए अज्जाए अज्ज-दिक्खिओ साहू ।
भत्तिक्कर-निक्कराए वंदन-विनएण सो पुज्जो ॥
- मू. (७८१) अज्जिय-लाभे गिद्धा सएण लाभेनं जे असंतुद्धा ।
भिक्खयरिया-भग्गा अज्जियउत्तं गिराहंति ॥
- मू. (७८२) गय-सीस-गणं ओमे भिक्खयरिया-अपमलं येरं ।
गणिहंति न ते पावे अज्जियलाभं गवेसंता ॥
- मू. (७८३) ओमे सीस-पवासं अप्पडिबद्धं अजंगमत्तं च ।
न गणेअ एगखिते गणेअ वासं निययवासी ॥
- मू. (७८४) आलंबणाण भरिओ लोओ जीवस्स अजउकामस्स ।
जं जं पेच्छइ लोए तं तं आलंबणं कुणइ ॥

- मू. (७८५) जत्थ मुनीन कसाए चमढिअंतेविं पर-कसाएहिं ।
नेच्छेअ समुट्ठेउं सुणिविड्ढो पंगुलो व्व तयं गच्छं ॥
- मू. (७८६) धम्मंतराय-मीए भीए संसार-गब्ब-वसहीणं ।
नोदीरिअ कसाए मुणी मुणीणं तयं गच्छं ॥
- मू. (७८७) सील-तव-दान-भावन-चउविह-धम्मंतराय-भय-मीए ।
जत्थ बहू गीयत्ये गोयम गच्छं तयं वासे ॥
- मू. (७८८) जत्थ य कम्मज्जिगस्स चेद्धियं यउगईए जीवाणं ।
नाऊण महवरद्धे वि नो पकुप्पंति तं गच्छं ॥
- मू. (७८९) जत्थ य गोयय पंचणहं कहवि सुणाण एकमवि होआ ।
तं गच्छं तिविहेणं वोसिरिय वएअ अन्नत्थ ॥
- मू. (७९०) सूणारंम-पवित्तं गच्छं वेसुअलं च न वसेआ ।
जं धारित्त-गुणेहिं तु उअलं तं निवासेआ ॥
- मू. (७९१) तित्थयरसमे सूरी दुअय-कम्पड-मल्ल-पडिमल्ले ।
आणं अइक्कमंते ते का पुरिसे न सम्परिसे ॥
- मू. (७९२) भट्ठायारो सूरी भट्ठायारानुवेक्खओ सूरी ।
उम्मग-ठिओ सूरी तिन्नि वि मग्गं पणासेतिं ॥
- मू. (७९३) उम्मगए-ठिए सूरिम्मि निच्छियं भव्व-सत्त-संधाए ।
जम्हा तं मग्गमनुसरंति तम्हा न तं जुत्तं ॥
- मू. (७९४) एकं पि जो दुहत्तं सत्तं परिवोहिउं ठवे मग्गे ।
ससुरासुरम्मि वि जगे तेनेहं घोसियं अमाधायं ॥
- मू. (७९५) भूए अत्थि भविस्संति केई जग-वंदनीय-कम-जुगले ।
जेसिं परहिय-करणेक्क-बद्ध-लक्खणाण वोलिही कालं ॥
- मू. (७९६) भूए अनाइ-कालेण केई होहिंति गोयमा सूरी ।
नामग्गणेण वि जेसिं होअ नियमेणं पच्छित्तं ॥
- मू. (७९७) एयं गच्छ-ववत्तं दुप्पसहानंतरन तु जो खंडे ।
तं गोयम जाण गणिं निच्छयओऽनंत-संसारी ॥
- मू. (७९८) जं सयल-जीव-जग-मंगलेक्क-कल्लाण-परम-कल्लाणे ।
सिद्धि-पहे वोच्छिन्ने पच्छित्तं होइ तं गणिणो ॥
- मू. (७९९) तम्हा गणिणा सम-सत्तु-मित्त-पक्खेण परहिय-रणं ।
कल्लाण-कंखुणा अप्पणो य आणा न लंघेया ॥
- मू. (८००) एवं मेरा णं लंघेयव्व ति ।
एयं गच्छ-ववत्तं लंघेतु ति-गारवेहिं पडिबद्धे ॥
- मू. (८०१) संखाईए गणिणा अअ वि बोहिं न पाविति ॥
न लभेहिंति य अन्ने अनंत-हुत्तो वि परिभमंतेत्थं ।

- घउ-गइ-मव-संसारे घेडेआ चिरं सुदुखत्ते ॥
 मू. (८०२) चोदस-रखू-लोगे गोयम वालम-कोडिमेत्तं पि ।
 तं नत्थि पएसं जत्थ अनंत-मरणे न संपत्ते ॥
 मू. (८०३) चुलसीइ-जोनि-लक्खे सा जोनी नत्थि गोयमा इहइं ।
 जत्त न अनंतहुत्तो सब्बे जीवा समुप्पन्ना ॥
 मू. (८०४) सुइहिं अग्नि-वन्नाहिं संभिन्नस्स निरंतरं ।
 जावइयं गोयमा दुक्ख गब्बे अइ-गुणं तयं ॥
 मू. (८०५) गब्बाओ निष्किडंतस्स जोनी-जंत-निपीलणे ।
 कोडी-गुणं तयं दुक्खं कोडाकोडि-गुणं पि वा ॥
 मू. (८०६) जायमाणेण जं दुक्खं मरणाणां जंतूणं ।
 तेनं दुक्ख-विवागेनं जाउं न सरंति अत्ताणि ॥
 मू. (८०७) नाणाविहासु जोनीसु परिभमंतेहिं गोयमा ।
 तेन दुक्ख-विवाएणं संभरिएण न जिव्वए ॥
 मू. (८०८) जम्म-जरा-मरण-दोग्गच्च-वाहीओ चिइंतु ता ।
 लक्खेआ गब्ब-वासेणं को न बुद्धो मज्झमत्ती ॥
 मू. (८०९) बहु-रुहिर-पूई-जंबाले असुइ य कलिमल-पूरिए ।
 अनिह्वे य दुब्धिगंधे गब्बे को धिई लभे ॥
 मू. (८१०) ता जत्थ दुक्ख-चिक्खिएणं एगंत-सुह-पावणं ।
 से आणं नो खंडेआ आणा भंगे कुओ सुहं ॥

मू. (८११) सो भयवं अइण्हं साहूणमसइं उस्सगेण वा अववाएण वा चउहिं अनगारेहिं समं गमनागमनं नियंठियं तहा दसण्हं संजईणं हेट्ठा उस्सगेण चउण्हं तु अभावे अववाएणं हत्थ-सयाओ उद्धं गमणं नाणुन्नायं आणं वा अइक्कमंते साहवा साहूणीओ वा अनंत-संसारिए समक्खाए ता णं से दुप्पसहे अनगार असहाए भवेआ सा वि य विण्हुसिरी अनगारी असहाया चेव भवेआ एवं तु ते कहं आराहगे भवेआ गोयमा णं दुस्समाए परियंते ते चउरो जुगप्पहाणे खइग-सम्मत-नाण-दंसण-चारित्त-समन्निए भवेआ तत्थ णं जे से महायसे महानुभावे दुप्पसहे अनगारे से णं अच्चंत विसुद्ध-सम्म-दंसण-नाण-चारित्त-गुणेहिं उववेए सुदिट्ठ-सुगइ-मग्गे आसायणा-भीरुअच्चंत-परम-सद्धा-संवेग-वेरग-संमग्गड्डिए निरब्ब-गयणामल-सरय-कोमुइ-पुत्तिमायंद-करविमल-पर-परम-जसे-वंदाणं परम-वंदे पूयाणं परमपूए भवेआ तहा सा विथ सम्भत्तं-नाण-चारित्त-पडागा महायसा महासत्ता महानुभागा एरिस-गुण-जुत्ता चेव सुगहियनामधिआ विण्हुसिरी अनगारी तहा तेसिं सोलस-संवच्छराइं परमं आउं अइय परियाओ आलोइय-नीसल्लाणं च पंचनमुक्कार-पराणं घउत्थं-भत्तेणं सोहम्मे कप्पे उववाओ तयनंतरं च हिट्ठिम-गमनं तहा वि ते एयं गच्छ-ववत्थं नो विलंघिसु ।

मू. (८१२) से भयवं केणं अइणं एवं वुच्चइ-जहा णं तहा वि-ते एयं गच्छ-ववत्थं नो विलंघिसु गोयमा णं इओ आसन्न-काले णं चेव महायसे महासत्ते महानुभागे सेअंभवे नामं अनगारे महातवस्सी

महामई दुवाल-संग-सुयधारी भवेआ से णं अपक्खवाएणं अप्पाउक्खे भव्व-सत्ते-सुयअतिसएणं विन्नाय एकरसण्हं अंगाणं द्योदसण्हं पुब्बाणं परमसार-नवणीय-नवनीय-भूयं सुपउणं सुपद्धरुअयं सिद्धिमगं दसवेयालियं नाम सुयक्खंधं निऊहेआ से भयवं किं पडुद्ध, गोयमा मनगं पडुद्धा जहा कहं नाम एयस्स णं मनगस्स पारंपरिएणं येवकालेणेव महंत-घोर-दुक्खागराओ चउगइ-संसार-सागराओ निष्फेओ भवतु भवदुगुंछेवण न विणा सब्बनुवएसेणं से य सब्बनुवएसे अनोरपारे दुरवगाढे अनंत-गमपअवेहिं नो सक्का अप्पेणं कालेणं अवगाहिउं तहा णं गोयमा अइसए णं एवं चित्तेआ एवं से णं सेअंभवे जहा ।

मू. (८१३) अनंतपारं बहु जाणियव्वं अप्पो य कालो बहुले य विग्धे जं सारभूयं तं गिण्हयव्वं हंसो जहा खीरमिवंबु मीसं ।

मू. (८१४) तेणं इमस्स भव्व-सत्तस्स मनगस्स तत्त-परित्राणं भवउ त्ति काऊणं जाव णं दसवेयालियं सुयक्खंधं निऊहेआ तं च वोच्छिन्नेणं तक्काल-दुवालसंगेणं गणिपिडगेणं जाव णं दूसमाए परियंते दुप्पसहे ताव णं सुत्तत्थेणं वाएआ से य सयल्लगम-निस्संदं दसवेयालिय-सुयक्खंधं सुत्तओ अज्झीहीय गोयमा से णं दुप्पसहे अनगारे तओ तस्स णं दसवेयालिय-सुत्तस्सानु-गयत्थानुसारेणं तहा येव पवत्तेआ नो णं सच्छंदयारी भवेआ तत्थ य दसवेयालिय-सुयक्खंधे तक्कालमिणमो दुवालसंगे सुयक्खंधे पइड्डिए भवेआ एएणं अट्ठेणं एवं बुद्धइ जहा तहा वि णं गोयमा ते एवं गच्छ-वत्तं नो विलंघितु ।

मू. (८१५) से भयवं जइ णं गणिणो वि अद्यंत-विसुद्धा-परिणामस्स वि केइ दुस्सीले सच्छंदत्ताए इ वा गारवत्ताए इ वा जायाइमयत्ताए इ वा आणं अइक्कमेआ से णं किमाराहगे भवेआ गोयमा जे णं गुरु सम सत्तुमित्त-पक्खो गुरु-गुणेसुं ठिए सययं सुत्ताणुसारेणं चेव विसुद्धासए विहरेआ तस्साणमइक्कंतेहि नव-नउएहिं चउहिं सएहिं साहूणं जहा तहा येव अनाराहगे भवेआ ।

मू. (८१६) से भयवं कयरे णं ते पंच सए एकविवज्जिए साहूणं जेहिं च णं तारिस-गुणोववेयस्स महानुभागस्स गुरुणो आणं अइक्कमिउं नाराहियं गोयमा णं इमाए येव उसभ-चउवीसिगाए अतीताए तेवीसइमाए चउवीसिगाए जाव णं परिनिव्वुडे चउवीसइमे अरहा ताव णं अइक्कंतेनं केवइएणं कालेणं गुण-निष्फ्रे कम्मसेल-मुसुमूरणे महायसे महासत्ते महानुभागे सुगहिय-नामधेजे वइरे नामं गच्छाहिंवई भूए तस्स णं पंच-सयं गच्छं निग्गंधीहिं विणा निग्गंधीहिं समं दो सहस्से य अहेसि ता गोयमा ताओ निग्गंधीओ अद्यंत परलोग भीरुयाओ सुविसुद्ध निम्मलंतकरणाओ खंताओ दंताओ मुत्ताओ जिइंदियाओ अद्यंत भणिरीओ निय-सरीरस्सा वि य छक्कथ-वच्छलाओ जहोवइड्ड-अद्यंतघोर-वीर-तव-चरण-सोसिय-सरीराओ जहा णं तित्थयरेणं पन्नवियं तहा येव अदीन-मनसाओ माया-मय-अहंकार-ममाकार रतिहास-खेड्ड-कंदप्प-नाहवाय-विप्पमुक्काओ तस्सायरियस्स सगासे सामन्नमनुचरंति ते यं साहुणो सव्वे वि गोयमा न तारिसे मनागा अहन्नया गोयमा ते साहुणो तं आयरियं भणंति जहा-जइ णं भयवं तुमं आणवेहिं ता णं अहेहिं तित्थरजत्तं करिय चंदप्पह-सामियं वंदिय धम्म-चक्कं गेत्तूणमागच्छामो ताहे गोयमा अदीणमनसा अनुत्तावल-गंभीर-महुरारु भारतीए भणियं तेनायरिएणं जहा इच्छायारेणं न कप्पइ तित्थजत्तं गंतुं सुविहियाणं ता जाव णं बोलेइ जत्तं ताव णं अहं तुम्हे चंदप्पहं वंदावेहामि अन्नं चजत्ताए गएहिं असंजमे

पडिवज्जइ एएणं कारणेणं तित्थयत्ता पडिसेहिज्जइ तओ तेहिं भणियं जहा भयवं केरिसो उन तित्थयत्ताए गच्छमाणाणं असंजमो भवइ सो पुन इच्छायारेणं विइज्ज-वारं एरिसं उल्लावेज्जा बहु-जणेणं वाउलगो भन्निहिसि ताहे गोयमा चित्ति य तेनं आयरिएणं जहा णं ममं वइकमिय निच्छयओ एए गच्छिहिति तेनं तु मए समयं चडुत्तरेहिं वयंति अहन्नया सुवहुं मनसा संघारेऊणं चेव भणियं तेनं आयरिएणं -

जहा णं-तुम्हे किंचि वि सुत्तत्थं वियाणहं म्मिय ता जारिसं तित्थयत्ताए गच्छमाणाणं असंजमं भवइ तारिसं समयमेव वियाणेहं किं एत्थं बहु-पलविणं अन्नं च-वेदिपं पुत्तेहिं पि संसारत्तयं जीवाइयपत्थ-त्तवं च अहन्नया बहु उवाएहिं णं विणिवारिसत्ता वि तस्सायरियस्स गए चेव ते साहुणो णं कुट्टेणं कयंतेनं पेरिए तित्थयत्ताए तेसिं च गच्छमाणाणं कत्थइ अणेसणं कत्थइ हरिय-काय-संघट्टणं कत्थइ बीयकमणं कत्थइ पिवीलि-यादीणं तसाणं संघट्टण-परितावणोद्दवणाइ-संभवं कत्थइ बइड्डपडिक्कमणं कत्थइ न कीरए चेव चाउकालियं सज्जायं कत्थइ न संपाडेज्जा मत्तभंडोवगरणस्स विहीए उभय-कालं पेह-पमज्जण-पडिलेहण-यक्खोडणं किं बहुना गोयमा केत्तियं भन्निहिइ अट्टारसणं सीलंगसहस्साणं सत्तरस विहस्स णं संजमस्स दुवालसविहस्स णं सभ्रंतर-बाहिरस्स तवस्स जाव णं खंताइ-अहिंसा-लक्खणस्सेव य दस-विहस्साणगार-धम्मस्स जत्तेक्के-पयं चेव सुवहुएणं पि कालेणं थिर-परिचिएण दुवालसंग-महासुयक्खंधेण बहु-भंग-सय-संघत्तणाए दुक्ख निरइयारं परिवालिऊणं जे एयं च सव्वं जहा-भणियं निरइयारमुट्ठेयं ति एवं संसरिऊणं चित्ति य तेनं गच्छाहि वइणा जहा णं मे विप्परोक्खेणं ते दुट्ठ-सीसे मज्झं अनाभोग-पच्चएणं सबहुं असंजमं काहिति त च सव्वं मे मच्छंति यं होही जओ णं हं तेसिं गुरु ता हं तेसिं पट्टीए गंतूणं ते पडिजागरामि जेणाहमेत्थ पए पायच्छित्तेणं नो सबंज्जेज्ज ति वियप्पिऊणं गओ सो आयरिओ तेसिं पट्टीए जाव णं दिट्ठो तेनं असंमंजसेणं गच्छमाणे-

ताहे गोयमा सुमहुर-मंजुलालावेणं भणियं तेनं गच्छाहि वइणा जहा-भो भो उत्तमकुल-निम्मल-वंस-विभूसणा अमुग-पमुगाई-महासत्ता साहु उप्पहपडिवज्जाणं पंच-महव्वया-हिड्डिय-तणूणं महाभागाणं साहु-साहुणीणं सत्तावीसं सहस्साइ थंडिलणं सव्वदंसीहिं पत्तताइं ते य सुउवउत्तेहिं विसोहिज्जंति न उणं अणोवउत्तेहिं ता किमेयं सुन्नासुन्नीए अनोवउत्तेहिं गम्मइ इच्छा-यारेणं उवओगं देह अन्नं च-इणमो सुत्तत्थं किं तुम्हाणं विसुमरियं भवेज्जा जं सारं सव्व-परम-त्तत्ताणं जहा एगे बेइंदिए पाणी एगं समयमेव हत्थेणं वा पाएण वा अन्नयारेणं वा सलागाइ-अहिगरण-भूओवगरण-जाएण जे णं केई संघट्टेज्जा संघट्टावेज्जा वा एवं संघट्टियं वा परेहिं समनुजाणेज्जा से णं तं कम्मं जया उदिन्नं भवेज्जा तथा जहा उच्छु-खंडाई जंते तथा निप्पीलिज्जमाणा छम्मासेणं खवेज्जा एवं गाढे दुवालसेहि संवच्छरेहिं तं कम्मं वेदेज्जा एवं अगाढपरियावणे वास-सहस्सं गाढ-परियावणे दस-वास-सहस्से एवं अगाढ-किलावणे वास-लक्ख गाढ-किलावणे दस-वास-लक्खाइं उद्दवणे वास-कोडी एवं तेइंदियाईसुं पि नेयं ता एवं च वियाणमाणा मा तुम्हे मुज्झइति एवं च गोयमा सुत्तानुसारेणं सारयंतस्सावि तस्सायरियस्स ते महा-पावकम्मे गम-गमहल्लप्फलेणं हल्लोहल्लीभूएणं तं आयरियाणं वयणं असेस-पाव-कम्मइ-दुक्ख-विमोयगं न बहु मन्ति ताहे गोयमा भुणियं तेनायरिएणं जहा-निच्छयओ उम्मागपट्टिए सव्वपगारेहिं चेव इमे पावमई दुट्ठ-सीसे ता किमइमहमिहेसिं पट्टीए

लह्मी-वागरणं करेमाणो अनुगच्छमाणो य सुक्खाए गय-जलाए नदीए उबुज्झं एए गच्छंतु दस-
दुवारेहिं अहयं तु तावाय-हियमेवानुचिद्धेमो किं मज्झं पर-करणं सुमहंतेनावि पुत्र-पब्भारेण धेवमवि
किंचि परिताणं भवेज्जा स-परक्कमेणं चेव मे आगमुत्त-तव-संजमानु-द्वाणेणं भवोयही तरेयव्वो
एस उणं तित्थयराएसो (जहा) -

मू. (८१७) अप्पहियं कायव्वं जइ सक्का परहियं पि पयरेज्जा ।

अत्त-हिय-पर-हियाण अत्त-हियं चेव कायव्वं ॥

मू. (८१८) अन्नं घ-जइ एते तव-संजम-किरियं अनुपालेहिंति तओ एतेसिं चेव सेयं होहिइ
जइ न करेहिंति तओ एएसिं चेव दुग्गह-गमनमनुत्तरं हवेज्जा नवरं तहा वि मम गच्छो समप्पिओ
गच्छाहिंवई अहयं भणामि अन्नं घ-जे तित्थयरेहिं भगवंतेहिं छत्तीसं आयरियगुणे समाइडे तेसिं
तु अहयं एकमवि नाइक्कमामि जइ वि पानोवरमं भवेज्जा जं च आगमे इह-परलोग-विरुद्धं तं
नायरामि न कारयामि न कज्जमाणं समनुजाणामि तामेरिसगुण-जुत्तस्सावि जइ भणियं न करेतिं
ताहमिमेसिं वेसग्गहणा उद्दालेमि एवं च समए पत्रथी जहा-जे केई साहू वा साहूणी वा वायामेत्तेमा
वि असंजममनुचिद्धेज्जा से णं सारेज्जा से णं वारेज्जा से णं चोएज्जा पडिचोइज्जा से णं सारिज्जंते वा
वारिज्जंते वा चोइज्जंते वा पडिचोइज्जंते वा जे णं तं वयणमवमन्निय अलसायमाणे इ वा अभिनिविद्धे
इ वा न तह ति पडिवज्जिय इच्छं पउजित्ताण तत्थामो पडिक्कमेज्जा -

से णं तस्स वेसग्गहणं उद्दालेज्जा एवं तु आगमुत्तणाएणं गोयमा जाव तेनायिरिएणं एगस्स
सेहस्स वेसग्गहणं उद्दालियं ताव णं अवसेसे दिसोदिसिं पण्ढे ताहे गोयमा सो आयरिओ सणियं
सणियं तेसिं पट्ठीए जाउमारद्धो नो णं तुरियं तुरियं से भयवं किमइ तुरियं-नो पयाइ गोयमा
खाराए भूमीए जो महुं संकमेज्जा महुं खारं किण्हाए पीयं पीयाओ किण्हं जलाओ धलं धलाओ
जलं संकमेज्जा तेनं विहिए पाए पमज्जिय पमज्जिय संकमेयव्वं नो पमजेज्जा तओ दुवालस-संवच्छरियं
पच्छित्तं भवेज्जा एएणमट्ठेणं गोयमा सो आयरिओ न तुरियं तुरियं गच्छे अहन्नया सुया-उत्त-
विहिए धंडिल-संकमणं करेमाणस्स णं गोयमा तस्सायरिस्स आगओ बहु-बासर-खुहा-परिगय-
सरीरो वियडदाळा-कराल-कयत्त-भासुरो पलय-कालमिव-घोर-रूवो केसरी मुणियं च तेनं
महानुभागेणं गच्छाहि-वइणा जहा-जइ दुयं गच्छिज्जइ ता चुक्किज्जइ इमस्स नवरं दुयं गच्छमाणं
असंजमं ता वरं सरीररोवोच्छेयं न असंजम-पवत्तण ति चित्तिऊणं विहिए उवड्डियस्स सेहस्स
जमुद्दालियं वेसग्गहणं तं दाऊणं ठिओ निप्पडिकम्मं-पायवोवगमनानसणेणं सो वि सेहो तहेव
अहन्नया अम्वंत-विसुद्धंतकरणे पंचमंगलपरे सुहज्जवसायत्ताए दुवे वि गोयमा वावईए तेन
सीहेणं अंतगडे केवली जाए अट्ठप्पथार-मल-कलंक-विप्पमुक्के सिद्धे य ते पुन गोयमा एकूणे पंच
सए साहूणं तक्कम्म-दोसेणं जं दुक्खमनुभवमाणे चिद्धंति जं चानुभूयं जं चानुमविहिंति अनंत-
संसार-सायरं परिभमंते तं को अनंतंतेनं पि कालेणं भाणिऊं समत्थो एए ते गोयमा एगूने पच-सए
साहूणं जेहिं च णं तारिस-गुणोववेतस्स महानुभागस्स गुरुणो आणं अइक्कमियं नो आराहियं
अनंत-संसारीए जाए ।

मू. (८१९) से भयवं किं तित्थयर-संतियं आणं नाइक्कमेज्जा उयाहु आयरिय-संतियं गोयमा
चउव्विहा आयरिया भवन्ति तं जहा नामायरिया ठवणायरिया दव्वायरिया भावावयरिया तत्थ

णं जे ते भावायरिया ते तित्थयर-समा चेव दइव्वा तेसिं संतियाऽऽणं आणा नाइक्कमेज्जा ।

मू. (८२०/१) से भयवं कयरेणं ते भावायरिया भन्ति गोयमा जे अज्ज-पव्वइए वि आगमविहिं पयं पणानुसंचरंति ते भावायरिए जे उणं वास-सय-दिक्खिए वि होत्ताणं वायामेत्तेणं पि आगमओ बाहिं करंति ते नामइवणाहिं निओइयव्वे से भयवं आयरिया-णं केवइयं पायच्छित्तं भवेज्जा जमेगस्स साहुणो तं आयरिय-मयहर-पवत्तिणीए य सत्तरसगुणं अहा णं सील खलिए भवंति तओ ति-लक्ख-गुणं जं अइदुक्करं नो जं सुकरं तन्हा सव्वहा सव्व-पयत्तिहिं जं आयरिय-मयहर-पवत्तिणीए य अत्ताणं पायच्छित्तस्स संरक्खेयव्वं अखलिय-सीलेहिं च भवेयव्वं ।

मू. (८२०/२) से भयवं जे न गुरु सहस्साकारणे अन्नयर-ट्ठाणे छुक्केज्ज वा खलेज्ज वा से णं आराहगे न वा गोयमा गुरुणं गुर-गुणेसु वट्टमाणो अक्खलिय-सीले अप्पमादी अणालस्सी सव्वालंबणाविप्पमुक्के सम-सत्तु-मित्त-पक्खे सम्मग्ग-पक्खवाए जाव णं कहा-भणिरे सद्धम्म-जुत्ते भवेज्जा नो णं उम्मग्ग-देसए अहम्मनुरए भवेज्जा सव्वहा-पयारेहिं णं गुरुणा ताव अप्पमत्तेणं भवियव्वं नो णं पमत्तेणं जे उन पमादी भवेज्जा से णं दुरंत-पंत-लक्खणे अदइव्वे महा-पावे जईणं सबीए हवेज्जा ता णं नियय-दुद्धरियं जहावत्तं स-पर-सीस-गणाणं पक्काविय जहा दुरंत-पंत-लक्खणे अदइव्वे महा-पाव-कम्मकारी समग्ग-पणासओ अहयंति एवं निंदित्ताण गरहित्ताणं आलोइत्ताणं च जहा-भणियं पायच्छित्तमनुचरेज्जा से णं किंचुद्देसेणं आराहगे भवेज्जा जइ णं नीसल्ले नियडी-विप्पमुक्के न पुणो संमग्गओ परिभंसेज्जा अहा णं परिभस्से तओ नाराहेइ ।

मू. (८२१) से भयवं केरिस-गुणजुत्तस्स णं गुरुणो गच्छा-निकखेव कायव्वं गोयमा जे णं सुव्वए जे णं सुसीले जे णं दढ-चारित्ते जे णं अनिंदियंगे जे णं अरहे जे णं गयरारे जे णं गयदोसे जे णं निद्धिय-मोह-मिच्छित्त-मल-कलंकं जे णं उवसंते जे णं सुविन्नाय-जग-ट्ठितीए जे णं सुमहा-वेरग्गमग्गमल्लीणे जे णं इत्थि-कहा-पडिणीए जे णं भत्त-कहा-पडिणीए जे णं तेन-कहा पडिणीए जे णं रायकहा पडिणीए जे णं जनवय-कहा-पडिणीए जे णं अच्चंतमनुकंप-सीले जे णं परलोग-पञ्चवाय-भीरू जे णं कुसील-पडिणीए जे णं विन्नाय-समय-सब्भावे जे णं गहिय-समय-पेयाले जे णं अहन्निसानुसमयं ठिए खंतादि-अहिंसा-लक्खण-दस-विहे समय-धम्मे जे णं उज्जुत्ते अहन्निसानु-समयं दुवालस-विहे तवो-कम्मे जे णं सुओवउत्ते समयं पंचसमितीसु जे णं सुगुत्ते सययं तीसु गुत्तीसुं जे णं आराहगे स-सत्तीए अट्टारसण्हं सीलंग-सहस्साणं जे णं अदिराहगे एगंतेनं स-सत्तीए सत्तरस-विहस्स णं संजमस्स जे णं उस्सग्ग-रूई जे णं तत्त-रूई जे णं सम-सत्तु-मित्त-पक्खे जे णं सत्त-मय-ट्ठाण-विप्पमुक्के जे णं अट्ट-मय-ट्ठाण विप्पजडे जे णं नवण्हं बंभचेर-गुत्तीणं विराधना-भीरू जे णं बहु-सूए जे णं आरिय-कुलुप्पत्रे जे णं अदीने जे णं अकिविणे जे णं अनालसिए जे णं संजई-वग्गस्स पडिवक्खे जे णं धम्मोवएस-दायगे जे णं सययं ओहसा-मायारी-परुवगे जे णं मेरावट्टिए जे णं असामायारी-भीरू जे णं आलोयणारिहे जे णं पायच्छित्त-दाम-पयच्छणक्खमे जे णं वंदन-मंडलि-विराधन-जाणगे जे णं पडिक्कमण-मंडलि-विराधन-जाणगे जे णं सज्झाय-मंडलि-विराधन-जाणगे जे णं वक्खण-मंडलि-विराधन-जाणगे --

जे णं आलोयणा-मंडलि-विहारण-जाणगे जे णं उद्देस-मंडलि-विराधन-जाणगे जे णं समुद्देस-मंडलि-विराधन-जाणगे जे णं पव्वज्जा-विराधन-जाणगे जे णं उदङ्गलवणा-विराधन-जाणगे जे

णं उद्देस-समुद्देसाणुन्ना-विराधन-जाणगे जे णं काल-खेत्त-दब्ब-भाव-भावंतरंतर-वियाणगे जे णं काल-खेत्त-दब्ब-भावालंबण-विप्पामुक्के जे णं स-बाल-बुद्ध-गिलाण-सेह-सिक्खण-साहम्मिय-अज्झयवट्ठावण-कुसले जे णं पक्खगे नाण-दंसण-चारित्त-तवो गुणाणं जे णं घरए धरए पभावगे नाण-दंसण-चारित्त-तवो गुणाणं जे णं दद-सम्मते जे णं सययं अपररिसाई जे णं धीएमा जे णं गमीरं जे णं सुलोमलेसे जे णं दिनयरंभेव अनभिभवनोए तयतेएणं जे णं सरीरोवरमे वि छक्काय-समारंभ-विवज्जी जे णं सील-तव-दान-भावनामय-घउव्विह-घउव्विह-धम्मंतरायं-भीरू जे णं सव्वा-सायणा भीरू जे णं इट्ठि-रस-सायगारव-रोद्धज्झाण-विप्पमुक्के जे णं सव्वावस्सगमुज्जुत्ते जे णं सविसेसलद्धि जुत्ते जे न आवडिय-पेछियामंतिओ वि नायरेआ अयञ्जं जे णं नो बहु निदो जे णं नो बहु भोइ जे णं सव्वावस्सग-सज्झाण-पडिमाभिग्गह-घोर-परीसहोवसगगेसु जिय-परीसमे जे णं सुपत्त-संगह-सीले जे णं अपत्त-परिट्ठावणविहिन्नु जे णं अनुद्धय-बोदी जे णं परसमय-ससमय-सम्म-वियाणे जे णं कोह भान-माया-लोभ-ममकारादि इतिहास-खेत्त-कंदपनाहियवादविप्पमुक्के धम्मकहा-संसार-वास-विसयाभिलासादीणं देरगुप्पायगे पडिबोहगे भव्व-सत्ताणं से णं गच्छ-निक्खेवण-जोगो से णं गणी से णं गणहरे से णं तित्थे से णं तित्थयरे से णं अरहा से णं केवली से णं जिने से णं तित्थुब्भासगे से णं बंद से णं पुञ्जे से णं नमंसणिजे से णं दद्वे से णं परम-पवित्ते से णं परम-कल्लाणे से णं परम-मंगल्ले से णं सिद्धी से णं मुत्ती से णं सिवे से णं मोक्खे स णं ताया से णं संमग्गे से णं गती से णं सरन्ने से णं सिद्धे मुत्ते पार-ए-देव-देवे एयस्स णं गोयमा गण-निक्खेवं कुआ एयस्स णं गणनिक्खेवं कारवेआ एयस्स णं गणनिक्खेवं समनुजाणेआ अन्नहा णं गोयमा आणा भंगे ।

मू. (८२२) से भयवं केवतियं कालं जाव एस आणा पवेइया गोयमा जाव णं महायसे महासत्ते महानुभागे सिरिप्पमे अनगारे से भयवं केवतिएणं काले णं से सिरिप्पमे अनगारे भवेआ गोयमा होही दुरंत-पंत-लक्खणे अदद्वे रोद्धे चंडे पयंडे-उग्ग-पयंडे दंडे निम्मेरे निक्खिवे निग्घिणे नित्तिसे कूरयर-पाव-मती अनारिए मिच्छदिट्ठी कक्की नाम रायाणे से णं पावे पाहुडियं भमाडिउ-कामे सिरि-समण-संघं कयत्येआ जाव णं कयत्ये इ ताव णं गोयमा जे केई तत्थ सीलहे महानुभागे अचलिय-सत्ते तवो हणे अनगारे तेसिं च पाडिहेरियं कुआ सोहम्मे कुलिसपाणी एरावणगामी सुरवरिदे एवं च गोयमा देविंद-वंदिए दिट्ठ-पच्चए णं सिरि-समण-संघे निड्ढिओ णं कुणयपासंड-धम्मे जाव णं गोयमा एगे अबिइजे अहिंसा-लक्खण-खंतादि-दस-विहे धम्मे एगे अरहा देवाहिदेवे एगे जिनालय एगे चंदे पूए दक्खे सक्कारे सम्भाणे महायसे महासत्ते महानुभागे दद-सील-व्वय-नियम-धारए तवोहणे साहू तत्थ णं चंदमिव सोमलेसे सूरिए इव तव-तेय-रासी पुढवी इव परीसहोवसगसहे मेरुमंदर-धरे इव निष्कंपे ठिए अहिंसा-लक्खण-खंतादि दस-विहे धम्मे से णं सुसमण-गण-परिवुडे निरब्भ-गयणमल-कोमुई-जोग-जुत्ते इव गह-रिक्ख-परियरिए गहवई चंदे अहिययरं विराएआ गोयमा से णं सिरिप्पमे अनगारे ता गोयमा एवइयं कालं जाव एस आणा पवेइया ।

मू. (८२३) से भयवं उहं पुच्छा गोयमा तओ परेण उहं हायमाणे काल-समए तत्थ णं काले केई छक्काय-समारंभ-विवज्जी से णं धन्ने पुत्रे वंदे नमंसणिजे सुजीवियं जीवियं तेसिं ।

मू. (८२४) से भयवं सामन्ने पृच्छा जग्व णं वयसि गोयमा अत्येगे जे णं जोगे अत्येगे जे णं नो जोगे से भयवं के णं अट्टेणं एवं वुच्चइ जहा णं अत्येगे जे णं नो जोगे गोयमा अत्येगे जेसिं णं सामन्ने पडिकुट्टे अत्येगे जेसिं च णं सामन्ने नो पडिकुट्टे एएणं अट्टेणं एवं वुच्चइ जहा णं अत्येगे जे णं जोगे अत्येगे जे णं नो जोगे से भयवं कयरे ते जेसिं न सामन्ने पडिकुट्टे कयरे वा ते जेसिं च णं नो परियाए पडिसेहिए गोयमा अत्येगे जे णं विरुद्धे अत्येगे जे णं नो विरुद्धे जे णं से विरुद्धे से णं पडिसेहिए जे णं नो विरुद्धे से णं नो पडिसेहिए से भयवं के न से विरुद्धे के वा णं अविरुद्धे गोयमा जे जेसुं देसेसुं दुगुंछणिजे जे जेसुं देसेसुं दुगुंछिए जे जेसुं देसेसुं पडिकुट्टे से णं तेसुं देसेसुं विरुद्धे जे य णं जेसुं देसेसुं नो दुगुंछणिजे जे य णं जेसुं देसेसुं नो दुगुंछिए जे य णं जेसुं देसेसुं नो पडिकुट्टे से णं तेसुं देसेसुं नो विरुद्धे तत्थ गोयमा जे णं जेसुं जेसुं देसेसुं विरुद्धे से णं नो पच्चावए

जे णं जेसुं देसेसुं नो विरुद्धे से णं पच्चावए से भयवं के कत्थ देसे विरुद्धे के वा नो विरुद्धे गोयमा जे णं केई पुरिसे इ वा इत्थिए इ ल रागेण वा दोसेणं वा अनुसएण वा कोहेन वा लोमेन वा अवराहेन वा अनवराहेन वा समणं वा माहणं वा मायरं वा पियरं वा भायरं वा भइणिं वा भाइणेयं सुयं वा सुयसुयं वा धूयं वा नत्तुयं वा सुण्हं वा जामाउयं वा दाइयं वा गोतियं वा सजाइयं वा वा विजाइयं वा सयनं वा असयनं वा संबंधियं वा असंबंधियं वा सनाहं वा असनाहं वा इट्ठिमंतं वा अनिट्ठिमंतं वा सएसियं वा विएसियं वा आरियं वा आनारियं वा हणेज्ज वा हणावेज्ज वा उद्वेज्ज वा उद्ववावेज्ज वा से णं परियाए अओग्गे से णं पावे से णं निंदिए से णं गरहिए से णं दुगुंछिए से णं पडिकुट्टे से णं पंडिसेहिए से णं आवई से णं विग्घे से णं अयसे से णं अकित्ती से णं उम्मग्गे से णं अनायारे एवं रायदुट्टे एवं तेने एवं पर-जुवइ-पसत्ते एवं अन्नयरे इ वा केई वसणाभिभूए एवं अयसकिलिद्धे एवं सुहाणडिए एवं रिणोवहुए अविन्नायजाइ-कुल-सील-सहावे एवं बहु-वाहि-वेयणा-परिगय-सरीरे एवं रसलोलुए एवं बहु-निद्धे एवं इतिहास-खेइ-कंदप्प-नाह-वायचच्चरि-सीले एवं बहु-कोऊहले एवं बहुपोसवग्गे जाव णं मिच्छदिट्ठि-पडिनीय-कुलुप्पे इ वा से णं गोयमा जे केई आयरिए इ वा मयहरए इ वा गीयत्ये इ वा अगीयत्ये इ वा आयरिय-गुण-कलिए इ वा मयहर-गुण कलिए इ वा भविस्सायरिए इ वा भविस्स-मयहरए इ वा लोमेणं वा गारवेण वा दोण्हं गाउय-सयाणं अब्भंतं पच्चावेज्जा से णं गोयमा वइक्क-मिय-भेरे से णं पवयण-वोच्छित्तिकारए से णं तित्थ-वोच्छित्तिकारए से णं संघ-वोच्छित्ति कारए से णं वसणाभिभूए से णं अदिट्ठ-परलोग-पच्चवाए से णं अनायार-पवित्ते से णं अकज्जयारी से णं पावे से णं पाव-पावे से णं महा-पाव-पावे से णं गोयमा अभिगाहिय-चंड-रुद्ध-कूर-मिच्छदिट्ठी ।

मू. (८२५) से भयवं के णं अट्टेणं एवं वुच्चइ गोयमा आयारे मोक्ख-मग्गे नो णं अनायारे मोक्खमग्गे एएणं अट्टेणं एवं वुच्चइ से भयवं कयरे से णं आयारे कयरे वा से णं अनायारे गोयमा आयारे आणा अनायारे णं तप्पडिवक्खे तत्थ जे णं आणापडिवक्खे से णं एगंते सव्व पयारेहिं णं सव्वहा वज्जणिजे जे य णं नो आणा-पडिवक्खे से णं एगंते णं सव्व-पयारेहिं णं सव्वहा आयरणिजे तहा णं गोयमा जं जाणेज्जा जहा णं एस णं सामन्नं विराहेज्जा से णं सव्वहा विवज्जेज्जा ।

मू. (८२६) से भयवं केह परिक्खा गोयमा जे केई पुरिसे इ वा इत्थियाओ वा सामन्नं पडिवज्जिउ-कामे कंप्पेज्ज वा थरहेज्ज वा निसीएज्ज वा छड्ढिं वा पकरेज्ज वा सगेणं वा परगेण वा आसंतिए इ वा

संति ए इ वा सदहुतं गच्छेज्ज वा अवलीइज्ज वा पलोएज्ज वा वेसग्गहणे दोइज्जमाणे कोई उप्पाए इ वा असुहे दोत्रिमित्ते इ वा भवेज्जा से णं गुयत्थे गणी अन्नयरे इ वा भयहरादी महया नेउन्नेणं निरुवेज्जा जस्स णं एयाइं परतक्केज्जा से णं नो पव्वावेज्जा से णं गुरु-पडिणीए भवेज्जा से णं निद्धम्म-सबले भवेज्जा से णं सव्वहा सव्व-पयारेसु णं केवलं एगंतेनं अयज्ज-करणुज्जाए भवेज्जा से णं जेणं वा तेन वा सुएण वा विन्नाणेण वा गारविए भवेज्जा से णं संजई-वग्गस्स चउत्थ-वयखण्डण-सीले भवेज्जा से णं बहुसुवे भवेज्जा ।

मू. (८२७) से भयवं कयरे णं से-बहु-रुवे-चुच्चइ जे णं ओसन्न-विहारीणं ओसन्ने उज्जय-विहारीणं उज्जय-विहारी निद्धम्म-सबलणं निद्धम्म-सबले बहुरुवी रंग-गए चारणे इव नडे ।

मू. (८२८) खणेण रामे खणेण लक्खणे खणेण दसगीव-रावणे खणेणं, टप्पर-कणण ।

दंतुर-जरा-जुन्न-गते पंडर-केस-बहु-पवंच भरिए विदूसग ॥

मू. (८२९) खणेणं तिरियं च जाती वानर-हनुमंत-केसरी ।

जह णं रुस गोयमा तहा णं से बहुरुवे ॥

मू. (८३०) एवं गोयमा जे णं असई कयाई केई चुक्क-खलिएणं पव्वावेज्जा से णं दूरद्धाण ववहिए करेज्जा से णं सन्निहिए नो धरेज्जा से णं आयरेणं नो आलवेज्जा से णं भंडमत्तोवगरणेणं आयरेणं नो पडिलाहावेज्जा से णं तस्स गंधसत्थं नो उद्विसेज्जा से णं तस्स गंध-सत्थं नो अनुजाणेज्जा से णं तस्स सखि गुज्झ-रहस्सं वा अगुज्झ-रहस्सं वा नो मंतेज्जा एवं गोयमा जे केई एय दोस-विष्णुमुक्केसे णं पव्वावेज्जा तहा णं गोयमा मिच्च-देसुप्पन्नं अणारियं नो पव्वावेज्जा एवं वेसा-सुयं नो पव्वावेज्जा एवं गणिगं नो पव्वावेज्जा एवं चक्खु-विगलं एवं विगणिय-कर-चरण एवं छिन्न-कन्ननासोड्डं रुवं कुट्ट-वाहीए गलमाण-सडहडंतं रुवं पंगुं अंगंगमं मूयं बहिरं एवं अमुक्कड-कसायं एवं बहु पासंड-संसड्डं एवं धन-राग-दोस-मोह-मिच्छत्त-मल-खवलियं एवं उज्झिय उत्तयं रुवं पोराण निक्खुड एवं जिनालगाई बहु देव-बलीकरण-भोइयं चक्कयरं एवं नड-नट्ट-छत्त-चारणं एवं सुयजड्डं चरण-करण-जड्डं जड्डकायं नो पव्वावेज्जा एवं तु जाव एव तु जाव णं नाम-हीणं धाम-हीनं कुल-हीनं बुद्धि-हीनं पत्रा-हीनं गामउड-मयहरं वा गामउड-मयहरसुयं वा अन्नयरं वा निंदियाहम-हिंनजाइयं वा-अविन्नाय कुल-सहावं वा गोयमा सव्वहा नो दिक्खे नो पव्वावेज्जा एएसिं तुं पयाणं अन्नयर-पए खलेज्जा जो सहसा-देसूण-पुव्वकोडी-तवेणं गोयमा सुज्जेज्ज वा न वा वि ।

मू. (८३१) एवं गच्छववत्थं तह ति पालेतु तहेव जं जहा भणियं ।

रय-मल-किलेस-मुक्के गोयम मोक्खं गएऽ नंतं ॥

मू. (८३२) गच्छंति गमिस्संति य ससुरासुर-जग-नमंसिए वीरे ।

भुयसेक्क-पायड-जसे जह भणिय-गुणट्टिए गणिणो ॥

मू. (८३३) से भयवं जे णं केई अमुणिय-समय-सब्भावे होत्था विहिए इ वा अविहिए इ वा कस्स य गच्छायारस्स य मंडलि-धम्मस्स वा छत्तीसइविहस्स णं सप्पोय-नाण-दंसण-चरित्त-तव-वीरियायारस्स वा मनसा वा वायाए वा कहिं वि अन्नयरे ठाणे केई गच्छाहिवई आयरिए इ वा अंतो विमुद्धा परिणामे वि होत्था-णं असई चुक्केज्ज वा खलेज्ज वा परुवेमाणे वा अनुद्धेमाणे वा से णं आराहगे उयाहु अनाराहगे गोयमा अनाराहगे से भयवं केणं अट्टेणं एवं चुच्चइ जहा णं गोयमा

अनाराहगे गोयमा णं इमे दुवालसंगे सुय-नाणे अनप्यवसिए अनाइ-निहणे सच्चयत्य-पसाहगे अनाइ-संसिद्धे से णं देविंद-वंद-वंदाणं-अतुल-बल-वीरिएसरिय-सत्त-परक्कम-महापुरिसावार-कंति-दिति-लावन्न-रुव-सोहगाइ-सयल कला-कलाव-विच्छट्ट मंडियाणं अनंत-नाणीयं सयं संबुद्धाणं जिन-वराणं अनाइसिद्धाणं अनंताणं वट्टमाणं-समय-सिद्ध माणाणं अन्नेसिंथ आसन्न-पुरेक्खणाणं अनंताणं सुगहिय-नाम-धेज्जाणं महायसाणं महासत्ताणं महानुभागाणं तिहुयणेक्क-तिलयाणं तेलोक्क-नाहाणं जगपवराणं-जगेक्क-बंधूणं जग-गुरूणं सच्चन्नूणं सच्च-दरिसीणं पवर-वर-धम्म-तित्थकराणं अरहंताणं भगवंताणं भूयभव्व-भविस्साईयाणाय-वट्टमाण-निखिलासेस-कसिण-सगुण-सपज्जय सच्चवत्थुविदियसब्बावाणं असहाए पवरे एकमेक्कमग्गे

से णं सुत्तत्ताए अत्थत्ताए गंयत्ताए तेसिं पि णं जहट्टिए चेव पन्नवणिज्जे जहट्टिए चेवानुड्डणिज्जे जहट्टिए चेव भासणिज्जे जहट्टिए चेव वायणिज्जे जहट्टिए चेव पल्लवणिज्जे जहट्टिए चेव वायणिज्जे जहट्टिए चेव कहणिज्जे से णं दग्गे दुवालसंगे गणिपिल्लगे तेसिं पि नन देविंद-वंदाणं निखिल-जग-विदिय-सदच्च-सपज्जव-गइ-आगइ-हास-बुट्टि-जीवाइ-तत्त-जाव णं वत्थु-सहावाणं अलंघ-णिज्जे अणाइक्क-मणिज्जे अनासायणिज्जे अनुमोयणिज्जे तहा चेव इमे दुवालसंगे सुयनाणे सच्च-जग-जीव-पान-भूयसत्ताणं एगंतेनं हिए सुहे खेमे नीसेसिए आनुगामिए पारगामिए पसत्थे महत्थे महागुणे महानुभावे महापुरिसाणुचिन्ने परमरिसिदेसिए दुक्खक्खयाए मोक्खयाए संसारुत्तारणाए ति कट्टु उवसंपिअत्ताणं विहरिंसु किमुत्त-मन्नेसिं ति ता गोयमा जे णं केइ अमुणिय-समय-सब्भावे इ वा विइय-समय-सारे इ वा विहिए इ वा अविहीए वा गच्छाहिवई वा आयरिए इ वा अंतो विसुद्ध-परिणामे वि होत्थ गच्छायारं मंडलि-धम्मा छत्तीसइविह आयारादिजाव णं अन्नयरस्स वा आयस्सगाइ करणिअस्स णं पवयण-सारस्स असती चुक्केअ वा खलेअ वा ते णं इमे दुवालसंगे सुयनाणे अन्नहा पयरेज्जा जे णं इमे दुवालसंगं-सुय-नाण-निबद्धंतरोवगयं एक्क पयक्खरमवि अन्नहा पयरे से णं उम्मग्गे पयंसेज्जा जे णं उम्मग्गे पयंसे से णं अनाराहगे भवेज्जा ता एएणं अट्टेणं एवं वुच्चइ जहा णं गोयमा एगंतेनं अनाहारगे ।

मू. (८३४) से भयवं अत्थि केई जेणमिणमो परम-गुरूणं पी अलंघणिज्जं परमसरन्नं फुडं पयडं-पयड पयडं परम-कल्लाणं कसिण-कम्मट्ठ-दुक्ख-निव्वणं पवयणं अइक्कमेअ वा वइक्कमेअ वा लंघेअवा-खंडेअ वा विराहेअ वा आसाएअ वा से मनसा वा वयसा वा कायसा वा जाव णं वयासी-गोयमा णं अनंतेनं कालेणं परिवत्तमाणेणं सययं दस-अच्छग्गे भविसु तत्थ णं असंखेअे अभव्वे असंखेअे मिच्छादिट्ठि असंखेअे सासायणे दच्च-लिंगमासीय सद्धत्ताए दंभेणं सक्करिअंते एत्थए धम्मिग ति काऊणं बहवे अदिट्ठ-कल्लाणे जइणं पवयणमब्भुवगमंति तमब्भुवगामिय रस-लोल्लाए विसय-लोल्लाए दुइत्तिदियं-दोसेणं अनुदियहं जहट्टियं मग्गं निव्वंति उम्मग्गं च उस्सप्पयंति ते य सच्चे तेनं कालेणं इमं परम-गुरूणं पि अलंघणिज्जं पवयणं जाव णं आसायंति ।

मू. (८३५) से भयवं कयरे णं ते णं काले णं दस अच्छेरगे भविसु गोयमा णं इमे ते अनंतकाले णं दस अच्छेरगे भवंति तं जहा तित्थयराणं उवसग्गे उवसग्गे गब्भ-संक्रामणे, वामा तित्थयरे, तित्थयरस्स णं देसणाए अभव्व समुदाएण परिसा-बंधि-सविमाणेणं चंदाइज्जाणं तित्थयरसमवसरणे, आगमने वासुदेवा णं संखज्झुणीए अन्नयरेणं वा राय-कउहेणं परोप्पर-भेलावगे, इहइं तु भारहे

छेत्ते हरिवंस-कुलुप्पती ए चमरुप्पाए एण समाणं अइसय-सिद्धिगमणं असंजयाणं पूया-
कारणे ति ।

मू. (८३६) से भयवं जेण केई कहिंचि कयाई पमाय-दोसाओ पवयणमासाएआ से णं कि
आयरियं पयं पावेआ गोयमा जे णं केई कहिंचि कयाई पमायदोसओ असई कोहेणं वा मानेणं वा
मायाए वा लोभेण वा रागेण वा दोसण वा भएण वा हासेण वा मोहेण वा अन्नाण-दोसेण वा
पवयणस्स णं अन्नयरे द्वाणे वइमित्तेणं पि अनायारं असमायारी परुवेमाणे वा अनुमन्नेमाणे वा
पवयणमासाएआ से णं बोहिं पि नो पावे किमंगं 'यरियपयलंमं से भयवं किं अभव्ये मिच्छादिट्ठी
आयरिए भवेआ गोयमा भवेआ एत्थं च णं इंगालमहगाई नेए से भयवं किं मिच्छादिट्ठी निक्खमेआ
गोयमा निक्खमेआ से भयवं कयरेणं ल्लिगेणं से णं दियाणेआ जहा णं धुवमेस मिच्छादिट्ठी गोयमा
जे णं कय-सामाइए सव्व-संग-विमुत्ते भविताणं अफासु-पानगं परिभुजेआ जे णं अनगार-धम्मं
पडिवज्जिताणमसई सोइरियं वा पुरोइरियं वा तेउकायं सेवेअ वा सेवावेअ वा तेउकायं सेविअमाणं
अन्नेसिं समनुजाणेअ वा तहा नवण्हे बंभचेर-गुत्तीण जे केई साहू वा साहूणी वा एकमवि खंडेअ
वा विराहेअ वा खंडिअमाणं वा विराहिअमाणं वा बंभचेर-गुत्ती परेसिं समनुजाणेआ वा भणेणं वा
वायाए वा काएण वा से मिच्छादिट्ठि न केवलं मिच्छादिट्ठी अभिग्गहयमिच्छादिट्ठी दियाणेआ ।

मू. (८३७) से भयवं जे णं केई आयरिए इ वा मयहरए इ वा असई कहिंचि कयाई तहाविहं
संविहानगमासअ इणमो निगंयं पवयणमन्नहा पअवेआ से णं किं पावेआ गोयमा जं सावज्जायरिएणं
पावियं से भयवं कयरे णं से सावज्जायरिए किं वा तेनं पावियं ति गोयमा णं इओ य उसभादि-
तित्थंकर-चउवीसिगाए अनंतेनं कालेणं जा अतीता अन्ना चउवीसिगा तीए जारिसो अहयं तारिसो
चेव सत्त-रयणी-पमाणेणं जगच्छेरय-भूयो देविंद-विंदवदिओ पवर-वर-धम्मसिरी नाम घरम-
धम्मतित्थंकरो अहेसि तस्सेय-तित्थे सत्त अच्छेरेगे पभूए अहन्नया परिनिव्वुडस्स णं तस्स तित्थंकरस्स
कालक्कमेणं असंजयाणं सक्कार-कारवणे नाम अच्छेरेगे वहिउभारद्धे तत्थ णं लोगानुवत्तीए मिच्छत्त-
वइयं असंजय-पूयानुरयं बहु-जन-समूहं ति वियाणिऊणं तेनं कालेणं तेनं समएणं अमुणिय-
समय-सब्भावेहिं ति-गारव-मइरा-मोहिएहिं नाम-मेत्त-आयरियमयहरेहिं सहाईणं सयासाओ दविण-
जायं पडिग्गहिय-यंभ-सहस्सुसिए सक-सके ममत्तिए चेइयालगे काराविऊणं ते चैव दुरंत-पंत-
लक्खणाहमाहमेहिं आसईए ते चैव चेइयालगे मासीय गोविऊणं धअल-धीरिय-पुरिसक्खर-परक्कमे
संते बले संते वीरिए संते पुरिसक्खर-परक्कमे चइऊण उग्गाभिग्गहे अनियय-विहारं नीयावासमासइत्ता
णं सिद्धिहीहोऊणं संजमाइसुद्धिए पच्छा परिचिद्धाणं इहलोग-परलोकावायं अंगीकाऊणं य सुदीह-
संसारं तेसुं चैव मढ-देवलेसुं अद्यत्थं गदिरे मुद्धिरे ममीकारा-हंकारेहिं णं अभिभूए सयमेव विचित्तमल्ल
दामाईहिं णं देवद्वयं काउमब्भुअए जं पुन समय-सारं परं-इमं सव्वन्नु-वयणं तं दूर-सुदूरयरेणं
उज्झियंति तं जहा-सव्वे जीवा सव्वे पाणा सव्वे भूया सव्वे सत्ता न हंतव्वा न अज्जावेयव्वा न
परियावेयव्वा न परिघेतव्वा न विराहेयव्वा न किलामेयव्वा न उद्वेयव्वा जे केई सुहुमा जे केई
बायरा जे केई तसा जे केई थावरा जे केई पअत्ता जे केई अपअत्ता जे केई एगेदिया जे केई
बेंइदिया जे केई तेइंदिया जे केई चउरिंदिया जे केई पंचेइंदिया तिविहं तिविहेणं मणेणं वायाए
काएणं जं पुन गोयमा मेहुणं तं एगंतेनं मिच्छयओ बाढं तहा आउ-तेउ-समारंभं च सव्वहा

सव्यप्यारेहिं णं सययं विवज्जेआ मुनीति एस धम्मे धुवे सासए नीरए समेअ लोमं खेयन्नुहिं पवेइयं ति ।

मू. (८३८) से भयवं जे णं केई साहू वा साहुणी वा निग्गंथे अनगारे दव्वत्थयं कुआ से णं किमालावेआ गोयमा जे णं केई साहू वा साहुणी वा निग्गंथे अनगारे दव्वत्थयं कुआ से णं अजये इ वा असंजएइ वा देव-भोइए इ वा देवद्वगे इ वा जाव णं उम्मग्गएइ वा दूरुज्झिय सीले इ वा कुसीले वा सच्छंदयारिए इ वा आलवेअ ।

मू. (८३९) एवं गोयमा तेसिं अनायार-पत्तत्ताणं वड्डूणं आयरिअ-मगहरादीणं एते पग्ग-यच्छवी कुवल्लयप्पहाभिहाणे नाम अनगारे महा-तवस्सी अहेसि तस्स णं महा-महंते जीवाइ-पयत्थेसु तत्त-परिन्नामे सुमहंतं येव संसार-सागरे-तासुं तासुं जोणीसुं संसरण-भयं-सव्वहा सव्वप्यारेहिं णं अघंतं आसादना-भीरुयत्तणं तत्कालं तारिसे वी असभंजसे अनायारे बहु-साहमिय-पवत्तिए तहा वी सो तित्थयराणमाणं नाइक्कमेइ अहन्नया सो अनिगूहिय-बल-वीरिय-पुरिसकार-परक्कमे सुसीम-गण-परियरिओ सव्वन्नु-पणीयागम-सुत्तत्थो-भयाणुसारेणं ववगय-राग-दोस-मोह-मिच्छत्तममकारहंकारो सव्वत्थपडिबद्धो किं बहुना सव्वगुणगणाहिड्डिय-सरीरो अनेम-गामागर-नगर-पुर-खेड-कच्चड-मडंब दोणमुहाइ-सन्निवेस-विसेसेसुं अणेगेसुं भव्वसत्ताणं संसारचारग-विमोक्खणि सद्धम्म-कहं परिकहेहिंतो विहरिंसु एवं च वव्वंति वियहा अन्नया णं सो महानुभागे विहरमाणो आगओ गोयमा तेसिं नीयविहारीणमावासगे तेसिं च महा-तवस्सी काऊण सम्माणिओ किइक्कम्मसण-पयाणाइणा सुविनएणं एवं च सुह-निसन्नो चिड्डित्ताणं धम्म-कहाइणा विनोएणं पुणा गंतुं पयत्ते ताहे भणिओ सो महानुभागे गोयमा तेहिं दुरंत-यंतलक्खणेहिं लिगोवजीवीहिं णं भट्ठायालुम्मग्ग-पवत्तगाभिग्गहीय-मिच्छादिट्ठीहिं जहा णं भयवं जइ तुममिहइ एक्कं वासा-रत्तियं चाउम्मासियं पडंजियंताणमेत्थं एत्तिगे एत्तिगे चेइयालगे भवंति नूनं तुज्झाणत्तीए ता किरउ-मनुग्गहम्महाणं इहेव चाउम्मासियं ताहे भणियं तेनं महानुभागेणं गोयमा जहा भो भो पियंवए जइ वि जिनालए तहा वि सावज्जमिणं नाहं वाया-मित्तेणं पि एयं आयरिआ एयं च समय-सार-परं तत्तं जहड्डियं अविवरियं नीसंकं भणमाणेणं तेसिं मिच्छादिट्ठी-लिगीणं साहुवेस-धारीणं भज्जे गोयमा आहंकलियं तित्थर-नाम-कम्म-गोयं तेनं कुवल्लयप्पहाभिहाणं कयं च से सावजाय-रियाभिहाणं सहकरणं गयं च पसिद्धीए एवं च सहजिआमाणो वि सो तेनापसत्थ-सह-करणेणं तहा वि गोयमा ईसि पि न कुप्पे ।

मू. (८४०) अहन्नया तेसिं दुरायाराणं सद्धम्म-परमुहाणं अगार-धम्माणगार-धम्मोभयमट्ठाणं लिग-मेत्त-नाम-पव्वइयाणं कालक्कमेणं संजाओ परोप्परं आगम-वियारो जहा णं सट्ठा-ग्गणमसई संजया येव मढ-देउले पडिजागरेति खण्ड-पडिए य समारावयंति अन्नं च जाव करणिअं तं पइ समारंभे कज्जमाणे जइस्सावि णं नत्थि दोस-संभवं एवं च केई भणंति संजम-मोक्खनेयारं अन्ने भणंति जहा णं पासायवडिंसए पूया-सकार-बलि-विहाणाईसुं न तित्थुच्छप्पणा येवमोक्ख-गमनं एवं तेसिं अविइय-परमत्थाणं पाव-कम्माणं जं जेन सिद्धं सो तं चेवुहामुस्सिखलेणं मुहेणं पलवति ताहे समुद्धियं वाद-संघट्टं तहा एगे भणंति जहा-अमुगो अमुगत्थामे चिड्डे अन्ने भणंति अमुगो अग्ने भणंति किमत्थं बहुना पलविएणं सव्वेसिं अम्हाणं सावजायरीओ एत्थ पमाणं ति तेहिं भणियं

जहा एवं होउ ति हक्कारावेह लहु तओ हक्काराविओ गोयमा सो तेहिं सावजायरीओ आगओ दूरदेसाओ अप्पडिबद्धता विहरमाणो सतहिं मासेहिं जाव णं दिट्ठो एगाए अजाए साय तं कट्ठुग-तव-चरण-सोसिय-सरीरं चम्मडि-सेस तणुं अञ्जंतं तव-सिरिए दिप्पंतं सावजायरीयं पेच्छिय सुविम्भियंतकरणा वियक्किउं पयत्ता अहो किं एस महानुभागे णं सो अरहा किं वा णं धम्मो चेव मुत्तिमंतो किं बहुना-तियसिंधवदाणं पि वंदणिञ्ज-पाय-जुओ एस ति चित्तिऊणं भत्ति-भरणिअरा आयाहि संभयहिणं काउणं उत्तिमंगेणं छंदहेनाणी झत्ति निवडिया चलणेसु गोयमा तस्स णं सावजायरीयस्स दिट्ठो य सो तेहिं दुरायारेहिं पणमिअमाणो अन्नया णं सो तेसिं तत्थ जहा जग-गुरुहिं उवइइं तथा चेव गुरुवएसाणुसारेणं आनुपुब्बीए जह-द्वियं सुत्तत्थं वागरेइ ते वि तथा चेव सदहंति अन्नया ताव वागरियं गोयमा जाव णं एक्कारसण्हमंगाणं चोइसण्हं पुब्बाणं दुवालसंगस्स णं सुयनाणस्स नवनीयसारभूयं सयल-पाव-परिहारहु-कम्म-निम्महणं आगयं इणमेव गच्छ-मेरा-पन्नवणं महानिसीह-सुयकखंधस्स पंचममज्झयणं एत्थेव गोयमा ताव णं वक्खाणियं जाव णं आगया इमा गाहा ।

मू. (८४१) जत्थित्थी-कर-फरिसं अंतरियं कारणे वि उप्पन्ने ।

अरहा वि करेअ सयं तं गच्छं मूल गुण-मुक्कं ॥

मू. (८४२) तओ गोयमा अप्प-संकिएणं चेव चित्तियं तेनं सावजायरीएणं जहा णं-जइ इह एयं जहद्वियं पन्नवेमि तओ जं मम वंदनगं दाउमाणीए तीए अजाए उत्तमंगेणं चलणग्गे पुट्ठे तं सव्वेहिं पि दिट्ठमेएहिं ति ता जहा मम सावजायरीयाहिहाणं कयं तथा अन्नमवि किंचि एत्थ मुहं कं काहिंति अहन्नना सुत्तत्थं पन्नवेमि ता णं महती आसादना ता किं करियव्वमेत्थं ति किं एयं गाहं पओवयामि किं वा णं अन्नहा पन्नवेमि अहवा हा हा न जुत्तमिणं उभयहा वि अञ्जंतगरहियं आयहि यट्ठीणमेयं जओ न-मेस समयामिप्पाओ जहा णं जे भिक्खू दुवालसंगस्स णं सुयनाणस्स असई चुक्कखलिय-पममायासंकादी-सभयत्तेणं पयक्खरमत्ता-बिंदुमवि एक्कं पओवेआ अन्नहा या पन्नवेआ संदिद्धं वा सुत्तत्थं वक्खाणेआ अविहीए अओगस्स वा वक्खाणेआ से भिक्खू अनंतसंसारी भवेआ ता किं रेत्थं जं होही तं य भवउ जहद्वियं चेव गुरुवएसानुसारेणं सुत्तत्थं पवक्खामि ति चित्तिऊणं गोयमा पवक्खाया निखिलावयवविसुद्धा सा तेन गाहा एयावसरम्मि चोइओ गोयमा सो तेहिं दुरंत-पंत-लक्खणेहिं जहा जइ एवं ता तुमं पि ताव मूल-गुण-हीनो जाव णं संभरेसु तं जंतदिवसंतीए अजाए तुज्ज वंदनगं दाउकामाए पाए उत्तिमंगेणं पुट्ठे ताहे इहलोइगायस-हीरु खरसत्थरीहूओ गोयमा सो सावजायरीओ चित्तिओ-

जहा जं मम सावजा-यरीयाहिहाणं कयं इमेहिं तथा तं किं पि संपयं काहिंति जो णं तु सव्व-लोए अपुज्जो भविसं ता किमेत्थं पारिहारं दाहामि ति चित्तमाणेणं संभरियं तित्थयर-वयणं जहा णं जे केई आयरीए इ वा मयहरए इ वा गच्छाहि वई सुयहरे भवेआ से णं जं किंचि सव्वन्नु-अनंत-नाणीहिं पावाववाय-द्वाणं पडिसेहियं तं सव्वं सुयानुसारेणं विज्जायं सव्वहा सव्व-पयारेहि णं नो समायेरेआ नो णं समायरिअमाणं समनुजाणेआ से कोहेन वा माणेन वा भायाए वा लोभेन वा भएण वा हासेण वा गारवेण वा दप्पेण वा पमाएण वा असत्ती चुक्क-खलिएण वा दिया वा राओ वा एगओ वा परिसागओ वा सुत्ते वा जागरमाणे वा तिविहं तिविहेणं मणेणं वायाए काएणं

एतेसिमेवपयाणं जे केइ विराहगे भवेजा से णं भिक्खू भूओ भूओ निंदणिजे गरहणिजे खिसणिजे दुगुंछणिजे सब्ब-लोग-परभूए बहू-वाहि-वेयणा-परिगय-सरीरे-उक्खोसद्धितीए अनंत-संसार-सागरं परिभमेजा तत्थ णं परिभममाणे खणमेकं पि न कहिंचि कयाइ निब्बुई संपावेजा ता पमाय-गोयर-गयस्स णं मे पावाहमाहम-हीन-सत्त-काउरिसस्स इहइं चैव समुद्धियाए महंता आवई जेणं न सक्को अहमेत्थं जुत्ती-खमं किंचि पडिउत्तरं पयाउं जेतहा परलोगे य अनंत-भव-परंपरं भममाणो घोर-दारुणानंत-सोय-दुक्खस्स भागी भवीहामि हं मंदभागो ति चिंतयंतोऽवलक्खिओ सो सावज्जायरिआल्लगोयमा तेहिं दुरायार-पाव-कम्म-दुद्ध-सोयारेहिं जहा णं अलिय-खर-सत्थरीभूओ एस तओ संखुद्धमणं खर-सत्थरी भूयं कलिऊणं च भणियं तेहिं दुद्ध-सोयारेहिं जहा-जाव णं नो छिन्नमिणमो संसयं ताव णं उहं वक्खणं अत्थि ता एत्थं तं परिहारणं वायरेजा जं पोढ-जुत्ती-खमं कुग्गाह-निम्महण-पच्चलं ति तओ तेन चितिय जहा नाहं अदिन्नेणं पारिहारणेणं चुक्किमोमेसिं ता किमेत्थ पारिहारणं दाहामि ति चिंतयंतो पुणो वि गोयमा भणिओ सो तेहिं दुरायारेहिं जहा किमइं चिंता-सागरे निमज्जिऊणं ठिओ सिग्घमेत्थं किंचि पारिहारणं बयाहि नवरं तं पारिहारणं भणेजा जं जहुत्तत्थकियाए अव्वभिचारी ताहे सुइरं परितप्पिऊणं हियएणं भणियं सावज्जारिएणं जहा एएणं अत्थेणं जग-गुरूहिं वागरियं जं अओगस्स सुत्तत्थं न दायव्व (जहा) -

मू. (८४३)

आमे धडे निहितं जहा जलं तं घटं विनासेइ ।

इय सिद्धंत-रहस्सं अप्पाहारं विनासेइ ॥

मू. (८४४) ताहे पुणो वि तेहिं भणियं जहा किमेयाइ अरड-बरडाइं असंबद्धाइं दुब्भासियाइं पलवह जइ पारिहारणं णं दाउं सक्के ता उप्फिड मुयसु आसंन ऊसर सिग्घं इमाओ ठाणाओ किं देवस्स रुसेजा जत्थ तुमं पि पमाणीकाऊणं सब्ब-संघेणं समय-सब्बावं वायरेउं जे समाइडो तओ पुणो वि सुइरं परितप्पिऊणं गोयमा अन्नं पारिहारणं अलभमाणेणं अंगीकाऊण दीहं संसारं भणियं च सावज्जारिएणं जहा णं उस्सग्गाववाएहिं आगमो ठिओ तुब्बे न याणहेयं एगंतो मिच्छंतं जिणाणमाणा भनेगंता एयं च वयणं गोयमा गिन्हायव-संताविएहिं सिहिउलेहिं च अहिनवपाउस-सजल-घनोरल्लिमिव सबहुमानं समाइच्छियं तेहिं दुद्ध-सोयारेहिं तओ एग-वयण-दोसेणं गोयमा निबंधिऊनाणंत-संसारियत्तणं अप्पडिक्कमिऊणं च तस्स पाव-समुदाय-महाखंध-मेलावगस्स मरिऊणं उववन्नो वाणमंतरेसुं सो सावज्जायरिओ तओ चुओ समाणो उववन्नो पवसिय-भत्ताराए पडिवासुदेव-पुरोहिय-धूवाए कुच्छिंसु अहन्नया वियाणियं तीए जननीए पुराहिय-भज्जाए जहा णं हा हा हा दिन्नं मसि-कुच्चयं सब्ब-नियकुलस्स इमीए दुरायाराए मज्झ धूवाए साहियं च पुरोहियस्स तओ संतप्पिऊणं सुइरं बहुं च हियएणं साहारिउं निव्विसया कया सा-

तेणं पुरोहिणं एमहंता-असज्झदुत्तिवार-अयस-भीरुणा अहन्नया थेव कालंतरेणं कहिं वि थाममलभमाणी सी-उण्ह-वाय-विज्झडिया खु-क्खाम-कंठा दुब्भिक्ख-दोसेणं पविट्ठा दासत्ताए रस-वाणिज्जगस्स गेहे तत्थ य बहूणं मज्झ-पानगाणं संचियं साहरेइ अनुसमयमुच्चिड्ढं ति अन्नया अनुदिनं साहरमाणीए तमुच्चिड्ढं च बहु-मज्झ-पाणगे मज्झमावियमाणे पोग्गलं च समुद्दिंसंते तहेव तीए मज्झ-मंसस्सोवरिं दोहलगं समुप्पन्नं जावणं जं तं बहुमज्झ-पानगं नड-नट्ट-छत्त चारण-भडोइ-

चेङ-तकरा-सरिस-जातीसु मुञ्जियं खरु-सीस-पुंछ-कन्न-डिमयगयं उच्चिडं वसूरखंडं तं समुदिसिउं
 समारद्धा तहा तेसु चेव उच्चिड-कोडियगेसुं जं किंचि नाहीए मज्झं वित्थक्के तमेवासाइउमारद्धा
 एवं च कइवय-दिनाइक्केमेणं मज्झमंसोवरिं दढं गेही संजाया ताहे तस्सेव रस-वाणिज्जगस्स गेहाओ
 परिमसिऊणं किंचि-कंस-दूस-दणिय-जायं अन्नत्थ विक्किणिऊणं मज्झं मंसं परिभुंजइ ताव णं
 विन्नायं तेन रसवाणिज्जगेणं साहियं च नरवइणो तेना वि वज्झा-समाइद्धा तत्थ य रायउले एसो
 गोयमा कुल-धम्मो जहा णं जा काइ आवन्न-सत्ता नारी अवराह-दोसेणं सा जाव णं नो पसूया
 ताव णं नो वावायव्वा तेहिं विनिउत्त-गणिगितगेहिं सगेहे नेऊण पसूइ समयं जाव नियंतिया
 रक्खेयव्वा अहन्नया नीया तेहिं हरिएस-जाईहिं स-गेहं कालक्केमेण पसूयाय दारगं तं सावज्जायरिय
 जीवं तओ पसूयमेत्ता चेव तं बालयं उज्झिऊण पणद्धा मरणभयाहितत्था सा गोयमा दिसिमेक्कं
 गंतूणं वियाणियं च तेहिं पावेहिं जहा-पणद्धा सा पाव-कम्मा साहियं च नरवइणो सुणाहिवइणा
 जहा णं देव पणद्धा सा दुरायारा कयली-गब्भोवमं दारगमुञ्जिऊणं रन्ना वि पडिभणियं जहा णं
 जइ नाम सा गया ता गच्छउ तं बालयं पडिवालेआसु सव्वहा तहा कायव्वं जहा तं बालगं न वावजे
 गिण्हेसुइमे पंच-सहस्सा दविण-जायस्स तओ नरवइणो संदंसेणं सुयमिव परिवालिओ सो पंसुली-
 तणओ अन्नया कालक्केमेणं मओ सो पाव-कम्मा स-आहिवई तं रन्ना समनुज्झिणियं तस्सेव बालगस्स
 घरसारं कओ पंचण्हं सयाणं अहिवई तत्थ य सुणाहिवइ पए पइडिओ समाणो ताई तारिसाई
 अकरणिजाई समनुट्ठिताण गओ सो -

गोयमा सत्तमीए पुढवीए अपइद्धाण-नामे निरयावासे सावज्जायरिय-जीवो एवं तं तत्थ तारिसं
 घोर-पंचंड-रोहं सुदारुणं दुक्खं तेत्तीसं सागरोवमे जाव कह कहवि किलेसेणं समनुभविऊणं
 इहागओ समाणो उववन्नो अंतरदीवे एगोरुयजाई तओ वि मरिऊणं उववन्नो तिरिय-जोणीए
 महिसत्ताए तत्थ य जाई काइं वि नारग-दुक्खाइं तेसिं तु सरिस-नामाइं अनुभविऊणं छवीसं
 संवच्छराणि तओ गोयमा मओ समाणो उववन्नो मनुएसु तओ वासुदेवत्ताए सो सावज्जायरिय-
 जीवो तत्थ वि अहाऊयं परिवालिऊणं अनेग-संगामारंम-परिगह-दोसेणं मरिऊणं गओ सत्तमाए
 तओ वि उव्वट्ठिऊणं सुइर-कालाओ उववन्नो गय-कन्नो नाम मनुय-जाई तओ वि कुणिमाहार-
 दोसेणं कूरज्झ-वसायमईगओ मरिऊणं पुणो वि सत्तमाए तेहिं चेव अपइद्धाणे निरय-वासे तओ
 वि उव्वट्ठिऊणं तिरिएसु महिसत्ताए तत्था वि णं नरगोवमं दुक्खमनुभवित्ता णं मओ समाणो
 उववन्नो बाल-विहवाए पंसुलीए माहण-धूयाए कुच्छिसि अहन्नया निउत्त-पच्छन्न-गब्भ-साडण-
 पाडणे खार-चुन्नजोगदोसेणं अनेगवाहि-वैयणा-परिगय-सरीरो सिडिहिडंत-कुट्ट-वाहिए परिगल-
 माणो सलसलित-किमिजालेणं खजंतो नीहरिओ नरओवमं घोर-दुक्ख-निवासो गब्भवासाओ
 गोयमा सो सावज्जायरियजीवो तओ सव्व-लोहेहिं निदिज्जमाणो गरहिज्जमाणो खिसिज्जमाणो
 दुगुंछिज्जमाणो सव्व-लोअपरिभूओ पान-खाण-भोगोवभोग-परिवञ्छिो गब्भवास-पभित्तीए चेव
 विचित्तसारीर-मानसिग-घोर-दुक्ख-संततो सत्त-संवच्छरसयाई दो मासे य चउरो दिने य
 जावजीविऊणं मतो समाणो उववन्नो वाणमंतरेसुं तओ चुओ उववन्नो मनुएसुं -

पुणो वि सुणाहिवइत्ताए तओ वि तक्कम्मदोसेणं सत्तमाए तओ वि उव्वट्ठेऊणं उववन्नो तिरिएसुं
 चक्कियघरंसि गोणत्ताए तत्थ य चक्क-सगड-लंगलायट्टणेणं अहन्निसं जूवारोवणेणं पञ्चिऊणं

कुहियाउच्चियं खंधं सम्मुच्छिष्टं य किमी ताहे अक्खमीहूयं खंध-जूव-धरणस्स विन्नाय पट्टीए वाहिउमारद्धो तेनं चक्किएणं अहन्त्या कालक्कमेणं जहा खंधं तहा पच्चिऊण कुहिया पट्टी तथा वि समुच्छिष्टं किमी सडिऊण विगयं च पट्टि-धम्मं ता अकिंचियरं निप्पओयणं ति नाऊणं मोक्कलियं गोयमा तेनं चक्किएणं तं सलसलित-किमि जालेहिं णं खज्जमाणं बड्ढसा-वज्जायरिय-जीव तओ मोक्कल्लिओ समाणो परिसडिय-पट्टि-धम्मो बहु काय-साण-किमि-कुलेहिं सबज्जत्थमंतरे विलुप्पमाणो एकूनतीसं संवच्छराइं जावाहाउगं परिवालेऊण मओ समाणो उव्वन्नो अनेग-वाहि-वेयणा-परिगय-सरीरो मनुएसुं महाधनस्स णं इम्म-गेहे तत्थ वमन-विरेयन-खार-कडु-तित्त-कसाय-तिहल-मुग्गुल-काढगे आवीयमाणस्स निच्च-विसोसणाहिं च असज्झाणुवसम्म-घोर-दारुण-दुक्खेहिं पज्जालियस्सेव गोयमा गओ निष्फलो तस्स मनुयजम्मो एवं च गोयमा सो सावज्जायरिय-जीवो घोइस-रज्जुयलोगं जम्मण-मरणेहिं णं निरंतरं पडिजरिऊणं सुदीहनंतकालाओ समुप्पन्नो मनुयरत्ताए अवरविदेहे तत्थ य भाग-वसेणं लोगामुवत्तीए गओ -

तित्थयरस्स बंदन-वत्तियाए पडिबुद्धो य पव्वइओ सिद्धो य इह तेदीसइम-तित्थयरस्स पासनामस्स काले एयं तं गोयमा सावज्जायरिएणं पावियं ति से भयवं किं पच्चइयं तेनानुभूयं एरिसं दूसहं घोर-दारुणं महादुक्ख-सन्निवाय-संघट्टमेत्तियकालं ति गोयमा जं भणियं तक्काल-समयम्मि जहा णं उस्सग्गाववाएहिं आगमो ठिओ एगंतो मिच्छत्तं जिणाण आणा अनेगंतो ति एय-वयणपच्चइयं से भयवं किं उस्सग्गाववाएहिं णं नो ठियं आगमं एगंतं च पन्नविज्जइ गोयमा उस्सवाववाएहिं चेव पवयणं ठियं अनेगंतं च पन्नविज्जइ नो णं एगंतं नवरं आउक्काय-परिभोगं तेउ-कायसमारंभं मेहुणासेवणं च एते तओ धाणंतरे एगंतेनं निच्छयओ बाढ सव्वहा सव्व-पयारेहिं णं आयहियट्ठीणं निसिद्धं ति एत्थं च सुत्ताइक्कमे संमग्ग-विष्णणासणं उम्मग्ग-पयरिसणं तओ य आणा-भंगं आणा-भंगओ अनंत संसारी से भयवं किं ते णं सावज्जायरिएणं मेहुणमासेवियं गायमा सेवियासेवियं नो सेवियं नो असेवियं से भयवं केणं अट्टेणं एवं बुद्धइ गोयमा जं तीए अज्जाए तक्कालं उत्तिमंगेणं पाए फरिसिए फरिसिज्जमाणे य नो तेन आउटिटं संवरिए एएणं अट्टेणं गोयमा बुद्धइ से भयवं एहए-मेत्तस्स वि णं एरिसे घोरे दुव्विमोक्खे बद्ध-पुट्ट-निकाइए कम्म-बंधे गोयमा एवमेयं न अन्नह ति से भयवं तेन तित्थयरनाम-कम्मगोमं आसंकलियं एगभावसेसीकओ आसी भवोयहि ता किमेयमनंत-संसारहिडंणं ति गोयमा नियय-यमाय-दोसेणं तम्हा एयं वियाणित्ता भवविरहमिच्छमाणेणं गोयमा सुद्धि-समय-सारेणं गच्छाहिबइणा सव्वहा सव्व-पयारेहिं णं सव्वत्थामेसु अच्चत्तं अप्यमत्तेणं भवियव्वं ति वेमि ।

अध्ययन-५-समाप्तम्

अध्ययन-६- 'गीतार्थविहार'

मू. (८४५) भगवंजो रत्ति-जियहंसिद्धंतं पढइ सुणे वक्खाणे चित्तं सततं सो किं अनायारमायारे सिद्धंत-गयमेगं पि अक्खरं जो वियाणइ सो गोयम मरणंते वी अनायारं नो समायरे ।

मू. (८४६) भयवं ता कीस दस-पुव्वी नंदिसेन-महायसे पव्वज्जे चेक्खा गणिकाए गेहं पविट्ठो पमुद्धइ (गोयमा)

- मू. (८४७) तत्स पवङ्गं ने भोगऽहलं खलिय-कारणं ।
भव-भय-भीओ तहा वि दुयं सो पव्वज्जमुवागओ ॥
- मू. (८४८) पायालं अवि उह्मुहं सगं होआ अहो-मुहं ।
नो उणो केवलि-पन्नसं वयणं अन्नहा भवे ॥
- मू. (८४९) अन्नं सो बहुवाए वा सुय-निबद्धे वियारितं ।
गुरुणो पामूले मोत्तूणं लिगं निव्विसओ गओ ॥
- मू. (८५०) तमेव वयणं सरमाणो दंत-भग्गो स-कम्मुणा ।
भोगहलं कम्मं वेदेइ बद्ध-पुट्ट-निकाइयं ॥
- मू. (८५१) भयवं ते केरिसोवाए सुय-निबद्धे वियारिए ।
जेणज्झिऊणं सामन्नं अज्ज वि पाने धरेइ सो ॥
- मू. (८५२) एते ते गोयमोवाए केवलीहिं पवेइए ।
जहा विसय-पराभूओ सरेआ सुत्तमिमं भुनी (तं जहा-) ॥
- मू. (८५३) तवमद्दगुणं घोरं आढवेआ सुदुक्करं ।
जया विसए उदिज्जंति पडनासण-विसं पिबे ॥
- मू. (८५४) काउं बंधिऊण मरियव्वं नो चरित्तं विराहए ।
अह एयाइं न सक्किआ ता गुरुणो लिगं समप्पिया ॥
- मू. (८५५) विदेसे जत्थ नागच्छे पउत्ती तत्थ गंतूण ।
अनुव्वयं पालेआ नो णं भविया निद्धंघसे ॥
- मू. (८५६) ता गोयम नंदिसेनेनं गिरि-पडणं जाव पत्थुयं ॥
ताव आयासे इमा वाणी पडिओ वि नो मरिअ तं ॥
- मू. (८५७) दिसा-मुहाइं जा जोए ता पेच्छे चारणं-मुनि ।
अकाले नत्थि ते मच्चू विसमवि स मादितुं गओ ॥
- मू. (८५८) ताहे वि अन-हियासेहिं विसएहिं जाव पीडिओ ।
ताव चिंता समुप्पन्ना जहा किं जीविण मे ॥
- मू. (८५९) कुंदेंदु-निम्मलय-रागं तित्थं पावमती अहं ।
उड्डाहेतो य सुज्झिस्सं कत्थं गंतुमनारिओ ॥
- मू. (८६०) अहवा स-लंछणो चंदो कुंदस्स उन का पहा ।
कलि-कलुस-मल-कलंकेहिं वज्जियं जिन-सासनं ॥
- मू. (८६१) ता एयं सयल-दालिह-दुह-किलेस-क्खयंकरं ।
पवयणं खिसावितो कत्थं गंतूणं सुज्झिहं ॥
- मू. (८६२) दुग्गड्ढकं गिरि रोढुं अत्ताण चुत्तिमो धुवं ।
जाव विसय-वसेनाहं किंचिऽत्थुड्डाहं करं ॥
- मू. (८६३) एवं पुणो वि आरोढुं ढंकुच्छिन्नं गिरीयडं ।
संवरे किल निरागारं गयणे पुनरवि भाणियं ॥

- मू. (८६४) अयाले नत्थि ते मयू घरिमं तुज्झ इमं तणुं ।
ता अद्ध-पुट्ट भोगहो देवता एंजमं घुरु ॥
- मू. (८६५) एवं तु जाव बे वारा धारण-समणेहिं सेहिओ ॥ ॥
ताहे गंतुणं सो लिंगं गुरु-पामूले निवेदिउं
- मू. (८६६) तं सुत्तत्थं सरेमाणो दूरं देसंतरं गओ ।
तत्थाहार-निमित्तेणं वेसाए घरमागओ ॥
- मू. (८६७) धम्म-लामं जा भणइ अत्थ-लामं विमग्गिओ ।
तेना वि सिद्धि-जुत्तेणं एवं भवउ त्ति माणियं ॥
- मू. (८६८) अद्ध-तेरस-कोडीओ दविण-जायस्स जा तहिं ।
हिरन्न-बुद्धि दावेउं मंदिरा पडिगच्छइ ॥
- मू. (८६९) उत्तुंग-धोर-धणवट्टा गणिया आलिगिउं दढं ।
भन्ने किं जासिमं दविणं अविहीए दाउं धुल्लुगा ॥
- मू. (८७०) तेन वि भवियव्वयं एयं कलिऊणेयं पभाणियं ।
जहा-जहा ते विही इट्ठा तीए दव्वं पयच्छसु ॥
- मू. (८७१) गहिऊनाभिगहं ताहेपविट्ठो तीएमंविं ।
एयं जहा न ताव अहयं न भोयन-पान-विहिं करे ॥
- मू. (८७२) दस-दस न बोहिएजाव दियहे अनूनमे ।
पइन्ना जा न पुत्रेसा काइय-सोक्खं न ता करे ॥
- मू. (८७३) अन्नं च-न मे दायव्वा पव्वज्जोवट्ठिस्स वि ।
जारिसगं तु गुरूलिंगं भवे सीसं पि तारिसं ॥
- मू. (८७४) अक्खीणत्थं निही-काउं लुंचिओ खोसिओ वि सो ।
तहाराहिओ गणिगाए बद्धो जह पेम-पासेहिं ॥
- मू. (८७५) आलावाओ पणओ पणयाओ रती रतीए वीसंभो ।
वीसंभाओ नेहो पंचविहं वट्ठे पेम्मं ॥ ॥
- मू. (८७६) एवं सो पेम्म-पासेहिं बद्धो वि सावगतणं
जहोवइडुं करेमाणो दस अहिए वा दिने दिने
- मू. (८७७) पडिबोहिऊणं संविग्गे गुरु पामूलं पवेसई ॥
संपयं बोहिओ सो वि दुम्भुहेण जहा तुमं ॥
- मू. (८७८) धम्मं लोगस्स साहेसि अत्त-कज्जम्मि मुज्झसि ।
नूनं विक्केनुयं धम्मं जं सयं नानुत्थेव्वसि ॥
- मू. (८७९) एवं सो वयणं सोद्धा दुम्भहुस्स सुभासियं ।
धरधरस्स कपंतो निदिउं गरहिउं चिरं ॥
- मू. (८८०) हा हा हा अक्खं मे भट्ठ-सीलेन किं कयं ॥
जेणं तु मुत्तोऽघसरे गुंडिओऽसुइ किमी जहा ॥

- मू. (८८१) धी धी धी अहन्नेणं पेच्छ जं मेऽनुचिद्धिय ।
जह्म-कंचन-समऽसाणं असुइ-सरिसं मए कयं ॥
- मू. (८८२) खण-भंगुरस्स देहस्स जा विवसी णं मे भवे ।
ता तित्थयरस्स पामूलं पायच्छित्तं चरामिऽहं ॥
- मू. (८८३) एस मा-गच्छती एत्थं चिद्धंताणेव गोयमा ।
घोरं चरिऊणं पच्छित्तं संविणोऽहेहिं भासिउं ॥
- मू. (८८४) धोर-वीर-तवं काउं असुहं-कम्मं खवेत्तु य ।
सुक्कज्जाणे सम्मारुहिउं केवलं पप्प सिज्झिही ॥
- मू. (८८५) ता गोयममेव-नाएणं बहु-उवाए वियारिया ।
लिणं गुरुस्स अप्पेउं नंविसेनेनं जहा कयं ॥
- मू. (८८६) उस्सग्गं ता तुमं बुज्झ सिद्धंतेयं जहद्वियं ।
तवंतरा उदयं तस्स महंतं आसि गोयमा ॥
- मू. (८८७) तहा वि जा विसए उइन्ने तवे घोरं महातवं ।
अह्म-गुण तेनमनुचिन्नं तो वी विसए न निज्झिए ॥
- मू. (८८८) ताहे विस-भक्खणं पड्ढं अनसनं तेन इच्छिय ।
एयं पि चारण-समणेहिं बे वारा जाव सेहिओ ॥
- मू. (८८९) ताव य गुरुस्स रयहरणं अप्पियन्नं देसंतरं गओ ॥
एते ते गोयमोवाए सुय-निबद्धे वियाणिए ॥
- मू. (८९०) जाव गुरुणो न रयहरणं पव्वजा य न अल्लिया ।
तावाकञ्जं न कायव्वं लिंमवि जिन-देसियं ॥
- मू. (८९१) अन्नत्थ न उज्झियव्वं गुरुणो मोत्तूणं अंजलि ।
जइ सो उवसासिउं सक्को गुरु ता उवसासइ ॥
- मू. (८९२) अह अन्नो उवसासिउं सक्खे तो वि तस्स कहिज्झइ ।
गुरुणा वि य तं न अन्नस्स गिरावेयव्वं कयाइ वि ॥
- मू. (८९३) जो भविया वीइय परमत्थे-जग-द्विय-वियाणगो ।
एयाइं तु पयाइं जो गोयमा णं विडंबए ॥
- मू. (८९४) माया-पवंच-वंभेणं सो भमिही आसडो जहा ।
भयवं न याणिमो को वि माया सीलो हु य आसडो ॥
- मू. (८९५) किंवा निमित्तमुवयरिउं सो भमे बहु-दुहडिओ ।
चरिमस्सन्नस्स तित्थम्मि गोयमा कंचन-च्छवी ॥
- मू. (८९६) आयिओ आसि भूइक्खो तस्स सीसो स आसडो ।
महव्वयाइं घेत्तूणं अह सुत्तत्थं अहिज्झिया ॥
- मू. (८९७) ताव कोऊहलं जायं नो णं विसएहिं पीडिओ ।
चित्तेइ य जह सिद्धंते एरिसो दंसिओ विही ॥

- મૂ. (૮૯૮) તા તસ્સ પમાણેણં ગુરુયણં રંજિતં દઢં ।
તવં ચઽદ્વગુણં કાઠં પઙ્ગાણસરણં વિસં ॥
- મૂ. (૮૯૯) કરેહામિ જહાઽહં પી દેવયાએ નિવારિઓ ।
દીહાઞ્ઞ નસ્થિ તે મધૂ ભોગે ભુંજ જહિચ્છિએ ॥
- મૂ. (૯૦૦) લિંગં ગુરુસ્સ અપ્પેઠં અન્નં દેસતરં વય ।
ભોગહલં વેડયા પચ્છઞ્ઞ ધોર વીર-તલવં ચર ॥
- મૂ. (૯૦૧) અહવા હા હા અહં મૂઢો આયસલ્લેણ સલ્લિઓ ।
સમણાણં નેરિસં જુત્તં સમયમવી મનસિ ધારિતં ॥
- મૂ. (૯૦૨) એત્યા ડ મે પચ્છિત્તં આલોએતા રુહું ચરે ।
અહવા ણં ન આલોઠં માયાવી મન્નિમો પુણો ॥
- મૂ. (૯૦૩) તા દસ વાસે આયામં માસ-સમણસ્સ પારણે ।
વીસયંઘિલ્લાપીઠિં દો પી મારણ પારણે ॥
- મૂ. (૯૦૪) પળવીસં વાસે તત્થ ચંદાયણ-તવેણ ચ ।
છટ્ઠમ-દસમાઈ અઢ વાસે યનૂનગે ॥
- મૂ. (૯૦૫) મહ-ધોરેરિસ પચ્છિત્તં સયમેવેત્થાનુદ્ધરં ।
ગુરુ-પામૂલેઽવિ એત્થેય પાયચ્છિત્તં મે ન અગ્ગલં ॥
- મૂ. (૯૦૬) અહવા તિત્થયરેણેસ કિમઢ્ઢં વાડો વિહી ।
જેણેયં અહીયમાણોઽહં પાયચ્છિત્તસ્સ મેલિઓ ॥
- મૂ. (૯૦૭) સો ઘિય જાણેઞ્ઞા સવ્વન્નૂ પચ્છિત્તં અનુચરામહં ।
જમેત્યં દુઢુ ધિંતિયયં તસ્સ મિદ્ધામિ દુઢ્ઢં ॥
- મૂ. (૯૦૮) એવં તં કઢ્ઢં ધોરં પાયચ્છિત્તં સયં-મતી ।
કાઠુણં પિ સસલ્લો સો વાનમંતરાયં ગઓ ॥
- મૂ. (૯૦૯) હેટ્ઠિમોવરિમ-મેવેય-વિમાને તેનં ગોયમા ।
વયંતો આલોએતા જડ તં પચ્છિત્તં કુવ્વિયા ॥

નોંધ :- અમારા આગમ સુત્તાણિ માં આ ક્રમાંકમાં ભૂલ થઈ છે તેથી “આગમદીપ” અને આગમ સુત્તાણિ-સટીક બંને સંપુટોમાં આ ભૂલવાળું ક્રમાંક ન ચાલુ રાખેલ છે.

- મૂ. (૧૦૦૦) વાણમંતર-દેવતા ઘટ્ઠુણં ગોયમાસડો ।
રાસહત્તાએ તેરિચ્છેસું નરિદ-ઘરમાગઓ ॥
- મૂ. (૧૦૦૧) નિદ્ધં તત્થ વડવાણં સંઘટ્ઠણ-દોસા તર્હિં ।
વસણે વાહી સમુપ્પન્ના કિમી એત્થ સમુચ્છિએ ॥
- મૂ. (૧૦૦૨) તઓ કિમિએહિ હાજંતો વસન-દેસમ્મિ ગોયમા ।
મુક્કાહારો ઢિંદં લેટે વિયનત્તો તાવ સાહુણો ॥
- મૂ. (૧૦૦૩) અદૂરેણ પવોલિત્તે દઢુણં જાડણ સરેત્તુ ચ ।
નિંદિતં ગરહિંતં આયા અનસનં પઙ્ગિયઞ્ઞિયા ॥

- मू. (१००४) काग-साणेहिं खजंतो सुद्ध-भावेण गोयमा ।
अरहंताण ति सरमाणो सम्मं उज्झियं तनूं ॥
- मू. (१००५) काळं काळण देविंद महात्ते स-रामाणिओ ।
जाओ ति दिव्वं इहिं समनुभोतुं तओ चुओ ॥
- मू. (१००६) उववन्नो वेसत्ताए जा सा नियडी न पयडिया ।
तओ वि मरिऊणं बहू अंत-पंत-कुलेऽडिआल्ल ॥
- मू. (१००७) कालक्कमेण महराए सिवइंदस्स दियाइणो ।
सुओ होऊण पडिबुद्धो सामन्नं काउं निव्वुडो ॥
- मू. (१००८) एयं तं गोयमा सिद्धं नियडी-पुंजं तु आसडं ।
जे य सव्वन्नु-मुह-भणिए वयणे मनसा दिंडंविए ॥
- मू. (१००९) कोऊहलेण विसयाणं न उणं विसएहिं पीडिओ ।
सच्छंद-पायच्छित्तेण भमियं भव-परंपरं ॥
- मू. (१०१०) एयं नाउणमेळं पि सिद्धंतिगमालावगं ।
जाणमाणे हु उम्मगं कुञ्जा जे से वियाणिही ॥
- मू. (१०११) जो पुन सव्व-सुयन्नानं अहं वा धेयवं पि वा ।
नञ्चा वएञ्जा मग्गेणं तस्स अही न बज्झती ॥
एवं नाऊण मनसा वि उम्मगं नो पवत्तए-त्ति बेमी ॥
- मू. (१०१२) भयवं अकिञ्चं काऊणं पच्छित्तं जो करेअ वा ।
तस्स लङ्घयरं पुरओ जं अकिञ्चं न कुव्वए ॥
- मू. (१०१३) ताऽजुत्तं गोयमिणमो वयणं मनसा वि धारियडं ।
जहा काउमकत्तव्वं पच्छित्तेणं तु सुज्झिहं ॥
- मू. (१०१४) जो एयं वयणं सोञ्चा सद्दहे अनुधरेइ वा ।
भट्टसीलाण सव्वेसिं सत्यवाहो स गोयमा ॥
- मू. (१०१५) एसो काउं पि पच्छित्तं पान-संदेह-कारयं ।
आणा-अवराह-पदीव-सिहं पविसे सलभो जहा ॥
- मू. (१०१६) भगवं जो बलविरियं पुरिसयार-परक्कमं ।
अनिगूहंतो तवं घरइ पच्छित्तं तस्स किं भवे ॥
- मू. (१०१७) तस्सेयं होइ पच्छित्तं असढ-भावस्स गोयमा ।
जो तं धामं वियाणित्ता वेरि-सेन्नमधेविखया ॥
- मू. (१०१८) जो बलं वीरियं सत्तं पुरिसयारं निगूहए ।
सो सपच्छित्त अपच्छित्तो सढ-सीलो नराहमो ॥
- मू. (१०१९) नीया-गोत्तं दुहं धोरं नरए उळोसिय-व्वित्ति ।
वेदितो तिरिय-जोनीए हिंडेआ थउगईए सो ॥
- मू. (१०२०) से भगवं पावयं कम्मं परं वेइय सपुद्धरे ॥

- मू. (१०२१) अननुभूण नो मोक्खं पायच्छित्तेणं किं तहिं ॥
 गोयमा वास-कोडीहिं जं अनेगाहिं संचियं ।
 तं पच्छित्त-रवी-पुट्टं पावं तुहिणं व विलीयई ॥
- मू. (१०२२) घनघोरंधयारतमतिमिस्स जहा सूरस्स गोयमा ।
 पायच्छित्त-रविस्सेवं पाव-कम्मं पनस्सए ॥
- मू. (१०२३) नवरं जइ तं पच्छित्तं जह भणियं तह समुच्चरे ।
 असढ-भावो अनिगूहिय-बल-विरिय-पुरिसायार-परक्कमे ॥
- मू. (१०२४) अन्नं च-काउ पच्छित्तं सव्वं धेवं नमुच्चरे ।
 जो दुरुद्धियसल्लोद्धे सो दिहं चाउग्गइयं अहुल्ल ॥
- मू. (१०२५) भयवं कस्सालोएआ पच्छित्तं को वदेअ वा ।
 कस्स व पच्छित्तं देआ आलोयावेअ वा कहं ॥
- मू. (१०२६) गोयमाऽऽलोयणं ताव केवलीणं बहुसुं वि ।
 जोयण-सएहिं गंतुणं सुद्धभावेहिं दिअए ॥
- मू. (१०२७) इत्थं पाणीयं उदयभावे एवं ओहि-मई-सुए ।
 जस्स विमलयरे तस्स तारतम्येण दिअई ॥
- मू. (१०२८) उस्सगं पन्नवेतस्स ऊसग्गे पड्डियस्स य ।
 उस्सग-रुइणो चेव सव्व-भावंतरेहि णं ॥
- मू. (१०२९) उवसंतस्स दंतस्स संजयस्स तवस्सिणो ।
 समिती-गुत्ति-पहाणस्स दढ-घारित्तस्सासढभाविणो ॥
- मू. (१०३०) आलोएआ पडिच्छेआ देआ ददिअ वा परं ।
 अहनिंसं तदुदिहं पायच्छित्तं अनुच्चरे ॥
- मू. (१०३१) से भयवं केतियं तस्स पच्छित्तं हवइ निच्छियं ।
 पायच्छित्तस्स ठाणाई केवतियाई कहेहि मे ॥
- मू. (१०३२) गोयमा जं सुसीलाणं समणाणं दसण्हं उ ।
 खलियागय-पच्छित्तं संजइ तं नवगुणं ॥
- मू. (१०३३) एअ पावेइ पच्छित्तं जइ सुसीला दढ-व्वया ।
 अह सीलं विराहेआ ता तं हवइ सयगुणं ॥
- मू. (१०३४) तीए पंचिदिया जीवा जोनी-मज्झ-निवासिणो
 सामन्नं नव लक्खाई सव्वे पासंति केवली
- मू. (१०३५) केवल-नाणस्स ते गम्मा नोऽकेवली ताई पाल्ती ।
 ओहीनाणी वियाणेए नो पासे मनपअवी ॥
- मू. (१०३६) ते पुरिसं संघट्ठेती कोल्लुगम्मि तिले जहा ।
 सव्वे मुम्भुरावेइ रत्तुम्मत्ता अहत्रिया ॥
- मू. (१०३७) चक्कमंती य गाढाई काइयं वोसिरंति या ।

- वावइआ उ दो तिन्नि सेसाइं परियावई ॥
 मू. (१०३८) पायच्छित्तस्स ठाणाइं संखाइयाइं गोयमा ।
 अनालोयंतो हु एक्कं पि ससल्लभरणं मरे ॥
 मू. (१०३९) सयसहस्स नारीणं पोष्टं फालेत्त निगितइ ।
 सत्तइमासिए गम्मे चडफळंते निगितइ ॥
 मू. (१०४०) जं तस्स जेतियं पावं तेत्तियं तं नवं गुणं ।
 एक्कसित्थी पसंगेणं साहु बंधिअ मेहुणा ॥
 मू. (१०४१) साहुणीए सहस्सगुणं मेहुणेक्कसिं सेविए ।
 कोडिगुणं तु विइजेणं तइए बोही पनस्सई ॥
 मू. (१०४२) एयं नाऊण जो साहु इत्थियं रामेहिई ।
 बोहिलामा परिब्बड्ढो कहं वरा सोहिइ ॥
 मू. (१०४३) अबोहिलाभियं कम्मं संजओ अह संजई ।
 मेहुणे तेनिए आऊं तेज्जहार एवंधई ॥
 मू. (१०४४) जम्हा तीसु वि एएसु अवरज्जंतो हु गोयमा ।
 उम्मग्गमेव वल्लारे मग्गं निडुवइ सव्वहा ॥
 मू. (१०४५) ते सरीरं सहत्थेणं छिंदिऊणं तिलं तिलं ।
 मू. (१०४६) अग्गिए जइ वि होमंति तो वि सुखी न दीसइ ॥
 मू. (१०४७) तारिसो वि निवित्ति सो परदारस्स जई करे ।
 सावग-धम्मं च पालेइ गइ पावेइ मज्झिमं ॥
 मू. (१०४८) भयवं सदार-संतोसे जइ भवे मज्झिमं गइ ।
 ता सरीरे वि होमंतो कीस सुद्धिं न पावई ॥
 मू. (१०४९) सदारं परदारं वा इत्थी पुरीसो व्व गोयमा ।
 रमंतो बंधए पावं नो णं भवइ अबंधगो ॥
 मू. (१०५०) सावग-धम्मं जहुत्तं जो पाले पर-दारं चए ।
 जावजीवं तिविहेणं तमनुभावेन सा गई ॥
 मू. (१०५१) नवरं नियम-विहुणस्स परदार-गमनस्स उ ।
 अनियत्तस्स भवे बंधं निवत्तिए महाफलं ॥
 मू. (१०५२) सुयेकाणं पि निवित्ति जो मनसा वि य विराहए ।
 सो मओ दोग्गइं गच्छे मेघमाला जहजिया ॥
 मू. (१०५३) मेघमालजियं नाहं जाणिमो भुवन-बंधवा ।
 मनसावि अनुनिवित्ति जा खंडियं दोग्गइं गया ॥
 मू. (१०५४) वासुपुअस्स तित्थम्मि भोला कालगच्छवी ।
 अन्नओ नत्थि नीसारं मंदिरोवरि संठिया ॥
 मू. (१०५५) सा नियममागास-पक्खंदा काउं भिक्खाए निग्गया ।

- अन्नओ नत्थि नीसारं मंदरीवरि संठिया ॥
 मू. (१०५६) आसन्नं मंदिरं अन्नं लंघिता गंतमिच्छुणा ।
 मनसाभिनंदेव आ ताव पज्जलिया दुवे ॥
 मू. (१०५७) नियम-भंगं तय सुहुमं तीए तत्थ न निंदियं ।
 तं नियम-भंग-दोसेणं छज्जेसा पदमियं गया ॥
 मू. (१०५८) एयं नाउं सुहुमं पि नियमं मा विराहिह ।
 जे छिआ उक्कणं सोख्खं अनंतं थ जसोदमं ॥
 मू. (१०५९) तव-संजमे वएसुं थ नियमो दंड-नायगो ।
 तमेव खंडेमाणस्स न वए नो व संजमे ॥
 मू. (१०६०) आजम्मेणं तु जं पावं बंधेआ मच्छबंधगो ।
 वय-भंग-काउमाणस्स तं चेवहुगुणं मुणे ॥
 मू. (१०६१) सय-सहस्स-स-छद्धीए जोवसामित्तुं निक्खमे ।
 वयं नियममखंडेतो जं सो तं पुन्नमज्जिने ॥
 मू. (१०६२) पवित्ता य निविता य गारत्थी संजमे तवे ।
 जमनुद्धिया तयं लाभं जाव दिक्खा न गिण्हिया ॥
 मू. (१०६३) साहु-साहुणी-वग्गेणं विन्नायच्चमिह गोयमा ।
 जेसिं मोत्तूण ऊसासं नीसासं नानुजाणियं ॥
 मू. (१०६४) तमवि जयणाए अनुन्नायं वि जयणाए न सच्चहा ।
 अजयणाए ऊससंतस्स कओ धम्मो कओ तवो ॥
 मू. (१०६५) भयवं जावइयं दिट्ठं तावइयं कहणपालिया ।
 जे भवे अवीय-परमत्थे किञ्चाकिञ्चमयाणगे ॥
 मू. (१०६६) एगंतेन हियं वयणं गोयमा विस्संती केवली ।
 नो बल्लमोडीए कारेति हत्थे धेतूण जंतुणो ॥
 मू. (१०६७) तित्थयर-भासिए वयणे जे सह ति अनुपालिया ।
 सिंदा देव-गणा तस्स पाए पणमंति हरिसिया ॥
 मू. (१०६८) जे अविइय परमत्थे किञ्चाकिञ्चमजाणगे ।
 अंधो अंधी एतेसिं समं जल-धलं गड्ड-टिक्कुरं ॥
 मू. (१०६९) गीयत्थे य विहारो बीओ गीयत्थे-मीसओ ।
 समनुन्नाओ सुसाहूणं नत्थि तइयं वियप्पणं ॥
 मू. (१०७०) गीयत्थे जे सुसंविग्गे अनालसी दढव्वए ।
 अखलिय-चारित्ते सययं राग-दोस-विक्खिए ॥
 मू. (१०७१) निद्वियिअ अट्ठमय-ट्ठाणे समिय-कसाए जिइंदिए ।
 विहरेआ तेसिं सद्धि तु ते छउमत्थे वि केवली ॥
 मू. (१०७२) सुहुमस्स पुढवि-जीवस्स जत्थेगस्स किलामणा ।

- अप्पारंभं तयं वेति गोयमा सव्व-केवली ॥
 मू. (१०७३) सुहुमस्स पुढवि-जीवस्स वावती जत्थ संभवे ।
 महारंभं तयं वेति गोयमा सव्वे दि केवली ॥
 मू. (१०७४) पुढवि-काइय एक्कं दरमलेतस्स गोयमा ।
 असाय-कम्म-बंधो हु दुब्बिमोक्खे ससल्लिए ॥
 मू. (१०७५) एवं च आऊ-तेऊ-वाऊ-तह वणस्सती ।
 तसकय-मेहुणे तह च चिक्खणं चिणइ पावरं ॥
 मू. (१०७६) तम्हा मेहुण-संकपं पुढवादीण विराधनं ।
 जावजीवं दुरंत-फलं तिविहं तिविहेण वज्जए ॥
 मू. (१०७७) ता जे अविदिय-परमत्थे गोयमा नो य जे मुणे ।
 तम्हा ते विवज्जेजा दोग्गई-पंथ-दायगे ॥
 मू. (१०७८) गीयत्थस्स उ वयणेणं विसं हलाहलं पि वा ।
 निविक्कप्पो पण्होत्ता तत्तवणां वा तत्तुद्धे ॥
 मू. (१०७९) परमत्थओ विसं तोसं अमररसायणं छु तं ।
 निविक्कपं न संसारे मओ वि सो अमयस्समो ॥
 मू. (१०८०) अगियत्थस्स वयणेणं अमं पि न घोइए ।
 जेन अयरामरे हविया जह किलाणो मरिजिया ॥
 मू. (१०८१) परमत्थओ न तं अमयं विसं तं हलाहलं ।
 न तेन अयरामरो होजा तत्तवणा निहणं वए ॥
 मू. (१०८२) अगीयत्थ-कुसीलेहिं संगं तिविहेणं वज्जए ।
 मोक्ख-मग्गस्सिमे विग्घे पहम्पी तेनगे जहा ॥
 मू. (१०८३) पज्जलियं हुयवहं दट्ठं नीसंको तत्थ पविसिडं ।
 अत्ताणं पि डहेजासि नो कुसीलं समल्लिए ॥
 मू. (१०८४) वास-लक्खं पि सूलीए संभिन्नो अच्छिया सुहं ।
 अगीयत्थेणं समं एक्कं खणद्धं पि न संवसे ॥
 मू. (१०८५) विणा वि तंत-मंतेहिं घोर-दिट्ठीविसं अहिं ।
 डसंतं पि समल्लीया नागीयत्थं कुसीलाइमं ॥
 मू. (१०८६) विसं छाएज्ज हलाहलं तं किर मारेइ तत्तवणां ।
 न करेऽगयेत्थ-संसग्गि विट्ठवे लक्खं पि जइ तहिं ॥
 मू. (१०८७) सीहं वण्णं पिसायं वा घोर-रूवं भयंकरं ।
 उगिलमाणं पि लीएजा न कुसीलमगीयत्थं तहा ॥
 मू. (१०८८) सत्तजम्भंतरं सत्तुं अवि मन्नेजा सहोयरं ।
 वय-नियमं जो विराहेजा जनयं पिक्खे तयं रिउं ॥
 मू. (१०८९) वरं पविट्ठो जल्लियं हुयासणं न या वि नियमं सुहुमं विराहियं ।

वरं हि मच्च सुविसुद्ध-कम्भुणो न यावि नियमं भंतूण जीवियं ॥

- मू. (१०९०) अगीयत्थत्तदोसेणं गायमा ईसरोण उ।
जं पत्तं तं निसामित्ता लहुं गीयत्थो मुनी भवे ॥
- मू. (१०९१) से भयवं नो वियाणेहं ईसरो को वि मुनिवरो।
किं वा अगीयत्थ-दोसेणं पत्तं देणं कहेहि णे ॥
- मू. (१०९२) घउवीसिगाए अशाए एत्थ भरहम्मि गोयमा।
पढमे तित्थंकरे जइया विही-पुव्वेण निव्वुडे ॥
- मू. (१०९३) तइया नेव्वाण-महिमाए कंत-रुवे सुरासुरे।
निवयंते उप्पयंते दइं पच्चंतवासिओ ॥
- मू. (१०९४) अहो अच्छेरयं अज्जं मच्चलोयम्मि पेच्छिमो।
न इंदजालं सुमिणं वा वि दिट्ठं कत्थई पुणो ॥
- मू. (१०९५) एवं वीहाऽपोहाए पुव्वं जातिं सरित्तु सो।
मोहं गंतूण खणमेक्कं मारुया ऽऽसासिओ पुणो ॥
- मू. (१०९६) धर-धर-धरस्स कंपतो निदिउं गरहिउं चिरं।
अत्ताणं गोयमा धणियं सामन्नं गहिउमुज्जओ ॥
- मू. (१०९७) अह पंचमुड्डियं लोयं जावाऽऽढवइ महायसो।
सविनयं देवया तस्स रयहरणं ताव ढोयई ॥
- मू. (१०९८) उग्गं कइं तवच्चरणं तस्स दइण ईसरो।
लोओ पूयं करेमाणो जाव उ गंतूण पुच्छई ॥
- मू. (१०९९) केणं तं दक्खिओ कत्थ उप्पन्नो को कुलो तव।
सुत्तत्थं कस्स पामूले सासियं हो समञ्जियं ॥
- मू. (११००) सो पच्चोगबुद्धो वा सव्वं तस्स वि वागरे।
जाई कुलं दिक्खा सुत्तं अत्थ जह य समञ्जियं ॥
- मू. (११०१) तं सोऊण अहन्नो सो इमं चित्तेइ गोयमा।
अल्लिय अनारिओ एस लोणं दंभेण परिमुसे ॥
- मू. (११०२) ता जारिसमेस भासेइ तारिसं सो वि जिनवरो।
न किंचेत्य वियारेण तुण्हक्के ई वरं ठिए ॥
- मू. (११०३) अहवा नहि नहि सो भगवं देवदानव-पणमिओ।
मानोगयं पि जं मज्झं तं पि छिन्नेज्जा संसयं ॥
- मू. (११०४) तावेस जो होउ सो होउ किं वियारेण एत्थ मे।
अभिनंदामीह पव्वज्ज सव्व-दुक्ख-विमोक्खणिं ॥
- मू. (११०५) ता पडिगओ जिनिंदस्स सयासो जा तं न अक्खई।
मुवनेसं जिनवरं तो वी गणहरं आसी य ढिओ ॥
- मू. (११०६) परिनिव्वुयम्मि भगवंते धम्म-तित्थंकरे जिने।

- जिनाभिहियं सुत्तत्वं गणहरो जा पत्तवती ॥
 मू. (११०७) तावमालावर्गं एयं वक्खाणम्भि समागयं ।
 पुढवी कइगमेगं जो वावाए सो असंजओ ॥
 मू. (११०८) ता ईसरो विचितेइ सुहुमे पुढविकाइए ।
 सअत्थं दइदिअंति कोराइं एयिअत्तं तरे ॥
 मू. (११०९) हलुईकरेइ अत्ताणं एत्थं एस महायसो ।
 असद्धेयं जने सयले किमद्धेयं पवक्खई ॥
 मू. (१११०) अद्यंत-कडयडं एयं वक्खाण तस्स वी फुडं ।
 कंठसोसो परं लाभे एरिसं कोऽनुचिड्डइ ॥
 मू. (११११) ता एयं विप्पमोत्तूणं सामन्नं किंचि मज्झिमं ।
 जं वा तं वा कहे धम्मं ता लोओऽम्हाणाउड्डई ॥
 मू. (१११२) अहवा हा हा अहं मूढो पाव-कम्पी नराहमो ।
 नवरं जइ नानुचिड्डामि अन्नोऽनुघेड्ढती जनो ॥
 मू. (१११३) जेणेयमनंत-नाणीहिं सव्वन्नूहि पवेदियं ।
 जो एयं अन्नहा वाएतस्स अड्ढो न बज्झइ ॥
 मू. (१११४) ताहमेयरस्स पच्छित्तं धोरमइदुक्करं घरं ।
 लहुं सिग्घं सुसिग्घयरं जावमइ न मे भवे ॥
 मू. (१११५) आसादना कयं पावं आसुं जेन विहुव्वती ।
 दिव्वं वास-सयं पुअं अह सो पच्छिधमनुचरे ॥
 मू. (१११६) तं तारिसं महा-धोरं पायच्छित्तं सयं-मती ।
 काउं पञ्चेयबुद्धस्स सथासे पुणो वि गओ ॥
 मू. (१११७) तत्था वि जा सुणे वक्खाण तावऽहिगारम्भिमागयं ।
 पुढवादीणं समारंभं साहू तिविहेणं वज्जए ॥
 मू. (१११८) दद-मूढो हुं छ जोई ता ईसरो मुक्कपूओ ।
 विचितेव जहेत्थ जए को न ताई समारंभे ॥
 मू. (१११९) पुढवीए ताव एसेव समासीणो वि चिड्डइ ।
 अग्गीए रद्धयं खायइ सव्वं बीय समुत्पवं ॥
 मू. (११२०) अन्नं च-विना पानेनं खणमेळं जीवएकहं ।
 ता किं पि तं पवक्खे स जं पशुयमत्थंसियं ॥
 मू. (११२१) इमस्सेव समागच्छे न उनेयं कोइ सदहे ।
 तो चिड्डउ ताव एसेत्थं वरं सो चेव गणहरो ॥
 मू. (११२२) अहवा एसो न सो मज्झं एक्को वी भणियं करे ।
 अलिया एवंविहं धम्मं किंचूद्देसेण तं पि य ॥
 मू. (११२३) साहिअइ ओ सवे किंचि न वुण मद्यंत-कडयडं ।

- मू. (११२४) अहवा चिहंतु तावेएअहयं सयमेव वागरं ॥
सुहं सुहेण जं धम्मं सव्वो वि अनुद्धए जनो ।
न कालं कडयडस्सऽअं धम्मस्सिति जा विचिंतइ ॥
- मू. (११२५) घडहडंतोऽसनी ताव निवडिओ तस्सोवरिं ।
गोयम निहणं गओ ताहे उववन्नो सत्तमाएसो ॥
- मू. (११२६) सासण-सुय-नाण-संसग्ग-पडिणीयत्ताए ईसरो ।
तत्थ तं दारुणं दुक्खं नरए अनुभवितं चिरं ॥
- मू. (११२७) इहागओ समुद्धम्मि महामच्छो भवेउ णं ।
पुणो वि सत्तमाए य तेत्तीसं सागरोवमे ॥
- मू. (११२८) दुव्विसहं दारुणं दुक्खं अनुहविऊनेहागओ ।
तिरिय-पक्खीसु उववन्नो कागत्ताए स ईसरो ॥
- मू. (११२९) तओ वि पढमियं गंतुं उव्वडित्ता इहागओ ।
दुड्ड-साणो भवेत्ताणं पुनरवि पढमियं गओ ॥
- मू. (११३०) उव्वडित्ता तओ इहइं खरो होउं पुणो मओ ।
उववन्नो रासहत्ताए छब्बव-गहणे निरंतरं ॥
- मू. (११३१) ताहे मनुस्स-जाईए समुप्पन्नो पुणो तओ ।
उववन्नो वणयरत्ताए मानुसत्तं समागओ ॥
- मू. (११३२) तओ मरिउं समुप्पन्नो मज्जारत्तए स ईसरो ।
पुणो वि नरयं गंतुं इह सीहत्तेणं पुणो मओ ॥
- मू. (११३३) उववज्जितं चउत्थीए सीहत्तेण पुणो विह ।
मरिऊणं चउत्थीए गंतुं इह समायाओ ॥
- मू. (११३४) तओ वि नरयं गंतुं चक्खियत्तेण ईसरो ।
तओ वि कुट्ठी होऊणं बहु-दुक्खऽइओ मओ ॥
- मू. (११३५) किमिएहिं खज्जमाणस्स पन्नासं संवच्छरे ।
जाऽकाम-निज्जरा जाय तीए दवेसुव्वज्जिओ ॥
- मू. (११३६) तओ इहइं नरीसत्तं लद्धूणं सत्तमि गओ ।
एवं नरय-तिरिच्छेसुं कुच्छिय-मनुएसु ईसरो ॥
- मू. (११३७) गोयम सुईरं परिब्भमिउं घोर-दुक्ख-सुदुक्खिओ ।
संपइ गोसालओ जाओ एस स वेवीसरज्जिओ ॥
- मू. (११३८) तम्हा एयं वियाणित्ता अचिरा गीयत्ये मुनी ।
भवेआ विदिय परमत्ये सारासारे फारन्नुए ॥
- मू. (११३९) सारासारमयाणित्ता अगीयत्यत्त-दोसओ ।
वय-मेत्तेणा वि रज्जाए पावगं जं समज्जियं ॥
- मू. (११४०) तेनं तीए अहन्नाएजा जा होही नियंतणा ।

नारय-तिरिय-कुमानुस्से तं सोझा को धिई लमे ॥

मू. (११४१) से भयवं काउन सा रञ्जिया किंवा तीए अगीयत्थ-अत्त-दोसेणं वाया-मेत्तेणि पि पाव कम्मं समञ्जियं जस्स णं विवागऽयं सोऊणं नो धिई लमेजा गोयमा णं इहेव भारहे वासे भदो नाम आयरिओ अहेसि तस्स य पंच सए साहुणं महानुभागाणं दुवालस सए निग्गंथीणं तत्थ य गच्छे चउत्थरसियं ओसावणं तिदंडोऽचित्तं च कदिओदगं विप्पमोत्तूणं चउत्थं न परिभुज्जई अन्नया रञ्जा नामाए अञ्जियाए पुव्वकय-असुह-पाव-कम्मोदएणं सरीरं कुद्ध-वाहीए परिसडिऊणं किमिएहिं सुमदिसिउमारद्धं अह अन्नया परगलंत-पूइ-रुहिरतणूतं रञ्जियं पासिया ताओ संजईओ भणंति जहा हला हला दुक्करकारिगे किमेयं ति ताहे गोयमा पडिभणियं तीन महापावकम्माए भगलक्खण-जम्माए रञ्जियाए जहा-एएणं फासुग-पानगेणं आविज्जमाणेणं विनइं मे सरीरं ति जावेयं पलवेतावणं संखुहियं हियं गोयमा सव्व-संजइ-समूहस्स जहा णं विवज्जामो फासुगपानं ति तओ एगाए तत्थ चित्तियं संजतीए जहा णं-जइ संपयं चेव ममेयं सरीरं एगनिमिसब्भंतरेव पडिसडिऊणं खंडहियं हियं गोयमा सव्व-संजइ-समूहस्स जहा णं विवज्जामो फासुगपानं ति तओ एगाए तत्थ चित्तियं संजतीए जहा णं-जइ संपयं चेव ममेयं सरीरं एगनिमिसब्भंतरेव पडिसडिऊणं खंडहियं हियं गोयमा सव्व-संजइ-समूहस्स जहा णं विवज्जामो फासुगपानं ति तओ एगाए तत्थ चित्तियं संजतीए जहा णं-जइ संपयं चेव ममेयं सरीरं एगनिमिसब्भंतरेव पडिसडिऊं खंडखंडेहिं परिसडेजा तहावि अफासुगोदगं एत्थ जम्मे न परिभुजामि फासुगोदगं न परिहरामि अन्नं च-किं सच्चमेयं जं फासुगोदगेणं इमीए सरीरं विनइं सव्वहा न सच्चमेयं जओ णं पुव्वकय-असुह-पाव-कम्मोदएणं सव्वमेवविहं हवइ ति सुद्धयरं चित्तिउ पयत्ता जहा णं जहा-भो पेच्छ पेच्छ अन्नाण-दोसोवहयाए दद-मूढ-हिययाए विगय लज्जाए इमीए महापावकम्माए संसार-घोर-दुक्ख-दायगं केरिसं दुद्धवयणं गिराइयं जं मम कन्न-विवरेसुं पि नो पविसेज्ज ति जओ भवंतर-कएणं असुह-पाव-कम्मोदएणं जं किंचि दारिद-दुक्ख-दोहग्ग-अयसब्भक्खण-कुद्धाइ-वाहि-किलोस-सन्निवायं देहम्मि संभवइ न अन्नइ ति जे णं तु एरिसमायमे परदिज्जइ तं जहा ।

मू. (११४२) को देइ कस्स दिज्जइ विवियं को हरइ हीरए कस्स ।

सयमप्पणो विदत्तं अल्लियइ दुहं पि सोक्खं पि ॥

मू. (११४३) चित्तमानीए चेव उप्पन्नं केवलं नाणं कया देवेहिं केवलिमहिमा केवलिणा वि नर-सुरासुराणं पणासियं संसय-तम-पडलं अञ्जियाणं च तओ भत्तिब्भपनिब्भराए पणाम-पुव्वं पुडो केवली रञ्जाए जहा भयवं किमद्वमहं एमहंताणं महा-वाहि-वेयणाणं भायणं संवुत्ता ताहे गोयमा सजल-जलहर-सुरदुंदुहि-निग्घोस-मनोहारि-गंभीर-सरेणं भणियं केवलिणा जहा-सुणसु दुक्कर-कारिए जं तुज्झ सरीर-विहडण-कारणं ति तए रत्त-पित्त-दूसिए अब्भंतरओ सरीरं सिणिद्धहार-मार्कठाएकोलियग मीसं परिमुत्तं अन्नं च एत्थ सए साहु-साहुणीणं तहा वि जावएएणं अच्छीणि पक्खालिज्जंति तावइयं पि बाहिर-पाणगं सागारियडाय निमित्तेणावि नो णं कयाइ परिभुज्जइ तए पुन गोमुत्तं पडिग्गहणगथाए तस्स पच्छियाहिं भिणिहिणित्त-सिंघाणग-लाल-लोलिय-वयणस्स णं सट्ठगसुयस्स बाहिर-पाणगं संघट्टिऊणं मुहं पक्खालियं तेन य बाहिर-पाणय-संघट्टण-विराधने ससुरासुर-जग-वंदाणं पि अलंघणिज्जा गच्छ-मेरा अइक्कमिया तं च न खमियं तुज्झ पवयण-देवया

जहा-साहूणं साहूणीणं च पानोवरमे वि न छिपे हत्थेणा वि जं कूवतलाय-पोक्खरिणि-सरियाइ-
मतिगयं उदगं ति केवलं तु जमेव विराहियं ववगय-सयल-दोसं फालुगं तस्स परिभोगं पत्रत्तं
वीयरगेहिं ता सिक्खवेमि ताव एसा हु दुरायरा जेणं अत्रो को वि न एरिस-समायारं पवत्तेइ ति
चित्तिऊणं अमुगं अमुगं समुदिसमाणाए पक्खित्तं असन-मज्झिमि त देवयाए तं च तेनोवलविखउं
सक्कियं ति देवयाए चरियं -

एएण कारणेणं ते सरीरं विहडियं ति न उनं फासुदग-परिभोगेणं ति तह्मे गोयमा रज्जाए वि
भावियं जहा एवमेयं न अन्नह ति चित्तऊण विन्नविओ केवली जहा भयवं जइ अहं जहुत्तं
पायच्छित्तं चरामि ता किं पन्नप्पइ मज्झ एयं तणुं तओ केवलिणा भणियं जहा-जइ कोइ पायच्छित्तं
पयच्छइ ता पन्नप्पइ रज्जाए भणियं जहा भयवं जइ तुमं धिय पायच्छित्तं पयच्छसि अत्रो को
एरिसमहप्पा तओ केवलिणा भणियं जहा-दुक्करकारिए पयच्छामि अहं ते पच्छित्तं नवरं पच्छित्तं
एवं नत्थि जेणं ते सुद्धी मवेज्जा रज्जाए भणियं भयवं किं कारणं ति केवलिना भणियं जहा जं ते
संजइ-वंद-पुरओ गिराइयं जहा मम फासुग-पानपरिभोगेन सरीरगं विहडियं ति एय च दुड्ड-पाव-
महा-समुद्दाएक-पिंडं तुह वयणं सोच्चा संखुद्धाओ सव्वाओ चेव इमाओ संजइओ चित्तियं च
एयाहिं जहा-निच्छओ विमुच्चाओ फासुओदगं तय-ज्झवसायस्स आलोइयं निंदियं गरहियं विरस-
दारुणं बद्ध-पुड्ड निकाइयं तुगं पावरासिं तं च तए कुड्ड-भगंदर-जलोदर-वाय-गुम्म-मास-निरोह-
हरिसा गंडमालाइ-अणेग-वाहि-वेयणा-परिगय-सरीराए दारिद-दुक्ख-दोहग-अयस-अब्बक्खाणं-
संताव-उव्वेग-संदीविय-पज्जसियाए अनंतेहिं भव-गहणेहिं सुदीह-कालेणं तु अहन्निसाणुभवेयव्वं
एएण कारणेणं एस इमा गोयमा सा रज्जजिया जाए अगीयत्थत्त-दोरेणं वायामेत्तेणं एव एमहंतं
दुक्खदायगं पाव-कम्मं समज्जियं ति ।

- मू. (११४४) अगीयत्थ-दोसेन भाव सुद्धि न पावए ।
विना भावविसुद्धीए सकलुस-मनसो भुनी भवे ॥
- मू. (११४५) अनु-थेव-कलुस-हिययत्तं अगीयत्थत्तदोसओ ।
काऊणं लक्खणञ्जाए पत्ता दुक्ख-परंपरा ॥
- मू. (११४६) तम्हा तं नाउ बुद्धेहिं सव्व-भावेन सव्वहा ।
गीयत्थेहिं भवित्ताणं कायव्वं निक्कलुसं मनं ॥
- मू. (११४७) भयवं नाहं वियाणामि लक्खणदेवी हु अज्जिया ।
जा अनुकलुसमगीयत्थत्ता काउं पत्ता दुक्ख-परंपरं ॥
- मू. (११४८) गोयमा पंचसु भरहेसु एरवएसु उस्सप्पिणी ।
अवसप्पिणीए एगेगा सव्वय्यालं चउवीसिया ॥
- मू. (११४९) सयवमवोच्छित्तिए भूया तह य भविस्सती ।
अणाइ-निहणा एत्थ एसा धुव एत्थ जग-डिई ॥
- मू. (११५०) अतीय-काले असीइमा तहियं जारिसगे अहयं ।
सत्त-रयणी-पमाणेणं देव-दानव-पणमिओ ॥

- मू. (११५१) घरिमो तित्थयरो जइया तया जंबू दाडिमो राया ।
भारिया तत्त सिरिया तत्त बटु-सुय ।
- मू. (११५२) अग्रया सह दइएणं धूयत्थं बहू उवाइए करे ।
देवाणं कुल-देवीए चंदाइअ-गहाण य ॥
- मू. (११५३) कालकमेण अह जाया धूया कुवलय-लोयणा ।
तीए तेहिं कयं नामं लक्खणदेवी अहऽन्नया ॥
- मू. (११५४) जाव सा जोव्वणं पत्ता ताव मुक्खा सयंदरा ।
वरियंतीए वरं पवरं नयणानंद-कलाऽऽल्यं ॥
- मू. (११५५) परिणिय-मेत्तो मओ सो वि भत्ता सा मोहं गया ।
पथलंतसु नयनेणं परियणेण य वारिया ॥
- मू. (११५६) तालियंट-वाएणं दुक्खेणं आसासिया ।
ताहे हा हाऽऽकंदं करेऊणं हिययं सीसं च पिड्डिउं ॥
- मू. (११५७) अत्ताणं चोड्ड-फेड्डाहि घट्टिउं दस-दिसासु सा ॥
तुण्हक्खा बंधुवग्गस वयणेहिं तु स-सज्झसं ।
- मू. (११५८) ठियाऽह कइवय-दिनेसुं अन्नया तित्थं करो ॥
योहिंतो भव्व-कमल-वणे केवल-नाण-दिवायरो ।
- मू. (११५९) विहरंतो आगओ तत्थ उज्जाणम्मि समोसडो ॥
तस्स वंदन-भत्तीए संतेउर-बल-वाहणे ।
- मू. (११६०) सव्विद्धीए गओ राया धम्मं सोऊण पव्वइओ ॥
तहिं संतेउर-सुय-धूओ सुह-परिणामो अमुच्छिओ ।
- मू. (११६१) उग्गं कड्डं तवं घोरं दुक्खरं अनुचिद्धई ॥
अन्नया गणि-जोगेहिं सव्वे वि ते पवेसिया ।
- मू. (११६२) असज्झाइल्लियं काउं लक्खणदेवी न पेसिया ॥
सा एगंतं वि चिद्धंती कीडंतं पक्खिरुल्लख ।
- मू. (११६३) दड्डुणेयं विचित्तेइ सहलमेयाण जीवियं ॥
जेणं पेच्छ चिडयस्स संघट्टंती चिड्डल्लिया ।
- मू. (११६४) समं पिययमंगेसुं विव्वुई परम जने ॥
अहो तित्थंकरेणमं किमड्डं चक्खु-दरिसणं ।
- मू. (११६५) पुरिसित्थी रमंताणं सव्वहा वि निवारियं ॥
ता निदुक्खो सो अन्नेसिं सुह-दुक्खं न याणई ।
- मू. (११६६) अग्गी दहण सहाओ वि दिड्डी दिट्ठो न निड्डहे ॥
अहवा न हि न हि भयवं आणावितं न अग्रहा ।
- मू. (११६७) जदेण मे दड्डुणं कीडंति पक्खी पक्खुभियं मनं ॥
जाया पुरिसाहिलासा मे जा णं सेवामि मेहुणं ।

- जं सिविणे वि न कायव्यं तं मे अज्ज विचितियं ॥
 मू. (११६८) तहा य एत्थ जम्मम्मि पुरिसो ताव मनेन वि ।
 नेच्छिओ एत्तियं कालं सिविणंते वि कहिंथि वि ॥
- मू. (११६९) ता हा हा दुरायारा पाय-सीला अहन्निया ।
 अट्टमट्टाई चिंतंती तित्थयर-मासाइमो ॥
- मू. (११७०) तित्थयरेणावि अघंतं कट्टं कडयडं वयं ।
 अइदुद्धरं समादिट्ठं उगं घोरं सुदुकरं ॥
- मू. (११७१) ता तिविहेण को सक्को एयं अनुपालेऊणं ।
 वाया-कम्मं समायरणे बे रक्खं नो तइयं मनं ॥
- मू. (११७२) अहवा चित्तिअई दुक्खं कीरई पुन सुहेण य ।
 ता जो मनसा वि कुसीलो सक्कुसीलो सच्च-कओसु ॥
- मू. (११७३) ता जं एत्थं इमं खलियं सहसा तुडि-वसेण मे ।
 आगयं तस्स पच्छित्तं आलोइता लहुं चरं ॥
- मू. (११७४) सईण सील-वंताणं मज्झे पढमा महाऽऽरिया ।
 धुरम्मि दियए रेहा एयं सग्गे वि घूसई ॥
- मू. (११७५) तहा य पाय धूली ये सक्को वि वंदए जग्गे ।
 जगा किल सुज्झिअए भिमीए इति पसिद्धाए अहं जग्गे ॥
- मू. (११७६) ता जइ आलोयणं देमि ता एयं पयडी-भवे ।
 मम भायरो पिया-माथा जाणिता हुंति दुक्खिए ॥
- मू. (११७७) अहवा कहवि पमाएणं जं मे मनसा विचितिय ।
 तमालोइयं नद्धा मज्झ वग्गस्स को दुहो ॥
- मू. (११७८) जावेयं चित्तिउं गच्छे ता बुद्धंतीए कंटगं ।
 फुडियं ठसत्ति पायतले ता निसन्ना पडुल्लिया ॥
- मू. (११७९) चित्तेइ हो एत्थ जम्मम्मि मज्झ पायम्मि कंटगं ।
 न कयाइ खुत्तं ता किं संपयं एत्थ होहिइ ॥
- मू. (११८०) अहवा मुणियं तु परमत्थ-जाणगे अनुमती कया ।
 संघट्ठंतीए चिडल्लीए सीलं तेन विराहियं ॥
- मू. (११८१) मूयंध-काण-बहिरं पि कुट्ठं सिडि विडि-विडिवडं ।
 जाव सीलं न खंडेइ ताव देवेहिं पुच्चइ ॥
- मू. (११८२) कंटगं चेव पाए मे खुत्तं आगासागासियं ।
 एएणं जं अहं चुक्का तं मे लाभं भहंतियं ॥
- मू. (११८३) सत्त वि साहाउ पायाले इत्थी जा मनसा वि य ।
 सीलं खंडेइ सा नेइ कहियं जननीए मे इमं ॥
- मू. (११८४) ता जं न नियडई वज्रं पंसु-विट्ठी ममोवरिं ।

- सय-सकरं न फुड्डइ वा हिययं तं महच्छेगं ॥
 मू. (११८५) नवरं जई सयमालोयं ता लोमो एत्थ चिंतिही ।
 जहा-अमुगस्स धूयाए इयं मनसा अज्झवसियं ॥
 मू. (११८६) तं नं तह वि पओगेणं परववएसेणालोइमो ।
 जहा-जइ कोइ सयं अज्झवसइ पच्छित्तं तस्स होइ किं ॥
 मू. (११८७) तं चिय सोऊण काहामि तवेणं तत्थ कारणं ।
 जं पुन भयवयाऽऽइहं घोरं अच्चंत-निद्धरं ॥
 मू. (११८८) तं तवं सील-चारित्तं तारिसं जाव नो कयं ।
 तिविहं तिविहेणं नीसल्लं ताव पावं न खीयए ॥
 मू. (११८९) अह सा पर-ववएसेणं आलोइता तवं चरे ।
 पायच्छित्तं निमित्तेणं पन्नासं संवच्छरे ॥
 मू. (११९०) छट्ठ-ठम-दसम-दुवालसेहिं लयाहिं नेइ दस वरिसे ।
 अकयमकारियमसंकप्पिएहिं परिभूयभिक्ष-लद्धेहिं ॥
 मू. (११९१) चणगेहिं दुत्ति वे भुत्तिणिं ओळसय मासत्थपणेहिं ।
 वीसं आयामायंविहेहिं आवस्सगं अछड्ढेती ॥
 मू. (११९२) चरई य अदीनमनसा अह सा पच्छित्त-निमित्तं ।
 ताहे गोयम सा चित्ते-जं पच्छित्तं तयं कयं ॥
 मू. (११९३) ता किं तमेव न कयं मे जं मनसा अज्झवसियं ।
 तया इयरहे वि उ पच्छित्तं इयरहे व इ मे कयं ॥
 मू. (११९४) ता किं तं न समायरियं चित्तेती निहणं गया ।
 उगं कट्ठं तवं घोरं दुक्करं पि चरित्तु सा ॥
 मू. (११९५) सच्छंद-पायच्छित्तेणं सकलुस-परिणाम-दोसओ ।
 कुच्छिय-कम्मा समुप्पन्ना वेसाए पडिचेडिया ॥
 मू. (११९६) खंडोडा-नाम चडुगारी मज्ज-खड्डहडग-वाहिया ।
 विनीया सव्व-वेसाणं थेरीरू य चउग्गुणं ॥
 मू. (११९७) लावण कंति कालिया वि बोडा जाया तहा विसा ।
 अन्नया थेरी चित्तेइ मज्जं बोडाए जारिसं ॥
 मू. (११९८) लावन्नं कंती-रूवं नत्थि भुवणे वि तारिसं ।
 ता विरंगामि एईए कन्ने नक्कं सहोड्डयं ॥
 मू. (११९९) एसा उ न जाव विउप्पजे मम धूयं को वि नेच्छिही ।
 अहवा हा हा न जुत्तमिणं धूया तुल्लेसा वि मे नवरं ॥
 मू. (१२००) नवरं सुविनीया एसा विउप्पन्नत्थ गच्छिही ।
 ता तह करेमि जहा एसा देसंतरं गया वि य ॥
 मू. (१२०१) न लभेज्जा कत्थइ यामं आगच्छइ पडिल्लिया ।

- देवेमि से वसी-करण गुज्झ-जेसं तु साडिमो ॥
 मू. (१२०२) निगडाइं च से देमि भमडइं तहिं नियंतिया ।
 एवं सा जन्न-वेसजा मनसा परितपिं सुवे ॥
- मू. (१२०३) ता खंडोद्धा सिमिणम्मि गुज्झं साडिअंतगं ।
 पेच्छइ नियडे य दिअंते कल्ले नासं च वड्डियं ॥
- मू. (१२०४) सा सिमिणत्थं वियारेउं नद्धा जह कोइ न याणइं ।
 कह कह वि परिभमंती सा गाम-पुर-नगर-पट्टणे ॥
- मू. (१२०५) छम्मासेणं तु संपत्ता संखडं नाम खेडगं ।
 तत्थ वेसमण-सरिस-विहव-रडा-पुत्तस्स सा जुया ॥
- मू. (१२०६) परिणीया महिला ताहे मच्छरेणं पज्जले दढं ।
 रोसेण फुरफुरंती सा जा दियहे केइ चिद्धइ ॥
- मू. (१२०७) निसाए निब्भरं सइयं खंडोद्धी ताव पेच्छइ ।
 तं दद्धं पाइया चेल्लि दित्तं वेत्तुं रागागरा ॥
- मू. (१२०८) तं पक्खिविऊण गुज्झंते फालिया जाव हिययं ।
 जाव दुक्ख-भरकंता चल-चल्लचेल्लि करेंतो ॥
- मू. (१२०९) ता सा पुणा विचित्तेइ जाव जीवं न उड्डए ।
 ताव देमी से दाहाइण जेणं मे भव-सएसु वि ॥
- मू. (१२१०) न तरइ पियमं काउं इणमो पडिसंभरंतिथा ।
 ताहे गोयम आणेउं चक्खिय-सालाओ अयमयं ॥
- मू. (१२११) तावित्तु फुल्लिं मेल्लंतं जोणिए पक्खित्तंकुसं ।
 एवं दुक्ख-भरकंता तत्थ मरिऊण गोयमा ॥
- मू. (१२१२) उववशा चक्कवट्टिस्स महिला-रयणत्तेणं सा ।
 इओ य रंडा-पुत्तस्स महिला तं कलेयरं ॥
- मू. (१२१३) जीवडज्झियं पि रोसेणं छेत्तुं छेत्तुं सुसंभयं ।
 साण-काग-मादीणं जाव धत्ते दिसोदिसिं ॥
- मू. (१२१४) ताव रंडा-पुत्तोव बाहिरभूमीओ आगओ ।
 सो य दोस-गुणे नाउं बहुं मनसा वियप्पियं ॥
- मू. (१२१५) गंतूण साहु-पामूलं पव्वअं काउ निव्वुडो ॥
 अह सो लक्खणदेवीए जीवो खंडोद्धियत्तणा ।
- मू. (१२१६) इत्थि-रयणं भवेत्ताणं गोयमा छड्डियं गओ ॥
 तज्जेरइयं महा-दुक्खं अइघोरं दारुणं तहिं ।
- मू. (१२१७) तिकोणे निरयायासे सुधिरं दुक्खेणावेइउ ॥
 इहागओ समुप्पन्नो तिरिय-जोणीए गोयमा ।
- मू. (१२१८) साणत्तेणाए मयकाले विलगो मेहुणे तेहिं ॥

- मू. (१२१८) माहिसिएणं कओ घाओ विझे जोनी समुच्छल ।
तत्थ किमिएहिं दस-वरिसे खद्धो मरिऊण गोयमा ॥
- मू. (१२१९) उववन्नो वेसत्ताए तओ वि मरिऊण गोयमा ।
एगूनं जाव सय-वारं आम-गब्बेसु पस्सिओ ॥
- मू. (१२२०) जम्म-दरिदस्स गेहम्मि मानुसत्तं समागओ ।
तत्थ दो भास-जायस्स माया पंचत्तं उवगया ॥
- मू. (१२२१) ताहे महया किलेसेणं धन्नं पाउं धराधरिं ।
जीवावेऊण जनगेणं गाउल्लियस्स समल्लिओ ॥
- मू. (१२२२) तहियं निय-जननीओ छीरं आवियमाणे निबंघिउं ।
छाव-रुए गोणीओ दुहमाणेणं जं बद्धं अंतराइयं ॥
- मू. (१२२३) तणं सो लक्खणआए कोडाकोडि भवंतरे ।
जीवो यन्नमलहमाणो बज्झतो रुज्झंतो नियिलज्झंतो ॥
हम्मंतो दम्मंतो विच्छेहिज्झंतो य हिंङ्गिओ ॥
- मू. (१२२४) उववन्नो मनुय-जोणीए डागिणित्तेण गोयमा ।
तत्थ य साणय-पालेहिं कीलिउं छट्ठियं गया ॥
- मू. (१२२५) तओ उव्वट्ठिऊण इहइं तं लद्धो मानुसत्तणं ।
जत्त य सरीर-दोसेणं ए महंत-महि-मंडले ॥
- मू. (१२२६) जामद्ध-जाम-घडियं वा नोलद्धं वेरत्तियं जहियं ।
पंचेव उ घरे गामे नगरे पुर-पट्टणेसु वि ॥
- मू. (१२२७) तत्थ य गोयम मनुयत्ते नारय-दुक्खाणुसरिसिए ।
अनेये रन्न-ऽरन्नेनं घोरे दुक्खेऽनुभोत्तुं णं ॥
- मू. (१२२८) सो लक्खणदेवी-जीवो सुरोद्द-ज्झाण-दोसओ ।
मरिऊण सत्तमं पुढवि उववन्नो खाडाहडे ॥
- मू. (१२२९) तत्थ य तं तारिसं दुक्खं तेत्तिसं सागरोवमए ।
अनुभविऊणेह उववन्नो वंझा गोणीत्तणेण य ॥
- मू. (१२३०) खेत्त-खलयाइं चमढंती भंजंती य चरेंति या ।
सा गोणी बहु-जणोहेहिं मिलिऊणागाह-पंक-यलए पवेसिया ॥
- मू. (१२३१) तत्थ खुट्ठि जलोयाहिं लुसिज्झंती तहेव य ।
काय-मादिहिं लुप्पंती कोहाविट्ठा मरेऊणं ॥
- मू. (१२३२) ताहे वि जल-धने रन्ने मरुदेसे दिट्ठिवीसो ।
सप्पो होऊण पंचमगं पुढवि पुनरवि गओ ॥
- मू. (१२३३) एवं सो लक्खणआए जीवो गोयमा चिरं ।
घन-घोर-दुक्ख-संततो चउगइ-संसार-सागरे ॥
- मू. (१२३४) नारय-तिरिय-कुमनुएसु आहिंङ्गित्ता पुणो विहं ।

- होइ सेणियजीवस्स तित्थे पउमस्स खुज्झिया ॥
- मू. (१२३५) तत्थ य दोहग-खाणी सा गामे निय-जननीओ वि य ।
गोयमा दिट्ठा न कस्सा वि अत्थियरही तहिं भवे ॥
- मू. (१२३६) ताहे सव्व-जनेहिं सा उव्वियन्निज्झ ति कारुणं ।
मसि-गेरुय-विलित्तंगा खरे रुद्धा भमाडिउं ॥
- मू. (१२३७) गोयमा उ पक्ख-पक्केहिं बाइय-खर-विरस-हिंडिमं ।
निट्ठाडिहिई न अन्नत्थ गामे लहिइ पविसिउं ॥
- मू. (१२३८) ताहे कंदफलाहारा रन्न-वासे वसंतिया ।
छच्छुंदरेण वियणत्ता नाहीए भज्ज देसए ॥
- मू. (१२३९) तओ सव्वं सरीरं से भरिज्झी सुंदुराणं य ।
तेहिं तु विलुण्णमाणी सा दूसर-घोर-दुहाउरा ॥
- मू. (१२४०) वियाणिता पउम-तित्थयरं तप्पएसे समोसदं पेच्छिही जाव ता तीए ।
अन्नेसिमवि बहु-वाही-वेयणा-परिगय-सरीराण तद्देस विहारी भव्व सत्ताणं ॥
नर नारी-गणाणं तित्थयर-दंसणा चेव सव्व दुक्ख विणिट्ठिही ॥
- मू. (१२४१) ताहे सो लक्खणज्जाए हियं खुज्झियत्ते जीओ ।
गोयम घोरं तवं चरिउं दुक्खाणमंतं गच्छिही ॥
- मू. (१२४२) एसा सा लक्खणदेवी जा अगीयत्थ-दोसओ ।
गोयम अनुकलुसचित्तेणं पत्ता दुक्ख-परंपरं ॥
- मू. (१२४३) जहा णं गोयमा एसा लक्खण-देवज्झिया तहा ।
सकलुस-चित्ते अगीयत्थे ऽ नंते पत्ते दुहावली ॥
- मू. (१२४४) तम्हा एयं वियाणिता सव्व-भावेन सव्वहा ।
गीयत्थेहिं भवेयव्वं कायव्वं तु सुविसुद्धं ॥
निम्मल-विमल-नीसल्लं निक्कलुसं मनं ति वेमि ॥
- मू. (१२४५) पणयामरमरुय मउडुघुट्ठ-चलन-सयवत्त-जयगुरु ।
जगनाह धम्मतित्थयर भूय-भविस्स वियाणग ॥
- मू. (१२४६) तवसा निट्ठह-कम्मंस वम्मह वइर विधारण ।
चउकसायनिट्ठवण सव्वजगजीववच्छल ॥
- मू. (१२४७) घोरंधयार-मिच्छत्त-तिमिस-तम-तिमिर-नासण ।
लोगालोग-पगासगर मोह-वइरिनिमुंमण ॥
- मू. (१२४८) दुरुज्झिय-राग-दोस-मोह-मोस-सोग संत सोम सिवंकर ।
अतुलिय बल विरिय माहप्पय तिहुयणेक्क महायस ॥
- मू. (१२४९) निरुवमरुव अनग्रसम सासयसुह-मुक्ख-दायग ।
सव्वलक्खणसंपुन्न तिहुयणलच्छिविभूसिय ॥
- मू. (१२५०) भयवं परिवाडीए सव्वं जं किंचि कीरई ।

- अयक्के हुंडि-दुद्धेणं कअं तं कत्थ लब्धइ ॥
 मू. (१२५१) सम्मदंसणमेगम्मि बितियं जम्मे अनुव्वए ।
 तइयं सामाइयं जम्मे चउत्थे पोसहं करे ॥
- मू. (१२५२) हुद्धरं पंचगे बंधं छेदे सच्चित्त-वज्रणं ।
 एवं सत्तद्ध-नव-दसमे जम्मे उद्धिड्ढमाइयं ॥
- मू. (१२५३) चेच्चेक्कारसमे जम्मे समण-तुल्ल-गुणो भवे ।
 एयाए परिवाडिए संजयं कि न अवखसि ॥
- मू. (१२५४) जं पुणो सोऊण मइविगलो बालयणो केसरिस्स व ।
 सहं गय-जुव तसिउं-नासे-दिसोदिसिं ॥
- मू. (१२५५) तं एरिस-संजमं नाह सुदुल्ललिया सुकुमालया ।
 सोऊणं पि नेच्छंति तणुट्ठीसुं कहं पुन ॥
- मू. (१२५६) गोयम तित्थंकरे मोत्तुं अणो दुल्ललिओ जगे ।
 जइ अत्थि कोइ ता भणउ अह णं सुकुमालओ ॥
- मू. (१२५७) जेणं गब्बड्ढाणम्मि देविंदो अमय अंगुड्ढयं कयं ।
 आहारं देइ भत्तीए संयवं सययं करे ॥
- मू. (१२५८) देव-लोग-चुए संते कम्मासेणं जहिं धरे ।
 अभिजाहिंति तहिं सययं हीरन्न-वुट्ठी य वरिस्सइ ॥
- मू. (१२५९) गब्बावव्राणं तद्देसे ईति-रोगा य सत्तुणो ।
 अनुभावेन खयं जंति जाय-मेत्ताण तवखणे ॥
- मू. (१२६०) आगंपियासणा चउरो देव-संघा महीधरे ।
 अभिसेयं सब्बिहीए काउं स-ड्ढामे गया ॥
- मू. (१२६१) अहो लवन्नं कंती दित्ती रुवं अनोवमं ।
 जिणाणं जारिसं पय-अंगुड्ढगं न तं इहं ।
- मू. (१२६२) सब्बेसु देव-लोगेसु सब्ब-देवाण मेलियं ।
 कोडाकोडिगुणं काउं जइ वि उ ण्हाणिअए ॥
- मू. (१२६३) अह जा अमर-परिग्गहिद्या नाण-त्तय-समन्निया ।
 कला-कलाव-निलया जन-मनानंदकारय ॥
- मू. (१२६४) सयण-बंधव-परियारा देव-दानव-पूइया ।
 पणइयण-पूरियासा भुवनुत्तम-सुहालया ॥
- मू. (१२६५) भोगिस्सरियं रायासिरिं गोयमा तं तवअियं ।
 जा दियहा केइ भुंजंति ताव ओहीए जाणिउं ॥
- मू. (१२६६) खणभंगुरं अहो एयं लच्छी पाव-विवहणी ।
 ता आनंता वि किं अन्हे चरित्तं नाणुचेट्ठिमो ॥
- मू. (१२६७) जाव एरिस-मन-परिणामं ताव लोगंतिया सुरा ।

- धुणिउं भणंति जग-जीव-हिययं तित्थं पवट्ठिही ॥
 मू. (१२६८) ताहे बीसङ्क-चत्त-देहा विहवं सव्व-जगुत्तमं ।
 गोयमा तणमिव परिचिञ्चा जं इदाणं वि दुल्लहं ॥
 मू. (१२६९) नीसंगा उगं कइं घोरं अइदुक्करं तवं ।
 भुयणस्स वि उक्कइ-समुप्पायं चरंति ते ॥
 मू. (१२७०) जे पुन खरहर-फुट्ठसिरे एग-जम्म सुहसिभो ।
 तेसिं दुल्ललियाणं पि सुट्ठं वि नो हियइच्छियं ॥
 मू. (१२७१) गोयमा महु-विंदुस्सेव जावइयं तावइयं सुहं ।
 मरणंते बी न संपज्जे कयरं दुल्ललियत्तणं ॥
 मू. (१२७२) अहवा गोयमा पच्चक्खं पेच्छ य जारिसयं नरा ।
 दुल्ललियं सुहमनुहवंति जं निसुणेआ न कोइ वि ॥
 मू. (१२७३) केइं करिंति मासेल्लिं हलिय-गोवालत्तणं ।
 दासत्तं तह पेसत्तं गोडत्तं सिप्पे बहू ॥
 मू. (१२७४) ओलुगं किसि वाणिज्जं पाणधाय-किलेसियं ।
 दालिहइ-विहवत्तणं केइ कम्मं काउं धराधरिं ॥
 मू. (१२७५) अत्ताणं वि गोवेउं ढिणि-ढिणिते य हिंडिउं ।
 नग्गुग्घाडे किलेसेणं जा समज्जंति परिहणं ॥
 मू. (१२७६) जर-जुन्न-फुट्ठ-सयच्छिद्धं लद्धं कह कह वि ओह्णं ।
 जा अज्ज कल्लिं कारिमोफट्ठं ता तम वि परिहरणं ॥
 मू. (१२७७) तहा वि गोयमा बुज्झ-फुड-वियड-परिफुडं ।
 एतेसि चेव मज्झाओ अनंतरं भणियाण कस्स ॥
 मू. (१२७८) लोगं लोगायारं च घेच्चा सयण-कियं तं च ।
 भोगावभोगं दानं च भोत्तूणं कदसाण य ॥
 मू. (१२७९) धाविउं गुप्पिउं सुइरं खिज्जिऊण अहन्निसं ।
 कागिणिं कागिणी-काउं अद्धं पायं विसोवगं ॥
 मू. (१२८०) कत्थइ कहिंचि कालेणं लयखं कोडिं च मेल्लिउं ।
 जइ एगिच्छ मई पुत्रा बीया नो संपज्जाए ॥
 मू. (१२८१) एरिसियं दुल्ललियत्तं सुकुमारत्तं च गोयमा ।
 धम्मार्भम्मि संपडइ कम्मार्भे न संपडे ॥
 मू. (१२८२) जेणं जस्स मुहे कवलं गंडी अत्रेहिं धेज्जाए ।
 भूमीए न ठवए पायं इत्थी-लक्खेसु कीडए ॥
 मू. (१२८३) तस्सा वि णं भवे इच्चा अन्नं सोऊण सारियं ।
 समोड्डहामि तं देसं अह सो आणं पडिच्छ ओ ॥
 मू. (१२८४) साम-भेय-पयाणाइं अह सो सहसा पडंजिउं ॥

- तस्स साहस-तुलणद्धा गूढ-चरिएण वच्चइ ॥
 मू. (१२८५) एगागी कप्पडा-वीओ दुग्गारन्नं गिरी-सरी ।
 लंघित्ता बह-कालेणं दुक्खदुक्खं पत्तो तहिं ॥
- मू. (१२८६) दुक्खं खु-खाम-कंठो सो जा भमडे धराधरिं ।
 जायंतो छिद्द-मम्माइं तत्थ जइ कह वि न नज्जए ॥
- मू. (१२८७) ता जीयंतो न चुक्केआ अह पुणेहिं समुच्चरे ।
 तओ णं परवत्तियं देह तारिसो स-गिहे वि से ॥
- मू. (१२८८) को तम्मि परियणो मझे ताहे सो असि-नाणाइसु ।
 नियचरियं पायडेऊणं जुञ्ज-सज्जो भवेऊणं ॥
- मू. (१२८९) सव्व-बला धोभेणं खंडं खंडेणं जुज्झिउं ।
 अह तं नरिदं निज्जिणइ अह वा तेन पराजियए ॥
- मू. (१२९०) बहु पहारगलंत-रुहिरंगो गय-तुरया उद्ध-अहो मुहो ।
 निवडइ रणभूमीए गोयमा सो जया तया ॥
- मू. (१२९१) तं तस्स दुल्ललीयत्तं सुकुमालत्तं कहि वए ।
 जे केवलं पि स-हत्थेणं अहो-भागं च धोविउं ॥
- मू. (१२९२) नेच्छंतो पायं ठवउं भूमीअ न कयाइ वि ।
 एरिसो वी स दुल्ललिओ एयावत्थं अ वी गओ ॥
- मू. (१२९३) जइ भन्ने धम्मं चेडे ता पडिभणइ न सक्किमो ।
 ता गोयम अहन्नानं पाव कम्माण पाणिण ॥
- मू. (१२९४) धम्म-ङ्गाणम्मि मइ न कयाइ वि भविस्सए ।
 एएसिं इमो धम्मो एक्क-जम्मी न मासए ॥
- मू. (१२९५) जहा खंत-पियंताणं सव्वं अभ्हाण होहिई ।
 ता जो जं इच्छे तं तस्स जइ अनुकूलं पवेइए ॥
- मू. (१२९६) तो वय-नियम विहूणा वि मोक्खमिच्छंति पाणिणो ।
 एए एतेनं रूसंति एरिसं चिय कहेयव्वं ॥
- मू. (१२९७) नवरं न मोक्खो एयाणं मुसावायं च आवई ।
 अन्नं च रागं दोसं मोहं च भयं छंदानुवत्तिणं ॥
- मू. (१२९८) तित्थंकराणं नो भूयं नो भवेज्जा उ गोयमा ।
 मुसावायं न भासंते गोयमा तित्थंकरे ॥
- मू. (१२९९) जेणं तु केवलनाणेणं तेसिं सव्वं पच्चक्खं जगं ।
 भूयं भव्वं भविस्सं च पुत्रं पावं तहेव य ॥
- मू. (१३००) जं किंचि तिसु वि लोएसु तं सव्वं तेसिं पायडं ।
 पायालं अवि उद्ध-मुहं सग्यं पज्जा अहोमहं ॥
- मू. (१३०१) नूनं तित्थयर-मह-भणियं वयणं होज्ज न अन्नहा ।

- नाण-दंसण-चारित्तं तवं धोरं सुदुकरं ॥
- मू. (१३०२) सोग्गइ-मग्गो फुडो एस पस्सवती जहड्डिओ ।
अन्नहा न तित्थयरा वाया मनसा य कम्मणा ॥
- मू. (१३०३) भाणेति जइ वि भुवणस्स पलयं हवइ तक्कणे ।
जं हियं सच्च-जग-जीव-मान-भूयाण केवलं ॥
तं अनुतकंपाए तित्थयरा धम्मं भासिति अवितहं ॥
- मू. (१३०४) जेणं तु समनुचिन्नेण-जोहग्ग-दुक्ख-दारिद्व-रोग-सोग-कुगइ-भयं ।
न भवेआ अविइएणं संतावुव्वेगं तहा ॥
- मू. (१३०५) भयवं नो एरिसं भाणिमां-जह छंदं अनुवत्तयं ।
नवरमेयं तु पुच्छामो जो जं सक्के स तं करे ॥
- मू. (१३०६) गोयमा नेरिसं जुत्तं खणं मनसा वि चित्तिउं ।
अह जइ रुवं भवे नायं तावं धारेह अंचलं ॥
- मू. (१३०७) धयऊरे खंडरब्बाए एक्को सक्केइ खाइउं ।
अन्नो महु-मंस-मज्जाइ अन्नो रमिऊण इत्थियं ॥
- मू. (१३०८) अन्नो एयं पि नो सक्के अन्नो जोएइ पर-कयं ।
अन्नो चडवड-मुहे एसु अन्नो एयं पि भाणिऊणं न सक्कुणोइ ॥
- मू. (१३०९) घोरियं जारियं अन्नो अन्नो चि न सक्कुणोइ ।
भोत्तुं भोत्तुं सुपत्थरिए सक्के चिट्ठे तुं मंचगे ॥
- मू. (१३१०) मिच्छामि दुक्कडं भयंत एरिसं नो भणामि हं ।
गोयम अन्नं पि जं भणसि तं पि तुज्झ कहेमहं ॥
- मू. (१३११) एत्थ जम्मे नरो कोई कसिणुग्गं संजमं तवं ।
जइ नो सक्कइ काउं जे तह वि सोग्गइ-पिवासिओ ॥
- मू. (१३१२) नियमं पक्खि-खीरस्स एग-वाल-उपापडणं ।
रयहरणस्स एगियं दसियं एत्तियं तु परिधारितं ॥
- मू. (१३१३) सक्कुणोइ रुयं पि न जाव-जीवं पालेउं ता इमस्स वी ॥
गोयमा तुज्झ बुद्धीए सिद्धि-खेत्तस्स उप्परं
- मू. (१३१४) मंडवियाए भयेव्वं दुक्कर-कारि भणित्तु णं ।
नवरं एयारिसं भविया किमत्थं गोयमा पयं ॥
- मू. (१३१५) पुणो तं एयं पुच्छमी तित्थकरे चउन्नाणी ससुरासुर-जगपूइए ।
निच्छियं सिज्झियव्वे वि तम्मि जम्मे न अन्न-जम्मे ॥
- मू. (१३१६) तहा वि अनिगूहिता बलं विरियं पुरिसायार-परक्कमं ।
उग्गं कड्डं तवं धोरं दुक्करं अनुचरंति ते ॥
- मू. (१३१७) ता अन्नेसु वि सत्तेसु चउगइ-संसार-घोर-दुक्ख-भीएसु जं जहेव तित्थयरा
भणंति, तं तहेव समणड्डियव्वं गोयम सच्चं जहड्डियं ॥

- मू. (१३१८) जं पुन गोयम ते भणियं-परिवाहिए कीरइ ।
अत्थक्के-हुडि-दुद्धेणं कअं तं कत्थ लब्धए ॥
- मू. (१३१९) तत्थ वि गोयम दिहंलं महासमुद्दम्मि कच्छमो ।
अत्रेसि मगरमादीणं संघट्टा-भीउहुओ ॥
- मू. (१३२०) बुद्ध निबुद्धकरेमो सबली झालेज्झलि पेला-पेखीए कत्थई ।
उल्लरिअंतो तट्ठो नासंतो धावितो पलायंतो य दिसोदिसि ॥
- मू. (१३२१) उच्छल्लं पच्छल्लं हिल्लणं बहुविहं सहिं ।
असहंतो ठामं अलहंतो खण-निमिसं पि कत्थइ ॥
- मू. (१३२२) कह कह वि दुक्ख-संततो सुबहु-कालेहिं तं जलं ।
अवगाहितो गओ उवरिं पउमिणी-संडं सघणं ॥
- मू. (१३२३) छिहं महया किलेसेणं लद्धं ता जत्थ पेच्छई ।
गहं-नक्खत्त-परियरियं कोमुइ-चंदं छहेऽमले ॥
- मू. (१३२४) दिप्पंत-कुवलय-कल्हारं कुमुय-सयवत्त-वणप्फई ।
कुरिलिते हंस-कारंडे चक्कवाए सुणेइ या ॥
- मू. (१३२५) जमदिहं सत्तसु वि साहासु अब्भुयं चंदमंडलं ।
तं दहं विम्हिओ खणं चितइ एयं जहा होही ॥
- मू. (१३२६) एयं ते सग्गं ता हं बंधवाण पर्यसिमो ।
बहु कालेणं-गवेसेउं ते धेत्तूण समागओ ॥
- मू. (१३२७) घनघोरंयार-रयणीए भद्दव-किण्ह-चउ दसिहिं तु ।
न पेच्छे जाव तं रिद्धि बहुकालं निहालिउं ॥
- मू. (१३२८) पुन कच्छमो जाओ तहा वि तं रिद्धिं न पेच्छए ।
एवं घउगई-भव-गहणे दुलभे मानसुत्तणे ॥
- मू. (१३२९) अहिंसा-लक्खणं धम्मं लहिरुणं जो पमायइ ।
सो पुन बहु-भव-लक्खेसु दुक्खेहिं मानसुत्ताणं ॥
लद्धं पि न लभई धम्मं तं रिद्धिं कच्छमो जहा ॥
- मू. (१३३०) दियहाइं दो व तिन्नि व अल्लाणं होइ जं तुलगेण ।
सव्वायरेण तस्स वि संवलयं लेइ पवसंतो ॥
- मू. (१३३१) जो पुन दिह-पवासो चुलसीई जोनि-लक्ख-नियमेणं ।
तस्स तव-सील-मइयं संवलयं किं न चितेह ॥
- मू. (१३३२) जह जह पहरे दियहे मासे संवच्छरे य बोलेति ।
तह तह गोयम जाणसु दुक्के आसन्नयं मरणं ॥
- मू. (१३३३) जस्स न नअइ कालं न य वेला नेय दियह-परिमाणं ।
नाए वि नत्थि कोइ वि जगम्मि अजरामरो एत्थं ॥
- मू. (१३३४) पावो पमाय-वसओ जीवो संसार-कअमुज्जुत्तो ।

- दुःखेहिं न निव्विन्नो सोक्खेहिं न गोयमा तिप्पे ॥
 मू. (१३३५) जीवेन जानि उ विसज्जियाणि जाई-सएसु देहानि ।
 थेवेहिं तओ सयलं पि तिहुयणं होआ पडहरथं ॥
- मू. (१३३६) नह-दंत-मुल्ल-अप्पुद्विका-केस-जीवेन विप्पमुक्खेम् ।
 तेसु वि हवेअ कुल-सेल-मेरु-गिरि-सत्रिप्पे कूडे ॥
- मू. (१३३७) हिमदंत-मलय-मंदर-दीवोदहि-धरणि-सरिस-रासीओ ।
 अहिययरो आहारो जीवेनाहारिओ अनंतहुत्तो ॥
- मू. (१३३८) गुरु-दुक्ख-भरुक्कंतस्स अंसु-निवाएण जन जलं-गलियं ।
 तं अगड-तलाय-नई-समुद्-माईसु न वि होआ ॥
- मू. (१३३९) आवीयं धण-छीरं सागर-सलिलाओ बहुयरं होआ ।
 संसारम्मि अनंते अचिला-जोनीए एक्काए ॥
- मू. (१३४०) सत्ताह-विवन्न-सुकुहिय-साण-जोनीए मज्झ-देसम्मि ।
 किमियत्तण-केवलएण जाणि मुक्खाणि देहानि ॥
- मू. (१३४१) तेसिं सत्तम-पुढवीए सिद्धि-खेत्तं च जाव उक्कुरुडं ।
 चोदस-रज्जुं लोगं अनंत-भागेन वि भरिआ ॥
- मू. (१३४२) पत्ते य काम-भोगे कालं अनंतं इहं सउवभोगे ।
 अपुव्वं चिय मन्नए जीवो तह वि य विसय-सोक्खं ॥
- मू. (१३४३) जह कच्छुल्लो कच्छुं कंडुयमाणो दुहं मुणइ सोक्खं ।
 मोहाउरा मनुस्सा तह काम-दुहं सुहं वेत्ति ॥
- मू. (१३४४) जाणति अनुहवन्ति य जम्म-जरा-मरण-संभवे दुक्खे ॥
 न य विसएसु विरज्जंति गोयमा दोग्गई-गमण-पत्थिए जीवे ॥
- मू. (१३४५) सव्व-गहाणं पमवो महागहो सव्वदोस-पायट्ठि ।
 काम-गहो उ दुरप्पा तस्स वसं जे गया पानी ॥
- मू. (१३४६) जाणति जहा भोग-इट्ठि-संपया सव्वमेव धम्मफलं ।
 तह वि दढ-मूढ-हियए पावं काउण दोग्गई जंति ॥
- मू. (१३४७) वच्चइ खणेणं जीवो पित्ताणिल-संभ-धाउ-खोभेहिं ।
 उल्लमह मा विसीयह तरत्तम-जोगो इमो दुसहो ॥
- मू. (१३४८) पंचिदियधणं मानुसत्तणं आरियं जनं सुकुलं ।
 साहु-समागम-सुणणं सद्वहणारोग-पव्वज्जा ॥
- मू. (१३४९) सुल-विस-अहि-विसुइया-पाणिय-सत्थग्गि-संभमहिं च ।
 देहंतर-संकमणं करेइ जीवो मुहुत्तेणं ॥
- मू. (१३५०) जाव आउ सावसेसं जाव य थेवो वि अत्थि ववसाओ ।
 ताव करे अप्प-हियं मा तप्पिहहा पुणो पच्छा ॥
- मू. (१३५१) सुर-धनु-विज्जू-खण-दिट्ठ-नट्ठ-संज्ञानुराग-सिमिण समं ।

देहं इति तु पणइ-आमयभंडं व जालु-भारियं ॥

मू. (१३५२) इय जाण त चुकसि एरिसस्स छणभंगुरस्स देहस्स ।

उगं कइं घोरं चरसु तवं नत्थि परिवाडि ॥

मू. (१३५३) गोयमा ति वास-सहस्सं पि जइ काऊणं संजमं सुविउलं पि ।

अंते किलिङ्ग-भावो न विसुज्झइ कंडरिओ व्व ॥

मू. (१३५४) अप्पेय वि कल्लेणं वेइ जहा गहिंय-सौल-सत्थना ।

साहेति नियय-कज्जं पाडरिय-महा-रिसि व्व जहा ॥

मू. (१३५५) न य संसारमि सुहं जाइ-जरा-मरण-दुक्ख-गहिंयस्स ।

जीवस्स अत्थि जम्हा तम्हा मोक्खो उवाए उ ॥

मू. (१३५६) सव्व पयारेहिं सव्वहा सव्व-भाव-भावंतरेहिं णं गोयमा ति बेमि ।

अध्ययनं-६- समाप्तम्

अध्ययनं-७-प्रायश्चित्त सूत्रं

—: सूत्रिका-१-एकांत निर्जरा :—

मू. (१३५७) भयवं ता एय नाएणं जं भणियं आसि मे तुमं ।

जहा परिवाडिए तद्धं किं न अक्खसि पायच्छित्तं तत्थमज्झवी ॥

मू. (१३५८) हवइ गोयम पच्छित्तं जइ तुमं तं आलंबसि ।

नवरं धम्म-विचारो ते कओ सुविचारिओ फुडो ॥

मू. (१३५९) न होइ एत्थ पच्छित्तं पुनरवि पुच्छेज्जा गोयमा ।

संदेहं जाव देहत्थं मिच्छित्तं ताव निच्छयं ॥

मू. (१३६०) मिच्छित्तेन य अभिभूए तित्थयरस्स अवि भासियं ।

वयणं लंघित्तु विवरीयं वाएत्ताणं ॥

मू. (१३६१) पविसंति घोरतम-तिमिर-बहलंघयारं पायालं ।

नवरं सुविचारियं काउं तित्थयरा सयमेव य ॥

भणति तं तहा चेव गोयमा समनुइए ॥

मू. (१३६२) अत्थेगे गोयमा पानी जे पव्वज्जिय जहा तहा ।

अविहीए तह थरे धम्मं जह संसार न मुच्चए ॥

मू. (१३६३) से भयवं कयरे णं से विही-सिलोगो गोयमा इमे णं से विहि-सिलोगो तं जहा- ॥

चिइ-चंदन-पडिक्कमणं जीवाजीवाइ-तत्त-सब्भावं ॥

समि-इंदिय-दम-गुत्ति-कसाय-निग्गहणमुदओगं ॥

मू. (१३६४) नाऊण सुवीसत्थो सामायारिं किया-कलावं च ।

आलोइय-नीसल्लो आगब्भा परम-संविग्गो ॥

मू. (१३६५) जम्म-जर-मरण-भीओ चउ-गइ संसार-कम्म-दहणट्ठा ।

पइदियहं हियएणं एयं अनवरय-आयंतो ॥

- मू. (१३६६) जरभरण-मयर-पउरे रोग-किलेसाइ-बहुविह-तरंगे ।
कम्मइ-कसाय-गाह-गहिर-भव-जलहि मज्झिम्हि ॥
- मू. (१३६७) भमिहामि मइ-सम्मत्त-नाण-चारित्त-लद्ध-वरपोओ ।
कालं अनोर-पारं अंतं दुक्खणमलंभतो ॥
- मू. (१३६८) ता कइया सो दियहो जत्या-हं सत्तु-मित्त-सम-पक्खो ।
नीसंगो विहरिस्सं सुह-ज्झाण-नीरंनरे पुणोऽभवइ ॥
- मू. (१३६९) एवं धिर-चित्तयाभिमुह-मनोरहोरु-संपत्ति-हरिस्स-सुमल्लसिओ ।
भत्ति-भर-निब्भरोणय-रोमंच-उक्कंच-पुलय-अंगो ॥
- मू. (१३७०) सीलंग-सहस्स अट्टारसण्ह धरणे समोत्थय-क्खंधो ।
छत्तीसायारुक्कंठ-निट्ठियासेस-मिच्छते ॥
- मू. (१३७१) पडिबज्जे पव्वज्जे विमुक्क-मय-मान-मच्छरामरिसो ।
निम्मम-निरहंकारो विहिणेवं गोयमा विहरे ॥
- मू. (१३७२) विहग इवा पडिबद्धो उज्जुत्तो नाणं-दंसण-चरित्ते ।
नीसंगो घोर-परीसहोवसग्गाइं पजिणंतो ॥
- मू. (१३७३) उग्गाभिग्गह-पडिमाइ राग-दोसेहिं दूरतर मुक्को ।
रोइइज्झाण-विवज्जिओ य विगहासु य असत्तो ॥
- मू. (१३७४) जो चंदनेन बाहुं आलिपइ वासिणा व जो तच्छे ।
संयुणइ जो अ निंदइ सम-भावो हुज्ज दुण्हं पि ॥

मू. (१३७५) एवं अनिगूहिय बल-विरिय-पुरिसक्कार-परक्कमो सम-तण-मणि-लिट्ठ-कंचनो-
वेक्को परिचत्त-कलत्त-पुत्त-सुहि-सयण-मित्त-बंधव-धन-सुवन्न-हिरन्न-मणी-रयणसार-भंडारो
अद्यंत-परम-वेरग्ग-वासनाजणिय-पवर-सुहज्झवसाय-परम-धम्म-सद्धा-परो अकिलिट्ठ-निक्क-
लुस-अदीन-माणसो य वय-नियम-नाण-चरित्त-तवाइ-सयल-भुवणेक्क-मंगल-अहिंसा-लक्खण-
संताइ-दस-विह धम्मनुट्ठाणेकंत-बद्ध-लक्खो सव्वावस्सग-तक्काल-करण-सज्झाय-ज्ञाणं आउत्तो
संखाइय-अनेग-कसिण-संजम-पएसु अविखलिओ संजय-विरय-पडिहय-पसक्खाय-पाव-कम्मो
अनियाणो माया-मोस-विवज्जिओ साहू वा साहूणी वा एवं गुण-कलिओ जइ कह वि पमाय-
दोसेणं असइं कहिं चि कत्थइ वाचा इ वा मनसा इ वा ति-करण-विसुद्धीए-सव्व-भाव-भावंतरेहिं
चेव संजममायरमाणो असंजमेणं छलेज्जा तस्स णं विसोहि-पयं पायच्छित्तमेव तेनं पायच्छित्तेणं
गोयमा तस्स विसुद्धि उवदिसिज्जा न अन्नह ति तत्थ णं जेसुं जेसुं ठाणेसुं जत्थ जत्थ जावइयं
पच्छित्तं तमेव निट्ठकियं भन्नइ से भयवं के णं अट्ठेणं भन्नइ जहा णं-त्तं एव निट्ठकियं भन्नइ गोयमा
अनंतरानंतर-क्कमेणं इणमो पच्छित्त-सुत्तं 'नेग-गुणगणाइन्नस्स दढ-व्वय-चरित्तस्स एगंतेन जोगस्स
एव विवक्खिए पएसे चउक्कन्नं पत्रवेयव्वं नो छक्कन्नं तहा य-जस्स जावइयेणं पायच्छित्तेणं परम-
विसोही भवेज्जा तं तस्स णं अनुयट्ठणा-विरहिणं धम्मक्क-रसिएहिं वयणेहिं जह-ट्ठियं अनुणाहियं
तावाइयं चेव पायच्छित्तं पयच्छेज्जा एएणं अट्ठेणं एवं बुद्धइ जहा णं गोयमा तमेव निट्ठकियं पायच्छित्तं
भन्नइ ।

मू. (१३७६) से भयवं कइविहं पायच्छित्तं उवइइं गोयमा दसन्निहं पायच्छित्तं उवइइं तं च अनेगहा जाव णं पारंत्तिए ।

मू. (१३७७) से भयवं केवइयं कालं जाव इमस्स णं पच्छित्त-सुत्तस्सानुद्धानं वट्ठिही गोयमा जाव णं कक्की नाम रायाणे निहणं गच्छिय एक्क-जियावयण-मंडियं वसुहं सिरिप्पमे अनगारे भयवं उहं पुच्छा गोयमा उहं न केइ एरिसे पुत्र-भागे होही जस्स णं इणमो सुयक्खं उवइसेज्जा

मू. (१३७८) से भयवं केवइयाइं पायच्छित्तस्स णं पयाइं गोयमा संखाइयायं पायच्छित्तस्स णं पयाइं से भयवं तेसिं णं संखाइयाणं पायच्छित्तस्स पयाणं किं तं पढणं पायच्छित्तस्स णं पयं गोयमा पइदिन-किरियं से भयवं किं तं पइदिण-किरियं गोयमा जं अनुसमयं अहन्निसा-पाणोवरमं जाव अनुद्देयव्वाणि संखेज्जाणि आवस्सगाणि से भयवं केणं अट्ठेणं एवं वुच्चइ जहा णं-आवास्सगाणि गोयमा असेस-कसिणइ-कम्म कक्खयकारि-उत्तम-सम्म-दंसण-नाण-चारित्त-अच्चंत-धोर-वीरुग्ग कट्ठ-सुदुक्कर-तव-साहणट्ठाणए पउत्तिअंति निर्यानेय विममुद्धिह-पारिभेइणं काल-सन्नएणं भयं पएणं अहन्निस-अनुसमयं आजम्मं अवस्सं एव तित्थयराइसु कीरंति अनुद्धिअंति उवइसिअंति परुविअंति पन्नविअंति सययं एएणं अट्ठेणं एवं वुच्चइ गोयमा जहा णं-आवस्सगाणि तेसिं च णं गोयमा जे भिक्खू कालाइक्कमेणं वेलाइक्कमेणं समयाइक्कमेणं अलसायमाणे अनोवउत्त-पमत्ते अविहीए अन्नेसिं च असद्धं उप्पायमाणे अन्नयरमावस्सगं पमाइय-पमाइयं संतेनं बल-वीरिएणं सात-लेहडत्ताए आलंबणं वा किंचि घेत्तूणं चिराइउं पउरिया नो णं जहुत्तयालं समनुद्देज्जा से णं गोयमा महा-पायच्छित्ती भवेज्जा ।

मू. (१३७९) से भयवं किं तं वितियं पायच्छित्तस्सणं पयं गोयमा बीयं तइयं चउत्थं पंचमं जाव णं संखाइयाइं पच्छित्तस्स णं पयाइं ताव णं एत्थं च एव पढम-पच्छित्त-परुअंतरोवगयाइं समनुविंदा से भयवं केण अट्ठेणं एवं वुच्चइ गोयमा जओ णं सव्वावस्सग-कालानुपेही भिक्खू णं रोद्धट्ठज्जाण-राग-दोस-कसाय-गारव-ममाकाराइसुं णं अनेग-पमायालंबणेसु सव्व-भाव-भावत-रंतररेहि णं अच्चंतं-विष्णुक्को भवेज्जा केवलं तु नाण-दंसण-चारित्त-तदोक्कम्म-सज्झायज्झाथण-सद्धम्मा-वस्सगेसु अभिरमेज्जा ताव णं सुसंबुडासव-दारे हवेज्जा जाव णं सुसंबडासव-दारे हवेज्जा ताव णं सजीव-वीरिएणं अनाइ-भव-गहणं संचियाइइ-दुइ-इ-कम्मरासीए रुगंत-निव्वणेक्क-बद्ध-लक्खो अनुक्कमेण निरुद्ध-जोगी भवित्ताणं निहद्धासेस-कम्मिधणे विमुक्क-जाइ-जरा-भरण-चउगइ-संसार-पास-बंधणे य सव्व-दुक्ख-विमोक्ख तेलोक्कं-सिहर-निवासी भवेज्जा एएणं अट्ठेणं गोयमा एवं वुच्चइ जहा णं-एत्थं चेव पढम-एवं अवसेसाइं पायच्छित्तं-पयाइं अंतरोवगयाइं समनुविंदा ।

मू. (१३८०) से भयवं कयरे ते आवस्सगे गोयमा णं चिइ-वंदनादओ से भयवं कम्ही आवस्सगे असइ पमाय-दोसेणं कालाइक्कमिए वा वेलाइक्कमिए इ वा समयाइक्कमिए इ वा अणनोवउत्त-पमत्ते इ वा अविहीएसमनुद्धिएइ वा नो णं जहुत्तयालं विहीए सम्मं अनुद्धिए इ वा असंपडिए इ वा विच्छंपडिए इ वा अकए इ वा पमाइए इ वा केवतियं पायच्छित्तं उवइसेज्जा गोयमा जे केइ भिक्खू वा भिक्खुणी या संजय-विरय-पडिहय-पच्चक्खायपाव-कम्म-दिक्खा-दिया-पभईओ अनुदियहं जावजीवाभिग्गहेणं सुविसत्ये भत्ति-निश्चरे जहुत्त-विहीए सुत्तत्थं अनुसरमाणेण अनन्न-मानसे-गग्ग-चित्ते तग्गय-माणस-सुहज्जवसाए थय-थइहिं न तेकालियं चेइए वंदेज्जा तस्स णं एगाए

वाराए खवणं पायच्छित्तं उवइसेआ बीयाए छेदं तइयाए उवडावणं अविहीए चेइयाई वंदए तओ पारंघियं जओ अविहीए चेइयाई वंदेमाणे अत्रेसं असछं संजणे इइ काऊणं जो उण हरियाणि वा बीयाणि वा पुष्पाणि वा फलाणि वा पूयडा वा महिमडाण वा सोभडाए वा संघडेअ वा संघडावेअ वा छिंदेअ वा छिंदावेअ वा संघट्टिअंताणि वा छिदिअंताणि वा परेहिं समनुजाणेआ वा एएसुं सव्वेसुं उवडावणं खवणं चउत्थं आयंबिलं एकासणं निव्विगइयं गाढागाढ-भेदेणं-जहा संखेणं नेये ।

पू. (१३८१) जे णं चेइए वंदेमाणस्स वा नमंसमाणस्स वा संथुणेमाणस्स वा पंचप्पयारं सज्झायं पयरेमाणस्स वा विग्घं करेअ वा कारवेअ वा कीरंतं वा परेहिं समनुजाणेआ वा से तस्स एएसुं दुवालसं छड्डं एकासणं कारणिगस्स निक्कारणिगे अवंदए संवाच्छरं जाव पारंघियं काऊणं उवडावेआ

पू. (१३८२) जे णं पडिक्कमणं न पडिक्कमेआ से णं तस्सोडावणं निदिसेआ बइड-पडिक्कमणे खमणं सुत्तासुत्तीए अणीवउत्त-पमत्तो वा पडिक्कमणं करेआ दुवालसं पडिक्कमण-कालस्स चुक्कइ चउत्थं अकाले पडिक्कमणं करेआ चउत्थं कालेण वा पडिक्कमणं करेआ चउत्थं संथार-गओ वा संथारगोवविट्ठो करेआ उवडावणं परिब्भट्ठ-बंधेअ-वएहिं समं पडिक्कमेआ पारंघियं सव्वस्स समण-संघस्स तिविहं तिविहेण खमण-मरिसामणं अकाऊणं पडिक्कमणं करेआ उवडावणं पयं पएणाविद्यामेलिय पांडिक्कमण-सुत्तं न पयडेआ चउत्थं पांडिक्कमणं काऊणं संथारगे इ वा फलहेगे इ वा तुयडेआ खमणं दिया तुयडेआ दुवालसं पडिक्कमणं काउं गुरु-पामूलं वसहिं संदिसावेत्ताण न पच्चुप्पेहेइ चउत्थं वसहिं पच्चुप्पेहिऊणं न संपवेएआ छड्डं वसहिं असंपवेएत्ताणं रयहरणं पच्चुप्पेहेआ पुरिवट्ठं रयहरणं विहीए पच्चुप्पेहेत्ताणं गुरु-पामूलं मुहनंतगं पच्चुप्पेहिअ उवहिं न संदिसावेआ पुरिवट्ठं मुहनंतगेणं अपच्चुप्पहिएणं उवहिं संदिसावेआ पुरिवट्ठं असंदिसावियं उवहिं पच्चुप्पेहेआ पुरिवट्ठं अनुवउत्तो वसहिं वा उवहिं वा पच्चुप्पेहे दुवालसं अविहीए वसहिं वा उवहिं वा अन्नयरं वा भंड-मत्तोवगरणं वा अपडिलेहियं वा दुप्पडिलेहियं वा परिभुंजेआ-

दुवालसं वसहिं वा उवहिं वा भंड-मत्तोवगरणं वा न पच्चुप्पेहआ उवडावणं एवं वसहिं उवहिं पच्चुप्पेहेत्ताणं जम्ही पएसे संथारयं जम्ही उ पएसे उवहिए पच्चुप्पेहणं कयं तं ठाणं निउणं हलुय-हलुयं दंडापुंछणगेण वा रयहरणेण वा साहरेत्ताणं तं च कयवरं पच्चुप्पेहितुं छप्पाइयाओ न पडिगाहेआ दुवालसं छप्पाइयाओ पडिगाहेत्ताणं तं च कयवरं परिट्ठवेऊणं इरियं न पडिक्कमेआ चउत्थं अपच्चुप्पेहियं कयवरं परिट्ठावेआ, उवडावणं जइ णं छप्पाइयाओ हवेआ अहा णं नत्थि तओ दुवालसं एवं वसहिं उवहिं पच्चुप्पेहिऊणं समाहिं खइरोल्लगं च न परिट्ठवेआ चउत्थं अनुगए सूरिए समाहिं वा खइरोल्लगं वा परिट्ठवेआ आयंबिलं हरिय-काय-संसत्ते इ वा बीयकाय-संसत्ते इ वा तसकाय-वेइदियाईएहिं वा संसत्ते थंडिले समाहिं वा खइरोल्लगं वा परिट्ठवे अन्नयरं वा उच्चारयइ वोसिरेआ पुरिवट्ठेकासन-गायंबिलं अहक्कमेणं जइ णं नो उइवणं संभवेआ अहा णं उइवणा संभावीए तओ खमणं तं च थंडिलं पुनरवि पडिजागरेऊणं नीसकं काऊणं पुनरवि आलोएत्ताण जहा-जोगं पायच्छित्तं न पडिगाहेआ तओ उवडावणं समाहिं परिट्ठवेमाणो सागारिएणं संचिकखीयए संचिकखीयमाणो ल

परिद्वेष्टा खवणं अपद्युवेहि धंडिले जं किंचि वोसिरजा ततोवद्वाणं

एवं च वसहिं उवहिं पद्युपेहेताणं समाही खड्रोळ्णं च परिद्वेष्टाणं एगग-मानसो आउतो विहीए सुत्तत्थं अनुसरेमाणो ईरियं न पडिक्कमेष्टा एक्कासणगं महनंतगेणं विना इरियं पडिक्कमेष्टा वंदन-पडिक्कमणं वा करेष्टा जंभाएअ वा सज्झायं वा करेष्टा वायणादी सव्वत्थ पुरिवहं एवं च इरियं पडिक्कमित्ताणं सुकुमाल-पहल-अचोप्पड-अविकिद्धेणं अविद्ध-दंडेणं-दंड-पुच्छणगेणं वसहिं न पमजे एक्कासणगं, खोहारियाए वा वसहिं वोहारेष्टा उवद्वाणं वसहीए दंड-पुच्छणगं दाऊणं कयवरं न परिद्वेष्टा चउत्थं, अपद्युपेहिंयं कयवरं परिद्वेष्टा दुवालसं जइ णं छप्पइयाओ तत्थ अन्नेसिऊणं अन्नेसिऊणं समुच्चिनियं समुच्चिनियं पडिगाहिया ताओ जइ न न सव्वेसि भिक्खूणं संविभाइउणं देष्टा तओ एक्कासणगं, जइ सयमेव अत्थणो ताओ छप्पइयाओ पडिगाहेष्टा अहणं न संविमइउं दिष्टा न य अत्तणो पडिगाहेष्टा तओ पारंचियं एवं वसहिं दंडा पुच्छणगेणं विहीए पमज्जिऊणं कयवरं पद्युपेहेऊणं छप्पइयाओ संविभातिऊणं च तं च कयवरं न परिद्वेष्टा परिद्वेष्टाणं च सम्मं विहीए अच्चंतोवउत्ते एगगमानसेणं पयंपएणं तु सुत्तत्थो भयं सरमाणे जे णं भिक्खू न इरियं पडिक्कमेष्टा तस्स य आर्यबिल-खमणं पच्छित्तं निदिसेष्टा एवं तु अइक्कमेष्टा णं गोयमा किंछूणं दिवहं घडिगं पुव्वणिहगस्स णं पढम-जामस्स

एयावसरही उ गोयमा जे णं भिक्खू गुरुणं पुरओ विहीए सज्झायं संदिवासेऊणं एगगचित्ते सुयाउत्ते ददं धिईए घडिगूण पढम-पोरिसिं जावजीवाभिगगहेणं अनुदियहं अपुव्व-नाण-गहणं न करेष्टा तस्स दुवालसमं पच्छित्तं निदिसेष्टा अपुव्व-नाणाहिज्जणस्स असइं जं एव पुव्वहिज्जियं तं सुत्तत्थोभयं अनुसरमाणो एगगमाणसे न परावत्तेष्टा भित्तिथी-राय-तक्कर-जनवयाइ विचित्तं-विगहासु णं अभिरमेष्टा अवंदणिजे जेसिं च णं पुव्वहीयं सुत्तं न अत्थ व अउव्व-नाण-गहणस्स णं असंभवो वा तेसिं अवि घडिगूण पढम-पोरिसीए-पंच-मंगलं पुणो पुणो परावत्तणीयं अहा णं नो परावत्तिया विगहं कुव्वीया वा निसामिया वा से णं अवंदे अवं घडिगूणाए पढम-पोरिसीए जे णं भिक्खू एगग-चित्तो सज्झायं काऊणं तओ पत्तग-मत्तग-कमढगाइं भंडोवगरणस्सणं अव्वक्खित्ताउत्तो विहीए पद्युपेणं न करेष्टा तस्स णं चउत्थं पच्छित्तं निदिसेष्टा भिक्खू-सद्दो पच्छित्त-सद्दो य इमे सव्वत्थ पइ-पयं जो जणीए जइ णं तं भंडोवगरणं न भुंजीया अहा णं परिभुंजे दुवालसं, एवं एइक्कंता पढमापोरिसी बीय-पोरिसीए अत्थ-गहणं न करेष्टा पुरिवहं जइ णं वक्खाणस्स णं अभावो अहा णं वक्खाणं अत्थ एवं तं न सुणेष्टा अवंदे वक्खाणस्सासंभवे कालवेलं जाव वायाणाइ-सज्झायं न करेष्टा दुवालसं एवं पत्ताए काल-वेलाए जं किंचि अइय-

राइय-देवसिय-अइयारे निंदिए गरहिए आलोइए पडिक्कंते जं किंचि काइगं वा वाइगं वा मानसिगं वा उस्सुत्तायरणेणं वा उम्मगायरणेण वा अकप्पासेवणेण वा अकरणिज्ज-समायरणेण वा दुज्झाएण वा दुचित्तिएण वा अनायार-समायरणेण वा अनिच्छिव्व समायरणेण वा असमण-पाओग-समायरणेण वा नाणे दंसणे चरित्ते सुए सामाइएतिहं गुत्तियादीणं चउण्हं कसायादीणं पंचण्हं महव्वयादीणं छण्हं जीव-निकायादीणं सत्तण्हं पिंडेसणाइणं अट्ठण्हं पवयणमाइणं नवण्हं बंभवेर-गुत्तादीणं दसविहस्स णं समणधम्मस्स एवं तु जाव णं एमाइ अनेगालावगमाइणं खंडणे विराघने वा आगम-कुसलेहिं णं गुरुहिं पायच्छित्तं उवइहं तं निमित्तेणं जहा सतीए अनिगूहिय-

बल-वीरिय-पुरिसयार-परक्रमे असढताए अदीन-मानसे अनसनाइ स-बज्झातरं दुवालसविहं तवो-कम्मं गुरुणं अंतिए पुनरवि निट्ठंकिउणं सुपरिफुड काऊणं तह ति अभिनंदिताणं खंडखंडी-विभत्तं वा एग-पिंड-द्वियं वा न सम्मं अनुचिट्ठेजा से णं अवंदे से भयवं के णं अट्ठेणं खंडखंडीए काउमनुचेट्ठेजा गोयमा जे णं भिक्खू संवच्छरद्धं घाउमास खमणं वा एक्को काऊणं न सकणोइ से णं छट्ठ-ठ्ठम-दसम-दुवालसद्ध-मास-खमणेहिं णं तं पायच्छित्तं अनुपवेसेइ अन्नमवि जं किं चि पायच्छित्तानुयं एते णं अत्थेणं खण्ड-खण्डील समनुचेट्ठे एवं तुं समोगाढं किंचूणं पुरिवहं

एयावसरम्मि उ जे णं पडिक्कमंते इ वा वंदंते इ वा सज्झाय करंते इ वा संचरते इ वा परिभमंते इ वा गए इ वा ठिए इ वा बइड्डलग्गे इ वा उट्ठियलग्गे इ वा तेउ-काएण फुसियलग्गे भवेजा से णं आयंजितं = संचरेजा तओ चउत्थं, अन्नेसिं तु जइ जेणं गहेय रायच्छित्तानं पविसंति तहा स-सत्तीए तवो-कम्मं नाणुट्ठिएइ तओ चउगुण पायच्छित्तं तं एवं बीय-दियहे उवइसेजा जेसिं च णं वंदंताण वा पडिक्कमंताण वा दीहं वा भज्झारं वा छिदिऊणं गयं हवेजा तेसिं च णं लोय-करणं अन्नत्यगमणं तं माणं उग्ग-तवाभिरमणं एयाइं न कुव्वंति तओ गच्छ बज्झे जे णं तु तं महोवसग्ग-साहगं उप्पाइगं दुन्निमित्तं अमंगलादहं हविया जो णं पढम-पोरिसीए वा बीय-पोरिसीए वा चंकमणियाए परिसक्किरेजा अगालसन्निए इ वा छट्ठिकडे इ वा से णं जइ चउव्विहेणं न संचरेजा तओ छट्ठं दिया थंडिल्ले पडिलेहिए राओ सन्नं वोसिरेजा समाहीए इ वा एगासनगं गिलानस्स अन्नेसिं तु छट्ठ एव जइ णं दिया न थंडिल्ल पच्चुप्पेहियं नो णं समाही संजमिया अपच्चुप्पेहिए थंडिल्ले अपच्चुप्पेहियाए घेव समाहीए रयणीए सन्नं वा काइयं वा वोसिरेजा एगासणगं गिलाणस्स सेसाणं दुवालसं अहा णं गिलानस्स मिच्छुकुडं वा एवं पढम-पोरिसीए बीय-पोरिसीए वा सुत्तत्य-अहिज्जनं मौत्तूणं जे णं इत्थी-कहं वा भत्त-कहं वा देस-कहं वा राय-कहं वा तेन-कहं वा गारत्थिय-कहं वा अन्नं वा असंबद्धं रोद्धज्झाणोदीरणा कहं पत्थावेजा वा उदीरेजा वा कहेजा कहावेजा वा से णं संवच्छरं जाव अवंदे अह णं पढम-बीय-पोरिसीए जइ णं कथाइं महयां कारण-वसेणं अद्ध घडिगं घडिगं वा सज्झायं न कयं तत्थ मिच्छुकुडं गिलानस्स अन्नेसिं निव्विगइयं दढ-निट्ठरं तेन वा गिलाणेण वा जइ णं कहिं चि केणइ कारणेणं जाएणं असई गीयत्थ-गुरुणा अणणुन्नाएणं सहसा कयाई बइड्ड-पडिक्कमणं कयं हवेजा तओ मासं जाव अवंदे चउ-मासे जाव मुणेव्वयं णं पढम-पोढिताए अणइकंताए तइय-पोरिसीए अइकंताए भत्तं वा पानं वा पडिगाहेजा वा परिभुंजेजा वा तस्स णं पुरिवहणं चेइएहिं अवंदिएहिं उवओगं करेजा पुरिवहं गुरुणो अंतिए न उवओगं करेजा चउत्थं अकएणं उवओगेणं जं किंचि पडिगाहेजा चउत्थं अविहीए उवओगं करेजा खवणं-

भत्तइए वा पानइए वा भेसज्झइए वा सकज्जेण वा गुरु-कज्जेण वा बाहिर-भूमीए निग्गच्छंते णं गुरुणो पाए उत्तिमंगेण संघट्ठेत्ताणं आवस्सियं न करेजा पविसंते घंधसालाइसु णं वसही दुवारे निसीहियं न करेजा पुरिवहं सत्तण्हं कारण-जायाणं असई वसहीए बहिं निगच्छे गच्छ-बज्झो एगो गच्छे उवडावणं अगीयत्थस्स गीयत्थस्स वा संकणिज्जस्स वा भत्तं वा पानं वा भेसज्जं वा वत्थं पत्तं वा दंडगं वा अविहीए पडिगाहेजा गुरुणं च न आलोएजा तइय-वयस्स छेदं मासं जाव अवंदे मूणेव्वयं च भत्तइए वा पानइए वा भेसज्झइए वा सकज्जेण वा गुरु-कज्जेण वा पविट्ठो गामे वा नगरे वा रायहानीए वा तिय-चउक्क-चच्चर-परिसा-गिहे इ वा तत्थ कहं वा विकहं वा पत्थावेजा

उवद्वावणं सोवाहणो परिसकेजा उवद्वाणं उवहणाओ न पडिगाहेजा खवणं तारिसेणं स-विहाणणे उवाहणाओ न परिभुंजेजा खवणं गओ वा ठिओ वा केणइ पुडो निउणं महुरं धोवं कखावडियं अगव्विय अतुच्छं निदोसं सयल-जनमनानंद-कारयं इह-पर-लोग-सुहावहं वयणं न भासेजा अवंदे जइ णं नाभिग्गहिओ सोलस-दोस-विराहिं पी स-सावज्जं भासेजा उवद्वावणं बहु भासे उवद्वावणं पडिनियं भासे उवद्वाणं कसाएहिं जिओ अवंदे कसाएहिं समुइन्नेहिं भुंजे रयणिं वा परिवसेजा भासं जाव मुणव्वए अवंदे य उवद्वाणं च परस्स वा कस्सइ कसाए समुइरेजा दर-कसायस्स वा कसाय-वुद्धिं करेजा मम्मं वा किंघि बोलिजा एतेसुं गच्छ-बज्जो फरुसं नासे दुवालसं ककसं भासे दुवालसं खर-फरुस-ककस-निदुरमणिइं भासे उवद्वावणं दुब्बोलं देइ खमणं खकलिं किलिकिं चं कलहं झं झं उमरं वा करेजा गच्छ-बज्जो मगार-जगारं वा बोले खमणं बीय-चाराए अवंदे बहंतो संघ-बज्जो हणंतो संघ-बज्जो एवं खणंतो भजंतो लहसंतो लूडंतो जालावंतो पयंतो पयावंतो एतेसुं सव्वेसुं पत्तेगं संघ-बज्जो गुरुं पडिसूरेजा अन्नं वा मयहराइयं कहिं चि हीलेजा गच्छायारं वा संघायारं वा वंदन-पडिक्कमणमाइं मंडली-धम्मं वा अइक्कमेजा अविहीए पव्वावेज्ज वा उवद्वावेज्ज व अओग्गसस्स वा सुत्तं वा अत्थं वा उभयं वा परुवेजा अविहीए सारेज्ज वा वारेज्ज वा चोएज्ज वा विहीए वा सारण-चारण चोयणं न करेजा उन्मग्ग-पट्टियस्स वा जहा विहीए जाव णं सयल-जन-सन्निज्जं परिवाडिए न भासेजा हियं भासं स-पक्ख-गुणावहं एतेसुं सव्वेसुं पत्तेगं कुल-गण-संघ-बज्जो कुल-गण-संघ-बज्जीकयस्स णं अद्यंत-घोर-वीर-तवाणुद्धा-नाभिरयस्स वि णं गोयमा अप्पेही तम्हा कुल-गण-संघ-बज्जीकयस्स णं खण-खण-द्धघडिग-घडिगद्ध वा न चिट्ठेयव्वं ति-

अप्पुच्चुप्पेहिए थंडिले उच्चारं वा पासवणं वा खेल्लं वा सिंघाणं वा जल्लं वा परिद्वेजा निसीयंतो संडासगे न पमजेजा निव्विगइयायंबिलं 'हक्कमेणं भंड-मत्तोवगरण-जायं जं किंचि दंडगाई ठवंते इ वा निक्खिवंतो इ वा साहरंतो इ वा पडिसाहरंतो इ वा गिण्हंतो इ वा पडिगिण्हंतो इ वा अविहीए ठवेज्ज वा निक्खिवेज्ज वा साहरेज्ज वा पसाहरेज्ज वा गिण्हेज्ज वा पडिगिण्हेज्ज वा एतेसुं असंसत्त-खेत्ते पत्तेगं चउरो आर्यबिले संसत्तखेत्ते उवद्वाणं दंडगं वा रयहरणं वा पाय-पुच्छणं वा अंतरकप्पणं वा चोल-पट्टणं वा वासाकप्पणं वा जाव णं मुहनंतगं वा अन्नयरं किंचि संजमोवगरण-जायं अप्पडिलेहि य वा दुप्पडिलेहियं वा ऊनाइरित्तं गणणाए पमाणेणं वा परिभुंजे खवणं सव्वत्थ पत्तेगं अविहीए नियंसनुत्तरीयं रयहरणं दंडगं वा परिभुंजे चउत्थं सहसा रयहरणं खवे निक्खिवइ उवद्वावणं अंगं वा उवंगं वा संवाहावेजा खवणं रयहरण-सुसंघट्टे चउत्थं पमत्तस्स सहसा मुहनंतगाइ किंचि संजमोवगरणं त्रिप्पनस्से तत्थ णं जाव खमणोद्वावणं जहा जोगं गवेसणं भिच्छुक्कड-वोसिरणं पडिगाहणं च आउकाय-त्तेउकायस्स णं संघट्टणाई एगंतेंन निसिद्धे जो ऊण जोइए अंतलिक्खबिंदु-वारेहिं वा आउत्तो वा अनाउत्तो वा सहसा फुसेजा तस्स णं पकहियं च एवायंबिलं इत्थीणं अंगावयवं किंचि हत्थेण वा पाएण वा दंडगेण वा कर-धरिय-कुसग्गेण वा चलणक्खेवेण वा संघटे पारंथियं सेस पुणो वि सत्थाणे पबंधेण भाणीहई एवं तु आगयं भिक्खाकालं एयावसम्ही उ गोयमा जे णं भिक्खू पिंडेसणभिहिएणं विहिणा अदीन-मनसो ।

पू. (१३८३)

वज्जंतो बीय-हरीयाई पाने य दग्ग-मट्टियं ।

उववायं विसमं खाणुं रग्गा गिहवईणं च ॥

मू. (१३८४) संकटानं विवर्जतो पंच-समिय-ति-गुत्तो गोयर-चरियाए पाहुडियं न पडियरिया तस्स णं चउत्थं पायच्छित्तं उवइसेआ, जइ णं नो अभत्तट्ठी ठवणा-कुलेसु पविसे खवणं सहसा पडवुत्थं पडिगाहियं तक्खणा न परिडुवे निरुत्तरे थंडिले खवणं उवइसे पडिगाहेआ यत्थाइ जहा जोगं कप्पं वा पडिसेहेइ उवट्ठावणं गोयर-पविट्ठो कहं वा विकहं वा उभय-कहं वा पत्थावेअ वा उदीरेअ वा कहेअ वा निसामेअ वा छट्ठं गोयर-मागओ य भत्तं वा पानं वा भेसअं वा जं जेन चित्तियं जं जहा य चित्तियं जहा य पडिगाहियं तं तहा सव्वं नालोएआ पुरिवहं इरियाए अपडिकंताए भत्त-पाणाइयं आलोएआ पुरिवहं ससरक्खेहिं पाएहिं अपमअिएहिं इरियं पडिक्कमेआ पुरिमहं इरियं पडिक्कमिउकामो तिन्नि वाराओ चलणगाणं हिट्ठिम-भूमि-भागं न पमअेआ निव्विइयं, कन्नोडियाए वा मुहनंतगेणं वा विना इरियं पडिक्कमे मिच्छदुक्कडं पुरिमहं वा पाहुडियं आलोइत्ता सज्झायं पट्ठावित्तुं तिसराइं धम्ममंगलाइं न कहेआ चउत्थं धम्मो मंगलगेहिं च णं अपयट्ठिएहिं चेइय-साहुहि च अवंदिएहिं पारावेआ पुरिवहं अपाराविणं भत्तं वा पानं वा भेसअं वा परिभुंजे चउत्थं गुरुणो अंतियं न पारावेआ नो उवओगं करेआ नो णं पाहुडियं आलोएआ न सज्झायं पट्ठावेआ एतेसुं पत्तेयं उवट्ठावणं गुरु वि य जेणं नो उवउत्ते हवेआ से णं पारंचियं साहम्मियाणं संविभागेणं अविइत्तेणं जं किंचि भेसअाइ परिभुंजे छट्ठं भुंजते इ वा परिवेसंते इ वा पारिसाडिं करेआ छट्ठ तित्त-कहुय-कसायंबिल-महुर-लवणाइं रसाइं आसायंते इ वा पलिसायंते इ वा परिभुंजे चउत्थं तेसु चेवरसेसुरांगच्छेखमणं अट्ठमं वा अकएणं काउसगेणं विगइ परिभुंजे पंचेवायंबिलाणि दोहं विगइणं उहं परभुंजे पंच निव्विगइयाणि अकारणिगो विगइ-परिभोगं कुआ अट्ठमं असनं वा पानं वा भेसअं वा गिलाणस्स अइल्लानुद्धरियं परिभुंजे पारंचियं गिलाणेणं अपडिजागरिणं भुंजे उवट्ठावणं सव्वमवि निय-कत्तव्वं परिचेअणं गिलाण-कत्तव्वं न करेआ अवंदे गिलान-कत्तव्वमालंबिकुणं नियय-कत्तव्व पमाएआ अवंदे गिलाण-कप्पं न उत्तारेआ अट्ठमं गिलाणेण सहिरे एम-सहेणागतुं जम्माइसे तं न कुआ पारंचिए नवरं जइ णं से गिलाणे सत्थ-चित्ते अहा णं सन्निवायादीहिं उब्भामिय-माणसे हवेआ तओ जमेव गिलाणेणमाइहं तं न कायव्वं तस्स जहाजोगं कायव्वं न करेआ संघबज्झो—

आहाकम्पं वा उद्देसियं वा पूइकम्पं वा मीस-जायं वा ठवणं वा पाहुडियं वा पाओयरं वा कीयं वा पामिअं वा पारियट्ठियं वा अभिहडं वा उब्भिल्लं वा मालोहडं वा अच्छेअं वा अनिसट्ठं वा अज्झोयरं वा धाई-दूई-निमित्तेणं आजीववणिमग-तिगिच्छ-कोह-मान-माया-लोभेणं पुव्वि संघव-पच्छा-संघव विआ-मंत-चुल्ल-जोगे संकिय-मक्खिय-निक्खित्त-पिहिय-साहरिय-दाय-गुप्पीस-अपरिणय-लित्त-छट्ठिय एयाए बायालाए दोसेहिं-अन्नयर-दोस दूसियं आहारं वा पानं वा भेसअं वा परिभुंजेआ सव्वत्थ पत्तेयं जहा-जोगं कमेणं खमणायंबिलादी उवइसेआ छणं दोसेहिं कारण जायाणमसई भुंजे अट्ठमं सधूम सइंगालं-भुंजे उवट्ठावणं संजोइय-संजोइय जीहा लेहडत्ताए भुंजे आयंबिल-खवणं संते बल-वीरिय-पुरिसयार-परक्कमे-अट्ठमि-चाउहसी-नाण-पंचमी पज्जोसवणा चाउम्मासिए चउत्थदुम-छट्ठे न करेआ खमणं, कप्पं नावियइ चउत्थं कप्पं परिडुवेआ दुवालसं पत्तग-मत्तग-कमदगं वा अन्नयरं वा भंडोवगरण-जायं अतिप्पिकुणं ससिणिद्धं वा अससिणिद्धं अनुल्लेहियं ठवेआ चउत्तं पत्ता-बंधस्स णं गंठिओ न छोडेआ न सोहेआ चउत्थं पच्छित्तं समुदेस-

मंडलीओ संघट्टेआ आयामं संघट्टं वा समुद्देस-मंडलि छिविऊणं दंडा पुंछणं न देआ निव्विइयं समुद्देस-मंडली छिविऊणं दंडा-पुंछणं च दाऊणं इरियं न पडिक्कमेआ निव्विइय एवं इरियं पडिक्कमित्तुं दिवसावसेसियं न संवरेआ आयामं गुरु-पुरओ न संवरेआ पुरिमहं अविहीए संवरेआ आयंबिलं, संवरेत्ता णं चेइय साहूणं वंदनं न करेआ पुरिमहं वंदनं देआ अवंदे, एयावसरन्ही उ बहिर-भूमीए पाणिय-कज्जेणं गंतूणं जावागमे ताव णं समोगादेआ किंचूनाहिंयं तइय-पोरिसी-

तमवि जाव णं इरियं पडिक्कमित्तं णं विहिए गमनागमनं च आलोइऊणं पत्तगमत्त-गकमढगाइयं भंडोवगरणं निव्विइय ताव न अनूनाहिया तइय-पोरिसी हवेआ एवं अनइकंताए तइय-पोरिसीए गोयमा जे णं भिक्खु उवहिं थंडिलाणि विहिणा गुरु-पुरओ संदिसावेत्ता णं पानगस्स य संवरेऊण काल-वेळं जाव सज्झायं न करेआ तस्स णं छट्ठं पायच्छित्तं उवइसेआ एवं च आगयाए काल-वेलाए गुरु-संतिए उवहिं थंडिले वंदन-पडिक्कमण-सज्झाय-मंडलीओ वसहिं च पञ्चुप्पेहिताणं समाही-खइरोल्लगेय संज्झमिऊणं अत्तणगे उवहिं थंडिले पञ्चुप्पेहितुं गोय-चरियं पडिक्करमिऊणं कालो गोय-चरिय-घोसणं काऊणं तओ देवसियाइयार-विसोहि-निमित्तं काउस्सगं करेआ एएसुं पत्तेगं उवइवावणं पुरिवट्टेगासणगोवट्टावणं जहा संखेणं नेयं एयं काऊणं काउस्सगं मुहंनंतं पञ्चुप्पेहेउं विहीए गुरुणो कित्तिक्कमं काऊणं जं किंचि कथइ सुरुगमं पमितीए चिट्ठेतेन वा गच्छंतेन वा चलंतेन वा भमंतं न वा संभरंते न वा पुब्बं-दग्ग-अग्गं-मारुय-वपस्सइ-हरिय-तण-वीय-पुप्फ-फल-किसल्ल-फ्वाल-कंदल-वि-त्ति-चउ-पंचिदियाणं संवट्टण-परिखावण-किलावण-उट्टवणं वा कयं हवेआ तहा तिण्हंगुत्तादीणं चउण्हंकसायादीणं पंचण्हं महव्वयादीणं छण्हं जीव-निकाया-दीणं सत्तण्हं पान-पिंडेसण्णण अट्टण्हं पवयण-मायादीणं नवण्हं बंभसेरादीणं दस विहस्स णं समण-धम्मस्स-नाण-दंसण-चरित्तणं च जं खंडियं जं विराहियं तं निंदिऊणं गरहिऊणं आलोइऊणं पायच्छित्तं चे पडिक्कमिऊणं एगग-माणसे सुत्तत्थोभयं धणियं भावेमाणे पडिक्कमणं न करेआ उवइवावणं एवं तु अदसणं गओ सूरिओ चेइएहिं अवंदिएहिं पडिक्कमेआ चउत्थं एत्थं च अवसरं विन्नेयं पडिक्कमिऊणं विहीए रयणीए पढम-जामं अनूनं सज्झस्यं न करेआ दुवालसं पढम पोरिसीए अनइकंताए संधारणं संदिसावेआ छट्ठं असंदिताविणं संधारणेणं संधारेआ चउत्थं अपञ्चुप्पेहिए थंडिले संधारेइ दुवालसं अविहीए संधारेआ चउत्थं कुसिरणपयादी संधारेआ सयं आयंबिलाणि सव्वस्स समण-संघस्स साहम्मियाणमसाहम्मियाणं च सव्वस्सेव जीव-रासिस्स सव्वभावभावंतरेहि णं तिविहं तिविहेणं खामण-मरिसावणं अकाऊणं चेइएहिं तु अवंदिएहिं गुरु-पायमूलं च उवही-देहस्सासणादीणं च सागारेणं पञ्चक्खाणेणं अकएणं कन्न-विवरेसुं च कप्पास-रुवेणं अट्टइएहिं संधारगन्ही ठाएआ एएसुं पत्तेगं उवइवावणं -

संधारगन्ही उ ठाऊणमिमस्स णं धम्म-सरीरस्स गुरु-पारंपरिएणं समुवल्लोहेहिं तु इमेहिं परममंतक्खरेहिं दससु वि दिसासु अहि-करि-दुट्ठ-मंत-वानमंतर-पिसायादीणं रक्खं न करेआ उवइवाणं दससु वि दिसासु रक्खं काऊणं दुवालसहिं भावनाहिं अभावियाहिं सोवेआ पनुवीसं आयंबिलाणि एक्कं निहं सोऊणं पडिबुद्धे इरियं पडिक्कमेत्ताणं पडिक्कमणं-कालं जाव सज्झायं न करेआ दुवालसं पसुत्ते दुसुमिणं वा कुसुमिणं वा ओगाहेआ सएणं उसासेणं काउस्सगं रयणीए छीएअ वा खासेअ वा फलहग-पीढग-दंडगेण वा छडुक्कं पउरिया खमणं, दीया वा राओ वा

हास-खेड-कंदप-नाहवायं करेआ उवइवणं एवं जे णं भिक्खू सुताइकमेणं काला-इकमेणं आवासं कुब्बीया तस्स णं कारणिगस्स मिच्छुकडं गोयमा पायच्छित्तं उवइसेआ जे य णं अकारणिगे तेसिं तु णं जहा-जोगं चउत्थाइए उवएसे य जे णं भिक्खू सदे करेआ सदे उवइसेआ सदे गाढागाढ-सदे य, सव्वत्थ-पइ-पयं पत्तेयं सव्व-पएसुं संबज्झावेयव्वे एवं जे णं भिक्खू आउ-कायं वा तेउ कायं वा इत्ती-सरीमवयवं वा संणहेआ नो णं परिणुत्तेआ से णं दुरंत-पंत-लक्खणे अदइव्वे महा-पाव-कम्मे पारंघिए अहा णं महा-तवस्सी हवेआ तओ सयरिं मासखवणाणं सयरिं अद्ध-मास-खवणाणं सयरिं दुवालासाणं सयरिं दसमाणं सयरिं अट्ठमाणं सयरिं छट्ठाणं सयरिं चउत्थाणं सयरिं आयंबिलाणं सयरिं एगट्ठाणाणं सयरिं सुद्धायामेगासणाणं सयरिं निव्विगइयाणं जाव णं अनुलोम-पडिलोमेणं निदिसेआ एयं च पच्छित्तं जे णं भिक्खू अघिसंते समनुट्ठेआ से णं आसन्न-पुरेक्खहे नेए ।

मू. (१३८५) से भयवं इणमे सयरिं सयरिं अनुलोम-पडिलोमेणं केवतिय-कालं जाव समणडिहिइ गोयमा जाव णं आधारमंगं वाएआ भयवं उहं पुच्छा गोयमा उहं केइं समनुट्ठेआ केइं नो समनुट्ठेआ जे णं समनुट्ठेआ से णं वंदे से णं पुज्जे से णं दइव्वे से णं सुपसत्थ सुमंगल सुगाहियनामधेजे तिहं पि लोगाणं वंदणिजे ति जे णं णो समनुट्ठे से णं पावे से णं महापावे से णं महापाव-पावे से णं दुरंत-पत-लक्खणे जाव णं अदइव्वे ति ।

मू. (१३८६) जया णं गोयमा इणमो पच्छित्तसुत्तं वोच्छिडिहिइ तया णं चंदाइआ गहा-रिक्खा-तारणाणं सत्त-अहोरेते तेयं नो विप्फुरेआ ।

मू. (१३८७) इमस्स णं वोच्छेदे गोयमा कसलियस्स संजमस्स अभावो जओ णं सव्व-पाव-निद्वग्गे चेव पच्छित्ते सव्वस्स णं तवसंजमानुट्ठाणस्स पहाणमंगे परम-विसोही-पए पवयणस्सावि णं नवनीय-सारभूए पन्नते ।

मू. (१३८८) इणमो सव्वमवि पायच्छित्ते गोयमा जावइयं एगत्य संपिडियं हवेआ तावइयं चेव एगस्स णं गच्छाहिवइणो मयहर-पवत्तिनीए य चउगुणं उवइसेआ जओ णं सव्वमवि एएसिं पयंसियं हवेआ अहाणमिमे चेव पमायवसं गच्छेआ तओ अन्नेसिं संते धी-बल-धीरिए सुद्धतराग-मच्चुअमं हवेआ अहा णं किं चि सुमहंतमवि तवानुट्ठाणुमच्चुअमेआ ता णं न तारिसाए धम्म-सद्धाए किं तुं मंदुच्छाहे समनुट्ठेआ भग्गपरिणामस्स य निरत्थगमेव काय-कसे जम्हा एयं तम्हा उ अच्चितानंत-निरनुबंघि-पुन्न-पब्भारेणं भग्गपरिणामस्स य निरत्थगमेव काय-कसे जम्हा एयं तम्हा उ अच्चितानंत-निरनुबंघि-पुन्न-पब्भारेणं संजुअ माणे वि साहुणो न संजुअंति एवं च सव्वमवि गच्छाहिवइयादीणं दोसेणेव पवत्तेआ एएणं अट्ठेणं रुवंपवुच्चइ गोयमा जहा णं गच्छाहिवइयाईणं इणमो सव्वमवि पायच्छित्तं जावइयं एगत्य संपिडियं हेवआ तावइयं चेव चउगुणं उवइसेआ

मू. (१३८९) से भयवं जे णं गणी अप्पमादी भवित्ताणं सुयानुसारेणं जहुत्त-विहाणेहिं चेव सययं अहन्निसं गच्छं न सारवेआ तस्स किं पच्छित्तमुवइसेआ गोयमा अप्पउत्ती पारंघियं उवइसेआ स भयवं जस्स उ णं गणिणो सव्व पुमायालंबणविष्पमुक्कस्सावि णं सुयानुसारेणं जहुत्तविहाणेहिं चेव सययं अहन्निसं गच्छं सारवेमाणस्सेव केइं तहाविहे दुइसीले न सम्मगं समायारेआ तस्स वी इ किं पच्छित्तमुवीसेआ गोयमा उवइसेआ से भयवं किं तं पायच्छित्तमुवइसेआ गायमा जे णं एवणं गुणकलिए गणी से णं जया एवंविहे पावसीले गच्छे तिविहं तिविहेणं वोरिसेत्ताणमाय-हियं

न समनुद्धेजा तथा णं संघ-बज्जे-उवइसेजा से भयवं जया णं गणिण्ण गच्छे तिविहेणं वोसिरिए हवेजा तथा णं ते गच्छे आदरेजा गोयमा जइ संविग्गे भवित्ताणं जहुत्तं पच्छित्तमनुचरित्ताणं अन्नस्स गच्छाहिबइणो उवसंपज्जित्ताणं सम्मग्गमनुसरेजा तओ णं आयरेजा अहा णं सच्छंदत्ताए ताहेव चिह्णे न उ णं यउत्तिहरत्ता मि समण-संधरस बज्जं तं गच्छं नो आयरत्तजा

मू. (१३९०) से भयवं जया णं से सीसे जहुत्त-संजम-किरियाए पवट्ठति तहाविहे य केई कुगुरु तेसिं दिक्खं परुवेजा तथा णं सीसा किं समनुद्धेजा गोयमा धीर-वीर-तव-संजमे से भयवं कहं गोयमा अन्न गच्छे पविसित्ताणं से भयवं जया णं तस्स संतिएणं सिरिगारेणं विणिहए समाण अन्न-गच्छेसुं पवेसमेव न लभेजा तथा णं किं कुब्बिजा गोयमा सब्ब-पयारेहिं णं तं तस्स संतियं सिरियारं फुसावेजा से भयवं केणं पयारेणं तं तस्स संतियं सिरियारं सब्ब-पयारेहिं णं फुसियं हवेजा गोयमा अक्खरेसुं से भयवं किं नामे ते अक्खरे गोयमा जहा णं अप्पडिग्गाही कालकालंतरेसुं पि अहं इमस्स सीसाणं वा सीसिणीगाणं वा से भयवं जया णं एवंविहे अक्खरे न पयादी गोयमा जया णं एवंविहे अक्खरेन पयादी तथा णं आसन्न-पावयणीणं पकहित्ताणं घउत्थदीहिं समक्कमित्ताणं अक्खरे दावेजा से भयवं जया णं एएणं पयारेणं से णं कुगुरु अक्खरे न पदेजा तथा णं किं कुजा गोयमा जया णं एएणं पयारेणं से णं कुगुरु अक्खरे न पदेजा तथा णं संघ-बज्जे उवइसेजा से भयवं केणं अट्ठेणं एवं बुद्धइ गोयमा सुदुप्पयहे इणमो महा-मोह-पासे गेह-पासे तमेव विप्पहित्ताणं अनेग सारीरग-मनो-समुत्थ-चउ-गइ-संसार-दुक्ख-भय-भीअ-कह-कहादी-मोह-मिच्छत्तादीणं खओवस-मेणं सम्मग्गं समोवलमित्ताणं निब्बिन्न-काम-भोगे निरणुबंघे पुन्नमहिजे तं च तव-संजमानुद्धाणेणं तस्सेव तव-संजम किरियाए जाव णं गुरु सयमेव विग्घं पयरे अहा णं परेहिं णे वा समनुवेक्खे सपक्खेण वा परपक्खेण वा ताव णं तस्स महानुभागस्स साहुणो संतियं विज्जमाणमवि धम्म-वीरियं पणस्से जाव णं धम्म-वीरिय ण्णस्से ताव णं जे पुन्न-भागे आसन्न-परक्खडे चेव सो पणस्से जइ णं नो समण लिंगं विप्पजहे ताहे जे एवं गुणवदेए से णं तं गच्छमुज्झिय अन्न गच्छं समुप्पयाइ तत्तवि जाव णं संपवेसं न लभे ताव णं कयाइ उ न अविहीए पाणे पयहेजा कयाइ उ न मिच्छत्तभावं गच्छिय पर-पासंडं आसएजा कयाइ उ न दाराइसंगहं काऊणं अगार-वासे पविसेजा अहा णं से ताहे महातवस्सी भवेत्ताणं पुणो अतवस्सी होउणं पर-कम्मकरे हवेजा जाव णं एयाइं न हवन्ति ताव णं एगंतं दुट्ठि गच्छे मिच्छत्ततमे जाव णं मिच्छत्त-तमंधी-कए-बहुजन-निवहे दुक्खेणं समनुद्धेजा दोगइ-निक्षारए सोक्ख-परंपरकारए अहिंसा लक्खणसमणं-धम्मे जाव णं एयाइं भवन्ति ताव णं तित्थस्सेव वोच्छिती ताव णं सुदूर-ववहिए परम-पए ताव णं अद्यंत सुदुक्खिए चेव भव्वसत्तसंधाए पुणो चउगईए संसरेजा एएणं अट्ठेणं एवं बुद्धइ गोयमा जहा णं जे णं एएणेव पयारेणं कुगुरु अक्खरे नो पएजा से णं संघ-बज्जे उवइसेजा ।

मू. (१३९१) से भयवं केवतिएणं कालेणं इहे कुगुरु भवीहन्ति गोयमा इओ य अद्ध-तेरसण्हं वास सयाणं साइरेगाणं समइक्कंताणं परओ भवीसुं से भयवं के णं अट्ठेणं गोयम तक्कालं इट्ठि-रस-साय गारव संगए ममीकार-अहंकारणीए अंतो संपज्जलंत-बीदी अहमहंति कय-मानसे अपुणिय-समय-सब्भावे गणी भवीसुं एएणं अट्ठेणं से भयवं किं सब्बे वी एवंविहे तक्कालं गणी भवीसुं गोयमा एगंतणं नो सब्बे के ई पुन दुरंत-पंत-लक्खणे अदट्ठव्वे णं एगाए जननीए जमग-समगं

पसूए निम्मेरे पाव-सीले दुझाय-जम्मे सुरोइ-पयंडाभिगहिय-दूर-महामिच्छदिही भविंसु से भयवं
कहं ते समुवलक्खेज्जा गोयमा उस्सुत्तुम्पग-वत्तनुद्धिसण-अनुमइ-पच्चएणं ।

मू. (१३९२) से भयवं जे णं गणी किंचि आवस्सगं पमाएज्जा गोयमा जे णं गणी अकारणिगे
किंचि खणमेगमवि पमाए से णं अवंदे उवदिसेज्जा जे इ णं तु सुमहा कारणिगे वि संत गणी
खणमेगमवी न किंचि निययावस्सगं पमाए से णं वंदे पूए दट्ठव्वे जाव णं सिद्धे बुद्धे पार-गए
खीणट्ठकम्ममले नीरए उवइसेज्जा सेसं तु महया पबंधेन स-ट्ठाणे चेव भाणिहिइ ।

मू. (१३९३) एवं पच्छित्तविहिं सोऊणानुद्धती अदीन-मनो ।

जुंजइ य जहा-धामं जे से आराहगे भणिए ॥

मू. (१३९४) जल-जलण-दुद्ध-सावय-चोर-नरिदाहि-ओगिणीण भए ।

तह भूय-जक्खरक्खस्स-खुद्विसायाण मारीणं ॥

मू. (१३९५) कलि-कलए विग्घ-रोहग-कंताराडइ-समुद-मज्झे वा ।

दुद्धितिय अवसउणे संभरियव्वा इमा विज्जा ॥

मू. (१३९६) प् अ अ ए ह इ म्, ज् अ ण् अ म्, द् अ ण् उ ज् अ भू, ध् अ न्, इ उ न्, म्, ए ह इ
म्, त् इ व्, इ क्, क् अ म्, उ न्, आ ह्, ह् इ म्, प् अ व्, व् अ न्, आ भू, उ ह्, इ अ ए, ह् अ र्, उ म्, उ ए
ह्, इ म्, म् अ ह्, उ स्, उ उ अ ण्, उ, म् अ त्, य अ इ, इ ए उ अ न्, अ म्, त् उ ए, ह्, इ म्, अ त्, थ् अ स्, इ
क्, ख् अ ण्, अ म्, ध् ए म्, प्, इ स्, स् अ म्

(पाएहिं जणदणु जंघ निउम्मेहिं तिविक्रमु

नाहिहिं पव्वनाभु हियए हरु भुएहिं महसुदणु

मत्थइ देइ अनंतु एहिं अत्थ सिकखणं धेप्पिस्सं)

य् अ स्, एई, जण् आम्, दे ण् उ ज् अ न्, न् हा न्, इ उ म्, म्, ए इ, इ म्, त् इ व्, इ क्, म्, उ न्, आ ह्
ए, हु, इ म्, पव्वाण् आ ग ओ इ, ह् अ ए, ह् र्, उ ह्, इ म्, म्, ह् सु उ उ अ ण्, उ म्, व्, इ, द ए ओ आ ण् अ
म्, घ् उ ए, ह्, म्, इ, म्, इ, म्, व्, इ, सु, ख्, क् अ ल्, अ म्, ध्, ए, प्, इ, स्, स् अ म्, च उ

तओ एयाए पवर-विज्जाए विहीए अत्ताणगं समहिमंतिऊण इमे य सत्तक्खरे उत्तमंगोभयं-
खंध-कुच्छी चलणतलेसु नसेज्जा तं जहा-अ उ म् (ओं) उत्तमंगे क् उ (कु) वाम-खंध-गीवाए र् उ
(रु) वाम कुच्छीए क् उ (कु) वाम चलणयले ल् ए (ले) दाहिण चलणयले (स् व् अ आ (स्वा)
दाहिण-कुच्छीए ह् अ अ- (हा) दाहिण-खंध-गीवाए ।

मू. (१३९७) दुसुमिण-दुन्निमित्ते गह-पीडीवसग-मारि-रिद्ध-भए ।

वासासणिविज्जुए वायारी महाजन-विरोहे ॥

मू. (१३९८) जं चत्थि भयं लोगे तं सच्चं निदले इमाए विज्जाए ।

सण्हद्धे मंगलयरे रिद्धियरे पावहरे सयलवरक्खयसोक्खदाई ॥

काउमिमे पच्छित्ते जइ न तु णं तब्भवे सिज्जे ॥

मू. (१३९९) ता लहिऊण विमाणगइं सुकुलुप्पत्तिं दुयं थ पुणो बोहिं ।

सोक्ख परंपरएणं सिज्जे कम्मद्वं बंधरयमलविमुक्के ॥

गोयमो त्ति वेमि

मू. (१४००) से भयवं किमोयानुमेतमेव पच्छित्तं-विहाणं जेजेवमाइसे गोयमा एय सामन्नेणं दुवालसण्ह-काल-मासाणं पइविन-महत्तिसाणुसमयं पाणोवरमं जाव स-बाल बुद्ध-सेहमयहरायरिय-माईणं तहा य अपडिवाइ-महोवहि-मनपञ्चवणाणी छउमत्थ-तित्थयरणं एगंतेनं अब्भुद्धाणारिहा-वस्सगसंबंधेय चैव सामन्नेणं पच्छित्तं समाइडुं नो णं एयानुमेतमेव पच्छित्तं से भयवं किं अपडिवाइ-महोवही-मन-पञ्चवणाणी छउमत्थ-वीयरामे य सयलावस्सगे समनुडीया गोयमा समनुडीया न केवलं समनुडीया जमग-समगमेवाणवरणमनुडीया से भयवं कहं गोयमा अचित्त-बल-वीरिय-बुद्धि-नाणाइसय-सत्ती-सामत्थेणं से भयवं के णं अट्टेणं ते समनुडीया गोयमा मा णं उस्सुत्तुम्मग-पवत्तणं मे भवउ त्ति कारुणं ।

मू. (१४०१) से भयवं किं तं सविसेसं पायच्छित्तं जाव णं वयासि गोयमा वासारत्तियं पंथगामियं वसहि पारिभोगियं गच्छायारमइक्कमणं संधायारमइक्कमणं गुत्ती-भेय-पयरणं सत्त-मंडली-धम्माइक्कमणं अगीयत्थं गच्छ-पयाण-जायं कुसील-संभोगजं अविहीए पव्वञ्जा-दानोवद्वावणा जायं अओग्गस्स सुत्तत्थोभयपञ्चवणजायं अणाययणेक्क-खण-विरत्तणा-दजायं देवसियं राइयं पक्खियं मासियं चाउम्मासियं संवच्छरियं एहियं पारलोइयं मूल-गुण-विराधनं उत्तर-गुण-विराधनं आमोगानाभोगयं आउट्ठि-पमाय-दप्प-कप्पियं वय-समणं-धम्म-संजम-त्तव-नियम-कसाय-दंड-गुत्तीयं मय-भय-गारव-इंदियजं वसणायक-रोइ-इज्झाण राग-दोस-मोह-मिच्छत्त-दुड्ढ-कूर-ज्झवसाय-समुत्थं ममत्तं मुक्खापरिगहारंमजं असमिइत्त-पट्टी-मंसासित्त धम्मं-तराय-संतावुव्वेव-गासमा-हानुप्पायगं संखाइया आसायणा-अन्नयरा आसायणयं पाणवह-समुत्थं मुसावाय-समुत्थं अदत्तादान-गहण-समुत्थं मेहुणासेवणा-समुत्थं परिगह-करण-समुत्थं राइ-भोयण-समुत्थं मानसियं वाइयं काइयं असंजम-करण-कारवणअनुमइ-समुत्थं जाव णं नाण-दंसण-चारित्तायार-समुत्थं किं बहुना जालइयाइं ति-माल-चित्ति-वंदनावओ पायच्छित्त-ठणाइं पन्नत्ताइं तावइयं च पुणो विसेसेणं गोयमा असंखेहा पन्नविजंति, एवं संधारेआ जहा णं गोयमा पायच्छित्त-सुत्तस्स णं संखेआओ निज्जुत्तीओ संखेआओ संगहणीओ संखिआइं अनुयोग-दाराइं संखेजे अक्खरे अनंते पज्जवे जाव णं दंसिजंति उददंसिजंति आधविजंति पन्नविजंति पस्सविजंति कालाभिग्ग-हत्ताए दव्वभिग्गहत्ताए खेत्ताभिग्गहत्ताए भावाभिग्गहत्ताए जाव णं आनुपुव्वीए अनानुपुव्वीए जहा-जोगं गुण-ट्टाणेसु ति वेमि ।

मू. (१४०२) से भयवं एरिसे पच्छित्त-बाहुल्ले से भयवं एरिसे पच्छित्त-संघट्टे से भयवं एरिसे पच्छित्त संगहणे अत्थि केई जे णं आलोएत्ताणं निदिताण गरहित्ताणं जाव णं अहारिहं तवो-कम्मं पायच्छित्तमनुचरित्ताणं सामन्नमाराहेआ पवयणमाराहेआ आणं आराहेआ जाव णं आयहियइयाए उवसंपज्जित्ताणं सकज्जं तमइं आराहेआ गोयमा णं चउव्विहं आलोयणं विंदा तं-जहा-नामालोयणं ठवणालोयणं पोत्थयाइसु-मालिहियं दव्वालोयणं नाम जं आलोएत्ताणं असद-भावत्ताए जहोवइडुं पायच्छित्त नानुचिट्ठे एते तओ विपए एगंत णं गोयमा अपसत्थे जे य णं से चउत्थे पए भावालोयणं नाम ते णं तु गोयमा आलोएत्ताणं निदिताणं गरहित्ताणं पायच्छित्त-मनुचरित्ताणं जाव णं आय-हियइयाए उवसंपज्जित्ताणं सकज्जुत्तमइं आराहेआ, से भयवं कयरे णं से चउत्थे पए गोयमा भावालोयणं से भवं किं तं भावालोयणं गोयमा जे णं भिक्खू-एरिस-संवेग-वेरग्ग-गए सील-त्तव-दान-भावण-

चउ-खंध-सुसमण-धम्माराहणेकंत-रसिए मय-मय-गारवादीहिं अमंत-विप्पमुक्के सब्ब-भाव-
भावंतरेहिं णं नीसल्ले आलोइत्ताणं विसोहिपयं पडिगाहित्ताणं तहत्ति समनुडीया सव्वुत्तमं संजम-
किरियं समनुपालेआ

मू. (१४०३)

कयाइं पावाइं इमाइं जेहिं अट्ठी न बज्झए ।

तेसिं तित्थयरवयणेहिं सुद्धी अम्हाण कीरउ ॥

मू. (१४०४)

परिधिच्चाणं तयं कम्मं घोर-संसार-दुक्खदं ।

मनो-वय-काय-किरियाहिं सीलभारं धरेमि अहं ॥

मू. (१४०५)

जह जाणइं सव्वन्नु केवली तित्थकरे ।

आयरिए धारित्ते उवज्झाए य सुसाहुणो ॥

मू. (१४०६)

जह पंच-लोयपाले य सत्ताधम्मे य जाणए ।

तहाऽऽ लोएमि हं सव्वं तिलमेत्तं पि णं निहनवं ॥

मू. (१४०७)

तत्थेव जं पायच्छित्तं गिरिवरगुरुयं पि आवए ।

तमनुसरेमि दे सुद्धि जह पावे इति विलिज्जए ॥

मू. (१४०८)

मरिऊणं नरय-तिरिएसु कुंभीपाएसु कत्थई ।

कत्थइ करवत्त-जंतेहिं कत्थइ भिन्नी हु सुल्लिए ॥

मू. (१४०९)

घंसणं घोवण कहिम्मि कत्थई छेयइ-भेयणं ॥

बंधण लंधणं कहिम्मि कत्थइ दमण-भेयणं ॥

मू. (१४१०)

नत्थणं बाहणं कमिम्मि कत्थइ वहण-तालणं ।

गुरु-भारक्कमणं कहिंचि कत्थइ जमलार-विंधणं ॥

मू. (१४११)

उर-पट्ठि-अट्ठि-कडि-भंगं पर-वसो तण्हं-कुहं ।

संतावुव्वेग-दारिदं विसहीहामि पुणो वि हं ॥

मू. (१४१२)

ता इहइं चेव सव्वं पि निय-दुच्चरियं जह-द्वियं ।

आलोएत्ता निंदित्ता गरहित्ता पाच्छित्तं धरित्तु णं ॥

मू. (१४१३)

निदहेमि पावयं कम्मं इति संसार-दुक्खयं ।

अब्भुद्धित्ता तवं घोरं-धर-वीर-परक्कमं ॥

मू. (१४१४)

अमत्तं-कडयडं कडं दुक्करं दुरनुच्चरं ।

उग्गुग्गयरं जिणभिहियं सयल-कल्लण-कारणं ॥

मू. (१४१५)

पायच्छित्त-निमित्तेण पान-संघार-कारयं ।

आयरेणं तं तवं चरिमो जेणुब्बे सोक्खई तणुं ॥

मू. (१४१६)

कसाए विहली कट्टु इंदिए पंच-निग्गहं ।

मणोवई काय-दंडाणं निग्गहं धनियमारमं ॥

मू. (१४१७)

आसव-दारे निरुंभित्ता चत्त-मच्छर-अमरिसो ।

गय-राग-दोस-मोहो हं निसंगो निप्परिग्गहो ॥

मू. (१४१८)

निम्ममो निरहंकारो सरीरे अमंत-निप्पिहो ।

- महव्वयाइं पालेमि निरइयाराइं निच्छिओ ॥
 मू. (१४१९) हंद्दी हा अहन्नो हं पावो पाव-मती अहं ।
 पाविट्ठो पाव-कम्मो हं पावाहमायरो अहं ॥
 मू. (१४२०) कुसीलो भट्ट-चारिती भिल्लसूणोवमो अहं ।
 चिलातो निक्खियो पावी कूर-कम्मीह निग्धिणो ॥
 मू. (१४२१) इणमो दुल्लभं लभितं सामन्नं नाणं-दंसणं ।
 चारित्तं वा विराहेत्ता अनालोइय निंदिया ॥
 गरहिय अकय-पच्छित्तो वावअंतो जइ अहं ॥
 मू. (१४२२) ता निच्छयं अनुत्तारे घोरे संसार-सागरे ।
 निब्बुट्ठो भव-कोडीहिं समुत्तरंतो न वा पुणो ॥
 मू. (१४२३) ता जा जरा न पीडेइ वाही जाव न केइ मे ।
 जाविंदियाइं-न हायंति ताव धम्मं चरेत्तुं हं ॥
 मू. (१४२४) निद्वहमइरेमं पावाइयं निंदितं गरहिउं चिरं ।
 पायच्छित्तं नग्गित्ताणं निक्कलंको गवापि इं ॥
 मू. (१४२५) निक्कलुस-निक्कलंकाणं सुद्ध-भावाण गोयमा ।
 तं नो नइं जयं गहियं सुदूराभवि परिवलित्तुं णं ॥
 मू. (१४२६) एवमालोयणं दाउं पायच्छित्तं चरेत्तुं णं ।
 कलि-कलुस-कम्म-मल-मुक्के जइ नो सिज्जेअ तक्खणं ॥
 मू. (१४२७) ता वए देव-लोगहिं निम्मुओए सयं पहे ।
 देव-दुंदुहि-निग्घोसे अच्छरा-सय-संकुले ॥
 मू. (१४२८) तओ चुया इहागंतु सुकुलुप्पत्तिं लभेत्तुं णं ।
 निव्विन्न-काम-भोगा य तवं काउं मया पुणो ॥
 मू. (१४२९) अनुत्तर-विमाणेसुं निवासिऊनेहमागया ।
 हवंति धम्म-तित्थयरा सयल-तेलोक-बंधवा ॥
 मू. (१४३०) एस गोयम विन्नेए सुपसत्थे चउत्थे पए ।
 भावालोयण नाम अक्खय-सिवसोक्ख-दायगो ति वेमि ॥
 मू. (१४३१) से भयवं एरिसं पप्पा विसोहिं उत्तमं वरं ।
 जे पमाया पुणो असई कत्थइ चुक्के खलेअ वा ॥
 मू. (१४३२) तस्स किं तं विसोहि-पयं सुविमुद्धं चेव लिक्खए ।
 उयाहु नो समुल्लिक्खे संसयमेयं वियागरे ॥
 मू. (१४३३) गोयमा निंदितं गरहिउं सुदूरं पायच्छित्तं चरेत्तुं णं ।
 निक्खारिय-वत्थामिवाए खंपणं जो न रक्खए ॥
 मू. (१४३४) सो सुरभिगंध-गल्लिण-गंधोदय-विमल-निम्मल-पवित्ते ।
 मज्जिय-खीर-समुद्धे-गङ्गाए जइ पडइ ॥

मू. (१४३५) ता पुन तस्स सामग्गी सव्व-कम्म-खयंकरा ।

अह होअ देव-जोग्गा असुई-गंधं खु दुद्धरिसं ॥

मू. (१४३६) एवं कय-पच्छित्ते जे णं छज्जीव-काय-वय-नियमं ।

दंसण-नाण-चरित्तं-सीलंगे वा तवंगे वा ॥

मू. (१४३७) कोहेन वा माणेन व माया लोभ-कसाय-दोसेणं ।

रागेण पओसेण व अन्नाण-मोह-मिच्छत्त-हासेण वा वि ॥

मू. (१४३८) (भएणं कंदप्पा दप्पेण) एएहिं य अन्नेहिं य गारवमालंबणेहिं जो खंडे ।

सो सव्वट्ठ-विमाणा घल्ले अप्पाणगं निरए (खिवे) ॥

मू. (१४३९) से भयवं किं आया संरक्खेयव्वं उयाहु छज्जीव-निकाय-माइ संजमं संरक्खेय्वं
गोयमा जे णं छक्कायाइ-संजमं संरक्खे से णं अनंत-दुक्ख-पयायगओ दोगाइ-गमणाओ अत्ताणं
संरक्ख तम्हा उ छक्कायाइ संजममेव रक्खेयव्वं होइ ।

मू. (१४४०) से भयवं केवतिए असंजमद्वाणे पन्नत्ते गोयमा अनेगे असंजम-द्वाणे पन्नत्ते
जावणं कायासंजम-द्वाणे से भयवं कयरेणं से काया संजम-द्वाणे गोयमा काया संजमद्वाणे अनेगहा
पन्नत्ते (तं जहा—)

मू. (१४४१) पुढवि-दगागनि-वाऊ-वणप्फती तह तस्साण विविहाणं ।

हत्थेण वि फरिसणयं बज्जेआ जावजवं पि ॥

मू. (१४४२) सी-उण्ह-खारमखित्ते अग्गी लोणूस अंबिले नेहे ।

पुढवादीण-परोप्पर-खयंकरे बज्झ-सत्थेए ॥

मू. (१४४३) ण्हाणुम्मदणओभण-हत्थं-गुलि-अक्खि-सोय-करणेणं ।

आवीयंते अनंते आऊ-जीवे खयं जंति ॥

मू. (१४४४) संधुक्कण-जलणुज्जालणेण उज्जीय-करण-मादीहिं ।

वीयण-फूमण-उब्भावणेहिं सिहि-जीव-संधायं ॥

मू. (१४४५) जाउ-खयं अग्गे वि य छज्जीव-निकायमइगए जीवे ।

जलणो सुट्ठइओ वि हु संभक्खइ दस-दिसाणं य ॥

मू. (१४४६) वीयण-तालियंटय-चामर-उक्खेव-हत्थ-तालेहिं ।

धोवण-डेवण-लंधण-ऊसासाईहि वाऊणं ॥

मू. (१४४७) अंकूर-कुहर-किसलय-पवाल-पुप्फ-कंदलाइणं ।

हत्थ-फरिसेण बहवे जंति खयं वणप्फती-जीवे ॥

मू. (१४४८) गमनागमन-निसीयण-सुयनुट्ठण-अनुवउत्तय-पमतो ।

वियलिदि-वि-ति-चउ-पंचेदियाण गोयम खयं नियमा ।

मू. (१४४९) पाणाइवाय-विरई सिव-फलया गेण्हिऊण ता धीमं ।

मरणावयम्मि पत्ते मरेअ विरइ न खंडेआ ॥

मू. (१४५०) अलिय-वयणस्स विरई सावज्जं सच्चमवि न भासेआ ।

पर-दव्व-हरण-विरइं करअ विग्गे वि मा लोभं ॥

- मू. (१४५१) धरणं दुद्धर-बंभवयस्स काउं परिग्गह्छायं ।
राती-भोयण-विरती पंचेदिय-निग्गहं दिहिणा ॥
- मू. (१४५२) अत्रे य कोह-माण्ण राग-दोसे य आलोयणं दाउं ।
ममकार-अहंकाए पयहियव्वे पयत्तेणं ॥
- मू. (१४५३) जह तव-संजम-सज्झाय-ज्झाणमाईसु सुद्ध-भावेहिं ।
उज्झमियव्वं गोयम विज्जुलया-चंचले जीरु ॥
- मू. (१४५४) किं बहुना गोयमा एत्थं दाऊणं आलोयणं ।
पुढवीकायं विराहिजा कत्थ गंतुं स सुज्झिही ॥
- मू. (१४५५) किं बहुना गोयमा एत्थं दाऊणं आलोयणं ।
बाहिर-पानं तहिं जम्मे जो पिए कत्थ सुज्झिही ॥
- मू. (१४५६) किं बहुना गोयमा एत्थं दाऊणं आलोयणं ।
उण्हवइ जालाइ जाओ फुसिओ वा कत्थ सुज्झिही ॥
- मू. (१४५७) किं बहुना गोयमा एत्थं दाऊणं आलोयणं ।
घाउकायं उदीरेजा कत्थं गंतुं स सुज्झिही ॥
- मू. (१४५८) किं बहुना गोयमा एत्थं दाऊणं आलोयणं ।
जो हरिय-तणं पुप्फं वा फरिसे कत्थ स सुज्झिही ॥
- मू. (१४५९) किं बहुना गोयमा एत्थं दाऊणं आलोयणं ।
अक्कमई बीय-कायं जो कत्थ गंतुं स सुज्झिही ॥
- मू. (१४६०) किं बहुना गोयमा एत्थं दाऊणं आलोयणं ।
वियलिदी-दि-ति-घउ-पंचेदिय-परिमावे जो कत्थ स सुज्झिही ॥
- मू. (१४६१) किं बहुना गोयमा एत्थं दाऊणं आलोयणं ।
छक्काए जो न रक्खेजा सुहुमे कत्थ स सुज्झिही ॥
- मू. (१४६२) किं बहुना गोयमा एत्थं दाऊणं आलोयणं ।
तस-थावरे जो न रक्खे कत्थं गंतुं स सुज्झिही ॥
- मू. (१४६३) आलोइय-निंदय-गरहिओ वि कय-पायच्छित्त-नीसल्लो ।
उत्तम-ठाणम्मि ठिओ पुढवारंभं परिहरेजा ॥
- मू. (१४६४) आलोइय-निंदय-गरहिओ वि कय-पायच्छित्त-नीसल्लो ।
उत्तम-ठाणम्मि ठिओ जोईए मा फुसावेजा ॥
- मू. (१४६५) आलोइय-निंदय-गरहिओ वि कय-पायच्छित्त संविग्गो ।
उत्तम ठाणम्मि ठिओ मा वियावेज्ज अत्ताणं ॥
- मू. (१४६६) आलोइय-निंदय-गरहिओ वि कय-पायच्छित्त संविग्गो ।
छिन्नं पि तणं हरियं असई मनगं मा फरिसे ॥
- मू. (१४६७) आलोइय-निंदय-गरहिओ वि कय-पायच्छित्त संविग्गो ।
उत्तम ठाणम्मि ठिओ जावज्जीवं पि एतेसिं ॥

- मू. (१४६८) बेइंदिय-तेइंदिय-चउरो-पंचेदियाण जीवाणं ।
संघट्टण-परियावणकिलावणोद्वण मा कासी ॥
- मू. (१४६९) आलोइय-निंदिय-गरहिओ वि कय-पायच्छित्तं संविग्गो ।
उत्तम ठाणम्मि ठिओ सावज्जं मा भणिज्जासु ॥
- मू. (१४७०) आलोइय-निंदिय-गरहिओ वि कय-पायच्छित्तं संविग्गो ।
लोयडेण वि भूई गहिया गिहि उक्खिविउ ऽ दिआ ॥
- मू. (१४७१) आलोइय-निंदिय-गरहिओ वि कय-पायच्छित्तं संविग्गो ।
जो इत्थि संलवेआ गोयमा कत्थं स सुज्झिही ॥
- मू. (१४७२) आलोइय-निंदिय-गरहिओ वि कय-पायच्छित्तं नीसल्लो ।
घोदस-धम्मवगरणं उहं मा परिग्गहं कुआ ॥
- मू. (१४७३) तेसिं पि निम्ममत्तो अमुच्छिओ अगढिओ ददं हविया ।
अहं कुआ उ ममत्तं ता सुद्धी गोयमा नात्थं ॥
- मू. (१४७४) किं बहुना गोयमा एत्थं दाऊण आलोयणं ।
रयणीए आविए पानं कत्थं गंतुं स सुज्झिही ॥
- मू. (१४७५) आलोइय-निंदिय-गरहिओ वि काय-पायच्छित्तं नीसल्लो ।
छाइक्कमे न रक्खे जो कत्थं सुद्धिं लभेअ सो ॥
- मू. (१४७६) अप्पसत्थे य जे भावे परिणामे य दारुणे ।
पाणाइवायस्स वेरमणे एस पढमे अइक्कमे ॥
- मू. (१४७७) तिव्व-रागा य जा भासा निट्ठुर-खर-फरुस-ककसा ।
मुसावायस्स वेरमणे एस बीए अइक्कमे ॥
- मू. (१४७८) उग्गहं अजाइत्ता अचियत्तम्मि अवगग्गे ।
अदत्तादानस्स वेरमणे एस तइए अइक्कमे ॥
- मू. (१४७९) सद्दा रुवा रसा गंधा फासाणं पवियारणे ।
मेहुणस्स वेरमणे एस चउत्थइक्कमे ॥
- मू. (१४८०) इच्छा मुच्छा य गेही य कंखा लोभे य दारुणे ।
परिग्गहस्स वेरमणे पंचमगे साइक्कमे ॥
- मू. (१४८१) अइमित्ताहारहोइत्ता सूर-खेत्तम्मि संकिरे ।
राई-भोयणस्स वेरमणे एस छडे अइक्कमे ॥
- मू. (१४८२) आलोइय-निंदिय-गरहिओ वि कय-पायच्छित्तं नीसल्लो ।
जयणं अयाणमाणो भव-संसारे भमे जहा सुसदो ॥

मू. (१४८३) भयंव को उन सो सुसदो कयरा वा सा जयणा जं अजानमानस्स णं तस्स
आलोइय-निंदिय गरहिओ वि कय-पायच्छित्तस्स वि संसारं नो विणिट्ठियं ति गोयमा जयणा नाम
अडारसण्हं सीलंग सहस्साणं सतरस-विहस्स णं संजमस्स चोदसण्हं भूय-ग्गमाणं तेरसण्हं किरिया-
ठाणाणं सबज्जन्तं अंतरस्स णं दुबालस-विहस्स णं तवोनुद्वाणस्स दुवालसाणं भिक्खू-पडिमाणं

दसविहस्स णं समणधम्मस्स नवण्हं चेव बंभगुत्तीणं अट्ठण्हं तु पवयण-माईणं सत्तण्हं चेव पानपिंडेसणाणं छण्हं तु जीवनिकायाणं पंचण्हं तु महव्वयाणं तिण्हं तु चेव गुत्तीणं जाव णं तिण्हमेव सम्महंसण-नाण-चरित्ताणं तिण्हं तु भिक्खूकंतार-दुब्भिक्खायकाईसु णं सुमहास-मुप्पत्रेसु अंतोमुहुंत्तावसेस-कंठगय-पाणेसुं पि णं मनसा वि उ खंडणं विराधनं न करेअ न कारवेअ न समनुजाणेअ जाव णं नारभेअ न समारभेअ जावजीवाए ति से णं जयणाए भत्ते से णं जयणाए धुवे से णं जयणाए दक्खे से णं जयणाए-विद्याणं ति गोयमा सुसदस्स उ न महती संकहा परम-विम्वय-जणणी य

अध्ययनं-७-चुल्लिका-१-समाप्त ।

अध्ययनं-८ / चुल्लिका-२

मू. (१४८४) से भयवं केणं अट्ठेणं एवं वुच्चइ ते णं काले णं ते णं समएणं सुसदनामधेअे अनगारे हभूयवं तेनं च एगेगस्स णं पक्खंस्संतो पभूय-इणिओ आलेयणाओ विदिआओ सुमहंताइं च अखंत-धोर-सुदुकराई पायच्छित्ताणं समनुचिआइं तहा वि तेनं विरणं विसोहिपयं न समुवल्लं ति एतेनं अट्ठेणं एवं वुच्चइ से भयवं केरिसा उ णं तस्स सुसदस्स वत्तव्वया गोयमा अस्थि इहं चेव भारहेवासे अवंती नाम जणवओ तत्थ य संबुक्के नामं खेडगे तम्मि य जम्मदरिदे निम्भेरे निक्खिवे किविणे निरनुकंपे अइकूरे निक्कलुणे नित्तिसे रोद्धे चंडरोद्धे पयंड-दंडे पावे अभिग्गहिय-मिच्छादिट्ठी अनुद्धरिय-नामधेअे सुज्जसिवे नाम धिआइं अहेसि तस्स य धूया सुज्जसिरी सा य अपरितुलियसयल-तिहुयण-नर-दारिगणा लवन्न-कंति-दित्ति-स्व-सोहग्गाइसएणं अनोवमा अत्तगा तीए अन्नभवंत-रम्मि इणमो हियएणं दुश्चित्तियं अहेसिं जहा णं सोहणं हवेअा जइ णं इमस्स बालगस्स माया वावअे तओ मज्झ असवक्कं भवे-एसो व बालगो दुज्जीविओ भवइ ताहे मज्झ सुयस्स य रायलच्छी परिणमेअ ति तक्कम्म-दोसेणं तु जायमेत्ताए चेव पंचत्तमुवगया जननी तओ गोयमा ते णं सुज्जसिवेणं महया किलेसेणं छंदमाराहामाणेणं बहूणं अहिणव-पसूय-जुवतीणं धराधरिं यन्नं पाकणं जीवाविया सा बालिया अहन्नया जाव णं बाल-भावमुत्तिआ सा सुज्जसिरी ताव णं आगयं अमाया-पुत्तं महारोररवं दुवालस-संवच्छरियं दुभिक्खं ति जाव णं फेट्ठाफेट्ठीए जाउमारद्धे सयले वि णं जनसमूहे अहन्नया बहु-दिवस-खुहत्तेणं विसायमुवगएणं तेन चित्तियं जहा-

किमेयं वावाइऊणं समुद्दिसामि किं वा णं इमीए पोग्गलं विक्किणिऊणं चेव अन्नं किंचिवि वणिमग्गओ पडिगाहित्ताण पान-वित्तिं करेमि नो णं अन्ने केइ जीव-संधारणोवाए संपयं मे हवेअ ति अहवा हद्धी हा हा न जुत्तमिणं ति किंतु जीवमाणिं चेव विक्किणामि ति चित्तिऊणं विक्किया सुज्जसिरी महा-रिद्धी-जुयस्स चोइस-विआ-इण-पारगयस्स णं माहण-गोविंदस्स गेहे तओ बहु-जनेहिं धि-द्धी सहोवहओ तं देसं परिचिआणं गओ अन्न-देसंतं सुज्जसिवो तत्था वि णं पयट्ठो सो गोयमा इत्थेव विन्नाणे जाव णं अन्नेसि कन्नगाओ अवहरित्ताणं अवहरित्ताणं अन्नत्थ विक्किणिऊणं चामेलियं सुज्जसिवेण बहुंदविण-जायं एयावसरम्मि उ सम्मइक्कंते साइरेगे अट्ठ-संवच्छरे दुब्भिक्खस्स जाव णं वियलियमसेसविहवं तस्सावि णं गोविंद-माहणस्स तं च वियाणिऊणं विसायमुवगएणं चित्तियं गोयमा ते णं गोविंद-माहणेणं जहा णं होही संधारकालं मज्झ कुहुंदस्स नाहं विसीयमाणे

बंधवे खण्डमवि दङ्गुणं सङ्कुणोमि ता किं कायव्वं संपयमहेहिं ति चित्ति-मानस्सेव आगया गोउलाहिवइणो भञ्जा खइयग-विक्किणत्तं तस्सु गेहे जाव णं गोविंदस्स भञ्जाए तंडुल-मल्लगेणं पडिगाहियाओ चउरो घण-विगइ-मीस-खइयगं गोलियाओ तं च पडिगाहियमेत्तमेव परिभुत्तं डिंमेहिं भणियं च महयरीए जहा णं-भट्टिदारिगे पयच्छाहि णं तमम्हाणं तंडुल-मल्लगं चिरं वट्टे जेणम्हे गोउलं वयाभो तओ समाणत्ता-

गोयमा तीए माहणीए सा सुज्जसिरी जहा णं हला तं जं अम्हाण नरवइणा निसावयं पहियं पेहियं तत्थ जं तं तंडुल-मल्लगं तमाणेहिं लहुं जेमाहमिमीए पयच्छामि जाव दुंदिऊण नीहरिया मंदिरं सा सुज्जसिरी नोवलद्धं तंडुल-मल्लगं साहियं च माहणीए पुणो वि भणियं माहणीए जहा-हलाअमुगं अमुगं थामनुदुया अन्नसिऊणमाणहिं पुणो वि पइट्टा अलिदेगे जाव णं न पेच्छे ताहे समुट्टिया सयमेव सा माहणी जाव णं तीए वि न दिट्ठं तओ णं सुविम्हिय-माणसा निउण अत्रेसिउं पयत्ता जाव णं पेच्छे गणिगा-सहायं पढमसुवयं पइरिके ओदनं समुट्टिसमाणं तेनावि पडिदट्ठं जननीं अगच्छमाणी चित्तियं अहन्नेणं जहा णं चलिया अम्हाणं ओयणं अवहरिउकामा पायमेसा ता जइ इहासन्नामागच्छिही तओ अहमेयं वावाइस्सामि ति चित्तिय तेनं भणिया दूरासन्ना चेव महाय सट्ठेणं सा माहणी जहा णं भट्टिदारगे जइ तुं इहयं समागच्छिहिसि तओ मा एवं तं वोच्चिया जहा णं नो परिकहियं निच्छयं अहयं ते वावाइस्सामि एवं च अनिद्ध-वयणं सोच्चाणं वज्जासणि-पहया इव धस मुच्छिऊणं निवडिया धरणि-वट्टे गोयमा सा माहणी ति तओ णं तीए महयरीए परिवालिऊणं कंचि कालक्खाणं वुत्ता सा सुज्जसिरी जहा णं हलाएल कम्मगे जन्हाणं चिरं वट्टे ता भणसु सिग्घं नियजणणिं जहा णं एह लहुं पयच्छु तमम्हाणं तंडुल-मल्लगं विष्पणट्ठं तओ णं मग्ग-मल्लगमेव पयच्छसु ताहे पविट्ठा सा सुज्जसिरी अलिदेगे जाव णं दङ्गुणं तमवत्थं तरगयं निच्चेट्ठं मुच्छिरं तं माहणी महया हा-हा खेणं धाहाविउं पयत्ता सा सुज्जसिरी तं चायन्निऊणं सह परिवग्गेणं वाइओ सो माहणो महयरी य तओ पवणजलेणं आसासिऊणं पुट्ठा सा तेहिं जहा भट्टिदारगे किमेयं किमेयं ति-

तीए भणियं जहा न मा मा अत्ताननं दरमएणं दीहेणं खावेह मा मा विगय-जलाए सरीरए वुब्भेह मा मा अरञ्जुएहिं पासेहिं नियंतिए मज्झामाहेणाणप्पेह जहा णं किल एस पुत्ते एसा धूया एस णं नत्तुगे एसा णं सुण्हा एस णण जामाउगे एसा णं माया एस णं जणगे एसो भत्ता एस णं इट्ठे मिट्ठेपिए-कंत सुह-सयण-मित्त-बंधु-परिवग्गे इहइं पच्चक्खमेवेयं वि दिट्ठे अलिय-भलिया चेवेसा बंध्वासा स-कज्जत्थी चेव संभयए लोओ परमत्थओ न केइ सुही जाव णं सकज्जं ताव णं माया ताव णं जनगे ताव णं धूया ताव णं जामाउगे ताव णं नत्तुगे ताव णं पुत्ते ताव णं सुण्हा ताव णं कंता ताव णं इट्ठे मिट्ठे पिए कंते सुही-सयण-जण-मित्त-बंधु-परिवग्गे सकज्जसिद्धी विरहेणं तु न कस्सई काइ माया न कस्सई केइ जणगे न कस्स इ काइ धूया न कस्सई केइ जामाउगे न कस्सई केइ पुत्ते न कस्सई काइ सुण्हा न कस्सई केइ भत्ता न कस्सई केइ कंता न कस्सई केइ इट्ठे मिट्ठे पिए-कंते-सुही-सयणजन-मित्त-बंधु-परिवग्गे जे णं ता पेच्छ पेच्छ मए अनेगोवाइयसउलद्धे साइरेग-नव-मासे कुच्छीए वि धारिऊणं च अणेग-मिद्ध-महुर-उसिण-तिवख-गुलिय-सणिद्ध-आहार-पयाण-

सिणाण-उच्चट्टण-धूयकरण-संवाहण-थन्न-पयाणईहि णं एमहंत-मनुस्सीकए जहा किल अहं पुत-
रञ्जम्पि पुत्र पुत्र-मनोरहा सुहं सुहेण पणइयण-पूरियासा कालं गमिहामि ता एरिसं-इयं वइयरं ति

एयं च नाऊणं मा धवाईसुं करेह खणद्धमवि अनुं पि पडिबंधं जहा णं इमे मज्झ सुए संवत्ते
तहा णं गेहे गेहे जे केइ भूए जे केई वट्ठंति के केई भविसु सुए तहा वि एरिसे वि बंधु-वगगे केवलं
तु स-कज-लुखे चेव घडिया-मुहुत्त-परिमाणमेव कंचि कालं भएज्जा वा ता भो भो जना न किंचि
कजं एतेनं कारिम-बंधु-संताणेणं अनंत-संसार-घोर-दुक्ख-पदायगेणं ति एगे चेवाहन्निसाणुसमयं
सययं सुविसुद्धासए भयह धम्मे, धम्मे य णं इहे पिए कंते परमत्थे सुही-सयण-मित्त-बंधु-परिवग्गे
धम्मे य णं हिट्ठिकरे धम्मे य णं पुट्ठिकरे धम्मे य णं बलकरे धम्मे य णं उच्छाहकरे धम्मे य णं
निम्मल-जस-कित्तीपसाहगे धम्मे य णं माहप्पजनगे धम्मे य णं सुद्ध-सोक्ख-परंपरदायगे से णं
सेव्वे से णं आराहणिज्जे से य णं पोसणिज्जे से य णं पालणिज्जे से य णं करणिज्जे से य णं चरणिज्जे से
य णं अनुद्धणिज्जे से य णं उवइस्सणिज्जे से य णं कहणिज्जे से य णं मणणिज्जे से य णं पन्नवणिज्जे से
य णं कारवणिज्जे से य णं धुवे सासए अक्खए अव्वए सयल-सोक्ख-निहीधम्मे से य णं अलज्जणिज्जे
से य णं अउल-बल-वीरिए सरिय-सत्त-परक्कम-संजुए पवरे वरे इहे पिये कंते दइए सयल-दुक्ख-
दारिह-संतावुव्वेग-अयस-अब्बक्खाण-जम्म-जरा-मरणाइ-असेस-भय-निघ्रासगे अनन्न-सरिसे
सगहाए तेलोक्के-कसामिसाले, ता अलं सुही-सयण-जण-मित्त-बंधुगण-धन-धन्न-सुवन्न-हिरन्न-
रयणोह-निही-कोस-संचयाइ-सक्क-याव-विज्जुलयाडोत्रचंचलाए सुभिणिंदजाल-सरिसाए खण-दिट्ठ-
नट्ठ-भंगुराए अधुवए असासयाए संसार-बुद्धि-कारिगाए निरयावयारहेउभूयाए सोग्गइ-मग्ग-
विग्घ-दायगाए अनंत-दुक्ख-पदायगाए रिद्धीए सुदुल्लहा खलु-

भो धम्मस्स साहणी सम्म-दंसण-नाइण-चारित्तासाहणी निरुत्ताइ-सामग्गी-अनवरय-महन्नि-
सानुसमएहिं णं खंड-खंडेहिं तु परिसडइ आउं दढ-घोर-निद्धराज्ज चंडा जरासणिसन्निवाया संचुल्लिए
सयजअरभंडगे इव अकिंचिकरे अवइ उ दियगाणदियगेणं इमे तणी किसल-दलग्ग-परिसंठिय-
जल-बिंदुमिवाकंडे निमिसद्धब्बतरेणेव लहुं ढलइ जीविए अविदत-परलोगपत्त्ययणाणं तु निष्फले
चेव मनुयजम्मे ता भो न खमे तनुतणुयतर वि ईसिंषि पमाए, जओ णं एत्थं खलु सव्वकालमेव
समसत्तु-मित्त-भावेहिं भवेयव्वं-अप्पमत्तेहिं य पंच महव्वए धारियव्वे तं जहा-कसिणपाणा-
इवायविरती अणलिय-भासितं दंत-सोहणमेत्तस्सवि अदिन्नस्स वज्जणं मणो वइ-काय-जोगेहिं
तु अखंडिय-अविराहिय-नव-गुत्ती-परिवेदियस्स णं पर-पवित्तस्स सव्वकालमेव दुद्धरं दंभघेरस्स
धारणं वत्थ-पत्तं संजमोवगरणेसुं पि निम्मत्तया-

असन पानाईणं तु घउव्विहेव राईभोयणस्साओ उग्गमुप्पायणेऽसणाईसु णं सुविसुद्धपिंडग्गहणं
संजोयणाइ-पंच-दोस-विरहितएणं परिमिएणं काले भिन्ने पंच-समिति-विसोहणं ति-गुत्ती-गुत्तया
इरिया-समिईमाइओ भावणाओ अनसनाइतवोवहाणाणुट्ठाणं मासाइभिक्षु-पडिमाओ विचित्ते
दव्वाइअभिग्गह अहो णं भूमी सयणे केसलोए निष्पडिकम्म-सरीरया सव्व-कालमेव गुरुनिओगकरणं
खुहा-पियासाइपरिसहहियासणं दिव्वाइउवसग्गविजओ लद्धावल्लवित्तिया किं बहुना अर्धंत-
दुव्वहे भो वहियव्वे अवीसामंतेहिं चेव सिरिमहापुरिस्तवूढे अट्टारस-सीलंग-सहस्सभारे तरियव्वे
य भो बाहाहिं महासमुदे अविसाईहिं च णं भो भक्खियव्वे निरासाए वालुयाकवले परिसक्केयव्वं

च भो निसियसुतिक्खदारुण-करवालधाराए पायव्वा य णं भो सुहुय-हुयवह-जालवली भरीयव्वे
णं भो सुहुम-पवण-कोत्थलगे गमियव्वं च णं भो गंगा-पवाह-पडिसोएणं तोलेयव्वं भो साहस-
तुलाए मंदर-गिरं जेयव्वे य णं भो एगागिएहिं चेव धीरत्ताए सुदुअए चाउरंग-बले विंधेयव्वा णं
भो परोप्पर-विवरीय-भमंत-अड्ड-चक्खेवरिं वामच्छिम्पि उ धीउल्लिया गहेयव्वणं भो सयल-तिहुयण-
विजया निम्मला जस-कित्ति-जय पडागा ता भो भो जणा एयाओ धम्मनुद्दाणाओ सुदुअरं नत्थि
किंयि मन्नं ति ।

मू. (१४८५) बुज्झंति नाम भारा ते छिय उज्झंति वीसमंतेहिं ।

सील-भरो अइगरुओ जावज्जीयं अविस्सामो ॥

मू. (१४८६) ता उज्झिऊण पेम्मं घरसारं पुत्त-दविणमायं ।

नीसंगा अविसाई पयरह सव्वुत्तमं धम्मं ॥

मू. (१४८७) नो धम्मस्स भडक्का उक्कंचण-वंचणा च दवहारो ।

निच्छम्मो भो धम्मो मायादी-सल्ल-रहिओ हु ॥

मू. (१४८८) भूएसु जंगमत्तं तेसु वि पंचेदियत्तमुक्कासं ।

तेसु वि य मानुसत्तं मनुयत्ते आरिओ देसो ॥

मू. (१४८९) देसे कुलं पहाणं कुले पहाणे य जाई-मुक्कोसा ।

तीए रुव-समिद्धी रुवे य बलं पहाणयरं ॥

मू. (१४९०) होइ बले छिय जीयं जीए य पहाणयं तु विन्नाणं ।

विन्नाणे सम्मत्तं सम्मत्ते सील-संपत्ती ॥

मू. (१४९१) सीले खाइय-भावो खाइय-भावे य केवलं नाणं ।

केवलिए पडिपुत्ते पत्ते अयरामरो मोक्खो ॥

मू. (१४९२) न य संसारम्पि सुहं जाइ-जरा-मरण-दुक्ख-गहियस्स ।

जीवस्स अत्थि जम्हा तम्हा मोक्खो उवाओ उ ॥

मू. (१४९३) आहिंढिऊण सुइरं अनंतहुत्तो हु जोणि-लक्खेसु ।

तस्साहण-सामग्गी पत्ता भो भो बहू इण्णि ॥

मू. (१४९४) ता एत्थ जं न पत्तं तदत्थ भो उज्झमं कुणह तुरियं ।

विदुह-जण-निंदियमिणं उज्झह संसार-अनुबंधं ॥

मू. (१४९५) लहिइं भो धम्मसुइं अनेग भवकोडि लक्खेसु वि दुल्लइं ।

जइनाणुइह सम्मं ता पुनरवि दुल्लहं होही ॥

मू. (१४९६) लद्धेस्सियं च बोहिं जो नाणुइे अणागयं पत्थे ।

सो भो अन्नं बोहिं लहिही कयरेणं मोल्लेण ॥

मू. (१४९७) जाव णं पुव्व-जाइ-सरण-पद्मएणं सा माहणी इयं वागरेइ ताव णं गोयमा

पडिबुद्धामसेसं पि बंधुयणं बहु-नागर-जणो य एयावसरम्पि उ गोयमा भणियं सुविदिय-सोगाइ-

पहेणं तेन गोविंदमाहणेणं जम्हा णं-धिच्छिद्धि वंचिए एयावत्तं कालं जतो वयं मूढे अहो नु कइमन्नाणं

दुव्विन्नेयमभागधिअहिं खुइ-सत्तेहिं अदिइ-घोरुग्ग-परलोग-पद्मवाएहिं-अत्ताभिणिविइ-दिट्ठीहिं-

पक्खवाय-मोह-संधुक्किय-माणसेहिं राग-दोसो-वहयबुद्धिहिं परंतत्तधम्मं अहो सज्जीवेणेव परिमुसिए
एवइयं काल-समयं अहो किमेसं णं परमप्पा मारिया-छलेणासि उ मज्झमारिया-छलेणासि उ
मज्झगेहे उदाहु णं जो सो निच्छिओ मीमंसएहिं सब्बन्नु सोद्धि ए सूरिए इव संसय-तिमिरावहारित्ता
णं लं गावमासेनाकख-न्नग-संदरिसणाय सपमेव पायडीहूए अहो महाइसयत्त-पसाहगाओ मज्झं
दइयाए वायाओ भो भो जन्नयत्त-विण्हयत्त-जन्नदेव-विस्सामित्त-सुमिच्चादओ मज्झं अंगया
अब्बुट्ठाणारिहा ससुरासुरस्सा विणं जगस्स एसा तुम्ह जननित्ति भो भो पुरंदर-पभित्तीओ खंडियाओ
वियारहणं सोवज्झाय-मारियाओ जगत्तयनंदाओ कसिण-किब्बिस-निद्वहण-सीलाओ वायाओ
पसन्नोअ तुम्ह गुरु आराहणेअ-सीलाणं-

परमपं बलं जजण-जायणज्झयणाइणा छककम्माभिसंगेणं तुरियं विनिज्जिणेह पंचेदियाणि
परिच्चयह णं कोहाइए पावे विथाणेह णं अमेज्झाइजंबाल-पंक-पडिपुत्ता असुत कलेवरे पविसामो
वणंतं, इच्चेवं अनेगेहिं वेरणजननेहिं सुहासिएहिं वागरमाणं तं चोदस-विज्जा-ठाण-पारंगभो गोयमा
गोविंद-माहणं सोऊइण अच्चंत-जम्म-जरा-मरण-भीरुणो बहवे सप्पुरिसे सव्वुत्तमं धम्मं विमरिसिउं
समारद्धे तत्थ केइ वयंति जहा एस धम्मो पवरो अन्ने भणंति जहा एस धम्मो पवरो जाव णं
सव्वेहिं पमाणीकया गोयमा सा जातीसरा माहणित्ति ताहे तीए य संपवक्खायमहिंसो वक्खियम-
संदिद्धं खंताइ-दस-विहं समण-धम्मं दिट्ठंत-हेऊहिं च परमपच्चयं विणीयं तेसिं तु तओ य ते तं
माहणि सब्बन्नुमिति काऊणं सुरइय-कर-कमलंजलिणो सम्मं पणमिऊणं गोयमा तीए माहणीए
सद्धि अदीनमानसे बहवे नर-नारि-गणा चेच्चाणं सुहिय-जण-मित्त-बंधु-परिवग्ग-गिह-विहव-
सोक्खमप्प-कालियं निक्खंतं सासय-सोक्ख-सुहाहिलासिणो सुनिच्छियमाणसे समणत्तेणं सयल-
गुणोह-धारिणो चोदस-पुव्वधरस्स चरिम-सरीरस्स णं गुणंधर-धविरस्स णं सयासे त्ति एवं च ते
गोयमा अच्चंत-घोर-वीर-त्तव-संजमानुट्ठाण-सज्झाय-झाणाईसुं णं असेस-कम्मक्खयं काऊणं तीए
माहणीए सम्मं विहुयरय-मले सिद्धे गोविंदमाहणादओ नर-नारिणे सव्वे वी महायसे त्ति वेमि ।

मू. (१४९८) से भयवं किं पुन काऊणं एरिसा सुलह-बोही जाया सा सुगहियनामधेज्जा
माहणी जीए ख्यावइयाणं भव्व-सत्ताणं अनंत-संसार-घोर-दुक्ख-संतत्ताणं सद्धम्म-देसणाईहि
तु सासयसुह-पयाणपुव्वगमब्बुद्धरणं कयंति गोयमा जं पुव्वि सव्वभाव-भावंतरंतरेहि णं नीसल्ले
आजम्मलोयणं दाऊणं सुद्धभावाए जहोवइइं पायच्छित्तं कयं पायच्छित्तसमतीए य समाहिए य
कालं काऊणं सोहम्मे कप्पे सुरिंदग्गमहिंसी जाया तमनु-भावेणं, से भयवं किं से णं माहणी जीवे
तच्चवंतरम्मि समणी निगंथी अहेसि जे णं नीसल्लमालोएत्ता णं जहोवइइं पायच्छित्तं कयंति
गोयमा जे णं से माहणी जीवे से णं तज्जम्मे बहुलद्धिसिद्धी जुए महिद्धीयते सयलगुणाहारभूए
उत्तम-सीलाहिट्ठिय-तनू महातवस्सी जुगप्पहाणे समणे अनगारे गच्छाहिवई अहेसि नो णं समणी,
से भयवं ता कयरेण कम्म-विवायेणं तेमं गच्छाहिवइणा होऊणं पुणो इत्थित्तं समज्झियंति गोयमा
माया पच्चएणं से भयवं कयरेणं से माया पच्चए जे णं पयणू-कय-संसारे वि सयल-पावाययणा
विबुह-जन-निंदिए

सुरहि-बहु-दव्व-धय-खंड-चुन्न-सुसंकरिय-समभाव-पमाण-पाग-निष्फन्न-मोयग-मल्लगे-इव-
सव्वस्स भक्खे सयल-दुक्ख-केसाणिमालए सयल-सुह-साहणस्स परमपवित्तुमस्स णं अहिंसा-

लवङ्गण-समण-धम्मस्स विग्घे सग्गलानिरयदार-भूए सयल-अयस-अकिती-कलंक-कलि-कलह-वेराइ-पाव-निहाणे निम्मल-कुलस्स णं दुद्धरिस-अकज्ज-कज्जल-कण्हमसी-खंपणे ते णं गच्छाहि वइणा इत्थीभावे निव्वत्तिए त्ति गोयमा नो तेनं गच्छाहि वइत्ते अनुमवि माया कया से णं तया पुहईवई घक्कहरे भवित्ताणं परलोग-भीरुए निव्विन्न-काम-भोगे तणमिव परिचिच्चाणं तं तारिसं चोइस-रयण-नवनिहीतो चोसडी सहस्से वरजुवईणं बत्तीसं साहस्सीओ अणावइ वि षर-नरिंद-छन्नउई गाम-कोडिओ जाव णं छ खंड-भरवासस्स णं देविंदोवमं महाराय-लच्छीतीयं बहुपुत्र-चोइए नीसंगे पव्वइए य थेवेणेव कालेणं सयल-गुणोहधारी महातवस्सी सुयहरे जाए जोगे नाऊणं सगुरुहिं गच्छाहि वई समनुन्नाए तहिं च गोयमा ते णं सुदिइ-सुगई-पहेणं जहोवइइं समण-धम्मं समनुद्धेमाणेणं उग्गाभिग्गह-विहारत्ताए घोर-परिसहोवसग्गाहियासणेणं राग-दोस-कसाय-विवज्जणेणं इत्तिं पि दिव्वोराणिय-मेहुण-परिणाम-विप्पमुक्केणं इह-परलोगा-संसाइणियाण-मायाइ-सल्लविप्पमुक्केणं नीसल्लालोचण-निंदण-गरहणेणं जहोवइइपायछित्तक-रणेणं सब्बत्थाडिबद्धतेणं सब्बपमाया लंघणविप्पमुक्केणं य निदइ-अवसेसीकएअणे-गभवसंचिए कम्मरासी अन्नभवे ते णं माया कया तप्पच्चाएणं-

गोयमा एस विवागो से भयवं कयरा उ न अन्नभवे ते णं महानुभागे णं माया कया जीए णं एरिसो दारुणो विवागो गोयमा तस्स णं महानुभागस्स गच्छाहि वइणो जीवो अनूनाहिए लक्खे एमे भवग्गइणा सामन्न-नरिंदस्स णं इत्थित्ताए धूया अहेसिं अन्नया परिणीयाणंतरं मओ भत्ता तओ नरवइणा भणिया जहा भत्ते एते तुज्झं पंच सए सुगामाणं विहलियाणं च संबंधि-बंधवणं जं जस्स इइं भत्तं वा पातं वा अच्छायणं वा जाव णं धण-धन्न-सुवन्न-हिरणं वा कुणसु सयल-सोक्खदायगं संपुन्नं जीवदयं ति जेणं भवंतरेसु पि न होसि सयलजण-सुहप्पियागारिया सब्ब-परिभूया गंध-मल्ल-तंबोल-स-मालहणाइ-जहिच्छिय-भोगोपभोगवज्जिया हयासा दुज्जम-जाया निदइणामिया रंडा ताहे गोयमा सा तहत्ति पडिवज्जिऊण पगलंतलोचणंसुजलणिद्धोयकवोल-देसा उसरसुंसममनुघग्घरसरा भणिउमोढत्ता-जहा णं न याणियो हं पभूयमालवित्ताणं निगच्छावेह लहुं कट्ठे एएह महइ यियं निदेहेमि अत्ताणगं न किंचि मए जीवमाणीए पावाए मा हं कहिंचि कम्म-परिणइवसेणं महापावित्थी चवल-सहावत्ताए एयस्स तुज्झमसरिसनामस्स निम्मल-जस-किती-भरिय-भुवणोयस्स णं कुलस्स खंपणं काहं जेन मलिणी भवेज्जा सब्बमवि कुलं अम्हाणं ति तओ गोयमा चिंतिय तेनं नरवइणा जहा णं --

अहो धन्नो हं जस्स अपुत्तस्सा वि य एरिसा धूया अहो विवेगं बालियाए अहो बुद्धी अहो पन्ना अहो वेरगं अहो कुल-कलंक भीरुयत्तणं हो खणे खणे घंदनीया एसा जीए एए महंते गुणा ता जाव णं मज्झ गेहे परिवसे एसा ताव णं महामहंते मम सेए अहो दिट्ठाए संभरियाए संलावियाए चेव सुज्झीयए इमाए ता अपुत्तस्स णं मज्झं एसा चेव पुत्ततुल्ल ति चिंतिकुणं भणिया गोयमा ता तेनं नरवइणा जहा णं न एसो कुलक्कमो अम्हाणं वच्छे जं कट्टारोहणं कीरइ ति ता तुमं सील-चारित्तं परिवालेमाणी दानं देसु जहिच्छाए कुणसु य पोसहोववासाइं विसेसेणं तु जीवदयं एयं रज्जं तुज्झंति ता णं गोयमा जनगेणेवं भणिया ठिया सा समप्पिया य कंचुइणं अंतेइररक्कपालाणं-

एवं च वञ्चतेमं कालसमएण तओ कालगए से नरिंदि अन्नया संजुज्जिऊणं महामईहिं णं मंतीहि

कओ तीए बालाए रायाभिसेओ एवं चे गोयमा दियहे दियहे देइ अत्थाणं अह अन्नया तत्थ णं बहु वंद-चट्ट-मट्ट-तडिग-कप्पडिग-चउर-वियक्खण-मंतिर-महतगाइ-पुरिस-सय-संकुल-अत्थाण-मंडव-मज्झिम्भिं सीहासनावविट्ठाए कम्मपरिणइवसेणं सरागाहिलासाए चक्खुए निज्झाए तीए सव्वुत्तम-रूव-जोव्वण-लावन्न-सिरी-संपओववेए भाविय-जीवाइ-पयत्थे एगे कुमारवरे मुणियं च तेनं गोयमा कुमारेणं जहा णं-हा हा ममं पेच्छियं-गया एसा वराई घोरंधयारमनंत-दुक्ख-दायगं पायालं ता अहन्नो हं जस्स णं एरिसे पोग्गल-समुद्दए तणू राग-जंते किं मए जीविणं दे सिग्घं करेमि अहं इमस्स णं पावसरीस्स संघारं अब्भुट्ठेमि णं सुदुक्करं पच्छित्तं जाव णं काऊणं सयल-संग-परिच्चायं समनुट्ठेमि णं सयलपावनिहलणे अनगर-धम्मे सिट्ठिली करेमि णं अनेग-भवंतर-विइन्ने सुदव्विमोक्खे पाव-बंधण-संघाए धि द्धी द्धी अब्बवत्थियस्स णं जीवलोगस्स जस्स णं एरिसे अणप्पवसे इंदिय-गामे अहो अदिट्ठपरलोग-पच्चवाययालोगस्स अहो एक-जम्माभिणि-विट्ठचित्तया अहो अविन्नाय कज्जाकज्जया अहो निम्मेरया अहो निरप्परिहासया अहो परिचत्त-लज्जया हा हा हा न जुत्तमग्घाणं खणमवि विलंबित्तं एत्थं एरिसे सुदिट्ठिवाराऽसज्ज-पावगमे देसे हा हा हा घट्ठरिए अहन्ने णं कम्मट्ठरासी जं सुईरियं पईए रायाकुल-बालियाए-

इमेणं कुट्ट-पाव-सरीर-रूव-परिदंसणेणं नयनेसुं रागाहिलासे परिचेच्चाणं इमे विसए तओ गेण्हामि पवज्जं ति चित्तिऊणं भणियं गोयमा तेनं कुमारवरेणं जहा न खंतमरिसियं नीसल्लं तिविहं तिविहेणं तिगरण-सुद्धीए सव्वस्स अत्थाण-मंडव-राय-कुल-पुर-जनस्से ति भणिऊणं विनिग्गओ रायउलाओ पत्तो यनिययावासं तत्थ णं गहियं पच्छयणं दो खंडीकाऊणं च सियं फेणावलीतरंगमउयं सुकुमालवत्थं परिहिणं अद्धफलगे गहिणं दाहिणहत्थेणं सुयण-जण-हियए इव सरलवेत्तलय-खंडे तओ काऊणं तिहुयमेकगुरूणं अरहंताणं भगवंताणं जगप्पवराणं धम्मं तिथयकराणं जहुत्तवि-हिणाभिसंघवणं भाववंदनं से णं चलचवल्गाई पत्तेणं गोयमा दूरं देसंतरं से कुमारे जाव णं हिरनकल्लुडी नाम रायहानी तीए रायहानीए धम्मायकियाणं गुणविसिद्धाणं पउत्ति अन्नेसमाणे चित्तिउ पयत्ते से कुमारे जहा णं जाव णं न केइ गुणविसिद्धे धम्मायरिए मए समुवल्लुओ ता विहइं चेव महिं वि चिट्ठियव्वं ता गयाणि कइवयाणि दियहाणि भयामि णं एस बहु-देस-विक्खाय-कित्ती-नरवरिदे एवं च मंतिऊणं जाव णं दिट्ठो राया कयं च कायव्वं सम्भाणियाओ य नरनाहेणं पडिच्छिया सेवा अन्नया लद्धावसरणे पुट्ठो सो कुमेरो गोयमा तेनं नरवइणा जहा णं भो भो महासत्तकस्स नामालंकिए एस तुज्झं हत्थम्भे विरायए मुद्धारयणे को वा ते सेविओ एवइयं कालं के वा अवमाणे पकए तुह सामिणि ति कुमारेणं भणियं जहा णं जस्स नामालंकिएणं इमे मुद्धारयणे से णं मए सेविए एवइयं कालं से णं मए सेविए एवइयं कालं तस्स नामालंकिएणं इमे मुद्धारयणे तओ नरवइणा भणियं-जहा णं किं तस्स सदकरणं ति कुमारेणं भणियं नाहमजिमिएणं तस्स चक्खुकुसीलाहम्मस्स णं सदकरणं समुच्चारेमि तओ रन्ना भणियं जहा णं-भो भो महासत्ता केरिसो उण सो चक्खु-कुसीलो भन्ने किं वा णं अजिमिएहिं तस्स सदकरणं नो समुच्चारिए कुमारणं भणियं जहा णं चक्खुकुसीलो तिसट्ठिए ठाणंतरेहिंतो जइ कहाइ इह तं दिट्ठ-पच्चयं होही तो पुन वीसत्थो साहीहामि जं पुन तस्स अजिमिएहिं सद-करणं एतेनं न समुच्चारिए जहा णं जइ कहाइ अजिमिएहिं चेव तस्स चक्खुकुसी-लाहम्मस्स नामग्गहणं कीरए ता णं नत्थि तम्भे दियहे संपत्ति पाणभोयणस्स ति ताहे गोयमा

परमविहिद्विणं रत्ना कोउहलेणं लहुं हकाराविया रसवई उयविहो य भोयणमंडवे राया सह
कुमारेणं असेस-परियणेणं च आनावियं अहारस-खंड-खज्जय वियप्पं नानाविहं आहारं एयावसरम्मि
भणियं नरवइणा जहा णं भो भो महासत्त मणसु नीसंको तुमं संपयं तस्स णं चक्खुकुसीलस्स णं
सद्दकरणं कुमारेणं भणियं जहा णं नरनाह भणिहामि णं भुत्तुत्तरकालेणं नरवइणा भणियं-जहा णं

भो महासत्त दाहिण-कर-धरिणं कवलेणं संपयं चेव भणसु जेणं खु जइ एयाए कोडीए
संठियाणं केइ विग्घे हवेआ ताणमन्हे वि सुदिट्ठपच्चए संतेउर-पुरस्सरे तुज्झाणत्तीए अत्तहियं
समनुचिद्धामो तओ णं गोयमा भणियं तेनं कुमारेणं-जहा णं एयं अमुगं सद्दकरणं तस्स
चक्खुकुसीलाहमस्स णं दुरंत-पंतलक्खण-अदट्ठव्व-दुआय-जम्मस्स ति ता गोयमा जाव णं चेव
इयं समुल्लवे से णं कुमारवे ताव णं अनोहिय-पवित्तिएण एव समुद्धुसियं तक्खणा परचक्केणं तं
रायहानी णं सन्नद्ध-बद्धुद्धए-निसिए-करवाल-कुंत-विष्फुरंत-चक्काइ-पहरणाडोववग्गपाणी हण
हण हण राव-भीसणा बहु-समर-संघट्टा दिन्न-पिट्ठी जीयंतकरे अउव-बल-परक्कमे णं महाबले
पर-बले जोहे एयावसरम्मि चलणेसु निविडऊणं दिट्ठ-पच्चए मरण-मयाउलत्ताए अगणियकुल-
काकमपुरिसयारं विष्णणासे दिसिमेक्कमासाइताणं स-अरिअरे पणाहे से णं अउवदि एत्थंतरम्मि
चित्तियं गोयमा तेनं कुमारेणं जहा णं न मेरिसं कुलक्कमेऽम्हाणं जं पडिंदाविअइ नो णं तु पहरियव्वं
मए कस्सावि णं अहिंसा-लक्खण-धम्मं वियाणमाणेणं कय-पाणाइवाय-पच्चक्खाणेणं च ता किं
करेमि णं सागारे भत्त-पाणाईणं पच्चक्खाणे अहवा णं करेमि -

जओ दिट्ठेणं ताव मए दिट्ठी-मेत कुसीलस्स नामग्गहणेणावि एमहंते संविहानगे ता संपयं
कुसालस्सावि णं एत्थं परिकखं करेमि ति चित्तिऊणं भणिउमाढत्ते णं गोयमा से कुमारे जहा णं
जइ अहयं दायामेत्तेणावि कुसीलो ता णं मा नीहरेआह अक्खय-तणुं खेमेमं एयाए-रायहानीए
अहा णं मणो-वइ-कायतिएणं सब्बपयारेहिं णं सील-कलिओ ता मा वहेआ ममोवरिं इमे सुनिसिए
दारुणे जीयंतकरे पहरणे निहए नमो नमो अरहंताणं, ति भणिऊणं जाव णं पवर-तारण दुवारेणं
घल-चवल-गई जाउमारद्धो जाव णं परिकमे धेवं भूमिभागं ताव णं हेलावियं कप्पडिग-वेसेणं
गच्छइ एस नरवइ ति काऊणं सरहसं हण हण मर मर ति भणमानुक्खित्तकरवालादि-पहरणेहिं
परबल-जोहेहिं जाव णं समुद्धाइए अद्यंत-भीसणे जीयंतकरे परबल-जोहे ताव णं अदिसन्न-
अनुहुयार-भीय-अत्थ अदीनमानसेनं गोयमा भणियं कुमारं जहा णं भो भो दुड्डपुरिसा ममोवरिं
चेह एरिसेणं घोर-तामस-भावेणं अत्रिए पि सुहज्जवसाय-संचिय-पुत्र-पच्चारे एस अहं से तुम्ह
पडिसत्तू अमुगो नरवती मा पुणोवि भणेआ सु जहा णं निलुक्को अम्हाणं मएणं ता पहरेआसु जइ
अत्थि वीरियं ति जावेत्तियं भणे ताव णं तक्खणं चेव यंभिए ते सव्वे गोयमा पर-बल-जोहे
सीलाहिद्वियत्ताए तियसाणं पि अलंघणिआए तस्स भारतीए जाए य निब्बल-देहे तओ य णं धस
ति मुच्छिऊणं निच्चेहे निवडिए धरणिवट्ठे से कुमारे एयावसरम्मि उ गोयमा तेनं नरिंदाहमेणं
गूढहियय-भायाविणा दुत्ते धीरे सव्वत्थावी समत्थे सव्वलोय-समंत-धीरे भीरु वियक्खणे मुक्खे
सूरे कायरे चउरे चाणक्के बहुपवंचभरिए संधि-विग्गहिए निउत्ते छइले पुरिसे जहा णं भो भो तुरियं
रायहानीए धज्जिंद-नील-ससि-सूरकंतादीए पवर-मणि-रयण-रासीए हेमज्जुण-तवनीय-जंबूनय-
सुवन्न-भारलक्खाणं किं बहुना विसुद्धबहुज्ज-मोत्तियं-विहुमखारि-लक्ख-पडिपुत्रस्स णं कोसस्स

चाउरंगस्स बलस्स विसेसओणं तस्स सुगविय नाम-गहणस्स पुरिस-सीहस्स सीलसुद्धस्स कुमारवस्से
ति पउत्ति आणेह जेमाहं निव्वुओ भवेआ ताहे नरवइणो पणामं काणं गोयमा गए ते निउत्तपुतरिसे
जाव णं तुरियं चल-चवल-जइण-कम-पवण-वेगेहिं णं आरुलहिऊणं जइ-तुरंगमेहिं निउज-
गिरिकंदरुहेस-पइरिआओ खणेण पत्ते रायहाणि दिट्ठो य तेहिं वामदाहिणभुया-पल्लवेहिं वयणं
सिरोरुदहे विसुंणमाणे कुमारे तस्स य पुरओ सुवज्जभरण-नेवच्छादस-दिसासु उओयमाणी जय
जय सहमंगल-मुहलारयहरण-बावडोभयकर-कमल-विरइयंजली देवया तं घ दट्ठुणं विमिय भूयमणे
लिप्प-कम्म निम्मविए एयावसरम्मि उ गोयमा सहरिस-रोमंच-कंचुपुलइयसरीराए नमो अरहंताणं
ति समुच्चरिऊणं भणिरे गयणडियाए पवयण-देवयाए से कुमारे तं जहा -

मू. (१४९९) जो दलइ पुट्टि-पहरेहि मंदरं धाड करयले वसुहं ।

सव्वोदहीण वि जलं आयरिसइ एह धोड्डेणं ॥

मू. (१५००) टाले सग्गाओ हरिं कुणइ सिवं तिहुयणस्स वि खणेणं ।

अक्खंडिय सीलाणं कुट्ठो वि न सो पहुप्पेआ ॥

मू. (१५०१) अहया सो छिय जाओ गणिअए तिहुयणस्स वि स वंदो ।

पुरिसो वि महिलिया वा कुलुगओ जो न खंडए सीलं ॥

मू. (१५०२) परम-पवित्तं सप्पुरिस-सेवियं सयल-पाव-निम्महणं ।

सव्वुत्तम-सुक्ख-निहिं सत्तरसविहं जयइ सीलं ॥

मू. (१५०३) ति भाणिऊणं गोयमा झत्ति मुक्का कुमारस्सोवरिं कुसुमवुट्ठि पवयण-देवयाए

पुणो वि भणिउमादत्ता देवया तं जहा -

मू. (१५०४) देवस्स देंती दोसे पवंचिया अत्तणो स-कम्मेहिं ।

न गुणेषु ठवित्तं ऽप्यं मुहाइं मुद्धाए जोएंति ॥

मू. (१५०५) मज्झत्यभाववती सम-दरिसी सव्व-लोय-वीसासो ।

निक्खदय-परियत्तं दिव्वो न करेइ तं ढोए ॥

मू. (१५०६) ता बुज्झिऊण सव्वुत्तमं जणा सील-गुण-महिद्धीयं ।

तामसभावं चिच्चा कुमार-पय-पंकयं नमह ॥

मू. (१५०७) ति भाणिऊणं अहंसणं गया देवया इति ते छइल्ल-पुरिसे लहुं च गंतूण साहियं

तेहिं नरवइणो तओ आगओ बहु-विकप्प-कल्लोल-मालाहि णं आउरिअमाणं-हियय-सागरो हरिस-
विसाय-वसेहिं भीऊड्ढपायातत्थ-चकिर-हियओ सणियं गुज्झ-सुरंग-खडकिया-दारेणं कंपंत
सव्वगतो महया कोऊहल्लेणं कुमार-वंसणुक्कंठिओ य तमुदेसं दिट्ठो य तेनं सो सुगहियनामधेओ
महायसो महासत्तो महानुभावो कुमार-महरिसी अपडिवाइ महोही पच्चएणं साहेमाणो संखाइयाइ-
मवाणुहूयं दुक्ख-सुहं सम्मत्ताइलंभं संसार-सहावं कम्मबंध-द्विती-विमोक्खमहिंसा-लक्खण-
मणनगारे वयरवंधे नरादीणं सुहनिसन्नो सोहम्माहिबई धरिओवरिपंडुरायवत्तो ताहे य तं अदिट्ठपुव्वं
अञ्चरंगं दट्ठुणं पडिबुद्धो सपरिग्गहो पव्वइओ य गोयमा सो राया परचक्काहिबई वि एत्थतरम्मि
पहय-सुस्सर-गहिर-गंभीर-दुंदिभि-निग्घोस-पुव्वेणं समुग्घुइं घउव्विहं देवनि-काएणं (तं जहा) -

मू. (१५०८) कम्मइ-गंठि-मुसुमूरण जय जय परमेद्धी महायस ।

जय जय जयाहिचारित्त-दंसण-नाण-समन्नि ॥

मू. (१५०९) स द्विय जननी जगे एक्का वंदनीया खणे खणे ।

जीसे मंदरगिरि गुरुओ उयरे वुत्थो तुमं महा मुनि ॥

मू. (१५१०) ति भाणिऊण विमुक्कमाणे सुत्तनिकुसुम-वुद्धि भत्ति-भरनिब्भरे विरइय-कर-
कमलजलीउ ति निवडिए ससुरासुरे देव-संघे गोयमा कुमारस्सणं चलणारविंदे पणच्चियाओ य
देव-सुंदरीओ पुणो पुणोऽभिसंयुणिय नमंसिय चिरं पञ्चवासिऊणं स-द्वाणेषुं गए देवनिवहे

मू. (१५११) से मयवं कहं पुन एरिसे सुलभबोही जाए महायसे सुहहिय-नामधेजे से णं
कुमारं महरिसी गोयमा तेणं समणभावड्डिएणं अन्न-जम्मम्मि वाया दंडे पउत्ते अहेसि तत्रिमित्तेणं
जावजीवं मूणव्वए गुरुव्वए से णं संघारिए अन्नं च तिन्नि महापाव-द्वाणे संजयाणं तं जहा-आऊत्तेऊ-
मेहुणे एते य सब्बोवाएहिं परिवज्जए ते णं तु एरिसे सुलभबोही जाए, अहन्नया णं गोयमा बहु-
सीसगण-परियरिए से णं कुमारमहरिसी पत्थइए सन्नेयसेलसिहरे देहद्वाय निमित्तेणं कालक्रमेणं
तीए चेव वत्तीणए जत्थ णं से राय-कुल-बालियानरिंदे चक्खु-कुसीले जाणावियं च रायउले आगओ
य वंदनवत्तिथाए सो इत्थी-नरिंदो उज्जाणयरम्मि कुमार-महरिसिणो पणामपुव्वं च उवविट्ठो स
पुरस्सरो जहोइए भूमिभागे मुणिणा व पवंधेणं कया देसणा तं च साऊणं धम्म-कहावसाणे उवविट्ठो
स परिवग्गो नीसंगत्ताए पव्वइओ गोयमा सो इत्थनरिंदो एवं च अद्यंत-धोर-वीरुग्ग-कट्ट दुक्कार-
तय-संजमानुद्वाण-किरियाभिरयाणं-

सव्वेसिपि अपडिकम्म-सरीराणं अप्पडिबद्धविहारत्ताए अद्यंतणिप्पिहाणं संसारिएसुं चक्कर-
सुरिंदाइ-इद्धि-समुदय-सरीर-सोवखेसुं गोयमा वच्छइ कोई कालो जाव णं पत्ते सन्नेय-सेल-सिहरब्भासं
तओ मणिया गोयमा तेनं महरिसिणा रायकुल-बालियानरिंदसमणी-जहा णं दुक्करं-कारिगे सिग्घं
अनुदुय-मानसा सव्व-भाव-भावंतरेहिं णं सुविसुद्धं पयच्छहिं णं नीसल्लालोयणं आढवेयव्वा य
संपयं सव्वेहिं अन्हेहिं देहद्वाय-करणेक्क-बद्ध-लक्खेहिं नीसल्लालोइय-निंदिय-गरहिय-जहुत्त-
सुद्धासय-जहो-वइट्ठ-कय-पच्छित्तुद्धिय-सल्लेहिं णं कुसलदिट्ठा संलेहणं तित्तओ णं जहुत्तविहीए
सव्वमालोइयं तीए रायकुल-बालिया नरिंदसमणीए जाव संभारिया तेनं महामुनिना जहा णं जं
अहं तथा रायत्थाणं उवविट्ठाए तए गारत्थ-भावम्मि सरागाहिलासाए संविक्किओ अहेसि तं आलोएह
दुक्कर-कारिए जेणं तुहं सव्वुत्तमविसोही हवइ तओ णं तीए मनसा परितप्पिऊणं अइचव-
लासयनियडी-निकेय-पावित्थीसभावत्ताए मा णं चक्खुकुसीलं ति अमुगस्स धूया समणीनमंतो
परिवसमाणी भन्नाहिमि ति चिंतिऊणं गोयमा भणियं तीए अभागाधिज्जाए जहा णं भगवं न मे
तुमं एरिसेणं अट्टेणं सरागाए दट्ठीए निज्झाइओ जओ णं अहयं ते अहिलसेज्जा किंतु जारिसेणं
तुब्भे सव्वुत्तम-पूव-त्तारुन्न-जोव्वण-लावन्न-कंति-सोहग्ग-कला-कलाव-दिन्नाण-नाणाइसयाइ-
गुणोह-विच्छ-हु-मंडिएहोत्थ विसएसुं निरहिलासे सुथिरे ता किमेयं तह ति किं वा नो णं तह ति
ति गुणोह-विच्छ-हु-मंडिएहोत्था विसएसुं निरहिलासे सुथिरे ता किमेयं तह ति किं वा नो णं तह
ति ति तुज्झं माण-परितोलणत्थं सरागाहिलासं चक्खुं पउत्ता नो णं चाभिलासिउ कामाए अहव्या
इणमेत्थ चेवालोइयं भवइ किमित्थ दोसं ति मज्झमवि गुणावहयं मवेज्जा किं तित्थं गंतूणं माया-

कवडेणं सुवन्नसयं केइ पयच्छे ताहे य अद्यंत-गरुय-संवेगमावन्नेणं धी छी छी संसार-चलित्थी-
सभावस्स णं ति चित्तिऊणं भणियं मुनिवरेणं जहा णं धि छि छिरत्थु पावित्थी-चलस्स भावस्सजेणं
तु पेच्छ पेच्छ एहमेत्ताणुकालसमएणं केरिसा नियडी पुत्तं ति अहो छलित्थीणं चल-चयल-
चडुल-चंचलासंठि फण्हमाणसाणं खणमेगवमवि दुज्जम्म-जायणं अहो सयलाकज्ज-भंडे हलियाणं
अहो सयलायस-अकित्ती-वुट्ठिकारणं -

अहो पावलम्माभिद्वज्जवसायाणं अहो अभीयाणं पर-लोग-गमणंधयार-घोर-दारुण-दुक्ख-
कंडू-कडाह-सामलि-कंभी-पागाइ-दुरहिया-साणं एवं च बहुमनसा परितप्पिऊणं अनुयसणा
विरहियधम्मैक-रसियसुपसंत-वयणेहिं णं पसंत-महुरक्खरेहिं णं धम्म-देसना पुव्वगेणं भणिया
कुमारेणं रायकुल-वालिया-नरिंद-समणी गोयमा तेनं मुनिवरेणं जहा णं-दुक्करकारिगे मा एरिसेणं
माया-पवंचेणं अद्यंत-घोर-वीरुग-कड्ड-सुदुक्कर-त्तव-संजम-सज्झाय-झाणाईहिं समज्जिए निरनुबंधि-
पुत्र-मम्मारे निष्फले कुण्णु न किंचि एरिसेणं माया-दंभेणं अनंत-संसारदायगेणं पओयणं
नीसंकमालोएत्ताण नीसल्ल-मत्ताणं कुरुअहवा अंधयार-नट्टिगानट्टमिव-धमिय-सुवन्नमिव एक्काए
फुक्कयाए जहा तहा निरत्थयं होही तुज्जेयं यालुप्पडण-भिक्षा-भूमी-सेजा बावीस परीसहोव-
सग्गाहियासणाइए काय-किलेस ति तओ भणियं तीए भग्गलक्खणाए जहा भयवं किं तुहेहिं
सद्धि छम्मेणं उल्लविज्जइ विसेसणं आलोयणं दाउमाणेहिं नीसंकं पत्तिया नो णं मए तुमं तक्कलं
अभिलसिउकामाए सरागाहिलासाए चक्खूए निज्झाइ उ ति किंतु तुज्ज परिमाण-तोलणत्थं
निज्झाइओ ति भणमाणी चेव निहणं गया कम्म-परिणइवसेणं समज्जित्ताणं बद्ध-पुट्ट-निकाइयं
उक्कोस-ठिइं इत्थीवेयं कम्मं गोयमा सा राय-कुल-वालिया नरिंद-समणि ति तओ य स-सीस-गणे
गोयमा से णं महच्छेरगभूए सयंबुद्ध-कुमार-महरिसीए विहीए संलिहिऊणं अत्तानगं मासं
पावोवगमणेणं सम्मेयसेलहिरम्मि अंतगओ केवलित्ताए सीसगण-समन्निए परिनिव्वुडे ति

मू. (१५१२) सा उन रायकुल वालिया नरिंद समणी गोयमा तेन मायासल्ल भाव दोसेणं
उववन्ना विज्जुकुमारीणं वाहणत्ताए नउलीख्वेणं किंकरीदेवेसुं ततो चुया समाणी पुणो पुणो
उववज्जंती वावज्जंति अहिंंडिया मानसु तिरिच्छेसुं सयल-दोहम्म-दुक्ख-दारिह-परिगया सव्वलोया-
परिभूया सकम्मफलमनुभवमाणी गोयमा जाव णं कह कह वि कम्माणं खओवसमेणं बहु-भवंतरेसुं
तं आयरिय-पयं पाविऊण निरयार-सामन्न-परिपालेणं सव्वत्थामेसुं च सव्वपमायालंबण-विष्ण-
मुक्केणं तु उज्जमिऊणं निदडहावसेसी-कय-भवंकुरे तहा वि गोयमा जा सा ससगा-चक्खुणालोइया
तया तक्कम्मदोसेणं माहणित्थित्ताए परिनिव्वुडे णं से रायकुल-वालियानरिंद-समणी जीवे ।

मू. (१५१३) से भयवं जे णं केई सामन्नमब्बुट्टेजा से णं एक्काइ जाव णं सत्त-अट्ठ-भवंतरेसु
नियमेणं सिज्जेजा ता किमेयं अणूणाहियं लक्ख-भवंतर-परियडणं ति गोयमा जे केई निरइयारे
सामन्ने निव्वाहेजा से णं नियमेणं एक्काइ जाव णं अट्ठभवतरेसुं सिज्जे जे उ णं सुहुमे बायारे केई
मायासल्ले वा आउकाय-परिभोगे वा तेउकायरिभोगे वा मेहुण-कज्जे वा अग्रयरे वा केई आणाभंगे
काऊणं सामन्नमइयरेजा से णं लक्खेण भवग्गहणेणं सिज्जे तं महइ लभे जओ णं सामन्नमइयरित्ता
बोहिं पि लभेजा दुक्खेणं एसा सा गोयमा तेनं माहणी जीवेणं माया कया जीए य एहमेत्ताए वि

एरिसे पावे दारुणे-विवागि ति ।

मू. (१५१४) से भयवं किं तीए मयहरीए तेहिं से तंदुलमल्लगे पयच्छिए किं वा णं सा विय मयहरी तत्येव तेसिं समं असेस-कम्मवखयं काऊणं परिनिव्वुडा हवेज्जा ति गोयमा तीए मयहरिए तस्स णं तंदुल-मल्लगस्सद्दाए तीए माहणीए धूय ति काऊणं गत्तमाणी अलंतराले चेव अवहरिया सा सुज्जसिरी जहा णं मज्झं गोरसं परिभोत्तूणं कहिं गच्छांसे संपयं ति आह वच्चा मो गोउलं अन्नं च-जइ तुमं मज्झं विणीया हवेज्जा ता अहयं तुज्झं जहिच्छाए ते कालियं बहु-गुल-घएणं अनुदियहं पायसं पयच्छिहामि जाव णं एयं भणिया ताव णं गया सा सुज्जसिरी तीए मयहरीए सच्चि ति तेहिं पि परलोगाणुद्वाणेक सुहज्जवसायाखित्तमाणसेहिं न संभरिया ता गोविंद-माहणाईहिं एवं तु जहा भणियं मयहरीए तथा चेव तस्स घय-गुल-पायसं पयच्छे अहन्नया कालकमेणं गोयमा वोच्छिन्ने णं दुवालस-संवच्छरिए महारोरेवे दारुणे दुब्बिक्खरे जाए णं रिद्धित्थिमिय-समिद्धे सव्वे वि जनवए अहन्नया पनुवीसं अनग्घेयाणं पवर-ससि-सूरकंताईणं भणि-रयणाणं घेत्तूण सदेस-गमणनिमित्तेणं दीहद्धाण-परिखिन्न-अंगयद्धी-पह-पडिबन्नेणं तत्येव गोउले भवियव्व-यानियोगेणं आगए अनुच्चरीय-नामधेजे पावमती सुज्जसिवे दिद्धा य तेनं सा कन्नगा जाव णं परितुलिय-सलय-तिहुयण-नर-नारी-रूव-कंति-लावन्ना तं सुज्जसिरिं पासिय घवलत्ताए इंदियाणं रम्मयाए किंपागफलोवमाणं अनंत-दुक्ख-दायगाणं विसयाणं विणिज्जियासेसतिहुयणस्स णं गोयर-गएणं मयर-केउणो भणियाणं गोयमा सा सुज्जसिरी ते णं महापावकम्मेणं सुज्जसिवेणं जहा णं हे हे कन्नगे-

जइ णं इमे तुज्ज संतिए जननी-जनगे समनुमन्नंति ता णं तु अहयं ते परिणेमि अन्नं च करेमि सव्वं पि ते बंधुवग्गमदरिदं ति तुज्झमवि घडावेमि पलसयमणूणं सुवन्नस्स ता गच्छ अरेणेव साहेसु माया-पित्तागं तओ य गोयमा जाव णं पहड्ड-तुद्धा सा सुज्जसिरी तीए मयहरी एयं वइयरं पकहेइ ताव णं तक्खणमागंकूणं भणिओ सो मयहरीए-जहा-भो भो पयंसेहि णं जं ते मज्झ धूयाए सुवन्न-पलसए सुंकिए ताहे गोयमा पयंसिए तेनं पवरमणी तओ भणियं मयहरीए जहा-तं सुवन्नसयं दाएहिं किमेएहिं डिंभ-रमणगेहिं पंचिट्ठगेहिं ताहे भणियं सुज्जसिवेणं जहा णं-एहिं वच्चा मो नगरं दंसेमि णं अहं तुज्झमिमाणं पंचिटाणं माहण्यं तओ पभाए गंतूणं नगरं पयंसियं ससि-सूर-कंत-पवर-भणि-जुवलणं तेनं नरवइणो नरवइणा वि सद्दाविऊणं भणिए पारिक्खी जहा-इमाणं परममणीणं करेह मुल्लं तोल्लंतेहिं तु न सक्किरं तेसिं मुल्लं काऊणं ताहे भणियं नरवइणा जहा णं भो भो भाणिक्खंडिया नत्थि केइ एत्थ जेणं एएसिं मुल्लं करेज्जा तो गिण्हसु णं दसकोडिओ दविणजायस्स सुज्जसिवेणं भणियं-जं महाराओ पसायं करेति नवरं इणमो आसन्न-पव्वय-सन्निहिए अन्हाणं गोउले तत्थ एगं च जोयणं जाव गोमीणं गोयर-भूमी तं अकरभरं विमुंचसु ति तसो नरवइणा भणियं जहा एवं भवउ ति एवं च गोयम सव्वं अदरिदमकरभरे गोउले काऊं तेनं अनुच्चरिय-नामधेजेणं परिणीया सा निययधूया सुज्जसिरी-सुज्जसिवेणं जाया परोप्परं तेसिं पीई जाव णं नेहानुराग-रंजिय-मानसे गमेति कालं किंचि ताव णं दइणं गिहागए साहूणो पडिनियवे हा-हा-कंदं करेमाणी पुद्धा सुज्जसिवेणं सुज्जसिरी जहा-पिए एयं अदिट्ठपुव्वं भिक्खायर-जुयलयं दइणं किमेयावत्थं गयासि तओ तीए भणियं ननु मज्झं सामिणी एएसिं महया भक्खन्न-पानेनं पत्त-भरणं किरियं तओ पहड्ड-तुद्ध-मानसा उत्तमंगेणं चलणागे पणमयंती ता मए अज्जं एएसिं

परिदंसणेणं सा संभारिय ति ताहे पुणो वि पुडा सा पावा तेनं जहा णं पिए उ तुज्झं सामिणी अहेसि तओ गोयमा णं दढं ऊसुसरुसुंभंतीए समन्नुगंधरविसंदुल्लंसुगगिराए साहियं सव्वं पिनिययवुत्तत्तं तस्सेति ताहे विन्नायं तेनं महापावकम्मेणं जहा णं निच्छयं एसा सा मंगया सुअसिरी न अन्नाए महिलाए एरिसा रुव-कंती-दिती-लावन्नसोहग्ग-समुदयसिरी भवेअ ति चिंतिऊण भणिउमाढत्तो तं जहा -

मू. (१५१५) एरिस कम्म-रयाणं जं न पडे खडहडितयं वज्जं ।

तं नून इमं चित्तेइ सो वि जहित्यविउ मे कत्थ सुज्झिस्सं ॥

मू. (१५१६) ति भाणिऊणं चित्तं पवत्तो सो महापावयारी जहा णं किं छिंदामि अहयं सहत्येहिं तिलं तिलं सगत्तं किं वा णं तुंगगिरियडाओ पन्निवित्तं दढं संचुत्तमि इनमो अनंतो-पाव-संचाय-समुदयं दुल्लं किं वा णं गंतूणं लोहयार-सालाए सुतत्तं-लोह-खंडमिव-घण-खंडाहिं चुन्नावेमि सुअरमत्ताणं किं वा णं फालावेऊणं मज्झोमज्झीए तिक्ख-करवत्तेहिं अत्तानं पुणो संभरावेमि अंतो सुकट्टियतउय-तंब-कंसलोए लोणूससज्जिगस्सरसं किं वा णं सहलोणं छिंदामि उत्तमं किं वा णं पविसामि मयहरं किं वा णं उभयरुक्खेसु अहोमुहं विणिबंधाविऊणमत्ताणं हेट्ठा पअलावेमि जलणं किं बहुना निद्वहेमि कट्टेहिं अत्ताणं ति चिंतिऊणं जाव णं मासणभूमीए गोयमा विरइया महती चिई ताहे सयल-जण-सन्निज्झं सुईरं निंदिऊण अत्ताणं साहियं च सव्व-लोगस्स जहा णं मए एरिसं एरिसं कम्मं समायरियं ति भाणिऊण आरुढो धीयाए जाव णं भवियच्चयाए निओगेणं तारिस-दव्व-चुन्न-जोगाणुसंसडे ते सव्वे वि दारु ति काऊणं फूइअमाणे वि अनेग-पयारेहिं तहा वि णं पयलिए सिही तओ य णं धिद्धिकारेणोवहओ सयल-गोववयणेहिं जहा-

भो भो पेच्छ पेच्छ हुयासणं पि न पअले पावकम्मं-कारिस्सं ति भाणिऊणं निद्धाडिए ते बेवि गोउलाओ ल्हावसरम्मि उ सन्नासन्न-सन्निवेसाओ आगए णं भत्त-पानं गहाय तेनेव मग्गेणं उज्जाणाभिमुहे मुणीण संघाडगे तं च दड्डुणं अनुमग्गेणं गए ते बेवि पाविट्ठे पत्ते य उज्जाणं जाव णं पेच्छंति सयल-गुणोह धारि घउन्नाण-समन्नियं बहु-सीसगण-परिकिन्नं देविंदं नरिंदं वंदिअमाणं-पायरविंदं सुगहिय-नामधेअं जगानंदं-नाम अनगारं तं च दड्डुणं चित्तियं तेहिं जहा नंदे मग्गामि विसोहि-पयं एस महायसे ति चिंतिऊणं तओ पणाम-पुव्वगेणं उवविट्ठे ते जहोइए भूमिभागे पुरओ गणहरस्स भणिओ य सुअसिवो तेनं गणहारिणा जहा णं भो भो देवाणप्पिया नीसल्लमालोएत्ताणं लधुं करेसुं सिग्घं असेस पाविट्ठ-कम्म-निद्वयणं पायच्छित्तं एसा उन आवन्नसत्ताए पाणयाए पायच्छित्तं नत्थि जाव णं नो पसूया ताहे गोयमा सुमहच्चंत-परम-महासंवेगगए से णं सुअसिवे आजम्माओ नीसल्लालोयणं पयच्छिऊण जहवइट्ठं घोरं सुदुक्करं महंतं पायच्छित्तं अनुचरित्ताणं तओ अच्चंत-विसुद्ध-परिणामो सामन्नमब्भुद्धिऊणं छव्वीसं संवच्छरे तेरस य राइंदिए अच्चंत-घोर-वीरुग्ग-कट्ठ-दुक्कर-तव-संजमं-समनुचरिऊणं जाव णं एग-दु-ति-चउ-पंच-छम्मासिएहिं खमणेहिं खवेऊणं निप्पडिकम्म-सरीरत्ताए अप्पमाययाए सव्वत्थामेसु अनवरय-महत्तिसाणुसमयं सययं सज्झाय-झाणाईसु णं निद्वहिऊणं सेस-कम्ममलं अउव्व-करणेण खवग-सेढीए अंतगड-केवली जाए सिद्धे य -

मू. (१५१७) से भयवं तं तारिसं महापावकम्मं समायरिऊणं तहा वी कहं एरिसेणं से सुज्झसिवे लहुं धेवेणं कालेणं परिनिव्वुडे त्ति गोयमा ते णं जारिसं भावट्टिएणं आलोयणं विइअं जारिसं संवेग-गएणं तं तारिसं घोरदुक्करं महंतं पायच्छित्तं समनुद्धियं जारिसं सुविसुद्ध-सुहज्झवसाएणं तं तारिसं अच्चंतक-घोर-वीरुग्ग-कट्ट-सुदुक्करं तव-संजम-किरियाए वड्डमाणेणं अखंडियए-विराहिए मूलुत्तरगुणे परिपालयंतेनं निरइयारं सामन्नं निव्वाहियं जारिसेणं रोद्धज्झाण-विप्पमुक्केणं निद्धिय-राग-दोस-मोह-मिच्छत्त-मय-भय-गारवेणं मज्झत्य-भावेणं अदीनमानसेणं दुबालस वासे संलेहण काऊणं पाओवगमनमनसणं पडिवन्नं तारिसेणं एतत्त सुहज्झवसाएणं ण केवलं से एगे सिज्झेज्जा जइ णं कयाइ परकय-कम्म-संकमं भवेज्जा ता णं सव्वेसिं पि भव्व-सत्ताणं असेस-कम्म-क्खय-काऊणं सिज्झेज्जा नवरं परकयकम्मं न कयादी कस्सई संकमेज्जा जं जेन समज्झियं तं तेनं समनुभवियव्वयं त्ति गोयमा जया णं निरुद्धे जोगे हवेज्जा तथा णं असेसं पि कम्मदुरासिं अनुकाल-विभागेणेव निद्धवेज्जा सुसंवुडा सेसासवदारे, जोगनिरोहेणं तु कम्मक्खए दिट्ठे न उण काल-संखाए जओ णं -

- मू. (१५१८) काले णं तु खवे कम्मं काले णं तु पबंधए ।
एगं बंधे खवे एगं गोयमा कालमनंतगं ॥
- मू. (१५१९) निरुद्धेहिं तु जोगेहिं वेए कम्मं न बंधए ।
पोराणं तु पहीएज्जा नवगस्साभावमेव तु ॥
- मू. (१५२०) एवं कम्मक्खयं विंदा नो एत्थं कालमुद्दिसे ।
अनाइकाले जीवे य तहा वि कम्मं न निद्धिए ॥
- मू. (१५२१) खाओवसमेमं कम्माणं जया वीरियं समुच्छले ।
कालं खेतं भवं भावं दव्वं संपप्प जीवे तथा ॥
- मू. (१५२२) अप्पमादी खवे कम्मं जे जीवे तं कोडि चडे ।
जो पमादि पुणो नं तं कालं कम्मं निबंधिया ॥
- मू. (१५२३) निवसेज्जा चउगईए उ सव्वत्थाच्चंत-दुक्खिए ।
तम्हा कालं खेतं भवं भावं संपप्प गोया ॥
भइमं अइरा कम्मक्खयं करे ॥

मू. (१५२४) से भयवं सा सुज्झसिरी कहिं समुववन्ना गोयमा छट्ठीए नरय-पुढवीए से भयवं केणं अट्टेणं गोयमा तीए पडिपुन्नाणं साइरेगाणं नवण्हं मासाणं गयाणं इणमो विचित्तियं जहा-णं पच्चुसे गव्वं पडावेमि, त्ति एवमज्झवसमाणी चेव बालयं पसूया पसूयमेत्ता य तक्खणं निहयं गया एतेनं अट्टेणं गोयमा सा सुज्झसिरी छट्ठियं गयं त्ति से भयवं जं तं बालगं पसविऊणं मया सा सुज्झसिरी तं जीवियं वा णं व त्ति गोयमा जीवियं से भयवं कहं गोयमा पसूयमेत्तं तं बालगं तारिसेहिं जरा-जरा-जलुस-जंबाल-पूइ-रुहिर-खार-दुगंधासुईहिं विलत्तमणाहं विलदमाणं दडूणं कुलाल-चक्कस्सोवरिं काऊणं साणेणं समुद्दिसिउमारद्धं ताव णं दिट्ठं कुललेणं ताहे धाइओ सधरणिओ कुलालो अविण्णसिय बाल-तणू पणडो साणो तओ कारुन्न-हियएणं अपुत्तस्स णं पुत्तो एस मज्झ

होहिइ ति वियपिऊणं कुललेणं सण्णिओ से बाल्लगे गोयमा स इइसाण सीए य सव्वण्व-नेहेणं परिवालिऊणं मानुसी कए से बाल्लगे कयं च पामं कुललेणं लोगानुवित्तीए सजणगाहिहाणेणं जहा णं सुसद्धो अन्नया कालकमेणं गोयमा सुसाहु-संजोग-देसणापुव्वेणं पडिबुद्धे णं सुसद्धे पव्वइए य जाव णं परम-सद्धा-संवेग-वैरग्ग-गए-अच्चंत-वीरग्ग-कड्डसुदुक्करं महाकायकेसं करेइ संजमं जयणं न याणइ अजयणा दोसेणं तु सव्वत्थ असंजम-पएसु णं अवरज्जे तओ तस्स गुरुहिं भणियं जहा मो भो महासत्त तए अन्नाण-दोसओ संजम-जयणं अयाणमाणेणं महंते काय-केसे समाढत्ते नवरं जइ निच्चालोयणं दाऊणं पायच्छित्तं न काहिंसी ता सव्वमेयं निष्फलं होही ता जाव णं गुरुहिं चोइए ताव णं से अणवरयालोयणं पयच्छे से वि णं गुरु तस्स तहा पायच्छित्ते पयाइ जहा णं संजम-जयणं ननु एगंतेनेव अहत्तिसाणुसमयं रोदइ-ज्झाणाइविप्पमुक्के सुहज्झवसाय-निरंतरे पविहरेअ अहन्नया णं गोयमा से पावमती जे केइ छट्ठ-ठम-दसम-दुवालसद्धमास-मास-जाव णं छम्मास-खवणाइए अत्रयरे वा सुमहं काय-केसाणुगए पच्छित्ते से णं तह ति समनुद्वे जे य उणं एगंत-संजम-किरियाणं जगणाणुगए मणोवइ-काय-जोगे सयलसव-निरोहे सज्झाय-ज्झाणावस्स-गाईए असेस-पाव-कम्म-रासि-निदहणे पायच्छित्ते से णं पमाए अवपप्पे अवहेले असद्धहे सिद्धिले जाव न किल किमित्तं दुक्करं ति काऊणं न तहा समनुद्वे अन्नया णं गोयमा अहाउयं परिवालिऊणं से सुसद्धे मरिऊणं सोहम्मे कप्पे इंदसाभाणिए महिद्धी देवे समुप्पन्ने तओ वि चविऊणं इहइ वासुदेवो होऊणं सत्तम-पुढवीए समुप्पन्ने तओ उवव्वइ सभाणे महा काए हत्थी होऊणं मेहुणा-सत्त-मानसे मरिऊणं अनंत-वणस्सतीए गय ति एस णं गोयमा से सुसद्धे जे णं ।

मू. (१५२५) आलोइय-निंदियगरहिए णं कय-पायच्छित्ते वि भवित्ताणं ।

जयणं अयाणमाणे भमिही सुइरं तु संसारे ॥

मू. (१५२६) से भयवं कयराओ य तेनं जयणा न विन्नाया जओ णं तं तारिसं सुदुक्कारं काय-केस काऊणं पि तहा वि णं भमिहिइ सुइरं तु संसारे गोयमा जयणा नाम अद्धारसण्हं सीलंग-सहस्साणं संपुत्राणं अखंडिय-विराहियाणं जावजीव-महन्तिसाणुसमयं धारणं कसिणं संजम-किरियं अनुभवंति तं च तेनं न विन्नायंति ते णं तु से अहन्ने भमिहिइ सुइरं तु संसारे से भयवं केणं अट्ठेणं तं च तेनं न विन्नायंति ता सिद्धीए मनुवयंते नवरं तु तेनं बाहिर-पानगे परिभुत्ते बाहिरपाणग परिभोइस्स णं गोयमा बहूइ वि कायकेसे निरत्थगे हवेज्जा जओ णं गोयमा आऊ-तेऊ-मेहुणे एए तओ वि महापावद्वाणे अबोहिदायगे एगंतेनं वि वज्जियव्वे एगंतेनं न समायरियव्वे सुसंजएहिं ति एतेनं अट्ठेणं तं च तेनं न विन्नाय ति से भयवं केणं अट्ठेणं आऊ-तेऊ-मेहुणे ति अबोहिदायगे समक्खाए गोयमा णं सव्वमवि छक्काय-समारंभे महापावद्वाणे किंतु आऊ-तेउकाय-समारंभे णं अनंत-सत्तोवधाए मेहुणासेवणेणं तु संखेज्जासंखेज्ज-सत्तोवधाए धन-राग-दोस-मोहाणुगए एगंत-अप्प-सत्त्यज्झवसायत्तमेव जम्हा णं एवं तम्हाओ गोयमा एतेसिं समारंभासेवणपरिभोगादिसु वट्टमाणे पाणी पढममहव्वयमेव न धारेज्जा तयभावे अवसेसमहव्वय-संजमद्वाणस्स अभावमेव जम्हा एवं तम्हा सव्वहाविराहिअ सामन्ने जओ एवं तओ णं पवत्तियसंमग्गपणासित्तेणेव गोयमा तं किं किंपि कम्मं निबंधेज्जा जे णं तु नरय-तिरिय-कुमानुसेसु अनंत-खुत्तो पुणो पुणो धम्मो ति

अक्खाई सिमिणे वि णं अलभमाणे परिममेआ एएणं अट्ठेणं आऊ-तेऊ-मेहुणो अबोहिय-दायगे गोयमा समक्खाए ति, से भयवं किं छट्ठ-ठम-दसम-दुवालसद्वय-भास-मासे जाव णं छम्मास-खयणाईणं अम्रंत-घोर-धीरुग-कट्ठ-सुदुकरे-संजम-जयणावियले सुमहंते वि उ काय-केसे कए निरत्यगे हवेआ गोयमा णं निरत्यगे हवेआ से भयवं केणं अट्ठेणं गोयमा जओ णं खरुट्ठ-महिस-गोणादओवि संजमजयणावियले अकाम निजराए सोहम्म-कम्पाइसु वयंति तओ वि भोग-खएणं-चुए समाणे तिरियादिसु संसारमनुसरेआ तहाय दुग्गं-धामेज्झचिलीण-खारपित्तोज्झ-सिंभपडहत्थे-वसा-जलसु-पूइ-दुद्धिणि-चिलिविले-रुहिर-चिक्खल्लअ दुहंसणिअ-धीमच्छ-तिमिसंधयारए गंतुव्वियणिअ-गम्भ-पवेस-जम्म-जरा-मरणाई-अणेग-सारीर-मणोसमुत्थ-सुघोर-दारुण-दुक्खाण-मेव भायणं भवन्ति न उण संजम-जयणाए विणा जम्म-जरा-मरणाइएहिं घोर-पयंड-महारुह-दारुण-दुक्खाणं निव्वणमेगंतियममंतियं भवेआ -

एतेणं अट्ठेणं संजम-जयणावियले सुमहंतेवि काय-केसे पकए गोयमा निरत्यगे भवेआ से भयवं किं संजम-जयणं समुप्पेहमाणे समनुपालेमाणे समनुट्ठेमाणे अइरेणं जम्म-मरणादीणं विमुच्चेआ गोयमा अत्येगे जे णं नो अइरेणं विमुच्चेआ से भयवं केणं अट्ठेणं एवं बुद्धइ जहा णं अत्येगे जेणं नो अइरेणं विमुच्चेआ अत्येगे जे णं अइरेणेव विमुच्चेआ गोयमा अत्येगे जे णं किंचिउ ईसि मणगं अत्ताणगं अनोवलक्खमाणे सराग-ससत्ते-संजम-जयणं समनुट्ठे जे णं एवंविहे से णं धिरेणं जम्म-जरा-मरणाई अनेग-संसारिय-दुक्खाणं विमुच्चेआ अत्येगे जे णं निम्मूलुद्धिय-सव्वसत्ते निरारंभ-परिगहे निम्ममे निरहंकारे ववगयराग-दोस-मोह-मिच्छत्त-कसाय-मलकलंके सव्व-भावभावंतरेहिं णं सुविसुद्धासए-अदीन-माणसे एगंतेनं निजरापेही परम-सद्धा-संवेग-वेरग्गए विमुक्कसेस मय-भय-गारव-विचित्ताणेग-पमायलवणे जाव णं निजिय-घोर-परीसहोवसग्गे ववगयरोहट्ठज्झाणे असेस-कम्म-खयट्ठाए जहुत्त-संजम-जयणं समनुपेहिंआ पालेआ अनुपालेआ समनुपालेआ जाव णं समनुट्ठेआ जे य णं एवंविहे से णं अरेणं जम्म-जरामरणाइ अनेगसंसारिय-सुदव्विमोक्ख-दुक्खजालस्स णं विमुच्चेआ एतेनं अट्ठेणं एवं बुद्धइ-जहा णं गोयमा अत्येगे जेणं नो अरणं विमुच्चेआ अत्येगे जे य णं अइरेणेव विमुच्चेआ से भयवं जम्म-जरा-मरणाइ-अनेग-संसारिय-दुक्ख-जाल-विमुक्के समाणे जंतू कहिं परिवसेआ गोयमा जत्थ णं न जरा न मच्चू न वाहिओ नो अयसव्वक्खाणं संतावुव्वेग-कलि-कलह-दारिद्र-दंद-परिकेसं न इट्ठ-विओगो किं बहुना एगंतेनं अक्खय-धुव-सासय-निरुवम-अनंत-सोक्खं मोक्खं परिवसेअ ति वेमि ।

● अष्टमं अज्झयणं / बिइया चूलिया समत्ते ●

मू. (१५२७) ॐ नमो चउवीसाए तित्थंकराणं, ॐ नमो तित्थस्स, ॐ नमो सुयदेवयाए भगवईए, ॐ नमो सुयकेवलीणं ॐ नमो सव्वसाहूणं ॐ नमो (सव्वसिद्धाणं) ॐ नमो भगवओ अरहओ सिज्झउ मे भगवई महइ महाविआ वइइए म ह अ अ वइइए, ज य वइइए स ए ण वइइए वद्ध न् अ अ ण् अ वइइए ज य् अ इत् ए अ प् अ र् अ अ ज् इ ए स व् अ अ ह अ अ

(वीरे महावीरे जयवीरे सेणवीरे वद्धमाणवीरे जयइ ते अपराजिए स्वाहा)

उपचारो चउत्थभत्तेणं सहिअइ एसा विआ सव्वगओ ण् इ त्थ् अ अ र ग् प् अ अ र ग् अ ओ
होइ उवइ अ अ व नण् अ अ गणस्स दा अ ण् उ ण् ण् आ ए एसा सत्तवारा परिजवेयव्वा
(नित्यारगो पारगो होइ)

जे णं कप्पसमत्तीए विआ अभिमंतिऊणं विग्घविणाइगा आराहंति सूरे संगामे पविसंतो
अपराजिओ होइ जिनकप्प-समत्तीए विआ अभिमंतिऊण खेमवहणी मंगलवहनी भवति ।

मू. (१५२८)

चत्तारि सहस्साइं पंचसयाओ तहेव चत्तारि ।

सिलोगा वि य महानिशीहन्मि पाएण ॥

—X—X—

३९

षष्ठं छेदसूत्रं-महानिशीथं समाप्तम्

मुनि दीपरत्न सागरेण संशोधिता सम्पादिता

महानिशीथ-छेदसूत्रं - (मूलं) परिसमाप्तं